



Patauſ Typis Seminary

# ROMANORUM PONTIFICUM

## BREVIS NOTITIA

Ritus Ecclesiasticos a singulis institutos  
præcipue declarans.

## ACCEDIT ONOMASTICON

*Vocum obscuriorum quæ in Missali, Brevia-  
rio, Martyrologio Romano, & hac  
Notitia continentur.*

AUCTORE  
GUILLIELMO BURIO

Bruxellensi, Eccles. Metrop. Mechlin.  
Canonico Zellariensi.




PATAVII, MDCCXXIV.

Ex Typographia Seminarii.

Apud Joannem Manfrè.

*Superiorum Permissu, & Privilegio.*





<sup>mo</sup> *Illustr. ac Rever. D.*

AUGUSTINO

EPISCOPO SPIGACENSI

PRÆLATO DOMESTICO,

& ASSISTENTY.

Hieronimus de Blanchis  
F.



*Ui a Te pro-  
fectus, Te auctore atque  
impulsore lucem primum in  
his regionibus videt, ad Te*

a 3

redire

redire gestit, Vir Illustris-  
sime ac Reverendissime, Ti-  
bique inscribi jure quodam  
suo postulat Libellus iste; in  
quo omnium Romanorum Pon-  
tificum Series, gesta præci-  
pua, & quæ ad Ecclesiasti-  
cos ritus pertinent, brevi  
narratione comprehensa con-  
tinentur. Neque hac una de  
caussa ad te adfectat iter;  
verum, quod cum dignita-  
te, tum virtute, & Catho-  
lica fidei dilatanda studio  
ad probatissimos quosque ex  
istis accedas multo maxi-  
me. Tuis enim laboribus pla-  
ne Apostolicis effecisti, ut  
Romane Sedis & Religionis  
splendor ibi quoque affulge-  
ret, ubi densissima cujusdam  
noctis tenebræ a multis re-  
tro annis se se offuderant.  
Siquidem Regibus, ac Prin-  
cipibus summis apprime ca-  
rus,

*rus, cum apud eos Religio-  
nis rationes & negotia pro-  
curares, id egisti consilio,  
prudentia, auctoritate, ut  
ipsa in Sede, ut ita dicam  
Lutheranæ Sectæ Templum  
magnificentissimum exstrue-  
retur, quod Sacris Mysteriis  
Romano ritu publice pera-  
gendis a Te dedicatum in-  
serviret. Quod Tu ipse sæ-  
penumero fecisti tanta cum  
celebritate & admiratione  
omnium, ut Catholica in  
Civitate versari videreris.  
Eruere isto tam præclaro ex-  
cellentis virtutis Tuae fructu  
(quæ utinam altiore loco posita  
aliquando conspiciatur) &  
publicam hanc meæ in Te  
voluntatis & observantiæ si-  
gnificationem æqui bonique  
consule.*

# PRÆFATIO

A B

## LECTOREM.

**P**rolixam Romanorum Pontificum Historiam non exhibeo, Benevole Lector, sed brevem tantummodo singulorum Notitiam; quid potissimum in Ecclesia ab illis institutum, quid actum præcipue fuerit, unde sacrorum Rituum antiquitas colligi facile poterit. Ducentos & quinquagintaquinque usque ad præsentem Pontificem Optimum Maximum Benedictum XIII. numero. Non ignoro propter Joannes, Felices, Stephanos, Bonifacios, Benedictos, Martinos, & Silvestros, de quibus quot fuerint controvertitur, in supputatione aliquod esse discrimen. Notitia tamen hæc, & præsertim Elenchi Sectio vigesi-



*P R A E F A T I O .*

gesima quinta, controversiam hanc, si plane non dirimit, breviter saltem declarat. De Notæ non ita bonæ Pontificibus quid dicam? scio quacumque ratione operienda esse a filiis verenda Patrum. Sed quid tum postea? si Historiæ Pontificiæ Scriptores etiam Orthodoxi, quæ ego pro instituto paucis expono, ea pluribus passim narrant? Nam nihil de Heterodoxis dico, qui nullos fere præter trium priorum sæculorum Pontifices usque ad Silvestrum pro legitimis agnoscunt. Verum gratiæ Deo habendæ, quod in tanto hætenus Pontificum numero pauci admodum moribus non omni ex parte incorruptis extiterint, cum vel inter duodecim a Christo electos Apostolos, & inter septem cooptatos ab Apostolis Diaconos sua pestis fuerit. Quare inter tot a Deo

## *P R A E F A T I O .*

per homines creatos Pontifices decem aut duodecim non omnino probatae virtutis inveniri, non est magno pere admirandum. Laborant & ipsi vitio infirmitatis ingenitae, ac peccatis ut ceteri hominum obnoxii sunt. Pontifices Summi, & Sanctissimi dicti, non propter mores semper sanctos, sed propter Ecclesiam ipsam, cui praesident, Sanctam, & munus, quod in ea exercent, sanctissimum. Licet vero Deus Sedem Apostolicam ita semper conservaverit, ut ab Arianis, Donatistis, Pelagianis, & similibus monstribus occupata nunquam fuerit; Deo tamen non placuit, Domnos Apostolicos omnes vitiis omnibus eximere: ut intelligamus Religionem Christianam non in hominum perfectione, sed in Dei verbo, & Ecclesiae Fide fundatam

*P R A E F A T I O .*

datam fuisse . Animadvertendum propterea est , tempore prope medio inter hoc nostrum & Christianitatis primordium , circa Sæculum nempe Nonum , eos ferme extitisse , qui a priorum pietate Pontificum , non a doctrina sana descivere ; Deum tamen Ecclesiam suā nunquam deseruisse , Principibus Christianis sanctitate conspicuis ( uti recte advertit Baronius ) eam vel tum maxime fulciendo : ita ut quod in uno defuit , in alio Providentia Divina suppleverit . Et hæc quidem de Notæ non ita bonæ Pontificibus . De humili autem loco natis , ac de juvenibus ad Pontificiam Dignitatem evectis , uti de paucis minus literatis , ac illegitimo toro procreatis , omnia pro singulorum notitia paucis indicantur . Ordinis Augustiniani , & Benedictini Pon-

*P R A E F A T I O .*

tifices exacte cognoscere non potui ; quia inter ipsos adhuc controvertitur ex utro Ordine qui fuerint : sed numerum , quem ipsi fere tenent , apposui , eosque de quibus est controversia , utrisque ascripsi : quod nimirum aliqui ex uno in alterum Ordinem subinde transferint . De posteriorum Ordinum Regularium Pontificibus , ex illorum Annalibus clariora haberi possunt Pseudopontifices & Schismaticos libere omnes profero ; qui , quod Christi Tunicam , id est Ecclesiam , distraxerint ac fœdaverint , non tam notitia quam nota mala digni sunt . Prophetiam de Summis Pontificibus ab anno Christi 1143. ad finem usque mundi futuris , sancti Malachiæ , non veteris Testamenti Prophetæ , sed Ordinis Cisterciensis , & Armacani in Hibernia

## P R A E F A T I O .

nia Archiepiscopi, huic Notitia non infero . Nam praedictionibus istis nulla habenda fides est , tum quod etiam ad Pseudopontifices detorqueri soleant , tum quod ea , quæ ad legitimos Romanæ Ecclesiæ Antistites pertinent , vaticinia tam longe petenda sint , ut non nisi inepte & per vim illis possint accommodari . Quis vero tam excors est , qui non videat , hariolationem istam penitus labefactari ac funditus everti testimonio illo , atque adeo oraculo Christi Domini apud S. Marcum 13.32. apertissime asserentis , *De die autem illo* , hoc est mundi fine , & extremo iudicii die , *nemo scit ?* Etenim post accommodatam Pontifici , qui nunc in Petri Cathedra sedet , prænotionem , quæ ad ipsum spectat , est autem *Miles in Bello* , adhuc restarent 20. futuri Pontifices ,  
quo-



P R A E F A T I O .

quorum ultimo regnante prædicatur fore , ut *Civitas septicollis diruatur* , & *Judex tremendus judicet populum suū* . Itaque cum experientia constet , nullum adhuc ex tot legitimis Pontificibus , qui Romanam Ecclesiam administrarunt , ad annos Petri pervenisse , fidenter asserere licet , nec ullum ex paucis illis , qui reliqui sunt , per totidem annos esse regnaturum . Ex quo fit , ut si non certa & explorata ratione , saltem probabili admodum , nec a scopo multum aberrante conjectura summus ille dies præcognosci possit , quo Christus Dominus de universo hominum genere est judicaturus . Habeant sibi per me licet hæc omnia , & id genus alia , qui fabulis & inanibus rebus delectantur ; ego quidem certe tamquam commentitia , Sanctoque Malachiæ supposita procul  
aman-

*P R A E F A T I O :*

amandanda cenſeo . Poſtea legitimos omnes huc uſque Pontifices verſibus Technicis 157. concludo : quod & Nicolaus quidam Miniacutius Canonicus Regularis Lateranenſis uſque ad Alexandrum III. Pontificem 177. abhinc annis quingentis conatus fuit ; unde verſus pauculos accepiffe me non inficior : ſed conferantur ipſius cum hiſce , & differentia apparebit . Nam præterquam quod omnes , quantum nomina propria permittunt , ſuis metris conſtant , & paſſim Leonini ſive Rhythmici ſunt ; uniuſcujuſque Pontificis non tantum nomen , ſed etiam numerus nominis verſibus hiſ intexitur , ſuperaddito ſingulis ordine ſucceſſionis , & ad latus anno Chriſti , unde facili negotio quoſcunq; , & quotus quiſque ſederit , colligi poterit . Præterea ſingulorum nationem ,

ac

P R A E F A T I O .

ac tempus sessionis , non exactum illud semper mensium & dierum ( nam de eo inter Scriptores non convenit ) sed annorum quos propius attigerunt ascripti , ut cum triginta Elenchi sectionibus omnia melius conveniant ; quarum titulos hic breviter subjicio : Prima Sectione referuntur *Pontifices ab Ecclesia pro Sanctis habiti* . 2. *Decem primæ Ecclesiæ persecutiones quos Pontifices sustulerint* . 3. *Viginti Concilia Generalia sub quibus Pontificibus habitæ* . 4. *Ex Religiosis Ordinibus ad summum Pontificatum assumpti* . 5. *Qui & quot variarum Nationum Pontifices* . 6. *Optimæ præ reliquis notæ* . 7. *Inviti & renitentes electi* . 8. *Qui Consanguineos non respexerunt* . 9. *Nobiliori prosapia orti* . 10. *Tenui parentela nati* . 11. *Notæ non ita bonæ* . 12. *Minus literati* . 13. *Juvenes ad Pontificatum assumpti* . 14. *Pontifices aliquot*  
die-

## P R A E F A T I O .

dierum . 15 . Aliquot mensium .  
16 . Eo Pontificatus anno mortui , quem nomine praeferebant .  
17 . Papatus praeter reliquis diuturnus . 18 . Pontifices qui Imperatores coronarunt . 19 . A quibus primum Sancti canonizati . 20 . Annum Jubilaeum quinam haecenus celebrarint . 21 . Avenione in Gallia residentes . 22 . Pseudo-pontifices . 23 . Diuturnae Sedis Apostolicae vacationes . 24 . Pontifices non ex Cardinalibus electi . 25 . Differentia in numero & nomine Pontificum . 26 . Qui primum nomen mutarint . 27 . Ante Papatum legitime uxorati . 28 . Pontificum Nepotes ad Pontificatum assumpti . 29 . Musici , Medici , Spurii , & Fratres sibi in Pontificatu succedentes . 30 . Omnes haecenus Romani Pontifices 157 . versibus Technicis descripti . Tandem habes Onomasticum , quo voces Ecclesiasticae obscuriores clare & dilucide explicantur .

Non

*P R A E F A T I O .*

Non enim videbatur opusculum sufficiens , ut libro separato ederetur : emendatum forsan & auctum tempore cresceret. Nonnulla hic , fateor , pluribus nota erunt , at non item hujusce eruditionis expertibus : neque eo consilio proferuntur , ut passim observentur , & ab usu quotidiano recedatur ( quot enim Ecclesiæ hodie utuntur ipso Breviario jussu Urbani Octavi , magno & longo labore diligenter accurateque correcto? ) sed ut per Etymologiam res ipsæ clarius innotescant. Etenim expedit , ut unusquisque artis suæ vocabula non ignoret . Nam pudor est literatos interdum Laicos melius intelligere voces Ritus Ecclesiasticos significantes , quàm ipsos Clericos , qui eas quotidie usurpant . Pluribus te non moror , Benigne Lector , nisi ut animo benevolo ,  
qualia-



## P R A E F A T I O .

qualiacumque sint, hæc accipias, & consideres illud Apostoli effatum 1. ad Cor. 12. *Alii datur per Spiritum sermo sapientiæ, alii sermo scientiæ, alii genera linguarum, alii interpretatio sermonum*: quod postremum si mihi concessum fuerit, licet alia non acceperim, me voti compotem factum, existimabo.



JESUS  
CHRISTUS  
PONTIFEX

OMNIUM QUI FUERUNT,  
SUNT, ET ERUNT,

MAXIMUS.

*ad Heb. 7.*

**Q**UI EO, QUOD  
MANEAT IN  
ÆTERNUM,  
SEMPITER-  
NUM HABET SA-  
CERDOTIUM; cum  
Ecclesiam suam constitue-  
re, & Vicariam summi sui  
Sacerdotii potestatem in u-  
num aliquem, & eos omnes,  
qui legitima successione se-  
querentur, transferre vellet,  
Simonē Petrum præ reliquis  
suis Apostolis elegit, cui non  
sine mysterio Nomen novum  
indidit, dicens Joannis 1. *Tu*

*es Simon filius Jonæ , tu vo-  
caberis Cephās , quod inter-  
pretatur Petrus . Unde fortas-  
se consuetudo ortum trahit ,  
longo tamen post tempore  
observari cœpta , ut ad sum-  
mum Pontificatum evecti  
propriū nomen in aliud  
mutare soleant , ut simul  
cum nomine pristinos mo-  
res exuisse censeantur . Fuit  
autem Pontificatus a Chri-  
sto , antequam mortem pa-  
teretur , Petro hisce verbis  
Matthæi 16. promissus : Tu  
es Petrus , & super hanc pe-  
tram ædificabo Ecclesiam meā ,  
& tibi dabo claves Regni Cœ-  
lorum : post Passionem ta-  
men dumtaxat collatus ;  
quod ut ait Divus Thomas  
in Matthæum , Claves istæ  
nondum essent fabrefactæ , &  
Christi sanguine intinctæ ac  
temperatæ , cum quo pariter  
virtus ac efficacia Sacramento-  
rum , & Clavium potestas ef-  
fluxit ; quam Christus Petro  
con-*

conferre volens, eum singil-  
 latim hisce verbis Joannis  
 21. semel, iterum, ac ter-  
 tio interrogat: *Simon Joannes diligis me plus his?* cum-  
 que respondisset toties Pe-  
 trus: *Etiā Domine tu scis,*  
*quia amo te:* tum Christus  
 totidem vicibus subjunxit:  
*Pasce Agnos meos.* Ter hoc  
 modo examinatus Petrus,  
 iussione triplicem accepit,  
 doctrinæ verbo, vitæ exem-  
 plo, ac subsidio temporali,  
 oves sibi creditas procuran-  
 di. Insuper trinam illam de  
 dilectione Petri interrogatio-  
 nem ideo a Christo factam  
 fuisse ait sanctus Augustinus,  
 ut redderetur negationi trinæ  
 triplex Confessio, ne minus a-  
 mori lingua serviat quam timo-  
 ri, & plus vocis elicuisse vi-  
 deatur mors imminens, quam  
 vita præsens; essetque amoris  
 officium pascere Dominicum  
 Gregem, si fuit timoris indi-  
 cium negare Pastorem. Chri-  
 stus

Tract. 123.  
 in Joan. in  
 med.

stus itaque cum vixisset in  
terris annos triginta tres, &  
tres menses, ac post Resur-  
rectionem suam per dies qua-  
draginta vivum se Viris, Fœ-  
minis, Discipulis, Aposto-  
lis, ac plusquam quingentis  
Fratribus exhibuisset; feria  
quinta, Jovis dicta; quarta  
decima Maii ( cum simili  
ante sex septimanas die,  
Cæna Legali quoad esum  
Agni Paschalis celebrata,  
Corporis & Sanguinis sui Sa-  
cramentum instituisset, ac  
duodecim suos Apostolos  
Sacerdotes consecrasset ) præ-  
sentibus & intuentibus un-  
decim, e vertice Montis O-  
livarum, sex ab Hierosoly-  
ma stadiis distante, in cœ-  
lum ascendit, oculisque o-  
mnium se subtraxit, relin-  
quens Petrum suum in ter-  
ris Vicarium, non successo-  
rem; nam Christo succedere  
nemo potest. Successor e-  
nim tunc datur, quando alius  
ab

*Petrus  
Christi Vi-  
carius, nō  
Successor.*

*Romanus  
Pontifex,  
Petri Suc-  
cessor, non  
Vicarius.*

ab officio amovetur, & desinit Magistratum gerere, alio in ejus locum suffecto: Christus autem manet Pontifex in æternum. Neque e contrario ullus Romanus Pontifex Petri Vicarius, sed Successor dicendus. Ipse enim munus Pontificium, non nomine Petri, sed Christi ministrat, licet Petro succedat: & auctoritatem, qua utitur, ac potestatem, quam habet ligandi atque solvendi, a Christo habet non a Petro. Petrus siquidem ut a vita, sic a Pontificatu discessit. Qui Petro succedit, Vicarius Christi est, qui vivit Pontifex in æternum. Igitur Romanos Pontifices, non Successores, sed Vicarios Christi; at Petri non Vicarios, sed Successores dicemus, nisi nominum, & rerum significatione abuti volumus.

# ROMANORUM PONTIFICUM

## BREVIS NOTITIA.



ANCTUS PETRUS ANNO  
Christi Vicariatum ab CHRISTI  
ipso Domino acceptum 34.

tenuit ab anno Christi  
stiano quarto & trige-  
simo usque ad septuagesimum; quod  
est spatium sex & triginta anno-  
rum: nimirum Hierosolymæ annis  
5. Antiochiæ 7. Romæ 24. mensi-  
bus 5. diebus 10. Petrum instituis-  
se tempus Adventus Christi, per  
tres hebdomadas integras, & u-  
nam non integram annue obser-  
vandam, affirmat G. Durand. in Ra-  
tionali Divin. Offic. lib. 6. cap. 2.  
Quadragesimam ab eodem institu-  
tam fuisse, ex Radulpho probat B.  
Gavantus in Rubricis de Quadrag.  
quod Pascha semper celebretur in  
die Solis, jam Dominica dicta, ex  
auctoritate D. Petri esse narrat C.  
Baronius ad annum Christi 58. n.  
82. in prima Missa ante omnes A-  
postolos festo Pentecostes ab ipso  
celebrata, post Consecrationem  
A dixit

*Adventus*

*Quadrage-  
sima.*

*Pascha die  
Dominica.*



*Pater noster  
in Missa.*

*Consecra-  
tionis for-  
ma vox e-  
nim.*

dixit Orationem Dominicam, sive *Pater noster*; quod & Apostoli deinde usurparunt: neque Missa, teste Gregorio lib. 7. Epist. 63. aliis partibus primum constabat, quam Consecratione, Oratione Dominica, & Communione; quæ Oratio cæteris etiam omissis, uti in die Parasceves, nunquam prætermittitur. Consecrationis Eucharisticæ formæ a Christo editæ vocem illam enim a Petro insertam fuisse ait S. Thomas 3. p. qu. 78. art. 2. ad 5. Fuit Petrus origine Syrus, natus Bethsaidæ Galilææ civitate; vico, habet Breviarium Romanum Festo S. Andree. Simeon Metaphrastes ait, Bethsaidam fuisse parvâ & ignobilem Capharnaitani agri civitatem, sitâ ad littus magni lacus Genesareth, sive Maris Tiberiadis. Petri annos fere viginti-quinque, quibus Romæ rexit Ecclesiam, nemo Pontificum Romanorum hæcenus vidit. Nomen Petrus est a Græco, ἰ Πέτρα, Latine Saxum, Syriace Cephas; quod, ut ait Evangelium, interpretatur Petrus, super quam Petram Christus ædificavit Ecclesiam suam.

2. **L**INUS, primus post Petrum (uti Breviarium Ro-



Romanum 23. Septemb.) gubernavit Ecclesiam: cujus tanta fides & sanctitas fuit, ut non solum demones ejiceret, sed etiam mortuos ad vitam revocaret. Sancivit ne qua mulier nisi velato capite Ecclesiam introiret: scripsit res gestas B. Petri, & ea maxima quæ ab illo acta sunt contra Simonem Magum; item de Petri & Pauli Agone libros duos. Illum Princeps Apostolorum, dum universalis Ecclesiæ sollicitudine, ab Urbe in diversas Christiani Orbis Provincias evocaretur, ordinavit Coepiscopum, sive Coadjutorem suum una cum Cleto: & Linus quidem intra Urbem, Cletus autem extra, in suburbiis vicariam gerebant potestatem: & quamvis Petrus Clementem in Apostolica Cathedra successorem paulo ante mortem designasset, Clemens tamen modestia usus juri suo cessit, & Linus Pontifex Romanus electus fuit, ac dein Cletus: Clemens itaque fuit secundus Petri designatione, non Ecclesiæ nominatione aut electione, quæ Lino, ac deinde Cleto tributa fuit; idque non sine Divino consilio, ne in posterorum exemplum transfiret successores sibi in Pontificatu eligere, & liber-

*Mulieres in Ecclesia velato capite.*

*Successores in Pontificatu non eligendi.*

#### 4 ROMANORUM PONTIFICUM

*Pa'llium  
Pontificis.*

tas Ecclesiæ in constituendo Pastore isto modo adempta foret; vide paulo post in Clemente . In antiquis Vaticani Pontificum Imaginibus primus depictus est Linus Pallio amictus; unde eum Pallii Pontificalis institutorem multi tement: fuit ipse Italus, Volaterris in Etruria natus, transegit in Pontificatu annum undecimum. Nomen Linus a Græco est τὸ λίνον, linum; quod significat etiam filum cui affigitur hamus piscatorius, Flandrice *de leyn*, imo ipsum rete, quod ex lineis filis contextum est: idque non sine mysterio; nam Apostoli, eorumque successores Pontifices ac Sacerdotes Dei, sunt piscatores hominum.

3. **C**LETUS, secundus post Apostolum Petrum (uti Martyrologium Romanum 22. Aprilis) rexit Ecclesiam; ad eam regendam nomine & re Cletus, quod est vocatus; is ex præcepto Principis Apostolorum in Urbe viginti quinque Presbyteros ordinavit. Sacerdotes initio Ecclesiæ non dicebantur, sed Presbyteri, idest Seniores, non propter decrepitam ætatem, sed ob scientiam & sanctitatem, quæ in senioribus

ribus plus requiritur, & esse supponitur, juxta illud Sapientiae 4. *Senectus venerabilis est non diuturna neque annorum numero computata; cani enim sunt sensus hominum, & ætas senectutis vita immaculata.* Quænam ætas ad Presbyteratum requireretur; vide post in Fabiano. Et Christianorum Mystæ, non Sacerdotes sed Presbyteri eo dicti sunt, quod inter Judæos essent Sacerdotes & Principes Sacerdotum; & inter Gentiles, fæminæ Sacerdotes dicerentur, uti apud Virgil. lib. 6. *Æneid.* Sibylla Cumana vocatur *Longeva Sacerdos*: & ad illam Deiphobus: *ne sevi magna Sacerdos.* ac S. Ambrosius de Virginitate l. 1. Vestales Virgines, Palladis Sacerdotes appellat. Similiter loco Templorum dictæ sunt Ecclesiæ, id est cætus sive conventus; unde in actis S. Silvestri dicitur: *Templa claudantur, & Ecclesiæ pateant.* ut paulatim observationes Judaicæ & Gentilium superstitiones evanescerent. Primus in litteris usus est verbis illis: *Salutem & Apostolicam Benedictionem,* qua etiamnum salutationis formula utuntur summi Pontifices. Presbyteri tanquam Angeli salutant populum dicendo: *Dominus vobiscum,*

*Non Sacerdotes, sed Presbyteri primum dicti.*

*Non Templum, sed Ecclesia.*

*Salutationis formula, Papa, Episcopi, Presbyteri.*

qua formula Gabriel Angelus usus est ad Mariam Virginem : & Angelus ad Gedeonem dicens : *Dominus tecum*. Episcopi tanquam Apostolorum successores dicunt : *Pax vobis*, quod Apostoli a Christo Domino acceperunt. Summus Pontifex dictus *Domnus Apostolicus*, Salutem & Apostolicam Benedictionem precatur. Fuit Cletus Romanus, vixit in Pontificatu annos 12. menses 7. Nomen Cletus Græcum est, Latine vocatus, uti Anacletus revocatus, & Paracletus advocatus a τὸ καλέω, id est, voco, unde & kalendæ.

4. **C**LEMENS ex genere Imperatorum Romæ summo loco natus, Philosophus præclarus, deinde Christianus Theologus eximius : multa scripsit accurate & salutariter, quibus Christianam Religionem illustravit, ut ipsius Opera in folio edita testantur. Septem Urbis regiones dividit septem Notariis, singulas singulis attribuens, qui passiones Martyrum & res ab eis gestas diligentissime litteris mandarent; quorum umbram Romanæ Ecclesiæ Protonotarii, præsertim qui *Participantes* vocantur, adhuc retinent.

Ve-

*Protonotarii Apostolici.*

*Participantes.*

*Paramenta Sacerdotalia.*

Vestes Sacerdotales ad Missam ordinavit ; voluit lavari Corporalia <sup>Corporali-  
um lotio.</sup> in proprio vase : dicitur auctor Canonis Missæ , item Benedictio-<sup>Canon Mis-  
sa.</sup> nis frugum . Voluit quod Baptiza-<sup>Benedictio  
frugum.</sup> tus , prout citius poterit , confir-<sup>Baptizati  
confirmatio</sup> metur . Martyrium ipsius exacte describitur in Brev. Roman. 23.  
Nov. de ipso

*Discepat mundus , sit quartus ,  
setne secundus :*

nam invaluit apud aliquos opinio , <sup>Clemens  
non secun-  
dus sed  
quart. Papa</sup> Linum & Cletum nequaquam post Petri obitum successos fuisse , sed tantum viventis adhuc , dum universalis Ecclesiæ sollicitudine sæpe in diversas Provincias evocaretur , coadjutores fuisse ; & quidem Petrus paulo ante obitum Clementem Romanum Pontificem , & Successorem suum designaverat ; verum Petro e vivis sublato , cessit humiliter ipse nomine & re Clemens ( quod est mitis & lenis , qui remittit de eo quod possit prosequi ) atque subire munus & onus illud recusavit ; idque non sine divino consilio , ne suprema Ecclesiæ dignitas , potestas hereditaria fieret , & arbitrio unius , non totius multitudinis electione , administranda crederetur : proinde Lino & Cleto , qui Petri coad-

## 8. ROMANORUM PONTIFICUM

jutores fuerant, prælatis, quartus ipse Pontificatum iniit. & vero certa Apostolicæ Sedis tempora eis tribuenda esse docet ipsius Ecclesiæ auctoritas ex Breviar. & Martyrol. Romano supra de utroque allata: tum etiam sacer Missæ Canon, in quo Linus & Cletus, secundum antiqua diphtycha, post Apostolos primi recensentur, sequente eos Clemente: qui antiquus Apostolorum Petri & Pauli discipulus, post Linum & Cletum, Romanus Pontifex ab anno Christi 93. usque ad 23. Novemb. anni 102. per annos novem, menses & dies sex, primum Æræ Christianæ sæculum feliciter absolvit, ac sequens incœpit.

ANNO  
CHRISTI  
100.

*Episcopus a  
tribus ordi-  
nandus.*

*Sacri Ordinis  
publice,  
& a proprio  
Episcopo  
conferendi.*

5. **A**NACLETUS, cujus festum agitur die 13. Julii, decrevit, ut a tribus neque a paucioribus, reliquis consentientibus, Episcopus consecraretur; uti consecratum fuisse, narrat Anacletus ipse, Jacobum minorem Hierosolymitanorum Episcopum, a Petro, Jacobo majore, & Joanne. Voluit ut Clerici sacris Ordinibus publice, & a proprio Episcopo initientur: utque Presbyteri sacrificent non soli, sed secum



cum testes adhibeant; & illud non  
 ubique, sed in locis Deo conse-  
 cratis: utque *Dominus vobiscum*, & *Sacrifican-*  
*Orate Fratres* non ad unum, sed *dum in lo-*  
 ad duos minimum præsentes dica- *cis sacris,*  
 tur: & ut in Missa, peracta conse- *& multis*  
 cratione, omnes præsentes com- *præsentibus,*  
 municent. Tres decretales episto- *omnibusque*  
 las sapientia plenas, quæ extant, *communi-*  
 conscripsit de Testibus, Judiciis, *cantibus.*  
 & Ordinationibus Episcoporum:  
 voluit ab Episcopis annuatim visi-  
 tari Limina Apostolorum. Insuper  
 Clericis comam alere primus pro-  
 hibuit: formam in radendo obser-  
 vandam Anicetus postea præscrip-  
 sit. Beati Petri sepulchrum, sive *Memoria*  
 Memoriam ornavit, Pontificum- *B. Petri, i-*  
 que sepulturæ locum attribuit, & *dem quod*  
 separata a plebe loca sepeliendis *sepulchrum.*  
 Martyribus assignavit. Fuit ipse  
 Græcus Atheniensis, pervenit in  
 Pontificatu ad annum nonum,  
 mensem tertium. . Ἀνάκλητος, lati-  
 ne revocatus dicitur, uti Paracle-  
 tus advocatus, & Cletus vocatus.

6. **E**UARISTUS item Græ-  
 cus, Judæo Patre natus,  
 totidemque annorum & mensium  
 Pontifex, domos Fidelium cultui  
 divino mancipatas, in quibus Sy-  
 naxes, id est congregationes fie-  
 bant,  
 A 5

Tituli Ec-  
clesiarum,  
& Cardina-  
lium.

Titulus i-  
dem quod  
Memoria  
seu Eccle-  
sia.

Matrimo-  
nium publi-  
ce cum Sa-  
cerdotis be-  
nedictione.

Episcopo  
predicanti  
astant Dia-  
coni.

bant, & Tituli vocabantur, Presbyteris & Diaconis, ad confusio-  
nem vitandam, divisit: unde Car-  
dinalium Tituli originem trahunt.  
De Titulo mentionem facit Mar-  
tyrologium Romanum 26. Julii his-  
ce verbis: *Romæ Sancti Pastoris  
Presbyteri, cujus nomine Titulus ex-  
tat in Viminali apud sanctam Pudен-  
tiam*: Ad quem locum vide no-  
tas Baronii, qui inter alia sic ait:  
Idem Titulus quod Memoria seu  
Ecclesia, sic dictus, quod in loco  
ubi erat Ecclesia erigenda, Crux  
poneretur in Titulum, uti hodie  
in Ecclesiarum erectione adhuc ser-  
vatur. Constituit Euaristus ex tra-  
ditione apostolica ut Matrimo-  
nium publice celebretur, & Sa-  
cerdotis benedictio adhibeatur,  
neve Vir & Uxor ante una dor-  
mirent, quam a Sacerdote bene-  
dicerentur; ut qui vult nubere,  
in Domino nubat. Festum ipsius  
agitur 26. Octob. ubi in lectione  
Breviarii fit mentio de septem Dia-  
conis ab ipso ordinatis, qui Epi-  
scopum custodirent, dum prædi-  
cationis munere fungeretur: id-  
que propter stylum veritatis, ne  
Episcopo prædicanti ab æmulis  
imponerentur errores. Vide infra  
in Lucio simile quid ordinatum.

Eua-



Euaristus *Εὐάρις* & bene optimus latine sonat; & valde, bene, & *εις* & optimus: unde interjectio *Εὐγε* *Euge!* vox laudantis. quare non debet scribi Evaristus, sed Euaristus: sicuti Euangelium, id est bonum nuncium, non Evangelium; per u vocalem, non per v consonantem.

7. **A**LEXANDER Primus, vir quidem ætate juvenis, sed moribus ac sanctitate incomparabilis, & salutaribus institutis illustris: ordinavit in Missa lectionem Epistolæ & Evangelii, *Lectio Epistolæ & Evangelii in Missa.* Canoni addidit, ob memoriam *Item Memoria* Passionis Christi, *Qui pridie quam pateretur.* & post Consecrationem: *Unde & nos memores, usque ad Memento Defunctorum.* Statuit ut una tantum Missa in die celebraretur (quod usque ad Deusdedit *Una tantum missa in die.* Papam 70. ita mansit, qui secundam permisit) utque tantum *Panis azymus.* Panis azymus, uti purior & Christi Institutioni similior, & vinum in *Vinum aqua mixtum.* Mysterio offerretur: vinum autem aqua misceri iussit, propter Sanguinem & Aquam, quæ ex Jesu Christi Latere profluxerunt, atque ad Christi & Ecclesiæ conjunctionem significandam. *Passiones ex*

*Lectio Pas-  
sionum in  
heb. majori.*

*Aqua be-  
nedicta &  
ejus virtu-  
tes.*

Evangelistis in Hebdomada Majo-  
re jussit legi eo ordine quo scriptæ  
sunt. Decrevit ut aqua benedicta  
sale admixta perpetuo in Ecclesia  
asservaretur, & in cubiculis adhi-  
beretur ad fugandos Dæmones,  
ita rescribens: *aquam sale admix-  
tam populo benedicimus, ut cuncti as-  
persi sanctificentur. nam si cinis viti-  
li aspersus sanguine populum sanctifi-  
cabat, multo magis aqua aspersa sa-  
le, divinisque precibus sacrata: & si  
sale asperso per Helisæum Prophetam  
sterilitas aqua sanata est; quanto ma-  
gis divinis precibus aqua sacrata ste-  
rilitatem rerum auferet humanarum,  
& insidias diaboli avertet, atque a  
phantasmaticis versutiis hominem de-  
fendet & coinquinatos sanctificabit?*  
Fuit Alexander Romanus, sedit-  
que annos decem, menses tres,  
& dies 20. Memoria ejus ab Ec-  
clesia celebratur tertia Maii, Fe-  
sto Inventionis S. Crucis. Nomen  
Alexander Græcum est, latine so-  
nans auxiliator virilis vel viro-  
rum. ἀλέξειν auxiliari, ἀλῆξιον au-  
xilium sive remedium, Alexius re-  
medium ferens.

8. **X**YSTUS Primus simili-  
ter Romanus, decem-  
que fere annorum Pontifex, se-  
uni-

universalis Ecclesiæ Episcopum in epistolis scripsit, censuitque ne Episcopi ad Sedem Apostolicam quacumque de causa vocati, inde redeuntes a suis populis recipe-  
rentur, nisi secum deferrent literas Romani Pontificis. Vetuit ne vasa sacra, ab aliis, quam a sacris ministris, nullo modo a fœminis tangerentur: neque Corporalia ex alia materia, quam ex lino eoque purissimo fierent; ordinavit cani in Missa Trisagion *Sanctus, Sanctus, Sanctus Dominus Deus Sabaoth*. Memoriam defunctorum in missa ex præscripto Apostolorum ejus decreto tribuere Platinam, ait Gavantus, cum Platina ascribat Gelasio primo. De hoc Xysto nihil habetur in Breviario, sed in Martyrologio sexta Aprilis. octavus post illum Pontifex Zephyrinus vocatur a Tertulliano libro de Pudicitia, secundum veterem nomenclaturam Pontifex Maximus, & Episcopus Episcoporum; unde pater non esse recens Papam, Oecumenicum sive universalem appellari. nomen *ξύστis* latine est Porticus sive series longa arborum.

*Papa uni-  
versalis Ec-  
clesiæ Epif-  
copus.*

*Vasa sacra  
a fœminis  
non tangen-  
da.*

*Corporalia  
ex lino.*

*Trisagion  
Sanctus &c.  
in Missa.*

*Memoria  
Defunctorum.*

*Pontifex  
Maximus,  
Episcopus  
Episcopo-  
rum.*

9. **T**ELESPHORUS Quadraginta dierum solem-  
nie

*Jejunium  
quadragesi-  
male.*

*Gloria in  
Excelsis.*

*Tres Missæ  
in Natali  
Domini.*

ne jejunium per septem hebdomadas ante Pascha ab omnibus Christianis observari, uti ab Apostolis constitutum erat, injunxit: quod jejunium tunc non continuum, sed interpolatum, incipiebat a Septuagesima, omisis tribus per septimanam diebus; vide Onomasticon in voce Quadragesima. Inseruit Missæ hymnum Angelicum *Gloria in Excelsis*. Ordinavit celebrari tres Missas in festivitate Natalis Domini; primam mediâ nocte, cum Christus in Bethleem natus est; secundam illucescente aurora; quando a Pastoribus est adoratus; tertiam hora diei tertia, quum dies Redemptionis nostræ illuxit: Aliqui ad triplicem Christi Nativitatem referunt: 1. æternam ex Patre, 2. temporalem ex Virgine Matre, 3. spiritualem, per gratiam in cordibus fidelium. Alii, quia Christus natus est in salutem eorum qui erant ante legem, sub lege, & post legem sub Euangelio. De ipso fit mentio in Officio Ecclesiastico Vigilia Epiphaniæ. Fuit Monachus, Græcus, uti nomen indicat, quod latine sonat, finem referens. Carmelitæ illum pro suo habent, sedit annos undecim, menses novem.

H Y.

10. **H**YGINUS decretum promulgavit de susceptoribus seu Patrinis (ita enim Ecclesia eos vocat, qui infantes tenent, & præsentant dum baptizantur, & ex sacro lavacro suscipiunt) ubi inter alia hæc habentur: *sicut infantes contrahunt peccatum originale ex culpa aliena, ita Divinæ convenit misericordie, ut iustificentur per fidem & confessionem alienam.* Clerum composuisse, & gradus distinxisse, vel traditam ab Apostolis formam illustrasse dicitur: & sicut Euaristus Titulos in Urbe Presbyteris divisit, ut unusquisque suæ Parochiæ terminis distingueretur; ita Hyginus Clerum composuit, & gradus distinxit, ut alii superiores, alii inferiores Presbyteri & Diaconi, & ordines minores essent. Extat ejus Epistola decretalis ad omnes Christifideles de Deo Trino & Uno, & Christi Filii Dei Incarnatione, Catholicam Doctrinam plene complectens. Commemoratio de eo fit 11. Jan. Fuit Græcus, Patria Atheniensis, attigit in Pontificatu annum quartum. Nomen ipsius *ὕγιος* latine sanus vel sanans dici posset, *ὕγιαι* sanitas.

*Patrini in Baptismo.*

*Ordines & gradus in Clero.*

PIUS

*Pascha die  
Dominica  
celebran-  
dum.*

*Primi Tem-  
pli conse-  
cratio.*

*Consecratio  
& velatio  
Virginum.*

11. **P**IUS Primus, Apostolo-  
rum traditionem de Pa-  
schate die Dominico celebrando  
firmavit, ad Ecclesias nonnullas  
judaizantes corrigendas, quæ Pa-  
scha quocumque die, luna deci-  
ma quarta, cum Judæis in Pleni-  
lunio martiali celebrabant, cum  
Christiani Dominica sequente suum  
Pascha celebrent. Primus notatur  
Pius qui Romæ Templum conse-  
cravit, Thermas Novati dictum,  
domum scilicet Pudentis Senato-  
ris, sanctarum Virginum Pudentia-  
næ & Praxedis patrem; apud quem  
S. Petrus cum Romam introisset,  
primo hospitio exceptus fuit: cui  
Pius fratrem suum, Pastorem no-  
mine, primum præfecit Presbyte-  
rum: unde primus Titulus, Pasto-  
ris dictus fuit. Vide Onomasticon  
in voce Titulus. Ritus consecran-  
di & velandi Virgines sacras a Pio  
ordinatus dicitur. Pœnam quam  
statuit in Sacerdotem cujus negli-  
gentia de Sanguine Domini ali-  
quid stillaverit, vide Breviarium  
Romanum 11. Julii. fuit natione  
Italus, patria Aquilejensis, annos  
novem & dimidium Petri Cathedram tenuit.



12. **A**NICETUS, quo Ecclesiæ melius consultum *Corona in capite Clericorum rassa.* esset, ne malis moribus labefacteretur, renovavit Decretum Anacleti, ne Clerici comam nutriant, formamque tonsionis addidit, ut desuper caput in modum sphæræ seu coronæ radantur. Etiam cavit a paucioribus quam tribus consecrari Episcopum; ubi vero Metropolitanus esset consecrandus, omnes Provinciales Episcopos interesse voluit. Ab eodem quoque *Archiepiscopi non sunt Primates passim vocandi.* sancitum fertur ne Archiepiscopi nisi ex singulari prærogativa Primates (quorum aliqui postea Patriarchæ dicti sunt) appellarentur, reliquis Metropolitanis nomen remaneret: in qua voce vide Onomasticon. Ejus quoque decretum est ne Episcopus crimen Metropolitanum sui ad alium quam ad Primatem, aut ad Sedem Apostolicam deferret. Fuit Anicetus Syrus, est nomen ipsius græcum ἀνικητος latine invictus, ab alpha privativo & νικάω vinco. colitur ab Ecclesia 17. Aprilis, sedit annos octo, menses fere novem.

13. **S**OTER Pontifex re & nomine Ecclesiæ salutaris. Σωτήρ

*Missæ a je-  
juno cele-  
branda, ne-  
que imper-  
fecta relin-  
quenda.*

*Deficiente  
in Missa sa-  
cerdote, a-  
lius sup-  
pleat.*

*Missam au-  
dientes Sa-  
cerdoti re-  
spondeant.*

*Sacræ Vir-  
gines vasa  
sacra non  
tangant,  
nec Thus  
ministrant.*

τῆς idem est quod latine Salvator,  
hebraice Jesus: præter pietatem  
singularem; in rebus deliberandis  
egregii consilii fuit, erga omnes  
se adeuntes comis & benignus;  
ecclesiasticaque eloquentia insignis:  
sancivit ne ullus post cibum po-  
tumve seu quodlibet minimum  
sumptum Missam facere, neque  
absque patentis necessitatis inter-  
ventu eam imperfectam relinque-  
re audeat: Ideoque præcepit, ut  
Sacrificans habeat secum adjuto-  
rem Sacerdotem, ut si aliquo ca-  
su ille qui sacrificium incepit tur-  
batus, vel ad terram elisus fuerit,  
a tergo semper habeat qui ejus  
vices prosequatur intrepidus. Vo-  
luit item juxta Anacleti constitu-  
tionem, ut nullus Presbyter Mis-  
sarum Solemnia celebrare præsu-  
mat, nisi duobus ad minimum præ-  
sentibus, sibi que respondentibus,  
& ipse tertius habeatur Sacerdos:  
Quia cum ab ipso dicitur Domi-  
nus vobiscum, & Orate Fratres,  
aptissime convenit, ut ipsius salu-  
tationi præsentibus respondeant. I-  
dem sancivit ne sacræ virgines va-  
sa sacra & pallas attingerent, ne-  
ve thuris ministerio in Ecclesia u-  
terentur: idque contra Montanum  
Hæreticum, cujus secta fœminas



sacris Mysteriis immiscebat. Idem statuit, ut Christi Corpus in Cœna Domini ab omnibus sumeretur; exceptis iis qui propter grave peccatum id facere prohiberentur. Euaristi decretum de Benedictione sacerdotali, & consensu Parentum Matrimoniis adhibendo renovavit: Ideo enim dicuntur Sponsus & Sponsa, quia ante Matrimonium a parentibus ex utraque parte spondebantur. Colitur ab Ecclesia 22. Aprilis: fuit Italus, Fundis in Campania natus, sedit annis quatuor, tredecim diebus minus.

*Omnium in  
Cœna Do-  
mini com-  
municatio.*

*Benedictio  
Sacerdota-  
lis, & con-  
sensus pa-  
rentum ad  
matrimo-  
nium.*

14. **E**LEUTHERIUS Græcus, uti nomen indicat, liberatorem seu servatorem significans ab ἐλευθερώω libero; quod re ipsa erat: nam ipsius tempore summa pace & quiete (ut Breviarium Romanum 26. Maii ait) fruebatur Ecclesia Dei a persecutoribus libera. Ad hunc Pontificem Lucius Britannorum Rex circa finem secundæ sæculi extinctam Religionem Christianam restaurare cupiens, quam Joseph ab Arimathia, qui Christi corpus sepelivit, in ea insula primum prædicaverat, supplices literas misit, ut se ac suos in Chri-

*Conversio  
prima & se-  
cunda An-  
glorum ad  
fidem Chri-  
sti.*

Christianorum numerum recipe-  
ret : uti narrat Gildas vetustissi-  
mus illius Gentis Scriptor ; & Ter-  
tullianus vicinus illorum tempo-  
rum , Britannorum inaccessa Ro-  
manis loca subdita tunc Christo  
fuisse scribit : quamobrem Fuga-  
tium & Damianum , pios & doctos  
viros , misit in Britanniam , per  
quos Rex & reliqui fidem suscepe-  
runt ; cui fideliter adhæserunt ,  
quoadusque erupit furor Diocletia-  
ni Imperatoris ; nam deinde teste  
Gilda , ob immanitatem persecu-  
tionis Religio ita refrixit , ut pœ-  
ne extincta , tandem a S. Grego-  
rio Magno , missis eo doctis & san-  
ctis viris Augustino aliisque Mo-  
nachis sub finem sæculi Christiani  
quinti , renovata fuerit ; quam us-  
que ad sæculum quintumdecimum ,  
per mille circiter annos integram  
inviolatamque conservarunt : &  
circa annum Christi 1534. per tur-  
pissimum ab Ecclesia Catholica  
schisma se obstinate retraxerunt ,  
in quo schismate adhuc hodie per-  
tinacissime perseverant . Scripsit E-  
leutherius Galliarum Provinciis ; nul-  
las escas superstitione refutari de-  
bere , quoniam Deus universas ad  
victum fidelibus suis tribuit . Mat-  
th. 5. & Actor. 10. idque contra

*Anglorum  
post mille  
annos ab  
Ecclesia  
Cath. defe-  
ctio .*

En-

Encraticarum hæresim, quæ non solum carnes, sed etiam nuptias damnabat. noluit præterea quempiam de gradu suo dejici, nisi prius accusatus, reus criminis convinceretur: exemplo Salvatoris, qui scelus Judæ, licet furis, & proditoris, nondum tamen convicti, ita æque tulit, ut quidquid interim pro dignitate Apostolica egisset, ratum firmumque esse voluerit. Postquam sedisset annis quindecim, incompertum est quo mortis genere sublatus fuerit; nisi quod in antiquis Martyrologiis Martyr reperitur adscriptus, & Ecclesia illum 26. Maii pro tali colit: cum alioqui certum sit Martyris nomen apud Tertullianum, Cyprianum, & alios plerosque antiquorum tribui consuevisse non iis tantum qui mortem, sed etiam qui cruciamentum aliquod Christi causa subjissent; qui & dicti reperiuntur Confessores, cum, si utriusque vocis vim expendas, idem sint; nam *μάρτυρ* latine testem significat: & quod Martyres sanguine fecerunt, confessione sua alii Sancti fidem Christi testati sunt. hinc in Martyrol. Romano multi vocantur simpliciter Episcopi, alii Episcopi & Confessores. de quo vi-

*Accusati,  
non convi-  
cti; non  
damnandi;*

*Martyr  
Græce idem  
quod Latine  
Confessor.*

de notas Baronii ad Martyrol. die  
2. Januarii, ad illa verba : *Passio*  
*Beati Isidori Episcopi*, & alterius ibi-  
dem *Isidori Episcopi & Confessoris*.  
ac Onomasticum hic additum in  
vocibus *Confessor*, & *Martyrolo-*  
*gium*.

15. **V**ICTOR Primus. ini-  
tio Ecclesiæ Baptisma  
conferebatur omni tempore, &  
qualibet aqua, ut omnes in viam  
fidei facilius adducerentur; sed  
crescente Religionis honore, &  
numero fidelium aucto, ordinatum  
fuit ad maiorem Sacramenti hujus  
celebritatem, ut solummodo con-  
ferretur in Paschate & Pentecoste,  
per aquam tunc benedictam: uti  
patet ex decreto hujus Victoris,  
quod extat de Consecr. dist. 5. c.  
Celebritatem: idque eo potissi-  
mum, ut qui baptizari vellent,  
mysteriis fidei melius imbueren-  
tur; integroque anno catechiza-  
bantur, & tempore præsertim Qua-  
dragesimæ concionibus intererant:  
unde S. Cyrillus Hierosolymitanus  
sermones suos indigitat Cateche-  
ses, quos habuit tempore Quadra-  
gesimæ ad Catechumenos sive Ba-  
ptizandos: quæ consuetudo dura-  
vit usque ad tempora Caroli Ma-  
gni,

*Solemnis*  
*Baptismus*  
*in Paschate*  
*& Penteco-*  
*ste.*

*Catechismus*  
*& Catechu-*  
*menus unde*  
*dicantur,*  
*vide Ono-*  
*mast.*

gni, & Ludovici Pii, ut ait S. Thomas; quando ordinatum fuit, ad multa inconvenientia vitanda, ut omni tempore Baptisma conferretur; retenta nihilominus veteri consuetudine benedicendi Fontes Baptismales singulis annis in Sabbato Sancto, & Vigilia Pentecostes; atque offerendi in Missa *Pro his quoque quos Deus regenerare dignatus est ex aqua & Spiritu Sancto, tribuens eis remissionem omnium peccatorum: uti per Octavam Paschæ & Pentecostes adhuc dicitur in Canone Missæ. Victor hic confirmavit decretum Pii, ut Sacrum Pascha die Dominico celebraretur: qui ritus ut postea in mores induceretur, habita sunt multis in locis Concilia; & in Nicæna denique prima Synodo sancitum est, ut Paschæ dies festus post quartam decimam lunam ageretur; ne Christiani Judæos imitari viderentur, qui in quamcumque hebdomadis diem Luna decimaquarta, post æquinoctium vernal, incidisset, Pascha celebrare soliti sunt: ne Christiani cum Judæis illud celebrantes eorum sceleribus in occidendo Christo commissis consortes esse videantur. hinc die Dominico proximo sequente, Pascha Christi*

*Benedictio  
Fontis Baptismi.  
pridie  
Paschæ &  
Pentecostes.*

*Differentia  
inter Pascha  
Judeorum &  
Christianorum.*



Christianum, quod est Christi Resurrectio, quæ ista die contigit, celebrari decretum fuit: uti Sabbatum in diem Dominicam mutatum, & dies Veneris, quam Gentiles ludis, epulis & variis nequitiiis traducebant, in mœrorem & luctum; ac jejunium, ob Christi mortem eo die toleratam, conversa est. & quamvis Victor primum decrevisset, ut Baptismus tantummodo per aquam in Paschate & Pentecoste benedictam conferretur: statuit tamen postea, ut quavis aqua, modo naturali, si necessitas cogeret, quicumque baptizari posset. scripsit de Quæstione Paschæ, & alia quædam opuscula: fuit Afer, seditque annis novem.

*quavis aqua naturali baptizare licet.*

ANNO  
CHRISTI  
100.

*Communio  
in Pascha-  
te.*

*Calices lignei, dein-  
de vitrei,  
 tandem ex  
metallo.*

16. **Z**EPHYRINUS indixit omnibus Christianis, si ad pubertatis annos pervenerint, communicare in Paschate. decrevit quod Calices & Patenæ essent vitreæ, non ligneæ prout ante erant; idque propter ligni porositatem. hanc tamen constitutionem sequentes Pontifices irritaverunt, decernentes ut calices fierent ex auro, argento, vel saltem stanno; non ex ære, ob æruginem, & retum saporem quem æs creat. sancit,

civit, ut qui ordinandi essent, opportuno tempore & multis præsensibus Clericis ac Laicis de more sacris initiarentur; doctique ac spectatæ vitæ homines ad id officii munus deligerentur. decrevit præterea, ut rem divinam facienti Episcopo Sacerdotes omnes honoris & reverentiæ gratia astarent. idem instituit ut Patriarcha, Primas, Metropolitanus adversus Episcopum non ferat sententiam, nisi Apostolica auctoritate fulti. promulgavit etiam edictum de recipiendis Mœchis pœnitentibus, indeque obstrepentem Tertullianum, qui illos non recipiendos tenebat; anathemate multavit. festum ejus agitur 26. Augusti. Sedit annos octodecim, nativitate Romanus, nomine Græcus, quod a Zephyro vento, qui quasi Ζωοπορὸς, id est vitam afferens, dicitur: quia eo flante, terra hieme mortua, vere reviviscit; ita Zephyrinus latine vivificans reddi possit.

*Dofis a  
probis or-  
din. sacri  
multis præ-  
sentibus  
conferendi.*

*Episcopo  
sacrificanti  
adstent sa-  
cerd.*

*Episcopi a  
solo Papa  
condemnari  
di.*

*Mœchi pœ-  
nitentes re-  
cipiendi.*

17. **C**ALIXTUS Primus, vel, uti correctius scribitur, CALLISTUS Κάλλιστος pulcherri-  
mus sive optimus; ordinavit ut Clerici ad sacros Ordines promo-  
vendi, uxeribus abstinerent; pro-

*Continentia  
sacris ordi-  
nibus amue-  
ra.*

B hi-



*Matrimonium prohibi-  
tum inter  
consanguin.*

*Jejunium  
Quatuor  
Temporum.*

*Cœmete-  
rium Calli-  
sti.*

*Vasa sacra  
argentea, &  
aurea.*

hibuit Matrimonium inter consan-  
guineos ; eos Hæreticos censuit,  
qui arbitrabantur Sacerdotes post  
admissum crimen, etiamsi dignam  
pœnitentiam subiissent, ad pristi-  
nos honores redire non posse .  
constituit *Quatuor* anni *Tempora*  
quibus jejunium ex Apostolica tra-  
ditione acceptum ab omnibus ser-  
varetur, idque pro fructibus terræ:  
juxta prophetiam Zachariæ cap. 8.  
*Jejunium quarti, & jejunium quinti,  
& jejunium septimi, & jejunium deci-  
mi erit domui Judæ in gaudium & læ-  
titiā & solemnitates præclaras.* quia  
sicut replemur a Domino frumen-  
to, vino, & oleo ad alenda corpo-  
ra, ita repleamur jejunio ad alen-  
das animas. *Ædificavit Basilicam*  
*S. Mariæ trans Tyberim: & in via*  
*Appia vetus Cœmeterium amplia-*  
*vit, in quo multi sancti Sacerdo-*  
*tes & Martyres sepulti sunt; quod*  
*ab eo Callisti Cœmeterium est ap-*  
*pellatum, uti Breviar. Rom. 14.*  
*Octobris. fuit Romanus; seditque*  
*annos quinque.*

18. **U**RBANUS Primus, va-  
sa pro sacro ministerio  
jussit fieri ex argento & auro, ex-  
clusis propter fragilitatem vitreis.  
Ex institutione Christi, & Aposto-  
lo-

lorum traditione statuit, ut quisque baptizatus, deinde Chrismate confirmaretur; idque per manus Episcopales: nam & ab Episcopis Chrisma conficitur, & ipsi in Apostolorum locum successerunt; qui soli leguntur Act. 8. & 19. quod super baptizatos manus imponebant, & accipiebant Spiritum sanctum: ita ut ratione non careat Sacramentum Confirmationis a solis Episcopis conferri. Urbani institutum est, ut Ecclesia fundos ac redditus a Fidelibus oblatos reciperet, partireturque proventus Clericis omnibus viritim, nihilque cuiuspiam privatum esset, sed in commune bonum: quod hodie inter Clericos obsolevit. Ipse de bonis Ecclesiæ attributis scripsit his verbis: *Ipsæ res Fidelium, quæ Domino offeruntur, non debent in alias usus quam Ecclesiasticos, & Christianorum fratrum vel indigentium converti; quia vota sunt Fidelium, & pretia peccatorum, ac patrimonium pauperum.* uti Brev. ipsius festo 25. Maii. Rationem alibi reddit, cur sedes Episcoporum excelsæ, & paratæ sive ornatae, ut throni habeantur in Ecclesiis: scilicet ob traditam eis a Domino potestatem judicandi, & solvendi atque ligandi;

*Confirmatio  
per manus  
Episcopi  
conferenda.*

*Ecclesia  
fondi et re-  
ditus.*

*Quomodo  
dispensan-  
di*

*Sedes Epi-  
scopi excel-  
sa & orna-  
ta.*

di; quare etiam tribunalia dicuntur. fuit ipse nobilis Romanus, & magnam partem Romanæ nobilitatis, interque alios S. Cæciliam cum sponso suo Valeriano, & fratre Tiburtio ad Christum convertit. sedit annos 6. menses 7. dies 4.

19. **P**ONTIANUS, similiter Romanus, quatuor annorum, totidemque mensium, ac dierum viginti quinque Pontifex, instituit Psalmos die ac nocte in Ecclesia cantari, Missæque præposuit *Confiteor*; quia *justus in principio accusator est sui*. Proverb. 18. docuit quod honorandi sint Sacerdotes; quoniam ore proprio, inquit, conficiunt Corpus Christi, illudque populis distribuunt; & panem ideo venerari & osculari solemus, ubi in terram ceciderit; quia inde Corpus Christi conficitur. festum ejus agitur 19. Novembris: qui ob præclaram Fidei confessionem multis calamitatibus afflictus in exilio vitam finiens; sine fuso sanguine Martyr ab Ecclesia colitur: quo modo inter Pontifices quinque coluntur: Marcellus, Joannes, Silverius, Martinus, & Pontianus. Joannes Stella in vitis Pontificum, quas usque ad Julium

*Psalterium  
in Ecclesia  
cantus.*

*Confiteor  
ante Mis-  
sam.*

*Sacerdotes  
cur hono-  
randi, &  
panis ubi  
ceciderit cur  
osculandus.*

*Martyres  
sine fuso  
sanguine.*

II. produxit, refert Cyriacum quemdam Pontiano successisse, annumque unum sedisse; sed quod contra voluntatem Patrum, Papæ tui renunciasset, atque in comitatu S. Ursulæ Coloniam venisset, in Pontificum catalogo positus non fuit; cum tamen ipse virgo existens, cum virginibus illis Martyrio coronatus sit. ita Joannes Stella Sacerdos Venetus; cujus fabulosæ historiæ etiam Ciaconius meminit: atque hoc perperam scriptum esse, series temporum demonstrat; nam Martyrium S. Ursulæ prope duo sæcula post contigit: potuit tamen contigisse, quod in comitatu S. Ursulæ (ubi erant etiam Sacerdotes & Præsules) aliquis fuerit cæteris venerabilior, Cyriacus *Papæ* dictus; quo nomine antiquitus ipsi Episcopi vocabantur, imo spectabiliores sacerdotes: uti postea videbitur in Gregorio VII.

*Papæ in  
comitatu  
11000.  
Virginum;  
sed perpe-  
ram.*

20. **A**NTERUS, rogatus anliceret mutari Episcopum de civitate in aliam, respondit, licere quidem pro communi utilitate aut necessitate, sed non pro libitu cujusquam, aut dominatione: uti Petrus Princeps Apo-

*Episcopi  
non trans-*

*ferendi nisi  
publica uti-  
litate .*

stolorum de Antiochia , pro publi-  
ca Ecclesiæ utilitate , translatus est  
Romam , & quidam alii auctorita-  
te Apostolica mutati sunt ; verum  
avaritiæ vel præsumptionis , aut  
propriæ voluntatis causa , non  
sunt Episcopi mutandi de civitate  
in civitatem , nisi fiant Archiepi-  
scopi . Martyrio coronatus legi-  
tur , eo quod gesta Martyrum di-  
ligenter a Notariis exquisivisset ,  
& in Ecclesia recondisset ; ne una  
cum vita bene agentium memoria  
aboleretur . nihil de ipso in Bre-  
viario , sed in Martyrologio 3. Ja-  
nuarii . fuit Pontifex unius dum-  
taxat anni , ipse Græcus , uti no-  
men Αὐτέρας , quod est contrarius  
amori ; contra quem Platina Dia-  
logum scripsit , έρας amor noxi-  
us , έπος amor bonus : sic Anterus ac-  
centu in penultima , est contra-  
rius amor noxi- .

21. **F**ABIANUS , coronata  
per Martyrium uxore ,  
Pontifex designatus fuit indicio co-  
lumbæ e sublimi devolantis , ejus-  
que capiti insidentis . De ipso nar-  
rat Breviar. Rom. 20. Januarii ,  
quod *septem Diaconis septem urbis re-  
giones dixit , qui pauperum curam  
haberent . Diaconorum vestis Dal-  
ma-*

matica, apertas, & laxas habens manicas, indicium est liberalitatis quam exercebant ipsi erga pauperes: totidem subdiaconos creavit, qui res gestas martyrum a septem Notariis per Clementem institutis scriptas colligerent, & in ordinem redigerent. statuit ut quotannis feria quinta in Cœna Domini vetere combusto, Chrisma renovaretur. ad Presbyterii ordinem triginta annorum ætatem requisivit: quia ipse Dominus illa ætate Baptizatus, tunc docere cœpit. Presbyteros non accusandos aut reprehendendos dixit; quia eorum causas sibi Dominus reservare voluit, & suo iudicio vindicare: tolerandos eos potius a fidelibus, quam exprobrandos, & veluti paleam cum tritico, usque ad ultimum ventilabrum relinquendos; & sicut pisces malos cum bonis, usque ad segregationem, quæ futura est in litore maris, id est in fine seculi. Idem Presbyteros illiteratos celebrare vetuit: prohibuitque ne quis fidelis ex consanguineis uxorem duceret, usque ad quintum, exclusive, consanguinitatis gradum. fuit Fabianus Romanus annorum quindecim sanctissimus Pontifex.

*Diaconi  
pauperum  
curatores:  
eorum ve-  
stis cur la-  
xa?*

*Presbyteri  
etas appro-  
rum 30.*

*Inter Con-  
sanguineos  
Matrimo-  
nium veti-  
tum.*



22. **C**ORNELIUS ad Pontificatum non subito pervenit, sed per omnia Ecclesiastica officia promotus, ad sacerdotii sublime fastigium ascendit: neque vim fecit ut Pontifex fieret, sed vim ipse passus est, ut Pontificatum coactus acciperet, uti sanctus Cyprianus ait; qui & modum tunc eligendi Pontificis Maximi ita tradit: primo divinum aliquod indicium præcedebat, ut quem Deus vellet eligi, signo aliquo admoneret; idque Apostolico more: de eo igitur qui iudicio Dei præelectus erat, coacto Presbyterio (hoc enim nomine sacra illa comitia dicebantur) rogabatur singulorum sententia: eorum itidem votum & testimonium explorabatur, qui plebis totius vicem repræsentabant: oportet enim illum testimonium habere bonum ab his qui foris sunt. ad Tim. 3. admittebantur æque ad comitia, si qui aderant in Urbe. Episcopi cum prærogativa suffragii; quod vero ad plebis in electione officium spectabat, sic delegati aderant, ut de ordinandi antea acta vita testimonium ferrent, non autem quod ferendi suffragii jus haberent, ut docet Cyprianus; sus-

*Modus eligendi summum Pontificem.*

*Cur delegari ex plebe ad electionem Pontificis admittantur?*

fra-



fragium ad Clerum, iudicium seu  
 testimonium ad plebem referens;  
 licet hoc ipsum alibi appellet et-  
 iam suffragium. Sub Cornelio con-  
 tigit primum in Ecclesia schisma:  
 Novatus Episcopus Africanus vi-  
 dens Novatianum Presbyterum  
 Romanum, qui ex Philosophia &  
 dicendi peritia magnum sibi fastum  
 comparasset, ob Cornelii electio-  
 nem invidiæ stimulis agitari, cœ-  
 pit una cum illo adversus Corne-  
 lium agere; ita ut Novatianus per  
 nonnullos rudiores ac simplici-  
 ores Episcopos, eosque ebrios red-  
 ditos clandestine ordinatus fuerit  
 in Romanum Episcopum: sed quo-  
 modo hi errorem suum deposue-  
 rint, & Cornelium Papam legiti-  
 mum agnoverint, vide Cypr. ad  
 Antonianum. Novatianus vero  
 in hæresim lapsus (a quo secta No-  
 vatianorum): asserbat lapsorum  
 peccatum esse irreconciliabile;  
 neque ulla medicina aut pœniten-  
 tia curari vel remitti posse: & sic  
 negabat articulum Symboli A-  
 postolici: *Remissionem peccatorum*,  
 & claves universaliter datas Petro  
 ligandi atque solvendi: & plures  
 alios errores discipuli ejus adjun-  
 xerunt. ipse tempore Xysti Secun-  
 di Romæ occisus, martyr Satanæ

PRIMUM  
 IN ECCLE-  
 SIA  
 SCHISMA.

*Novatianus  
 contra  
 Cornelium.*

*Hæresis No-  
 vatiano-  
 rum.*

*Clericis ju-  
vare non li-  
cet, nisi pro  
confirma-  
tione vera  
fidei.*

effectus est; ipsiusque aliquot in Episcopatu successores ducentis prope annis, usque ad Cœlestini primi Pontificatum permanserunt; a quo deinceps publice Episcopum habere prohibiti sunt. Fuit Cornelius Romanus, vixitque in Pontificatu circiter annos duos. vetuit a Sacerdotibus & Dei ministris exigere sacramentum juramenti, nisi pro confirmatione veræ Fidei. quomodo cum Lucina fœmina sanctissima, corpora Apostolorum Petri & Pauli e Catacumbis in locum opportuniorem transtulerit, videatur Brev. Rom. 16. Septemb. & quid sint Catacumbæ, Onomatichum huic Notitiæ additum.

*Clerici continentes  
non cohabitent mulieribus.*

23. **L**UCIUS. Primus, unus ex Presbyteris Confessoribus, qui cum Cornelio ad Centum Cellas, sub Imperatoribus Gallo & Volusiano in exilium missi fuerant, mandavit eligi continentes altaris ministros, iisque prohibuit contubernia & frequentationes cum mulieribus: & ut nullus clericus cum extranea habitet fœmina, nisi forte soror aut proxima fuerit; idque cum maxima sollicitudine fiat: non enim, ait, ignoro malitias Satanae. Summa

ma Conciliorum habet quod ipse præceperit, ut duo Presbyteri & tres Diaconi in omni loco Episcopum comitarentur, propter testimonium Ecclesiasticum. vide supra in Euaristo, qui simile quid ordinavit. sub hoc Pontifice obiit Origenes, de quo dictum antiquitus: *Ubi bene, nemo melius; ubi male, nemo pejus.* antea sub Zephyrino martyrio affectus fuerat Leonides Origenis Pater (de quo Martyrologium 22. Aprilis) qui apud Suidam Episcopus & Martyr fuisse legitur; quem filius scriptis hortatus est subire Martyrium, age-reque constantissime: quod & explevit, capite abscisso, Origenem juvenem 17. annorum orbem relinquens; quem nisi mater multis artibus avocasset, martyrii sitim, ad quod anhelaverat, expleisset: post patris igitur necem, una cum matre, & aliis sex fratribus minoribus natu orbis relictus, coepit literas humaniores profiteri Alexandria; & ex proventibus perceptis matrem viduam & fratres aluit: rem enim familiarem, ob confessionem Christi, Fiscus occupaverat. deinde post Clementem Alexandrinum (Stromateum dictum, ob libros Stromatum quos

*Origenes  
Leonidis  
Martyris  
filius.*

*Stroma  
quid, vide  
Onomastic.*

*Tertullianus senex,  
quando  
Origenes  
juvenis.*

scripsit) præceptorem suum, Catecheseos in Ecclesia Alexandrina magister fuit. *Ὀριγένης* latine monte genitus sonat, sive montanus: fuit nomine & scriptis Græcus; uti Tertullianus latinus, quasi ter, & maxime Tullianus, sive Cicero-  
nianus, ac Latinorum Architheologus; sed decrepita ætate in Montanam hæresim lapsus est. nota quod Tertullianus obiit senex anno Christi 215. cum Origenes juvenis esset, qui obiit ejusdem sæculi anno 256. ætatis suæ 69. hinc dicitur passim in concionibus teutonicis: *den ouden Tertullianus: den gheleerden Origenes*. Fuit Lucius Romanus unius dumtaxat anni, & 4. mensium Pontifex; cujus commemoratio fit in Breviar. Rom. 4. Martii.

*Sacerdotes  
tutores esse  
non possunt.  
de quo vide  
egregiam  
Cypriani  
epist. 9.  
lib. 1.*

24. **S**TEPHANUS Primus, Lucii Archidiaconus, eligitur in Pontificem: sub ipso Synodus celebrata fuit in Africa, ad quam inter alia, perlata est querela, quod moriens Christianus homo Presbyterum filiis suis tutorem ex testamento nominasset, contra Ecclesiæ Canones; quod facinus severe admodum ulta S. Synodus secundum antiquam discipli-

plinam censuit, ne pro eodem defuncto sacrificium offerretur, aut preces frequentarentur in Ecclesia: ut sic cæteris daretur exemplum, ne quis Sacerdotes, Dei ministerio, & altari mancipatos, curis sæcularibus implicaret. hodie bene secus fit. instituit Stephanus benedicti indumenta ad usum sacrorum, utque sacerdotes & diaconi nusquam sacris vestibus nisi in Ecclesia uterentur: sæcularibusque interdixit, ne auderent vestes sacras usurpare; ne si secus facerent, pœnam Regis Balthasaris subirent, qui vasa sacra manibus impuris tractare ausus, profanis usibus ea adhibuit, & subito a Deo punitus fuit. idem Baptizatos ab hæreticis iterum baptizari vetuit: quod de iis intelligendum est, qui forma Ecclesiæ consueta ab hæreticis baptizati essent. alia quæ fecit & passus est, vide Breviar. Roman. 2. Augusti. fuit Romanus annorum trium totidemque mensium Pontifex. Nomen Στέφανος latine corona, satis notum est.

*Benedictio  
sacrorum  
indumento-  
rum, eo-  
rumq; usus  
extra Ec-  
clesiam  
prohibetur.*

*Baptizati  
ab hæreticis  
legitima Ec-  
clesiæ for-  
ma non re-  
baptizandi.*

25. **X**YSTUS Secundus five Junior (ita enim secundi ejusdem nominis in vitis Pontificum

cum passim vocantur) ex Philoso-  
pho Græco Atheniensi Christi di-  
scipulus, sæviente crudeli Valeria-  
ni persecutione, ob denegatum  
Martis simulacro sacrificium capi-  
te truncatur, cum sedisset tantum  
menses undecim, dies duodecim,  
& sancto Laurentio Archidiacono  
suo (quem ante Pontificatum  
in Hispania prædicans, inter a-  
lios Christo lucratus fuerat, &  
secum Romam adduxerat) Marty-  
rii coronam prædixisset; qui se ad  
Martyrium non simul duci, tali-  
bus inter alia verbis conquereba-  
tur: *Experire utrum idoneum Mi-*  
*nistrum elegeris, cui commisisti Domi-*  
*nici sanguinis dispensationem: cui con-*  
*summandorum consortium Sacramen-*  
*torum, huic consortium tui sanguinis*  
*negas?* Cum Fideles sub utraque  
specie communicarent, Sacerdos  
Christi Corpus, Diaconus San-  
guinem fidelibus dispensabat: vi-  
de lectiones secundi nocturni 13.  
Augusti in Breviar. Rom.

*Diaconi*  
*sanguinem*  
*Christi fide-*  
*libus dis-*  
*pensare so-*  
*lebant.*

26. **D**IONYSIUS Presby-  
teris Romanis Ecclesias  
& Cœmeteria in Urbe divisit, Pa-  
rochias & Diœceses foris distri-  
buit, quo quisque finibus suis li-  
mitibusque contentus esset, nec  
alte-

*Diœceses,*  
*Parochia,*  
*& Cœme-*  
*teria.*



alterius administrationi se quifquam ingereret: ac scripsit de Parochiarum divisione, item de Sanctissima Trinitate, ac Christi Divinitate, adversus Arianas & Sabellianas hæreses. de eo Martyrologium 26. Decembris narrat, quod multis pro Ecclesia Dei impensis laboribus, fidei documentis clarus effulset. nomen Dionysius venit a *Διονύς*, id est vino infercio, unde Bacchus *Διόνυσος* dictus est; *Διονύσιος* Bacchicus, & *Διονύσια* Bacchi sacra sive Bacchanalia, nil mirum sanctos interdum habuisse profana nomina; Paganismus adhuc vigeat. vide indicem Martyrologii Romani, ubi Bacchus, Mercurius, & Apollo, Divorum etiam nomina invenies. fuit Dionysius Monachus Græcus, duodecim annorum Pontifex. Carmelitæ ipsum, uti supra Telesphorum, esse sui Ordinis tenent: nonnulli eum ignotis parentibus ortum, spurium indigitant. vide Pontum Heuterum tractatu de libera hominis nativitate.

*Profana  
etiam San-  
ctorum no-  
mina.*

27. **F**ELIX Primus, Martyrum gloriæ consulens, constituit ut Missa super memorias & sepulchra eorum celebraretur; & ubi

*Corpora &  
Lipsana  
Sanctorum  
sub altari-  
bus inclusa.*

ubi sepulchra talia non essent, ponerentur Reliquiæ Martyrum sub altari: quod hodie adhuc fit in altarium consecratione; & alveus in quo Reliquiæ ponuntur vocatur Sepulchrum, idque secundum illud Apoc. 6. *Vidi subtus altare animas intersectorum propter verbum Dei &c.* unde clare demonstratur altaria esse Sepulchra Martyrum; hinc absque eorum Lipsanis altaria non consecrantur. idem decrevit, si de consecratione templi alicujus ob vetustatem & abolitionem munimentorum ambigeretur, denuo consecrari posse: *nec enim* ( ut ipse ait ) *iteratum dicitur, quod factum esse nescitur.* fuit Felix Romanus annorum duorum Pontifex.

*Offertorium.*

*Benedictio  
comestibilium.*

28. **E**UTYCHIANUS habetur auctor Offertorii in Missa, item benedictionis frugum, qualia sunt poma, uvæ, fabæ, & cætera comestibilia: idque contra Manichæos, qui tenebant poma, & fructus omnes productos esse a malo principio, ob lapsum primorum parentum: hinc illos detestabantur & maledicebant, Papa: e contrario fructus benedicente, & per verbum Dei sanctificante, Deoque gratias pro illis agente tamquam

quam vero Creatori & Domino,  
 Decrevit, *quam duxit uxorem fidelis*  
*ante Baptisma, liberum esse ei hanc*  
*habere vel non habere.* contra E-  
 brietatem ita scripsit: magnum ma-  
 lum Ebrietatis, ex quo omnia vitia  
 pullulant, Christianis omnibus cavere  
 precipimus; qui autem hoc vitare no-  
 luerit, excommunicandum esse cense-  
 mus, usque ad congruam emendatio-  
 nem. item, Episcopi & Dei Ministri  
 non debent commensationibus & vino-  
 tentiis nimis incumbere, considerantes  
 sententiam Domini dicentis: ne gra-  
 ventur corda vestra crapula & ebrie-  
 tate; moderate enim cibum, & neces-  
 sarium solum sumant, ut juxta Apo-  
 stolum, sobrii sint & parati ad servi-  
 tium Dei. Martyrologium Roma-  
 num 8. Decembris ait, quod per  
 diversa loca trecentos & quadra-  
 ginta duos Martyres sua manu se-  
 pelivit, quibus & ipse sociatus,  
 sub Numeriano Imperatore Mar-  
 tyrio coronatus est, & in Cæme-  
 terio Callisti sepultus. Modum se-  
 peliendi Martyres ipse præscri-  
 bens, vetuit ne sine Dalmatica  
 aut Colobio purpurato sepeliren-  
 tur. quid sit Dalmatica & Colo-  
 bium, vide Onomasticon. fuit  
 Eutichianus Italus ex Tuscia, an-  
 norum octo & sex mensium Ponti-  
 fex.

*Uxorē ante  
 Baptismum  
 ductam li-  
 berum est  
 retinere,  
 vel non*

*Ebriosi ex-  
 communi-  
 cari, us-  
 que ad e-  
 mendatio-  
 nem.*

*Modus se-  
 peliendi  
 Martyres  
 cum Colo-  
 bio.*

fex. nomen derivatur ab Eutichius, quod latine bene munitus sive muratus sonat. τεῖχος murus, τεχέω muro cingo, sive munio.

*Diocletianus Patruus  
Caii Pape.*

*Per septem  
Ordinum  
gradus, eos-  
que exerci-  
tos ad Epi-  
scopatum  
ascenden-  
dum.*

*Sacris initi-  
ati a pro-  
phanis in-  
jus non tra-  
hendi.*

29. **C**AJUS ex genere Diocletiani Imperatoris, ipsius fratris Filius, ob Patru sui crudelitatem in subterraneis locis, quas cryptas vocant, diu latuit: qui Imperator affines suos Christianos, Susannam Gabinii fratris Caii filiam, ipsum Gabinium, imo uxorem suam Serenam Augustam ferro & igne consumpsit, Cajusque una cum ipsis periiit: qui constituerat, ut his ordinum gradibus ad Episcopatum ascenderetur, Ostiarii, Lectoris, Exorcistæ, Acolyti, Subdiaconi, Diaconi, Presbyteri: & ne quis Episcoparetur nisi ministrasset consueto tempore in singulis ordinibus. cavit etiam ne prophanus quispiam sacris initiatum in judicium vocaret; neve paganus aut hæreticus accusandi hominem Christianum potestatem haberet. colitur 22. Aprilis, fuit Dalmata, annorum duodecim Pontifex. Nomen Cajus, recte pronuntiatur tanquam Gajus, Græce γαῖος a γαῖο lætor: unde Gallica vox Gay.

MAR-

30. **M**ARCELLINUS cum Idololatriæ ex timore commissæ pœnitens, cilicio indutus ad concilium plurimorum Episcoporum Sinuessam venisset; cum damnare ausus est nemo; sed omnes una voce clamarunt: *Tuo re ore, non nostro iudicio iudica; nam prima Sedes a nemine iudicatur.* Postea Martyrio affectus, a Marcello Presbytero, qui ipsi in Pontificatu successit, Presbyteris & Diaconis, Hymnis ac luminibus adhibitis, honorifice sepultus fuit. vide historiam paulo fufius descriptam in Breviario 26. Aprilis, quando festum ejus ab Ecclesia colitur. fuit Romanus, annorum 8. Pontifex. nomen Marcellinus diminutivum est a Marcellus; & hoc a Marcus.

*Prima Sedes a nemine iudicatur.*

*Modus sepeliendi cum hymnis ac luminibus.*

31. **M**ARCELLUS Primus, cujus hortatu nobiles & potentes matronæ, Priscilla cœmeterium suis sumptibus ædificandum curavit, & Lucina bonorum suorum Ecclesiam Dei fecit hæredem, viginti quinque titulos in Urbe instituit, quasi Diœceses quasdam, ad Baptismum pœnitentiamque eorum qui ex infidelibus

ANNO  
CHRISTI  
300.

*Ecclesiam Dei hæredem scribere.*

Chri-

*Primatus  
Romana  
Ecclesie .*

Christianam Religionem susceperent, & ad Martyrum sepulturam. Quid sint Tituli, & Diœceses, vide Onomasticon. scripsit Marcellus Epistolam ad Episcopos Antiochenæ Provinciæ de Primatu Romanæ Ecclesiæ, quam caput Ecclesiarum appellandam esse demonstrat; ubi etiam illud scriptum est: *Nullum concilium jure celebrari, nisi ex autoritate Romani Pontificis.* Martyrium ipsius sine sanguine, ex squallore carceris, describitur in Breviario die 16. Januarii. fuit Romanus, annorum quinque Pontifex.

*Inventio  
S. Crucis,*

*Corporalia  
non serica,  
sed lineæ.*

*Confirmatio  
a solis Epi-  
scop. peragenda.*

32. **E**USEBIUS: sub hoc Pontifice sancta Crux Domini nostri a beata Helena 5. Novas Maii Hierosolymæ inventa est; & ipse Festum Inventionis hujus eo die quotannis celebrandum statuit. Decrevit sacrificium altaris non in serico panno aut tincto, sed in puro lineo, ab Episcopo benedicto celebrari (jam per usum Corporalia sacrantur) eo quod Corpus Domini in Sindone munda sepultum fuerit: item Sacramentum Confirmationis perficiendum a solis Episcopis; nec tempore Apostolorum ab aliis, quam ab



ab ipsis Apostolis fuisse peractum, uti patet Actorum 8. & 19. idem præcepit, quod *Oportet Episcopum* *Episcopalis mensa, qualis esse debeat.* moderatis epulis contentum esse, suoque convivas ad comedendum & bibendum non urgere; quin potius sobrietatis præbeat exemplum: removeantur ab ejus convivio cuncta turpitudinis argumenta; non ludicra spectacula, non fatuorum stultiloquia, non scurrilium admittantur præstigiæ: adsint peregrini, & pauperes ac debiles, qui de sacerdotali mensa Christum benedictes, benedictionem ipsi percipiant: recitetur sacra lectio, subsequatur vivæ vocis exhortatio, ut non tantum corporali cibo, imo verbi spiritualis argumento convivantes se refectos gratulentur, ut in omnibus honorificetur Deus per Jesum Christum Dominum nostrum. fuit Eusebius, uti nomine, ita origine Græcus, & re Eusebius: *Εὐσέβιος* pie vivo, *Εὐσέβεια* pietas. Pontifex annorum 2. mensium 7. ipsius meminit Martyrologium die 26. Septembris.

33. **M**ELCHIADES Afer annis fere duobus præfuit. nomen ab hebræo *Melchi* derivandum videtur, quod interpretatur meus rex, sive consilium meum, unde patronymicum *Melchias*.

*Die Domi-  
nica jeju-  
nium veti-  
tum: &  
quondam  
die Jovis.*

*Erogatio  
panis bene-  
dicti in Ec-  
clesiis.*

*Candelabra  
in altari.*

*Nemo con-  
demnandus  
ante propria  
confessio-  
nem.*

*Martyr  
idem quod  
Confessor.*

chiades: Hispani aliqui illum suum dicunt, & Mantua Carpetanorum, hodie Matrino, oriundum. vetuit jejunium die Dominico, ob Resurrectionis, & feria quinta, ob Ascensionis Domini memoriam: quod festum Ascensionis olim in Ecclesia tam erat solemne, ut feriae quin-  
tae festivae essent, sicut Dominicae sunt, & in iis prout in Dominicis numquam jejunaretur, nequidem in Quadragesima: idque ne ullum daretur signum tristitiae in illa die, quae tantum laetiae tum caelo, tum terrae attulerat, cum humana in Christo natura elevata fuit super omnes Angelorum Choros. Instituit Melchiades erogationem Panis benedicti, in symbolum unionis inter Fideles; unde adhuc in Ecclesiis parochialibus diebus festivis, post Missam Conventualem pauperibus panis erogatur. Candelabra in altaribus poni jussit: & constituit, nequis umquam aliqua suspicione, ante veram probationem, & propriam confessionem condemnaretur. De ipso tamquam Martyre in Breviario Romano 10. Decembris fit commemoratio, idque propter Fidei confessionem; nam *μαρτυρ* latine testem sive confessorem significat, uti superius in Eleu-

Eleutherio notatum fuit. Martyrologium ait, quod *in persecutione Maximiani multa passus, reddita Ecclesia pace, quievit in Domino:*

Ultimum hunc triginta trium primorum Pontificum, qui omnes ab Ecclesia Martyres habentur, subsecutus est Primicerius Confessor.

34. **SILVESTER** Primus, Romanus vir divinus, aspectu angelicus, sermone nitidus, corpore decorus, opere sanctus, consilio magnus & maturus, fide catholicus, spe patientissimus, ac omni charitate diffusus: cui tantam Dominus contulit gratiam, ut non a Christianis modo, verum etiam a Gentilibus miro coleretur affectu: ab ipso namque baptizato Imperatore Constantino, & Ecclesie pace firmata; facultas data fuit Christianis, quod hactenus negatum, publice templa extruendi. hinc ritus, quos in consecrandis solemniter Ecclesiis & altaribus, Romana servat Ecclesia, Beatus Silvester primus instituit. multa ipse decreta fecit Ecclesie Dei utilia: in his, ut a solo Episcopo Chrisma conficeretur, ut Presbyter Chrismate baptizati summum uniret verticem, ut Diaconi Dal-

*Solemnis  
Consecratio  
Ecclesiarum  
& Altarium.*

*Chrisma fit  
a solo Episcopo,  
a Presbytero  
unctio.*

ma-

*Manipulus* maticis in Ecclesia, & Palla lino-  
*Palla Lino-* stima ( quam hodie manipulum di-  
*stima .* cimus ) ad lævam uterentur , ut in  
 lineo tantum velo sacrificium al-

*Interstitia* pus omnibus qui Ordinibus initia-  
*& exercitia* ti essent, exercendi singulos ordi-  
*singulorum* nes in Ecclesia, antequam quisque  
*Ord.* ad altiorem gradum ascenderet :  
 ut Laicus Clerico non inferat cri-  
 men, ne Clericus apud profanum  
*Clericus a* judicem causam dicat . Sabbati &  
*Laico non* Dominici diei nomine retento, re-  
*accusetur .* liquos hebdomadæ dies feriarum  
 nomine distinctos, ut jam ante in

*Hebdomade* Ecclesia vocari cœperant, appel-  
*dies quare* lari voluit : quo significaretur, quo-  
*serie diste ?* tidie Clericos, abjecta cæterarum  
 rerum cura, uni Deo prorsus va-  
 care debere. & reliqua, quæ cœ-  
 lesti prudentia, Ecclesiam per  
 viginti annos administrando, sta-  
 tuit, & fecit : vide Breviarium Ro-  
 manum nona Novembris, & ulti-  
 ma Decembris. primus inter Pon-  
 tifices usus est Mitra, quam alii  
*Mitra* deinde Pontifices exornaverunt ;  
*Pontificia .* hinc in antiquis Pontificum ima-  
 ginibus prior mitratus pingitur .  
 sub ipso habitum est primum Con-  
 cilium œcumenicum, Nicænum di-  
 ctum, constans trecentis decem  
 & octo Patribus, anno Christi 325.

ubi

ubi Arius condemnatus est ; qui Christum non ejusdem , sed simili cum Patre substantiæ asseribat .

35. **M**ARCUS Romanus instituit ut Episcopus Ostiensis , a quo Romanus Pontifex consecratur , pallio uteretur , quod *Pallium est ornamentum Archiepiscoporum Latinorum , apud Græcos omnium Episcoporum ,* Archiepiscoporum ornamentum est : apud Græcos tamen omnes Episcopi Palliis utuntur ; quod unde sit , vide infra in Joanne undecimo . Pallium summi honoris index , Potestatis Ecclesiasticæ plenitudinem designat ; estque præcipuum Romani Pontificis insigne , quo in Missarum solemniis semper & ubique utitur : ab ipso Metropolitanis impertiri solitum , qui illo nec semper , nec ubique utuntur ; quoniam vocati sunt in partem sollicitudinis , non in plenitudinem potestatis . sicut olim summi Sacerdotis Hebræorum amiculum erat superhumerales , ita in Christianæ Religionis sacerdotio , genus illud indumenti , quod Pallium dicitur , summi tantum Pontificis cessit usui ; ab eo tamen compluribus Episcopis magna ex causa communicatum : hoc superjacet Planetæ , seu Casulæ dum Pontifex sacra facit . cur Pallium

C ex

*Quare fiat  
Pallium ex  
Lana.*

ex lana ovium vel agnorum confici soleat, non ex lino, aut bysso? Isidorus Pelusiota rationem reddit: hoc inquit amiculum, quod summus Sacerdos humeris gestat, ex lana, non ex lino aut bysso contextum, oris illius, quam Dominus aberrantem quaesivit, inventamque humeris suis sustulit, pellem designat. Episcopus enim, qui Christi typum gerit, ipse munere fungitur, atque ipso etiam habitu illud omnibus ostendit, se boni illius Pastoris imitorem esse, qui gregis infirmitates sibi ferendas proposuit: vide quid Cœremoniale

*Consecratio  
Romani  
Pontificis  
antiqua, &  
moderna.*

Romanum ait: Consecratio Romani Pontificis, secundum antiquas Patrum constitutiones, solebat spectare ad Episcopum Ostiensem, qui etiam Pallio in ea consecratione utebatur, assistebant ei Portuensis & Albaniensis Episcopi. sed ad tollendas contentiones, jam pridem introductum est, ut prior Episcoporum Cardinalium, cum duobus ex senioribus Episcopis id munus obire debeat: sicque nostris temporibus servari videmus, ut non habeatur ratio Ecclesiarum, sed prioritatis Episcopalis. Pallia autem texuntur Romæ in Monasterio S. Agnetis, ubi aluntur singulis annis agni gemelli, quos Pontifex illac in supplicatione publica transiens, a Monialibus adfe-

*Ubi & a  
quibus Pal-  
lia texan-  
tur.*

ne-



nestram oblatos benedicit, ex quibus occisis desumitur lana sic benedicta; ex qua Moniales istæ Pallia contexunt; quæ deinde ponuntur super Corpus S. Petri, unde Papa ea desumit, & mittit Archiepiscopis. Christophorus Marcellus Archiepiscopus Corcyrensis, olim Xysti IV. Præfectus Cæremoniarum, & priscus auctor Rituum Ecclesiasticorum, tribuit primam Pallii institutionem Lino Petri successor; ex Eusebio Cæsariensi, sermone de Epiphania. vide supra in Lino. Statuit Marcus ut recitato Evangelio in Missa, Symbolum Nicænum a Clero & a Populo decantaretur. vixit in Pontificatu tantum menses octo, sub Constantino Magno Imperatore, qui duas a Marco dedicatas Basilicas magnis muneribus exornavit. vide Breviarium Rom. 7. Octobris.

*Pallii Institutor.*

*Symbolum Nicænum in Missa post Evangelium.*

36. **JULIUS** ( *a magno demissum nomen Julo, uti Virgil. Æneid. I. Ascanius Æneæ filius. Julius dicebatur a tenebra lanugine, sive prima barba, quæ græce ἰσλος dicitur* ) initio sui Pontificatus, nempe anno Christi 336. Constantino Magno vita functo, Imperii 31. ætatis 66. con-

*Mors Constantini Magni,*

gregatis Romæ 116. Episcopis OE-  
cumenicam Synodum Nicenam con-  
firmavit, damnatamque hæresim  
Arianam nova excommunicatione  
proscripsit. anno dein Christi 340.  
Julii quarto, Athanasius Romam  
venit, ut adversariorum accusatio-  
nibus & calumniis responderet;  
qui vocati & citati, ac per sesqui-  
annum expectati non sunt ausi com-  
parere; quo tempore Athanasius  
in Urbem invexit Ægyptiorum  
Monachorum institutum, vitam-  
que Antonii Magni, quam ipse con-  
scripserat. idem Romæ cum esset,  
illud quoque insigne fidei suæ re-  
liquit Occidentalibus monumen-  
tum, nempe *Symbolum*, quod huc-  
usque *Athanasii* nomine in Eccle-  
sia recitatur, per quod ipse se A-  
thanasium, id est immortalem omni-  
bus Orthodoxis reddidit. Consti-  
tuit Julius, ut nullus Clericus  
causam quamlibet in publico age-  
ret, nisi in Ecclesia per Notarios  
stipularetur: & ut omnium monu-  
mentorum in Ecclesia confectio  
per Primicerium Notariorum cele-  
braretur: sive ut alii dicunt, man-  
davit omnia ad Ecclesiam perti-  
nentia, ut legitime fierent, per  
Notarios exacte conscribi, & a  
Primicerio Notariorum sive Proto-  
no-

*Institutum  
Monacho-  
rum Anto-  
nianorum.*

*Symbolum  
Athanasii.*

*Clericus pu-  
blice can-  
sam agere  
nisi cum Ec-  
clesia noti-  
tia non po-  
test.*

*Monumenta  
Ecclesie per  
Protonota-  
rios appro-  
bata.*

notario comprobari. de ipso narrat Martyrol. Rom. 12. Aprilis: *Roma via Appia Natalis Sancti Julii Papæ, qui adversus Arianos profide Catholica plurimum laboravit, ac multis præclare gestis, sanctitate celebris quievit in pace.* fuit Julius Romanus, annos quindecim & aliquot menses Romæ sedit: licetque Oriens universus Arianorum procellis suo tempore exagitaretur, Occidentalis tamen Ecclesia summa fruebatur tranquillitate: verum sub sequenti Pontifice non ita mansit.

37. **L**IBERIUS item Romanus, & totidem annorum Pontifex: idem latine, quod græce Eleutherius. ejus nomine insignita fuit Ecclesia Romæ ab ipso extructa in Monte Exquilino impensis Joannis Patricii Romani: *Ecclesia S. Maria Majoris, sive ad Nives,* primum *Basilica Liberii*; deinde *S. Maria ad Præsepe*, ob translata eo ex Bethleem sacra Christi Incunabula; postremo Ecclesia *Sancta Maria Majoris*, atque *ad Nives* dicta. quamvis nihil de Liberio referatur in Martyrologio Romano, de ipso tamen egregia fit mentio in Breviario, die quinta Augusti: atque in Pontificum Catalogo no-

*Ariminen-  
sis Conven-  
tus.*

men ipsius littera S. prænотatur .  
nam propter fidem & veritatem  
Catholicam, quam adversus Aria-  
nos tenebat, & propter Ariminen-  
sem Convēntum a sectatoribus A-  
rianæ hæresis Arimini, Civitate  
Flaminiae coactum (ubi multa cal-  
lide disputata fuerunt, & negaba-  
tur Christus cum Patre esse homo-  
usios) ab illo aperte impugnatum  
& rejectum (uti Breviarium in le-  
ctionibus de Sancto Damaso II.  
Decembris) instigantibus Arianis,  
& eorum fautore Imp. Constantio  
in exilium actus, ejusque loco Fe-  
lix secundus susceptus est. inter a-  
lia ordinavit Liberius, quod die-  
bus jejuniorum nullæ lites, nul-  
læque contentiones esse debeant,  
sed in Dei laudibus, & opere ne-  
cessario persistendum: arguitque  
eos qui tempore Quadragesimæ de-  
bita a creditoribus exigunt, juxta  
illud Isaia 58. *Ecce in diebus jejunii*  
*vestri debitores vestros expetitis, ecce*  
*ad lites & contentiones jejunatis.* &  
diebus istis sacratissimis abstinē-  
dum esse statuit a conjugis, & ca-  
ste ac pie vivendum, ut sanctifica-  
to corde & corpore dies isti transi-  
gantur, donec perveniatur ad diem  
sanctum Paschæ; quia nihil pæne  
valet jejunium, quod conjugali  
ope-

*Diebus jeju-  
nii & Qua-  
dragesima a  
litibus &  
conjugis ab-  
stinendum.*

opere polluitur, & quod orationes, vigiliæ & eleemosynæ non commendant. unde *tempus clausum*, *Tempus clausum.* quod vocant, quando nuptiæ celebrari non possunt, originem trahit. Illum Ambrosius l. 3. de Virgini sanctæ memoriæ virum, Basilium Beatissimum, Epiphanius Beatum nominant; tantum abest ut pro hæretico cum aliqui haberint. imo reperitur memoria Liberii in Martyrologio Bedæ die 24. Septembris recensita inter alios Sanctos. qui, si quid externo actu per metum aliquando in gratiam Arianorum fecisse videatur, certum tamen est, nunquam illum aut hæresim docuisse, aut hæreticum extitisse: & si quam maculam olim exul Arianorum ad tempus communione contraxit, posteriore confessione in Synodo apud civitatem Ariminum legitime habitata, ubi antea Pseudo-Synodus ab Arianis coacta fuerat, prorsus delevit.

38. **F**ELIX Secundus, licet SCHISMATA  
 ingressus ejus ad Pontificatum fuerit vitiosus; quod vivente adhuc Liberio, ab Arianis, & fautore eorum Constantio Constantini magni filio intrusus, fuisse  
*SECUND.*  
*Felix 2.*  
*contra Li-*  
*berium, qui*  
*defuncto*  
*Liberio legi-*  
*time sedit,*



set; mortuo tamen Liberio, legitime confirmatus fuit; imo ab ipso Constantio Imperatore Ariano, quem legitimus jam Pontifex ut hæreticum damnaverat, ob Catholice Fidei confessionem e Sede sua dejectus, Cære in Tuscia occulte gladio necatus, gloriose occubuit. ejus corpus inde a Clericis raptum, Romæ via Aurelia sepultum, postea ad Ecclesiam SS. Cosmæ & Damiani delatum; tandem anno 1582. sub Gregorio decimotertio ibi repertum est, sub altari reconditum, cum hac inscriptione: *Corpus sancti Felicis Papæ, qui damnavit Constantium. vide Martyrologium Romanum 29. Julii, qua die ipsius memoria tenetur; & notas Baronii ibidem. fuit; Felix Romanus, unoque anno & tribus mensibus legitime sedit.*

39. **D**AMASUS Primus Hispanus, ex Lusitania, latine domans vel domitus reddi possit, a *δαμάζω* domo, unde adamas lapis pretiosus, præ durtie indomabilis. Breviarium Romanum 11. Decembris ait, quod fuerit vir egregius & eruditus, qui prosa & versu scripsit de virginitate, multaque aliâ metro edidit:

*Damasus  
Poeta.*



ac Platoniam (vide Onomasticon) Petri & Pauli exornavit elegantissimis versibus. Vitæ Pontificum Romanorum, quas Anastasius Bibliothecarius continuavit, ipsius nomine circumferuntur: at vero multi non ipsius hoc scriptum, sed *Vite PP. notæ Damasi Papæ, sed Damasi Portuensis Episcopi.* Damasi Portuensis Episcopi esse volunt; nam stylum Damasi Papæ dissimilem, & multo nitidiorem esse, apparet ex Epistolis quas ad Hieronymum dedit: & ipse Hieronymus, cum alia ab ipso scripta narrat in Epistola ad Dextrum Prætorio Præfectum, nullam prorsus mentionem facit editi ab eo libelli de vitis Pontificum urbis Romæ. Inter alia pœnam talionis *pœna talionis.* constituit iis qui alium falsi criminis accusassent; idque ea occasione contigit: cum in Clero Romano orta esset dissensio ex substitutione Felicis decessoris, parte adversa indigne ferente, hunc Damasum, qui erat ex communione Felicis, electum esse in Pontificem; *SCHISMA TERTIUM.* Ursicinus Diaconus creatus fuit *Ursicinus contra Damasum.* Antipapa: sed cum deinde Damasi electio legitima agnosceretur, schismatici ad falsas accusationes conversi, sanctissimum virum adulterii accusarunt; verum probata ejus innocentia, Concordius &

Callistus Diaconi calumniatores ab Ecclesia fuere dejecti, lata lege Talionis contra falsos delatores. duravit vero schisma tredecim mensibus, quando Ursicinus se Pontificatu abdicavit, factusque fuit Episcopus Neapolitanus. statuit Damasus, ut quod jam a Pontiano Papa statutum pluribus locis erat in usu, Psalmi per omnes Ecclesias die noctuque ab alternis canerentur, & in fine cujusque Psalmi adderetur, *Gloria Patri & Filio & Spiritui Sancto*. extinxit Chorepiscopos, eo quod ipsi per inflationem se Episcopis simile vellent. vide Onomasticon in voce Episcopus. dicitur instituisse Festum Assumptionis B. M. Octavam ejusdem postea instituit Leo quartus. sub ipso habitum est Concilium OEcumenicum secundum 150. Patrum, Constantinopoli, anno Christi 381. contra Macedonianos Spiritum sanctum Deum negantes. gubernavit Ecclesiam egregie annos decem & septem.

*Gloria Patri &c. in fine Psalm. Chorepiscopi extincti.*

SECUND.  
CONCIL.  
OECUMENICUM  
CONSTANTINOPOL.

*Communicantes & memoriam venerantes.*

40. **S**IRICIUS, Romanus, annorum tredecim Pontifex, fertur auctor partis Canonis: *Communicantes & memoriam venerantes: Monachos ad Clerum accersiri, & ad*

ad Ordines sacros promoveri posse permisit ( antea enim nec ipsi Abbates erant sacerdotes , uti SS. Antonius , & Hilarion , imo alii qui Benedictum sacerdotem non fuisse volunt ) Ordinesque interpolari , non omnes una ordinatione dari voluit . Bigamum , & qui viduam duxisset , sacerdotem fieri prohibuit . statuit ut Baptismus non celebretur nisi in Paschate & Pentecoste ; quod intelligendum de iis qui adulti baptizabantur : eratque hoc apud antiquos usitatum , ut baptismus cum celebritate conferretur , uti patet ex Missæ Canone infra Octavam Paschatis & Pentecostes : *Hanc igitur oblationem quam tibi offerimus pro his quoque quos regenerare dignatus es ex aqua & Spiritu sancto &c.* quod duravit usque ad tempora Caroli Magni , circa annum Christi 800. Sarius est stella in ore canis dicta αἴρεν ficcando ; nomen Siricius huic Pontifici conveniebat , quia ficcus & tardus erat in extinguenda hæresi Origenis ; cui sequens Pontifex egregie se opposuit . ita ex Hieronymo , Alphonsus Ciacconius .

*Monachi  
ad sacros  
Ordines ad-  
missi .*

*Bigami irr-  
gulares .*

*Solemniitas  
Baptismi, in  
Paschate &  
Pentecoste.*

41. **A**NASTASIUS Pri-  
mus, Romanus, anno-

norum 4. Pontifex, vir ditissimæ  
paupertatis, & apostolicæ solici-  
tudinis, quem, ut S. Hieronymus  
ait, Roma diu habere non meruit,  
ne orbis caput sub tali Episcopo  
truncaretur: nam haud multo post  
ejus obitum, Roma a Gothis capta

*Corpore de-  
fectuosi non  
ordinandi.*

atque direpta fuit. ita Martyrolo-  
gium 27. Aprilis. cavit ne ullus  
corpore defectuosus sacris ordini-  
bus initiaretur: neve peregrini  
ordinarentur, nisi a proprio Epi-  
scopo chirographum signatum ex-

*Litteræ di-  
missoriales.*

hiberent; unde *Littera Dimissoria-*  
*les*. statuit ut ad recitationem E-  
uangelii, ad majorem reverentiam  
& attentionem verbo Dei, & prom-  
ptitudinem ad illud opere exe-  
quendum demonstrandam, ab o-  
mnibus staretur, etiam a Presby-  
teris; quod illis nominatim hac  
occasione injunctum fuit: cum Dia-  
coni ob temporalium Ecclesiæ bo-  
norum administrationem apud po-  
pulum essent in magna estimatio-  
ne, ipsisque se comparare, imo  
preferre inciperent Presbyteris;  
hi ad dignitatem suam tuendam,  
volebant, ut ipsis sedentibus Dia-  
coni starent; resque eo processit,

*Ad Evan-  
gelium ab o-  
mnibus  
standum.*

ut

ut Diaconis stantibus , & Evangelium cantantibus , Presbyteri manerent sedentes : contra quem abusum Anastasius edito decreto , non tantum populum , sed etiam Presbyteros stare iussit ; nomen huic iussu non incongruum habens ; nam Anastasius latine resurgens dicitur , ἀνάστασις resurrectio .

42. **I**NNOCENTIUS Pri- ANNO  
mus , Pelagio & Cælestio CHRISTI  
damnatis , contra eorum hæresim 400.  
decretum fecit ; ut parvuli ex christiana etiam muliere nati , per Baptismum renasci deberent : Ut in *Baptizandi parvuli quare &*  
*eis regeneratione mundetur , quod generatione contraxerunt .* Probavit ut Sabbato jejunium servaretur , ob *Jejunium in Sabbato .*  
memoriam sepulturæ Christi Domini , ac tristitiam B. Virginis , & Apostolorum . ordinavit servari Hostiam consecratam in diem Parasceves . auctor est *S. Hostia servanda in diem Parasceves .* Pax Domini sit *Pax Domini , & Pacis osculum in Misa .* semper vobiscum , & pacem omnibus dari iussit in Missa ; de quo ita descripsit ; *Pacis osculum dandum est post confecta mysteria , ut constet populum ad omnia quæ in mysteriis aguntur , atque in Ecclesia celebrantur , præbuisse consensum , ac finita esse pacis concludentis signaculo . quia vero per illud pacis osculum nescio quid*  
la-



*Tabella pacis.*

*Ecclesia bis non consecranda.*

*Clerici sine consensu sui Episcopi non ordinandi.*

*Sacramenta & Præbendas vendere, simoniacum est.*

*Publicæ orationes meliores privatis.*

*Servi & Spurii non Ordin.*

lascivi interdum obrepebat ; ordinata fuit *Tabella pacis* , quæ cuique daretur osculanda , præterquam sacerdotibus , qui adhuc in choro se invicem salutant in osculo pacis , dicendo *Pax tecum* . Noluit , ut Ecclesia semel consecrata amplius consecraretur : censuit , ut si Clericus sine proprii Episcopi consensu esset ordinatus , ejus ordinatio fieret irrita : declaravitque quod Episcopi , qui præbendas & dignitates , vel Sacramenta , ut puta Oleum sanctum , Chrisma , consecrationes altarium &c. venderent , pro Simoniacis punirentur . scripsit B. Augustino , quod plus communibus , & publicis Ecclesiæ orationibus , quam singularibus & privatis proficere poterimus : ipsius ætate Sanctus Hieronymus quoque floruit , qui de ipso ita ad Deme- triadem scripsit : *Sancti Innocentii , qui Apostolica Cathedra , & beatæ memoriæ Anastasi successor est , teneas fidem &c.* vide Breviarium Romanum 28. Julii. fuit Italus Albanensis , annorum quindecim Pontifex .

43. **Z**OSIMUS servis & spuris Clericatum , Clericis tabernas interdixit. Sabbato san-



sancto Cereum magnum benedici constituit, in honorem Resurrectionis Christi, qui in Passione quasi extinctus, novo lumine in Resurrectione refulsit. alii dicunt quod concessit licentiam Parochiis benedicendi Cereum Paschalem, quam majores duntaxat Basilicæ habebant: quod autem mos benedicendi Cereum istum fuerit ante Zosimum, patet ex Prudentio Poeta Christiano, qui uno sæculo Zosimum præcedens, cecinit hymnum de Cereo Paschali. & Martinus Polonius Theodorum primum, anno 643. auctorem faciens, plane uti in pluribus errat. vigebat tunc consuetudo cantandi omnes Missas: abbreviatio earum, & submissa voce recitatio fluxit ab indevotione & impatientia populi. sanctus perhibetur in Martyrologio 26. Decemb. fuitque Græcus, prout nomen Ζώσιμος, latine vitalis, Ζων vita; unius tamen tantum anni Pontifex.

*Clericis taberna interdicta.*

*Cereus Paschalis.*

*Missæ omnes prius cantabantur.*

44. **B**ONIFACIUS Primus, quinquennis Pontifex Romanus, in lege doctissimus, & vetus Presbyter, post unum diem a Zosimi obitu invitatus ac reluctans eligitur: & contra illum Eulalius

**SCHISMA  
QUARTUM**

*Eulalius contra Bonifacium.*

Ar-

Archidiaconus, favente Symmacho Urbis præfecto, intruditur. read Imperatorem Honorium delata; propter dies qui imminebant S. Paschatis, Imperator negotium differens, utrumque urbe jussit abstinere; & Spoletinum Episcopum Romæ sacra celebrare: cum autem Eulalius temere se in urbem intrusisset, & publicæ seditionis præbuisset occasionem, Honorius eum, Clericosque ei communicare præsumentes urbe jussit expelli, Bonifacium vero in urbem deduci, & tamquam legitimum Papam regere Ecclesiam. instituit Bonifacius feria quinta in Cœna Domini can-

*Gloria in excelsis in Feria quinta in Cœna Dom.*

*Debitis intricati non ordinandi.*

*Vigilia sublata retentis jejunis.*

tari *Gloria in excelsis Deo*: quia gaudium est eo die ob institutionem venerabilis Sacramenti. extatque decretum ejus de ætate Presbyterorum, ne ante trigésimum ætatis annum, uti Fabianus statuerat, ordinentur. neque tantum servos & spurios, uti decessor Zosimus, & antecessor Anastasius debiles & claudos, sed etiam debitis intricatos a Sacris arcuit. *Sanctorum Vigilia* ab hoc Pontifice sublata sunt, retento tantum nomine cum jejunio. cur autem sustollendæ essent, narrat inter alios Augustinus sermone 115. de diversis; *Istum tam san-*

sanctum locum, ubi jacet sancti Martyris Corpus, invaserat pestilentia & petulantia saltatorum; per totam noctem hic cantabantur nefaria, & a cantantibus saltabatur: & cætera pejora quæ fiebant. de Bonifacio hoc Martyrologium 25. Octobris facit mentionem.

45. **C**ÆLESTINUS Primus, a quo, in tertio Concilio OECumenico, Ephesi anno 430. a ducentis Patribus celebrato, Nestorius damnatus, & Diva Virgo Θεοτόκος, id est Deipara, dicta est, qui illam quidem dicebat Christotocon: non tamen Theotocon (vide Onomasticon) unde magna in Catholicis pietas erga B. Virginem Deiparam excitata, & tunc primum ad Salutationem Angelicam additum fuit: *Sancta Maria Mater Dei ora pro nobis &c.* instituit Psalmum *Judica me Deus* ante Missam a Sacerdote dici: inseruit Missæ Introitum, Graduale, Tractum, Offertorium, Communionem. quod autem discrepent hic Psalmorum versiculi a vulgari nunquam editione, sit ex vetustissima illa sacrorum Bibliorum versione, quæ etiam ante S. Hieronymi

TERTIUM  
CONCIL.  
OECUMENICUM,  
EPHES.  
D. Virgo  
Θεοτόκος

S. Maria  
Mater Dei  
ora pro nob.  
Missæ. Psal.  
Judica, Introitus,  
Graduale,  
Offertorium,  
Communio.  
Cur Missæ  
Introitus

*discrepent a  
vulgari  
Psalmorum  
editione:*

*Matutinum  
& Laudes  
ante Mis-  
sam dicen-  
da; anti-  
quitustotum  
Psalterium  
dicebatur.*

*Quinque  
Psalmi  
preparato-  
rii, & se-  
ptem oras.  
ante Mis-  
sam.*

mi tempora celebris habita est in Ecclesia; ex qua omnes fere Missarum Introitus, Gradualia, & Offertoria desumpta sunt. Cum solerent antiqui totum Psalterium ante Missam præmittere; nunc ad minus Matutinum cum laudibus & aliis psalmis preparatoriis præmittendum esse quis neget? Et Gavantus in commentariis Missalis, Titulo de præparatione Sacerdotis celebraturi ait: esse quidem auctores viginti, qui negent peccatum mortale, matutinum omittere; sed & novemdecim, qui affirmant. Atque hic Cælestinus instituit illos quinque Psalmos preparatorios ante Missam; ut quidquid quinque sensuum transgressione commisit Sacerdos, hoc modo detergat. septem autem orationes quæ incipiunt, *Aur*em tuam, *quaesumus Domine*, & *Gratia sancti Spiritus illumina cor nostrum &c.* subjunguntur pro septiformi gratia Spiritus sancti impetranda. hinc non absque ratione præscribunt Rubricæ, ut Sacerdos celebraturus Missam, Matutino saltem cum Laudibus absoluto, orationi aliquantulum vacet, & Psalmos orationesque ante Missam positas, pro temporis opportunitate

tate dicat; cum antiqui toto Psalterio prius recitato, solerent ad Missarum sollemnia accedere. Cælestini meminit Martyrologium 8. Aprilis; fuit Romanus, octo annorum Pontifex.

46. **X**YSTUS Tertius similiter Romanus, & totidem annorum Pontifex, in pauperes & sacra ædificia profusus, Basilicam Liberii, quæ hodie S. Mariæ Majoris dicitur, & tunc S. Mariæ ad Præsepe vocabatur, ob translata eo ex Bethleem Incunabula Christi, restituit; atque ab hoc Xylto, etiam Xystiana dicta fuit. Huic Pontifici Eudoxia Eudociæ filia catenam deculit qua S. Petrus ab Herode victus fuerat; quam a matre acceperat, quæ illam Hierosolyma attulerat; illique monstravit Xystus alteram catenam, qua Nerone Imperatore idem Apostolus constrictus fuerat: quibus collatis, factum est, ut illæ inter se ita conducerentur, ut non duæ sed una catena ab eodem artifice confecta esse videretur; uti tacito Pontificis nomine narratur Kalendis Augusti in Breviario Romano. qui Xystus instituit festum istud S. Petri ad vincula.

*Basilicâ S. Mariæ majoris, ad Præsepe, & Xystiana dicta.*

*Festum S. Petri ad vincula.*

Ba-



Baronius in notis ad Martyrologium 28. Martii ait, quod res ejus gestæ sint amplissimæ, quæ volumine prægrandi potius, quam brevi annotatione indigeant; & 5. Augusti, quod Adrianus Papa ad Carolum magnum de eo scribat: Xystus Papa successor Cælestini refecit Basilicam Sanctæ Dei Genitricis Mariæ, cognomento Majorem, quæ & Præsepe dicitur, & ipse tam in metallis aureis, quam in diversis historiis, eam sacris decoravit Imaginibus. ita Adrianus apud Baronium ad annum 808.

*Orate fratres.*

*Inconsuetudo oblationum, Sanctum Sacrifcium, Immaculatam Hostiam.*

*Ite missa est.*

*Benedicamus Domino.*

*Sanctus Deus, Sanctus fortis, Sanctus immortalis miserere nobis.*

47. **L**EO Primus, ob excellentissimum doctrinæ, & curæ Pastoralis studium Magnus dictus, auctor est Incensationis oblationum, *Orate fratres; Hanc igitur, Sanctum Sacrifcium, immaculatam hostiam, Ite Missa est, Benedicamus Domino.* ipsius tempore per miraculum, quod contigit Constantino-  
poli, cœpit usurpari Trisagion *Sanctus Deus, Sanctus fortis, Sanctus immortalis miserere nobis:* ubi illa verba græce proclamabantur, quo idiomate apud nos adhuc in die Parasceves proferuntur. Contigit autem hoc modo miraculum: anno hujus Leonis septimo, ingens



gens terræ motus per sex menses  
 variis in locis concitatus est, quo  
 urbes plurimæ & muri Constanti-  
 nopolitani cum 77. turribus cor-  
 ruerunt; ac fames & pestifer aer  
 multa millia hominum & jumen-  
 torum delevit: cum Theodosius  
 Imperator una cum Patriarcha  
 Proclo, universoque populo præ  
 metu ruentium ædificiorum, ex-  
 tra urbem habitarent; ac die qua-  
 dam motu vehementius grassante,  
 cuncti simul ex intimo corde mi-  
 sericordiam divinam implorarent,  
 & clamarent Kyrie eleison; super-  
 na repente vi puer, spectantibus  
 omnibus, de media turba extra  
 visum hominum raptus, rursum-  
 que per aerem priore via in eum-  
 dem locum demissus, multitudini  
 supplicationibus intentæ retulit,  
 se audivisse decantatum hoc ab  
 Angelis Trisagion: ἅγιος ὁ θεός,  
 ἅγιος ἰσχυρὸς, ἅγιος ἀθάνατος, ἐλέη-  
 σον ἡμᾶς. utque omnes eodem mo-  
 do concinerent hortatus est; quo  
 dicto animam Deo puer reddidit.  
 ubi vero populus jubente Proclo  
 Trisagion ad eum modum decan-  
 tare cœpit, motus terræ conti-  
 nuo cessavit: quo miraculo com-  
 moti Theodosius Imperator & Pul-  
 cheria Augusta Constitutione Im-  
 pe-

*Terræ mo-  
 tus vehe-  
 mens per ea  
 verba sopi-  
 tus.*

*Trisagion,*

periali decreverunt, ut per totum orbem hymnus iste divinus concineretur. Colitur S. Leo ab Ecclesia 11. Aprilis, deque ipso in lectionibus secundi Nocturni narratur, quod sepulchris Apostolorum custodes adhibuerit, quos Cubicularios appellavit: quodque in tribus Basilicis Cameras extruxerit, id est, sacella vel sacraria, quid sint Cubicularii, & Camerae, vide latius in Onomastico. Fuit Leo Italus in Etruria natus, Canonicus Regularis, sedit in Pontificatu annos fere 21. sub ipso habitum fuit Concilium quartum œcumenicum Chalcedonense, 630. Patrum, anno 451. contra Eutychen, Christum solum Deum fuisse asserentem.

*Cubicula-  
rii.*

*Camera.*

QUARTUM  
CONCIL.  
œCUMEN-  
NICUM  
CHALCE.

48. **H**ILARIUS opum neglectu, & consiliorum magnitudine inter sublimes Pontifices effulgit, agendo quæ ad optimum Pontificem pertinent, tum in extruendis templis, iisque ornandis ac dotandis, tum etiam docendo, admonendo, castigando, eleemosynasque copiosas, ubi opus erat, largiendo: constituit, ut nullus literarum inscius in Clericum ordinaretur, prohibuitque,  
ne

*Illiterati  
non fiunt  
Clerici.*

ne Episcopi sibi deligerent succes-  
 fores, & ne ullus ordinetur Epi-  
 scopus sine consensu Metropolita-  
 ni. sub ipso solemnes ante Ascen-  
 sionem Domini triduanas Lita-  
 nias, quas sanctus Mamertus Epi-  
 scopus Vienenfis in Gallia insti-  
 tuerat, universalis Ecclesia reci-  
 piens comprobavit. de quo vide  
 Martyrologium 11. Maii. & nota  
 quod S. Mamertus eas non abso-  
 lute, sed in Galliis tantum insti-  
 tuerit: quia ante Augustinum ex  
 fuerunt, qui & de iis tractat; uti  
 notat Baronius ad 25. Aprilis. Hi-  
 larii meminit Martyrologium 10.  
 Septembris. Fuit ipse Sardus, an-  
 norum fere septem Pontifex, no-  
 men a Græco est ἡλάρος, latine  
 hilaris, lætus: ἡλάρωω exhilaro:  
 ab aliquibus etiam Hilarus sine i;  
 nominatur.

*Episcopi  
 successores  
 non statu-  
 ant: nec si-  
 ne consensu  
 Metropoli-  
 tani ordi-  
 nentur.*

*Rogationes  
 ante ascen-  
 sionem Do-  
 mini.*

49. **SIMPLICIUS** vetuit  
 Clericos recognoscere Be-  
 neficium a Laicis: Episcopum ma-  
 le dividendem redditus Ecclesiasti-  
 cos administratione prorsus inter-  
 dixit. Oblationes fidelium tripar-  
 tito dividendas esse præcepit: ut  
 Episcopo & Clero una portio ce-  
 dat; duæ reliquæ in Ecclesiæ fa-  
 bricam, & pauperes ac peregrini-  
 nos

*Clerici a  
 Laicis reco-  
 gnoscere nō  
 debent bene-  
 ficia.*

*Oblationes  
 quomodo  
 dividenda.*

*Ordines sa-  
cri initio  
tantum in  
Sabbato 4.  
temporum  
Decembris  
conferaban-  
tur.*

*Cur in Sab-  
bato, & cur  
mense De-  
cembris.*

nos erogentur. Notandum quod in sabbato quatuor temporum mensis Decembris tantum habitæ fuerint Ordinationes a S. Petro usque ad hunc Simplicium, qui deinde Sabbato quatuor temporum Quadragesimæ Ordines sacros contulit; & secundus ejus successor Gelasius extendit Ordinationes ad alia quatuor tempora: fiuntque in Sabbato tantum; quia a Deo illud est sanctificatum, ut ordinandi etiam sanctificentur. quod fierent autem antiquitus mense Decembri tantum, uti passim constat ex lectionibus Breviarii de Pontificibus; ideo erat, ut nimirum cum Christo nascente tunc ordinandi ab Ecclesia gignerentur. ita Amalarius. fuit Simplicius Italus Tiburtinus, per annos quindecim Pontifex, habetur in Martyrologio 2. Martii.

*Ecclesia non  
nisi ab Epi-  
scopis con-  
secranda.*

50. **F**ELIX Tertius, qui Sancti Gregorii Magni avatarus fuit: de quo is refert, quod sanctæ Tharsillæ nepti apparens, illam ad cœlestia regna vocavit; uti Martyrol. 25. Febr.: constituit, ut Ecclesiæ non nisi ab Episcopis consecrarentur. sub hoc Felice Pontifice, & Zenone Imperatore, post

post trinam revelationem inventum est Corpus Sancti Barnabæ in Insula Cypro, ad cuius pectus erat Euangelium S. Matthæi Barnabæ manu conscriptum, lignis Thyinis (vide Onomasticon) compactum. paulo post Zeno Imperator morbo comitali correptus, dum mortuus creditur, vivus sepultus est: & merito, cum infida fuerit hæretici hominis fides, qui non ad pietatem sed ad regni stabilitatem se Catholicum mentiretur, fuit Felix Romanus ex nobili Aniciorum prosapia, Canonicus Regularis, annis novem in Petri Cathedra sedit.

*Inventio  
Corporis S.  
Barnabæ &  
Euangelii  
S. Matthæi*

*Zeno Impe-  
rator epile-  
pticus vivus  
sepultus.*

51. **G**ELASIUS Primus, discipulus sancti Augusti-  
ni, declaravit libros S. Scripturæ  
quinam sint Canonici, quinam Apocryphi. Ordinum collationem,  
quæ antiquitus tantum fiebat men-  
se Decembri, & ab antecessore  
Simplicio facta fuerat in Quadra-  
gesima, reliquorum quatuor tem-  
porum Sabbatis attribuit. voluit  
ne ullus bigamus ad sacros Ordines,  
nisi de licentia Sedis Apostolicæ  
promoveretur: item nullus membro mutilatus,  
aut carens oculo (quod postea ad oculum  
D Ca-

*Libri Canonici S.  
Scripturæ*

*Ordinationes in  
Sabbatis omnium  
4. temporum.*

*Membro  
mutilatus,  
aut oculo  
carens irregularis.*



*Corpus  
Christi sine  
sanguine  
non conse-  
crandum.*

*Undecim in  
Missis præ-  
fationes.*

*Apparitio  
S. Michae-  
lis.*

Canonis, five sinistrum, restrictum fuit) Presbyter ordinaretur. Mandavit item Sacerdotibus ne unquam sacrum Christi Corpus sine Sanguine conficerent, nec ulla consecratio fieret extra Missam. auctor est Gelasius decem Missæ Præfationum, quæ sunt: 1. Præfatio Communis, 2. de Nativitate, 3. de Epiphania, 4. de Quadragesima, 5. de S. Cruce, 6. de Resurrectione, 7. de Ascensione, 8. de S. Spiritu, 9. de SS. Trinitate, 10. de Apostolis: quas & ad tantum aptavit. Præfationis de B. Maria auctor est Urbanus secundus, de quo vide infra. sub hoc Gelasio contigit Apparitio S. Michaelis in monte Gargano, de qua die octava Maii. de ipso autem Martyrologium 21. Novembris: *Romæ S. Gelasii Papæ doctrina & sanctitate conspicui.* fuit Gelasius, uti Augustinus, Afer, annorum quatuor, & mensium fere novem Pontifex: nomen Gelasius Græcum, latine ridens sonat, γελᾶω rideo.

52. **A**NASTASIUS Secundus, five Junior, ratum habuit Baptismum ab Hæretico datum; & Ordinationem colla-



latam ab Episcopo suspenso; dummodo utantur forma Ecclesiæ Catholicæ consueta, sic scribens: *Ordinatio ab Episcopo suspenso est valida.*

*Quod mali ministrando sibi tantummodo noceant, non Ecclesiæ Sacramenta commaculent; nec eos qui per hæreticos sunt baptizati, aut ordinati, portio lésionis attingat.* fuit Anastasius Romanus annis fere duobus, minus 8. diebus Pontifex.

53. **S**YMMACHUS die quarto eligitur: sed eodem die fit quintum in Ecclesiâ schisma, per intrusum quemdam Laurentium; qui in S. Mariæ, via nova, Symmachus autem in Constantiniana Basilica ordinatus fuit: quæ ex causa separatus est Clerus, & divisus Senatus. sed schismaticis superatis, Symmachus pauperum & maxime Clericorum amator & sustentator constituit diebus Dominicis & Natalitiis Martyrum cantari *Gloria in Excelsis Deo*: quod antea fecerat Telesphorus, sed sine hac festorum restrictione. ar- *Gloria in Excelsis tantum in Festis.* cuit hic legitimus Pontifex Laicos, etiamsi reges, ab electione Pontificis, iisque de rebus Ecclesiæ disponendis potestatem abrogavit. *Laicis de rebus Ecclesiæ disponere non licet.* consultus a Cæsario Arelatensi Episcopo anno 502. respondit

Origo Bene-  
ficioꝝ  
Eccl.

possessiones dari posse ad tem-  
pus Clericis ; unde Beneficio-  
rum Ecclesiasticorum origo cœpit ;  
cum antea stipe accepta victita-  
rent Clerici : quod aliqui ex al-  
mutiis perperam probare conan-  
tur , quæ saccum sive manticam  
superius referunt , & lingua Teu-  
tonica *Aelmoesse* eleemosynam so-  
nat , vide Onomasticon in voce  
*Almutia* . de ipso Martyrolog. 19.  
Julii : *Romæ sancti Symmachi Papæ ,*  
*qui schismaticorum fatigatione diutius*  
*fatigatus , demum sanctitate conspicuus*  
*migravit ad Dominum .* fuit Sardus ,  
ultra quindecim annos Pontifex ,  
nominis sui etymon egregie ex-  
plens ; quod Græce *σύμμαχος* ; la-  
tine simul pugnans , sive conten-  
dens sonat .

*Clodovæus*  
*I. Franc.*  
*Rex Chri-*  
*stianus .*

54. **H**ORMISDA ab ὁρμή-  
ζω, id est navem in por-  
tum duco ; quod reapse præstitit ,  
Petri navem schismaticorum flucti-  
bus agitatam in portum quietis  
perducens . de ipso Martyrologium  
6. Augusti . huic Papæ *Clodovæus*  
Francorum Rex , sub decessore  
Symmacho Christianus factus , mi-  
sit Coronam auream gemmis or-  
natam : & S. Remigius Rhemensis  
Episcopus scripsit ei congratulans  
de

de Pontificatu, ad quem rescripsit Papa, eumque Legatum Apostolicum Franciæ in omnibus constituit. Micrologus de Ecclesiasticis observationibus cap. 8. sic scribit.

*Beatus Hormisda a Sancto Petro quinquagesimus quartus Papa illum deponit, quicumque non ordinatus officium ordinati usurpaverit. nihil autem obstat quin Sacerdos inferiorum ordinum officia, si necesse fuerit, expleat, quem omnes inferiores obtinere constat: qui & in Missa sacris vestibus est indutus, sine quibus juxta Romanum ordinem, ministrare non debemus. Reliquit Hormisda ex legitimo ante Papatum matrimonio filium Silverium nomine, qui ad Papatum, imo ad Martyrium deinde pervenit. fuit ipse Italus in Campania natus, seditque annos 9.*

*Non ordinatus ordinati officium non usurper.*

*Sacerdos inferiora officia exercere potest.*

55. **J**OANNES Primus, a Justino Seniore Imperatore summo excipitur honore; cum enim Constantinopolim tenderet, tam pro Religione Catholica, quam pro Regis Theodoricæ causa (cujus jussu paulo post Ravennæ carceris pædore fameque consumptus, Martyrum numero est adscriptus; impius autem Theodoricus in ignem Liparitanum,

*Occursus &  
adoratio  
Papæ cum  
cereis &  
crucibus.*

*Prima coro-  
natio Impe-  
ratoris Ro-  
man. a Pa-  
pæ.*

num, Vulcani Ollam dictum de-  
ctus) occurrit ei civitas ad duodeci-  
mum milliare cum cereis & cruci-  
bus, & adoravit eum primus in terra  
Imperator; qui licet a Constanti-  
nopolitano Episcopo diadema acce-  
pisset, Papæ tamen manibus vo-  
luit coronari: & hic fuit primus  
Imperator a Romano Pontifice co-  
ronatus: quem ritum postea in  
consuetudinem induxit Carolus  
Magnus; fuitque Joannes primus  
Romanorum Pontificum, qui Con-  
stantinopolim est profectus. Mi-  
racula quæ tunc edidit, vide in  
Breviario Romano 27. Maii. fuit  
ipse Italus in Tuscia natus, an-  
norum duorum, & mensium no-  
vem Pontifex.

*Non nisi in  
sacratiss  
Deo locis  
sacrifican-  
dum.*

56. **F**ELIX Quartus Divis Me-  
dicis Cosmæ & Damiano  
Romæ templum dedicavit. scripsit  
ad Episcopos, Missam non debere  
celebrari nisi in sacratiss Deo lo-  
cis, nisi magna compulerit neces-  
sitas: quoniam scriptum est Deu-  
teronomii 12. *Vide ne offeras Holo-  
caustum in omni loco, quem videris;  
sed in loco quem elegerit Dominus  
Deus tuus.* sicut enim non alii quam  
sacratissimi Domino Sacerdotes debent  
sacrificia offerre, sic non in aliis  
quam

quam Domino sacratiss locis Missæ sunt celebrandæ. Juxta doctrinam Beati Jacobi, & aliorum Apostolorum, mandavit infirmos ante obitum inungi Oleo sancto. Ex epistola prima hujus sancti Felicis Papæ Quarti leguntur Lectiones secundi nocturni, in die octava Dedicationis Ecclesiæ: & Gavanus in Præfatione Octavarum Romani sic ait: *Sancivit Papa Felix hoc nomine Quartus, ut per octo dies dedicatio colatur Ecclesiarum; quam a Constantino edictam, & a Silvestro per octo dies indictam, scribunt S. Athanasius & Sozomenus.* Martyrologium 30. Januarii de ipso refert, quod pro Ecclesia Catholica plurimum laboravit. Fuit Italus Beneventanus, anni quarti, uti nominis, Pontifex.

*Extrema  
Unctio.*

*Octava De-  
dicationis  
Ecclesiæ.*

57. **B**ONIFACIUS Secundus sive Junior, sub contentione cum Dioscoro ordinatur, ille in Basilica Julii, hic in Constantiniana: Et fuit dissensio in Clero & Senatu diebus 29. quo tempore defunctus est Dioscorus, & quievit seditio. Schismaticus hic adversarius simoniæ infamatus fuit, eaque de causa post mortem a Bonifacio anathematizatus: absolu-

SCHISMA  
SEXTUM.  
*Dioscorus  
contra Bo-  
nifacium  
2.*

tus tamen postea ab Agapeto , ut injuste damnatus . decrevit rursus Bonifacius , quod & ante non semel statutum fuerat , ne quispiam sibi successorem in Episcopatu deligeret ; & ut in demortui locum alter Pontifex , si fieri posset , die tertia sufficeretur , ne dilatio seditionem faceret . in epistola quadam ostendit per Divinam Sapientiam optime constitutum , ut minores majoribus subdantur , & omnes Episcopi Episcopo Romano : quare gradus diversos & ordines distinctos constituit , ut dum reverentiam minores potioribus exhibent , & potiores minoribus dilectionem impendunt , vera concordia servetur . Nota quod hic Bonifacius Secundus , sit primus inter Pontifices Romanos , de quibus nihil habetur in Breviario , aut Martyrologio Romano , uti sequentes duo Joannes & Agapetus : obiitque Bonifacius hic origine Romanus anno Pontificatus , uti nominis , secundo .

*Justinianus  
Imperator  
collector legum*

58. **J**OANNES Secundus , honorificam legationem accepit ab Imperatore Justiniano cum ingentibus donis auri & argenti , ac gemmarum , addita



dita confessione Fidei in scripto sub chirographo proprio Imperatoris. fuit hic Justinianus, qui leges sparsas & incompositas in ordinem ad utilitatem hominum redegit, & ea quæ supervacanea & inutilia, ac contra Religionem Christianam videbantur, abscidit. *Unus de Trinitate passus, sed in carne.* habuit Joannes Concilium Romæ pro decidenda quæstione, an unus de Trinitate passus dici debeat; quæ consultatio per annum duravit: & statutum est, posse dici; sed securius addi, passum in carne. fuit Romanus, fere triennalis Pontifex.

59. **A** GAPETUS Primus, secunda longa, quia Græce scribitur per η, quæ quidem vocalis est, quæ apud Græcos producit; ideo Latine Agapètus, non Agàpetus pronūtiatur, ab ἀγαπητός, ἀγαπητῆ, quod ab ἀγαπάω, ὦ, quod significat amo, diligo. Græci autem in pronuntiando non habent rationem quantitatis, sed accentus. ἀγάπη idem est quod Charitas sive dilectio, hinc Agapetus dilectus, amabilis, Flandrice *Lieven*, Barbare *Livinus*. Agapèti hujus sanctitatem S. Gregorius Magnus L. 3. Dialogorum cap. 3. commemorat

*Agapetis idem quod Livinus.*

D 5      (uti

*Ritus expiandi ab hæreticis polluta.*

*Festivitas Ferie Quintæ sublata.*

( uti Martyrologium 20. Septembris ) *Agapetus vas Catholicum, Evangelii tuba, præco justitiæ &c.* Ritus expiandi Catholice quod Hæretici polluerant induxit : nam omnes templi ædes , & altaris sedisque velamina Anthimi Pseudoepiscopi infecta flatibus, catholicis eluit precibus : hincque fluxit antiquus Ecclesiæ Catholicæ ritus expiandi quæ hæretici polluerant . Feriam quintam similem Dominicæ festivam quondam in Ecclesia habitam , & cognatam Dominicæ vocatam , Agapetus propter nimia festa, quibus populus gravabatur, festive celebrari sustulit ; ut sola Dominica per septimanam sic observaretur . vide supra in Melchiae . fuit Romanus biennalis Pontifex .

*Fuso sine sanguine Martyr.*

60. **S**ILVERIUS Hormisdæ quondam Papæ ex legitimo ante Pontificatum Matrimonio filius . de eo Martyrologium 20. Junii: *Natalis Sancti Silverii Papæ & Martyris , qui cum Anthimum Episcopum hæreticum ( quem Theodora Augusta ex Trapezuntina in Constantinopolitanam Sedem intruserat ) ab Agapeto prædecessore suo depositum restituere noluisse , a gen-*

*gente impia Theodora, a Bellisario in  
exilium pulsus ad insulam Pontiam,  
ibidem pro fide Catholica ærumnis con-  
fectus defecit. vide latius eodem die  
in lectionibus Breviarii. fuit ipse  
Italus Campanus, nomen a silva,  
uti Silvester habens; trium anno-  
rum Pontifex.*

61. **V**IGILIUS (idem lati- SCHISMA  
ne, quod græce Gre- SEPTIMŪ.  
gorius vide PP.66.) Joannis Con- *Vigilius*  
sularis viri nobilissimi filius, S. R. *contra Sil-*  
E. Archidiaconus; viventi adhuc *verium.*  
Silverio, agente impia Theodora  
Augusta, substitutus est eo fine,  
ut Anthimum Constantinopolitanæ  
Sedi restitueret, ejusque dogma  
confirmaret: quod ipse in se con-  
versus constanter recusat, & con-  
siderans se schismaticum in ordi-  
nem redigit, mortuoque Silverio  
dat locum comitiis habendis pro  
electione Papæ; in quibus legiti-  
me electus, ascendit thronum Pe-  
tri: moxque Anthimum cum aliis  
hæreticis atque schismaticis ana-  
thematizat. Censuit eos esse da-  
mnandos, qui cum carnibus absti-  
nerent, ea quoque credebant esse  
vitanda, quæ carnibus admista  
fuisse videbantur. nam (inquit)  
Dominus noster Jesus Christus ita

*Bonum est  
abstinere  
carnibus,  
etiam iis  
vesci.*

*Verba Con-  
secrationis  
prius alte,  
jam secrete  
proferun-  
tur.*

*Capitula  
ad horas  
Canonicas.*

præmonuit dicens: *Non quod intras in os coinquinat hominem, sed quæ procedunt de ore, hæc sunt quæ coinquant hominem*: quapropter nec abstinentiam Deo placitam repro-  
bamus, nec eos, qui execrantur Dei creaturam, in nostra recipi-  
mus societate. Ordinavit insuper, ut verba consecrationis Eucharisti-  
cæ secrete dicerentur. solebant antea Sacerdotes alte & clare ea proferre, & circumstantes respon-  
debant *Amen*; quasi dicerent: ita esse credimus; uti patet ex lectio-  
nibus sancti Ambrosii feria quarta infra Octavam Corporis Christi: *Dicis tibi Sacerdos Corpus Christi, & tu dicis Amen, hoc est verum; quod confitetur lingua, teneat affectus &c.* Sed quia ex frequenti eorum au-  
ditu, verbis istis Sacrosanctis ho-  
mines abutebantur, ordinatum fuit ab Ecclesia, ut verba Consecrationis secrete, devote, & attente diceren-  
tur. videtur Vigilius auctor Capi-  
tulum quæ passim in horis Ca-  
nonicis leguntur, de iis ita reser-  
bens: *quoties Paschatis, aut Ascen-  
sionis Domini, Pentecostes, vel Epi-  
phanie, Sanctorumque Dei fuerit a-  
genda festivitas singularis, Capitula diebus apta subjungimus, quibus com-  
memorationem sanctæ solemnitatis, aut*

eorum facimus, quorum natalitia celebramus; cetera vero ordine consueto prosequimur. sub ipso habitum est OECumenicum Concilium quintum, Constantinopolitanum secundum, anno 553. constans 165. Patribus, contra Origenistas. fuit Vigilius Romanus; alii quindecim, alii septemdecim ei Pontificatus annos tribuunt, ob illegitimum primo Sedis Apostolicæ ascensum.

QUINTUM  
CONCILIUM  
OECUMENI-  
CUM  
CONSTANTI-  
NOP. 2.

62. **P**ELAGIUS Primus (latine Marinus vel Maritimus, τὸ Πίλαγος Mare) Canonicas preces Ecclesiasticis quotidie persolvendas constituit; quod imposuit paulo post Pelagius secundus sub pœna peccati. Missam conventualem diebus jejuniorum post Nonam celebrari decrevit; pro defunctis suffragia fieri iussit: hæreticos, cum excommunicationibus non terrentur, brachio sæculari coercendos ordinavit. decretum promulgavit adversus eos, qui pecunia, aut promissionibus ad gradus ordinesque Ecclesiasticos pervenirent. ipso Pontifice, Constantinopoli Romam translatum est Corpus Sancti Stephani, & collocatum in sepulcro Sancti Lau-  
ren-

*Hora Cano-  
nica quoti-  
die persolvu-*

*Missæ con-  
vent. serius  
dicenda  
diebus jejuna*

*Hæretici sa-  
culari pote-  
state coer-  
cendi*

*Pecuniam  
promittere  
ad sacra  
simonia-  
cum*

rentii ; qui huic Protomartyri locum celsisse dextrum , & Humani inde Hispani nomen accepisse dicitur . fuit Pelagius Romanus , seditque annos prope quinque .

63. **J**OANNES Tertius cognomento Catellinus , ex patre Anastasio viro illu-

*Consulibus  
extinctis ,  
Exarchi  
præfisse cape-  
runt .*

stri Romæ natus . ipsius tempore venit in Italiam Longinus Patricius cum Exarchi titulo ; quo sublati fuerunt Consules Romani . Onuphrius Panvinus ait , quod mortuo Narzete ultimo Consule , Longinus Patricius reliquum Italix , quod Longobardi non occupaverant , Imperatoris Constantinopolitani nomine , Exarchi titulo , Ravennæ sede locata , obtinuit ; & sic præfisse cœpit , assumens titulum ex re quam aggrediebatur : ἐξάρχω enim incipio præfisse significat . vide Onomasticon . Ordinavit hic Joannes , ut qui bona Ecclesiastica injuste usurpassent , quadruplum redderent ; quod in lege antiqua ita statutum esset : uti David ad Nathan dicebat : ovem reddet in quadruplum . 2. Reg. cap. 12. & in lege nova Zachæus ad Christum : si quid aliquem defraudavi , red-

*Usurpatores  
bonorum  
Eccl. red-  
dant qua-  
druplum .*



reddo quadruplum. præfuit Ecclesiæ annis tredecim.

64. **B**ENEDICTUS Primus: sub ipso Longobardi perfumdederunt Italiam, & in magnis laboribus atque afflictionibus Papa positus, mortuus est ex compassionem Italiæ. scripserat Epistolam ad Davidem Episcopum Hispanum in Boetica, qui per literas retulerat ad Sedem Apostolicam, esse quosdam in Hispania, qui dicerent neminem posse veraciter probare, Trinitatem esse Unitatem: sed Papa ex S. Scripturæ testimoniis, Genesis 18. Exodi 34. 2. Reg. 5. Isaïæ 37. Matthæi 28. confundit contrasentientes; & suam sic concludit Epistolam: *His frater testimoniis veritatis, Unitatem Trinitatis agnosce, & desine Arianorum pravitatem sequi, ut ab eadem Trinitate possis indulgentiam promereri.* fuit Romanus, seditque annos quatuor.

*Trinitatem esse Unitatem probatur varie ex S. Scriptura.*

65. **P**ELAGIUS Secundus, Romanus, vetuit assumere nomen OEcumenici Patriarcham aut Archiepiscopum, docuitque illud soli Pontifici Romano convenire, ex privilegio Petri, una

*OEcumenici nomen soli Papa convenit.*

*Obligatio  
ad horas  
Canonicas  
sub peccato.*

una cum jure convocandi , for-  
mandique Concilia generalia . ob-  
ligavit sub peccato Clericos in  
sacris existentes ad recitandum  
quotidie septem horas Canonicas :  
quod ut rite fieret , librum Officii  
Ecclesiastici , Breviarium dictum ,  
in optimum ordinem redegit suc-  
cessor ejus Gregorius . Præfatio-  
nes , quibus in Missa utitur Roma-  
na Ecclesia ex editione Gelasii ,  
tenendas præcepit Pelagius : vesti-  
vit Corpus B. Petri Apostoli tabu-  
lis argenteis deauratis ; sicque or-  
navit corpus , sive sepulchrum B.  
Laurentii . quid vero mirandum  
atque pavendum acciderit , tum  
cum Martyris hujus corpus ab ope-  
rariis quæreretur , audiamus S. Gre-  
gorium tunc viventem hoc nar-  
rantem lib. 3. Epist. 30. *sanctæ me-  
moriæ decessor meus Pelagius , ad Cor-  
pus S. Laurentii Martyris quædam me-  
liorare desiderans ; dum nescitur , ubi  
venerabile corpusejus esset collocatum ,  
& effoderetur exquirendo : subito se-  
pulchrum ejus ignoranter apertum est ,  
& ii qui præsentibus erant & laborabant  
Monachi , & Mansionarii , qui cor-  
pus ejusdem Martyris viderunt , quod  
quidem minime tangere præsumpserunt ,  
omnes intra decem dies defuncti sunt ;  
ita ut nullus superesse potuisset , qui*  
san-

*Corpora  
Sanctorum  
temere non  
movenda .*

*sanctum & iustum ejus corpus viderat;*  
 Hæc Gregorius. simile quid contingit nostro hoc tempore circa corpus S. Francisci Xaverii in Indiæ Metropoli Goa. Pelagius autem Monachus quondam Benedictinus, lue inguinalis sive pestilentia, quæ Italiam præcipue devastabat, sublatus est, anno sui Pontificatus duodecimo.

66. **G**REGORIUS Primus, Monachus prius, & Abbas Benedictinus, magnis dein in Ecclesiam meritis *Magnus* vocatus, principio omnium Horarum Canonicarum *Deus in adiutorium cuni* *Deus in adiutorium cum Gloria Patri* adjecit: & considerans Cælestinum Papam, ut infirmitati & indevotioni humanæ consuleret, recitationem omnium ante Missam Psalmorum mutasse in aliquos ex Psalmis versiculos cum Gloria Patri repetitos; adjecit sexies *Kyrie Eleison*, & ter *Christe Eleison* in honorem SS. Trinitatis alternatim repetitum; eo quod *Kyrie eleison & Christe eleison in Missa.* Canticum istud sit quasi totius psalterii compendium, secundum illud Psalmistæ: *Ego dixi, Domine miserere mei.* Orationi Dominicæ, quæ a S. Petro in prima Missa, & deinceps ab omnibus dicta fuit, adje-

*Libera nos  
quæsumus  
Domine ab  
omnibus  
malis &c.  
atque Beato  
Andræa.*

*30. Misse  
continua  
pro defun-  
ctis.*

*Dies cine-  
rum initi-  
um Qua-  
dragesima.*

*Jejunium  
Quadr. con-  
sequenter  
observan-  
dum.*

adjecit: *Libera nos quæsumus Domi-  
ne ab omnibus malis præteritis, præ-  
sentibus & futuris &c.* addens: at-  
que Beato *Andræa*, quia Gregorius  
huic Apostolo propensior fuit,  
cujus nomine in suis ædibus Ro-  
mæ monasterium ædificavit; ubi  
Monachi vitam professus, postea  
Abbas fuit: quo tempore pro quo-  
dam Monacho defuncto trigin-  
ta diebus continuis offerri jussit  
sacrificium; quod mortuo isti quam  
bene cesserit, vide Dialogos ipsius  
l. 4. C. 55. quas triginta Missas,  
ex ipsius institutione, adhuc adhi-  
bere pro defunctis solemus. Præ-  
ordinavit quatuor dies in capite  
jejunii quadragesimalis; cujus ini-  
tium consecravit cineribus bene-  
dictis fidelium capitibus imponen-  
dis: qui cineres debent esse ari-  
di, non in modum luti ( prout  
apud nos perperam fit ) quod sa-  
cra Rituum Congregatio anno  
1603. declaravit, & Romæ, ac in  
Italia, & Hispania passim observa-  
tur: voluitque Gregorius, ut jeju-  
nium istud consequenter observa-  
retur, non interpolate, prout antea  
fiebat, incipiendo nempe a Se-  
ptuagesima, feriis quintis, & Sab-  
batis, atque Dominicis non jeju-  
nando: & ut dies mœstitiæ adhuc  
ob.

observarentur, ordinavit a Septuagesima usque ad Pascha canticum lætitiæ *Alleluja* intermitteri. instituit Cantum Romanum, five plenum, ab ipso Gregorianum dictum: & Collegium Cantorum fundavit, quibus domum quam inhabitarent construxit: in optimum ordinem redegit Breviarium, quo Romana utitur Ecclesia; item Sacramentarium, seu librum Sacramentorum; & Pastorale, seu Regulas Pastorales edidit. in festo Purificationis, & Dominica Palmarum Processiones instituit, ac Litanias Majores atque Stationes: quis Minores, five Rogationes ordinaverit vide Onomasticon in voce Litania. *Commemoratio S. Pauli* 30. die Junii ab illo instituta cur sit? vide idem in voce *Commemoratio*. Bigamos Ordinibus Sacris, uti prius prohibitum fuerat, interdixit. Subdiaconos agamos voluit; & usum in Sicilia, quo uxores ducere non verabantur, compressit; ordinavitque nequis imposterum Subdiaconus ordinaretur, nisi continentiam servare, Episcopo spondisset. vetuit fœminas, tam virorum quam fœminarum ingredi Monasteria. cœpit ipse nume-  
rare

*Intermissio  
Alleluja.*

*Cantus  
Gregorianus.*

*Breviarium, Sacramentarium,  
& Pastorale  
Greg.*

*Processiones, Stationes,  
ac Litania.*

*Commemoratio S. Pauli.*

*Bigami irregulares.*

*Subdiaconi agami.*

*Fœminis  
Monasteria  
ingredi prohibitum.*

An. 4  
Christi In-  
carnatione.

Servus Ser-  
vorum Dei.

Deus te sal-  
vet sternu-  
tantibus.

Oscitantes  
Cruce os si-  
gnant.

Antiphona  
Regina Cali  
letare allel.

rare annos Christianos a Chri-  
sti Incarnatione: de quo vide O-  
nomasticon in voce Æra. præ hu-  
militate abhorruit a nomine OE-  
cumenici, sive universalis Episco-  
pi; uti Paulus, qui de se dicebat:  
non sum dignus vocari Apostolus:  
imo se Sacerdotis nomine indi-  
gnum reputans, *Servum Servorum*  
*Dei* appellavit, quo titulo & suc-  
cessores hætenus usi sunt: cum-  
que Joannes Patriarcha Constan-  
tinopolitanus sibi universalis Ec-  
clesiæ Episcopi nomen arrogaret,  
ejus audaciam hac sua humilitate  
fregit. ipsius tempore tanta mor-  
talitas homines invasit, ut osci-  
tantes & sternutantes passim mo-  
rerentur: hinc ordinavit, ut ster-  
nutantibus diceretur, *Deus te sal-*  
*vet vel servet*; & oscitantes signa-  
culo Crucis os signarent: quomo-  
do mortalitas ista cessaverit, die  
Resurrectionis Domini, per Anti-  
phonam *Regina Cæli letare alleluja*  
&c. historia nota est. fuit Gregorius  
Romanus Gordiani Senatoris filius,  
ex illustri Aniciorum Prosapia, an-  
nos fere quatuordecim optime gu-  
bernavit Ecclesiam. Nomen Grego-  
rius græcum est, idem quod latine  
Vigilius, *γρηγορέω* vigilo. de no-  
mine Anicius vide Onomasticon.

SABI-



67. **S**ABINIANUS, magnarum rerum sub Gregorio decessore procurator fuit; quem ipse in Epistola ad Eulogium Episcopum Alexandrinum, Diaconum in urbe regia responsa Ecclesiæ facientem, ac responsalem suum sive Apocrisiarium vocat; & Gregorius eo se munere quondam functum fatetur. Sabinianus horas diei tintinnabuli sonitu distinguere docuit, & Officium Divinum pulsu campanæ die ac nocte præsignari voluit: cum antea Clerus non nisi horologiis sciatericis, aut clepsydris uteretur. idem lampades, & sacra lumina in templis ardere ordinavit. Ciaconius ait, quod Sabinianus usum campanarum adhibuit; jussitque ut ad Horas Canonicas & Missarum solemnia pulsarentur: quamquam campanæ diu ante a Paulino Episcopo Nolano inventæ fuerint. Incurrit ipse pessimam avaritiæ notam; quod cum rogaretur decessoris sui liberalitatem erga pauperes imitari: respondit, Gregorium ex popularis famæ ambitu dissipasse largitionibus patrimonium Ecclesiæ. Et ipse dira urgente fame, triticum communita-

ANN<sup>o</sup>  
CHRISTI  
600.

*Papa Apocrisiarius, seu Responsalis. vide Onom.*

*Tintinnabula*

*Officium Divinum pulsu campanæ præsignatum.*

*Lampades, & sacra lumina in Ecclesiis.*

ti non gratuito erogavit, sed cāriori quam aliquis pretio venum exposuit: quare populo invisus, cum defunctus esset, sine pompa funebri tumultus dicitur. Patria ipsius a multis ignoratur, alii Bleranum in Tuscia, alii Volaterranum in Etruria volunt. Platina ait, quod ejus patria merito ignoretur: homo enim obscuro loco natus, obscurior moribus, rebus gestis Gregorii decessoris sui viri sanctissimi adversatus est. fedit tantum menses quinque, dies novemdecim.

*Legati Pa-  
pa ordina-  
rie in Sum-  
mos Ponti-  
fices assu-  
muntur.*

68. **B**ONIFACIUS Tertius, Gregorii olim ad Phocam Imperatorem Apocri-  
fiarius, id est Legatus, sive Nuntius: accidebat enim, ut qui eo munere functi essent, iidem in Summos Pontifices eligerentur: cum scilicet Clerus eos eligere studeret, quos sciret Principibus fore gratos; uti de Gregorio legimus, & hodie fieri videmus. Qui Phocas imperiali edicto sancivit nomen OEcumenici, sive universalis tantummodo proprium esse Ecclesiæ Romanæ, tanquam quæ caput esset omnium Ecclesiarum, solique convenire Romano Pontifici:

fici : quem titulum Ecclesia Constantinopolitana sibi vendicare conabatur, faventibus interdum majoribus Principibus, affirmantibusque eo loci primam sedem esse debere, ubi Imperii caput esset; Romanis contra affirmantibus, Urbem Romam, unde Constantinopolis colonia deducta est, caput Imperii merito habendam esse; cum Græci in literis suis Principem suum *Τὸν Ῥωμαίων αὐτοκράτορα*, id est Romanorum Imperatorem, indigiterent, etsi Romæ non resideat. meretur videri Notatio Onuphrii ad Platinam in hoc Pontifice: unde inter alia colligere licet, Episcopum Romanum œcumenicum Papam; Constantinopolitanum, œcumenicum Patriarcham vocatum fuisse. tenuit Bonifacius Romæ Concilium, in quo decrevit sub anathemate, ne quis in demortui cujusvis Episcopi locum suffectionem tractaret, nisi saltem die tertia post ejus obitum: sub eadem simul pœna vetuit, ne quis dolis, minis, pretiis, adulationibus, aut aliis quibuscumque sæculi modis ad Episcopatum, aut summum Pontificatum promoveretur. fuit ipse Romanus, vix novem mensium Pontifex.

*Episcopus  
Romanus  
œcumenicus  
Papa: Constantinopolitanus  
œcumenicus  
Patriarcha.*

*In demortui  
Episcopi locum quis,  
& quando  
sufficiendus.*

BONI-

69. **B**ONIFACIUS Quartus, Italus, Marfus, ex civitate Valeria, Medici filius, tot annorum, quot decessor mensum, fuit Papa: hic domum suam paternam, uti Gregorius Magnus, in Monasterium redegit, factus deinde monachus Benedictinus. de eo Martyrologium 25. Maii:

*Panth: on.* Romæ sancti Bonifacii Papæ Quarti, qui Pantheon in honorem B. Mariæ ad Martyres dedicavit. Cum ante hunc Pontificem nullum templum Gentilium Deorum usui Christiano esset dedicatum; & propter hanc Imperatoris Honorii legem: sicut sacrificia profana prohibemus; ita volumus & publicorum operum ornamenta servari, extarent complura fana, & intactum inter alia remansisset Pantheon, nobile delubrum, forma rotunda, a Marco Agrippa Consule quondam erectum, Jovi omnibusque Diis dedicatum: Bonifacius illud a Phoca Imperatore impetravit, & ejectis simulacris gentilibus, in honorem Dei Genitricis Mariæ, & omnium Martyrum, duodetringenta curribus repletis ossibus sacris, e diversis Urbis Cæmeteriis effossis, illuc solemniter comportatis, ac decentissime collocatis, con-

*Festum  
prius omni-  
um Marty-  
rum, nunc  
omnium  
Sanctorum.*

consecravit, die 13. Maii; quod Templum *Maria Rotunda*, & ad *Martyres* dictum fuit: quo die illud festum Itali, usque ad Gregorium Quartum celebrarunt, qui illud in Kalendas Novembres transtulit: eo quod mense Maio concurrentibus undique ad eam festivitatem populis, cum frugum copia eo anni tempore angustior existat, transferendum censuit in Novembrem, quo repletis horreis, annona copiosior esse solet: quod festum eousque in honorem, non omnium Sanctorum, sed Martyrum tantum celebratum fuit: cujus vestigia adhuc remanserunt in Officio Ecclesiastico prima die Novembris (quod modo omnium Sanctorum est) in quo Psalmi vesperarum, Responsoria brevia Horarum, ac Versiculi Nocturnorum adhuc sunt de Martyribus; notandumque est quod in nonnullis antiquis Ecclesiis etiamnum hoc festum celebretur cum paramentis rubris, quasi in honorem adhuc omnium Martyrum.

*Quare a mense Maio in Novembrem translatum?*

70. **D**EUS DEDIT, idem quod græce Theodorus; de eo Martyrologium 8. Novembris: *Romæ Sancti Deus dedit Papæ.*  
E qui

*Affinitas  
spiritualis  
Patrino-  
rum.*

*Antiquitas  
una tantum  
Missa in  
Clero fiebat.*

qui tanti meriti fuit, ut leprosum osculo a lepra sanaverit. hic iussit parentes priorum liberorum in Baptismo susceptores abstinere a copula carnali; item ne filius Patrini puellam e sacro fonte a Patre levatam in uxorem ducere possit; unde patet affinitatem spirituales hic contrahi. instituit secundam singulis diebus in Clero perendam Missam, unde intelligas unicam prius dici solitam ex decreto Alexandri Primi. adeo detestabatur labem Simonie, ut permiserit contra Simoniacos testificari posse infames, & mulieres publicas. fuit Romanus, trium annorum Papa.

*Clerici in  
defuncto-  
rum tan-  
tum locum  
substituendi.*

*Reliquie  
S.S. a qui-  
bus tangen-  
da.*

*Immunitas  
Ecclesie.*

71. **B**ONIFACIUS Quintus statuit, ne quis cooptaretur in Clerum, nisi in defuncti Clerici locum subrogaretur: tot enim se in Ecclesiam intrudebant, ut redditus ad alendum omnes non suppeterent. Presbyteris tantum & Diaconis permisit Reliquias Martyrum & aliorum Sanctorum contingere. Confugientes ad Ecclesiam, ne vi retrahi possent, sancivit. Eduino Regi Anglorum scribens, prefatur se *Servum Servorum Dei*; quod prius a Sancto Gre-



Gregorio scribi cœptum fuerat : *Passio S. Anastasii Persæ Monachi 22. Januarii*  
 sub ipso passus est Sanctus Anastasius Monachus Persæ; cujus corpus sequens Pontifex ab Heraclio Imperatore acceptum, Romæ ad Aquas Salvias collocavit. fuit ipse Neapolitanus, seditque annos fere octo.

72. **H**ONORIUS Primus, *Exaltatio S. Crucis.*  
 Canonicus Regularis, Theologia & Poetica excultus. sub ipso contigit historia Exaltationis Sanctæ Crucis, prout 14. Septembris in Breviario Romano describitur. sub eodem obiit B. Isidorus Hispalensis Archiepiscopus vir eruditissimus & sanctissimus, qui præter alia scripsit viginti libros Originum sive Etymologiarum doctrina refertos. ab hoc Pontifice Hispaniæ Rex Suintilla, Catholicus cognominatus est; quia de ejus & Optimatum sententia statutum fuit in Toletano Concilio, ut qui assumeretur ad Thronum Hispaniæ, juraret non permissurum se aliquem in regno suo degere, aut militare, qui non esset Catholicus. fuit Honorius Italus, Campanus, natus patre Petronio viro inter Consulares præcipuo, annorum paulo plus 12. Pontifex.

73. **S**EVERINUS. ipso nondum consecrato, thesaurus Lateranensis Ecclesiæ ad eam diem intactus, à Mauritio Chartulario (vide Onomasticon in voce Secretarium) expilatus fuit: ad ipsum missa est legatio a Scotis super controversia aliqua; sed cum deputati invenissent Severinum Pontificem defunctum, Clerus Romanus una cum Joanne sequenti Pontifice electo nondum confirmato, literas aperuerunt, Scotisque responsa fecerunt; quorum sic habebat inscriptio: *Dilectissimis Thominiانو, & cæteris, Hilarius Archipresbyter, & servans locum sanctæ Sedis Apostolicæ, Joannes Diaconus, & in nomine Dei electus, Joannes Primicerius, & servans locum Sedis Apostolicæ, Joannes Servus Dei, & Consiliarius ejusdem Apostolicæ Sedis* &c. unde forma vicariatus antiqui vacante Sede apparet: nunc defuncto Pontifice sigilla franguntur, in signum quod vacante Sede nihil expediatur. fuit Severinus Romanus, unius tantum anni Pontifex.

*Vicariatus  
Sede vacante  
&c.*

74. **J**OANNES Quartus, distractis variarum Ecclesiarum

rum thesauris, multa millia hominum per Istriam & Dalmatiam a captivitate & servitute redemit; & sanctorum multorum corpora ex Barbarorum manibus Romam, cum devoto apparatu, transferri curavit. Heraclius Imperator a Sophronio Patriarcha Hierosolymitano commonitus, de una Christi voluntate, Joannem hunc consuluit, atque acrem a Pontifice de ejusmodi opinionis perversitate objurgationem retulit: itaque pudore affectus, cum nec susceptum errorem abjicere vellet, nec aspera Christianorum sustinere convitia posset, edictum proposuit, ne quis unam, neve duas in Christo voluntates assereret. qui Heraclius, ante tam catholicus, sub quo contigerat Exaltatio sanctæ Crucis, tandem Monothelitarum hæresi infectus obiit. fuit Joannes hic Dalmata, unius tantum anni, & novem mensium Pontifex.

*Captivi a  
Barbaris  
Christiani  
distractis  
Ecclesiarum  
thesauris  
redempti.*

75. **T**HEODORUS Primus, nomine & origine Græcus (latine Adeodatus vel Deusdedit) Pyrrhum Constantinopolitanum Patriarcham relapsum in hæresim Monothelitarum, quam

*Excommunicati Episcopi hæretici depositi, quomodo a Pontifice scripta*

prius coram Pontifice abjurarat ,  
deposuit & damnavit hoc modo :  
accedens Papa ad sepulchrum san-  
cti Petri , de sanguine Christi ex  
sacro Calice in atramentum distil-  
lato , depositionem Pyrrhi excom-  
municati conscripsit : quo ritu O-  
ctava Synodus etiam usa est adver-  
sus Photium : nequaquam tamen  
a Latinis de cætero usurpatus le-  
gitur . sedit hic Pontifex fere se-  
ptem annis .

*Martinus  
Papa &  
Martyr non  
fuso san-  
guine .*

*Chrisma ab  
Episcopis  
singulis an-  
nis conse-  
cratum di-  
stribuen-  
dum .*

76. **M**ARTINUS Primus  
Italus, Tudertinus ( si-  
ve Tuderis Tudertis ; sicut Camers  
Camertis , idem quod Camerinus )  
cujus festum agitur 12. Novembris,  
postridie sancti Martini Turonensis  
Episcopi, fuit Martyr, sed sine fu-  
so sanguine ( vide Onomasticon  
de Confessoribus Martyribus ) qui  
ob Catholicam Fidem ærumnis  
confectus in exilio vitam sexto  
Pontificatus anno finivit . extant  
ipsius Epistolæ , quibus deplorat  
ærumnas suas , ac Fidei ab hæreti-  
cis proditionem : & sunt ejusmo-  
di , quæ siccis oculis legi non pos-  
sunt . Præcepit hic Pontifex omni-  
bus Episcopis , ut sacrum Chrisma  
singulis annis consecratum per om-  
nes Ecclesias suæ Diœcesis distri-  
buant .

EU-

77. **EUGENIUS** Primus ordinavit Episcopos habere *Carceres Episcoporum.* carceres, ad puniendum delicta Clericorum. cæterum fuit benignus, mansuetus, omnibus affabilis, & decessoris sui non tantum in Sede, sed & sanctitate successor. refertur in Martyrologio die 2. Junii. fuit Romanus, seditque per sesquiannum.

78. **VITALIANUS** Musices peritus, Cantum Ecclesiasticum ad consonantiam Organorum ordinavit, Davidis in hoc exemplum secutus; quo organico murmure cantus non tantum ornatur, sed & cantores exonerantur. sanctus habetur in Martyrologio 27. Januarii. fuit Italus Signinus, Provinciæ Campaniæ, seditque annos 14. menses 5. Uno sæculo post Vitalianum, organa primum missa fuisse in Galliam Pipino Regi, Patri Caroli Magni & Constantino 4. Imperatore, qui cum Irene matre regnavit, auctor est Marianus Scotus: & organa deinde sub Ludovico Pio, Caroli Magni filio, ejus sumptibus primum fabricata & composita esse, industria cujusdam, cui nomen erat

Gregorius , narrat Haymon Monachus de gestis Francorum l. 4.

*Supplicationes contra prodigia ,*

*Privilegium exemptio-  
nis ,*

79. **A** DEODATUS laudatissimus , quod neminem inconsolatum a se discedere sineret , ad abolenda prodigia quæ sæpenumero sui Pontificatus tempore apparebant , supplicationes frequentes instituit . in Archivio Turonensi extat ejus epistola , qua per privilegium eximit ab Episcopi potestate Monasterium sancti Martini . fuit Romanus , Monachus Benedictinus , seditque annos septem .

*Peragit tranquillam  
perest , quod violenta ne-  
quit ,*

80. **D**ONUS Primus doctrina & sanctitate adeo floruit , ut Ravennatem Ecclesiam jam pridem a Romana segregatam Sedi Apostolicæ obtemperantem reddiderit . fuit Romanus , per se qui fere annum Pontifex ; quo ipsius tempore maximi fuere imbres , multique fulmine afflati interiere , & frumenta in agris emarcuere . Nomen Donus latine reddi posset motor , agitator , a *δυνάμις* moveo , agito .

81. **A**GATHO ( *ἀγαθός* bonus ) : cum ejus tempore



re Romam , aliasque Italiæ urbes  
 pestis sævissima depopularetur , di-  
 vino admonitu altare in honorem  
 S. Sebastiani , in Ecclesia S. Petri  
 ad Vincula , ad luem propulsan-  
 dam , non sine remedio erectum  
 fuit : unde contigit ut fideles po-  
 steri eundem Divum contra pe-  
 stem consueverint habere Tutela-  
 rem . Agathonis invenitur rescri-  
 ptum : *sic omnes Apostolicæ Sedis San-  
 ctiones accipiendæ sunt , tanquam ipsius  
 divini voce Petri firmatæ .* Legimus  
 in Pontificali , de vitis Pontifi-  
 cum , quod circumfertur nomine  
 Damasi , & continuatum est ab A-  
 nastasio Bibliothecario, Agathonem  
 Pontificem ad luminaria S. Mariæ  
 ad Præsepe , & Apostolorum , so-  
 lidos bis mille centum septua-  
 ginta donasse . habitum fuit sub  
 ipso OEcumenicum Concilium sex-  
 tum , Constantinopol. 3. anno 681.  
 constans Patribus 170. contra Mo-  
 nothelitas . Martyrologium 10. Jan.  
 de eo habet : *Romæ S. Agathonis Pa-  
 pa , qui sanctitate & doctrina conspi-  
 cuus quieverit in pace . fuit Siculus Pa-  
 normitanus , Monachus Benedicti-  
 nus , præfuitque annis quatuor .*

*S. Sebastia-  
 nus Tute-  
 laris contra  
 Pestem .*

*Sanctiones  
 Pontificiæ  
 tanquam  
 ipsius D.  
 Petri.*

*Dona pro  
 luminari-  
 bus .*

**SEXTUM  
 CONCIL-  
 IUM  
 OECUME-  
 NICUM.**

82. **L**EO Secundus , humanis  
 & divinis literis Græce  
 E 5 & La-

*Pontifex  
musicus gra-  
ec & latine  
doctus.*

& Latine doctus ; Musicis etiam eruditus, sacros Hymnos & Psalmos in Ecclesia ad concentum meliorem reduxit : probavit acta sextæ Synodi, quæ Constantinopoli sub decessore Agathone celebrata est ; quam & in Latinum transtulit : & cætera quæ fecit , vide Lect. Breviar. 18. Junii. Leonis hujus quoque institutum est, & salutare ; ne ad Archiepiscopatum assumptus pro usu Pallii, aliorumve Officiorum, quicquam Ecclesiæ persolveret. idem in Missa post Agnus Dei, Pacis Osculum etiam populo dari voluit , & finita Missa spargi aquam Benedictam . fuit Siculus Diœcesis Catanensis , brevis nondum unius anni, sed sanctus Pontifex .

*Nihil pro  
Pallio .*

*Osculum  
Pacis Popu-  
lo, & aqua  
Benedicta.*

83. **B**ENEDICTUS Secundus : de ipso fit mentio in Martyrologio 7. Maii, ad quem locum Baronius ita notat : hic Secundus hujus nominis fuit , junior dictus, successitque Leoni secundo ; cujus tanta fuit opinio sanctitatis , ut Heraclius Constantinus Imperator usurpatam a prædecessoribus suis , in Romanorum Pontificum electione , pecunia impartiri solita , assensionem omni-

no remiserit . S. Gregorius Papa ejusmodi temeritatem ( sic enim ipse appellabat ) acerbissime deplorabat , vocatque Dei Ecclesiæ captivitatem , atque invehitur in Imperatorem talia sibi illicite vendicantem , in explanatione Psalmi quarti Pœnitentialis , ad illum versum : *Tota die exprobrabant mihi inimici mei .* id primus excogitavit Odoacer Getulus , Rex Italiæ Arianus , cujus conatibus Anastasius Papa Primus , quantum potuit , restitit . fuit Benedictus hic Romanus , unius vix anni , uti decessor , Pontifex .

84. **J**OANNES Quintus Agathonis olim Apocrisiarius , scripsit librum de Pallii dignitate : quid autem sit Archiepiscopale Pallium , & unde vocetur ac fiat , vide Onomasticon . a tribus Episcopis Romæ vicinioribus , Ostiensi , Portuensi , & Velitrensi , in Basilica Lateranensi se consecrari fecit ; quamquam hodie antiquior Episcoporum Collegii Cardinalium , licet non sit Ostiensis , Papam consecret . fuit Joannes hic natione Syrus , Patria Antiochenus , aliquotque diebus plus uno anno sedit .

*Dignitas  
Pallii Archiepiscopalis .*

*Ostiensis Episc. consecrator Romani Pontificis .*

35. **C**ONON tempore Ade-  
 odati Romam veniens,  
 in Clerum Romanum adsciscitur  
 deinde ob doctrinam & diligen-  
 tiam circa mysteria & rem divi-  
 nam, sanctæ Susannæ Presbyter  
 Cardinalis, Titulo ejus loci crea-  
 tur; unde assumptus ad Pontifica-  
 tum, Angelici nomen sortitus, &  
 munificus in ædes sacras, ac pau-  
 peres fuisse legitur; cumque ad-  
 versa per totum Pontificatum va-  
 letudine conflictatus, se morti  
 propinquum videret, ingens auri  
 pondus legavit, Paschalis, Archi-  
 diaconi, & thesauri Pontificii di-  
 spensatoris arbitrio in pios usus  
 distribuendum: qui thesauri cupi-  
 ditate incensus, & regnandi cupi-  
 dus, literas dedit ad novum Exar-  
 chum Ravennatem, atque ei gran-  
 dem se pecuniam daturum, si ipsius  
 beneficio Pontificatum obtinuisset,  
 promisit: qui ambitione sua simo-  
 niaca, paulo post Schisma in Ec-  
 clesia excitavit: uti videbitur in  
 sequenti Pontifice. Nomen Conon  
 a  $\kappa\omicron\nu\nu\iota\zeta\omega$ , id est, athletarum more  
 me exerceo: fuit ipse Natione  
 Thrax, Patria Tomitanus, qua in  
 urbe Ovidius Naso quondam exul  
 defunctus est: obiitque Pontifica-  
 tus

*Ex simo-  
 niaca ambi-  
 tione schis-  
 ma.*

tus sui mense duodecimo nondum expleto: ita ut hic, & tres antecedentes Pontifices singuli annum plus minus unum tantummodo regnaverint.

86. **S**ERGIUS, Syrus Antiochenus; nomen græcum, *σέργιος*, latine rete, vel retiaculum, annorum fere 14. laudatissimus Pontifex; de eo Martyrologium 9. Septembris, & Micrologus capite 18. sic ait: *Sergius Papa in ordine 86. constituit ut in tempore fractionis Dominici Corporis, Agnus Dei a Clero & a populo decantaretur; videlicet ut ille nobis propitiatur, cujus corpus ibi confringi videmus, & credimus: voluitque Agnus Dei ter decantari, & loco ter misere-re nobis, dici ordinavit tertio loco, dona nobis Pacem: addiditque orationem pro pace, idque ob bella Italianum frequentia. Idem Capite 48. Sergius Papa a Petro 86. constituit, ut in diebus Annuntiationis, Dormitionis, & Nativitatis B. Mariæ, & sancti Simeonis, quod Græci ὑπαπάντην vocant, Litania exeat a sancto Adriano, & ad Sanctam Mariam populus occurrat. est autem Hypapante idem quod obviatio; quia venerabiles Personæ Simeon & Anna*

*Agnus Dei  
in Missa, &  
dona nobis  
Pacem.*

*Festum Hy-  
papantes sive  
Purificationis B. M.  
V.*

SCHISMA  
OCTAVŪ.  
*Theodorus  
& Pascha-  
lis contra  
Sergium.*

*Pars S.  
Crucis ar-  
gento inclu-  
sa adoratio-  
ni exposita.*

na eo die Domino obviaverunt, dum in templo præsentaretur. vide Onomasticon. ipsius tempore Populus in factiones divisus pro Theodoro Archipresbytero, & Paschali Archidiacono certat; sed maxima Cleri & Optimatum pars Papam Sergium, quem insignis probitatis & doctrinæ S. Leo Papa Presbyterum crearat, uno consensu habere voluit; cui cum statim Theodorus cessisset, Paschalis quoque pudore coactus cessit. Sergius Benefactoris sui S. Leonis Corpus in locum celebriorem deportavit; ac Sanctæ Crucis portionem capsæ argenteæ inclusam, revelatione divina declaratam, adorandam produxit.

ANNO  
CHRISTI  
700.

87. **J**OANNES Sextus: hujus tempore Exarchorum vires, de quibus supra in Joanne Tertio, admodum tenues reddi cœperunt; contra vero Pontificum augeri: adeo ut deinceps supplices, non insultantes in Italiam mittere Exarchos Imperatores solerent. de Exarchis vide Onomasticon. fuit hic Joannes Græcus, & paulo ultra tres annos sedit.

JOAN-



88. **J**OANNES Septimus singulariter delectabatur picturis, quas ad verisimilitudinem Sanctorum Patrum complures, magnis sumptibus exquisivit, iisque varias Basilicas exornavit: fuit hic etiam, uti decessor, Græcus, annisque duobus cum dimidio sedit.

*Pictæ  
Sanctorum  
Imagines.*

89. **S**ISINIUS arthritide ita constrictus, ut non modo ambulare, sed nec cibum sumere per se posset, vigesimo die obiit. nomen ipsius aliqui per duplex Zeta, Zizinius scribunt, & derivant a Ζίζανιον quod latine lolium sive zizanium significat: nisi forte a σίζω derivetur, quod est strido, uti ferrum candens in aquam missum. fuit ipse Syrus.

*Pontifex  
arthriticus.*

90. **C**ONSTANTINUS, grassante fame triennali, cui provide pauperes sublevando succurrit, navigavit Constantinopolim: ad ejus occursum Justinianus Imperator coronam in capite gestans se ad Papæ pedes prostravit, eosque est osculatus; deinde in amplexum mutuum corruerunt: unde mos ortus dicitur, quod

*Osculatio  
pedum Pa-  
pe.*

quod Principes osculari soleant summi Pontificis pedes ; proxima autem die Dominica e manu solemniter celebrantis Joannis Justinianus SS. Synaxim sumpsit , & Ecclesiæ Romanæ privilegia confirmavit. Moris tunc erat , ut Episcopi , antequam consecrarentur , rationem fidei atque obsequii ederent , eamque in Pontificum tabulis referrent ; quod cautiones in scrinio facere ipsi dicebant . fuit uti prædecessor , Syrus , annorum sex Papa .

*Cautiones  
in scrinio  
facere .*

*Evangelia  
feriis 5.  
Quadragesima,  
& jejunia assignata .*

*Feris quintis  
festiva  
habita propter  
Ascensionem  
Domini :*

91. **G**REGORIUS Secundus , de quo Martyrologium 13. Februarii , auctor fuit officiorum in feriis quintis per Quadragesimam , & jejuniorum in iisdem : nam feriis quintis ex decreto Melchiadis non jejunabatur ; de quibus ita Gavantus : feriæ quintæ propter festivitatem Ascensionis Domini , quæ tali die contigit , festivæ habitæ sunt a Silvestro successore Melchiadis , & ideo non habuere officia propria in Antiphonario , & Sacramentario a S. Gregorio assignata : sed Gregorius dictus Junior , id est Secundus , Officia propria & Missas iisdem attribuit , & jejunium in iis  
in-

instituit : atque hinc Euangelia passim quintis feriis Quadragesimæ assignata , communia sunt aliis diebus extra Quadragesimam . vide supra in Melchiade . Fuit Gregorius hic Secundus , uti Primus , Romanus , & Monachus Benedictinus , perque annos fere quatuordecim , ut ille , sedit .

92. GREGORIUS Tertius .

**G** narratur de eo , quod omnes per ordinem memoriter teneret Psalmos , in eorum sensibus subtilissima exercitatione limatus . præcepit ipse , & successor Zacharias Cassinensibus Monachis , ut una cum officio divino recitarent etiam Officium B. M. Virginis ; decreto deinde Urbani Secundi ab omnibus Ecclesiasticis recitari iussum . dedit hic Gregorius titulum Christianissimi Carolo Martello : ita ut Reges Hispaniæ prius fuerint vocati Catholici , quam Franciæ Reges Christianissimi . vide supra in Honorio Papa Primo . de ipso Martyrologium 28. Novembris : *Romæ Beati Gregorii Papa Tertii , qui sanctitate præclarus migravit in Cælum . fuit Syrus , & ultimus ex hac Natione Pontifex . Benedictini illum*

*Officium  
B. Mariæ ;*

*Rex Franciæ Christianissimus vocatus ,*

illum inter suos referunt . annis fere undecim sedit .

93. **Z**ACHARIAS, Nomen

Hebraicum , latine memoria Domini . de eo Micrologus capite 2. Zacharias vir Apostolicus in ordine nonagesimus tertius , constituit ne Sacerdotes ad celebranda Missarum solemnia cum baculo intrarent , nec velato capite altari astarent : intelligendo quod ita claudicarent , ut sine baculo incedere non possent ; quia Canon ait : *Clandis minime Ordinibus interdictum est , ut tamen Ordinati ad solemnia Missarum celebranda baculo non incedant .* de ipso etiam Joannes Diaconus lib. 4. cap. 5. Zacharias sanctæ Ecclesiæ Romanæ Episcopus , Græco Latinoque sermone doctissimus , post annos fere centum septuaginta quinque , Dialogos Gregorii in Græcam linguam convertens , Orientalibus ecclesiis divulgavit . fuit Romæ , & adhuc perseverat illustris memoria sancti Georgii ad Velum Aureum ( nunc Velabrum dicitur ) ubi venerandum Martyris hujus caput aservatur , quod Zacharias Papa in theca repertum cum inscriptione Græcis literis exarata , ibidem recon-

*Clandi baculo incedentes irregulares ; nec capite velato celebrare licet .*

*Dialogi S. Gregorii in linguam Græcam translati .*

*Caput Sancti Georgii ad velum aureum , nunc Velabrum .*

condidit. Ipse inter alia respondit bonum fuisse Baptismum, quod aliquis ex ignorantia linguæ latinæ ita pronuntiasset verba; *Baptizo te in Nomine Patris, & Filii, & Spiritu Sancto*: modo non intenderit hæresim, aut errorem inducere; sed pro sola ignorantia Romanæ locutionis infringendo linguam, ita dixisset; non possumus consentire, ut denuo baptizetur. ab hoc Pontifice sancitum fuit, ne præter Michaelis, Gabrielis, & Raphaelis, Angelorum alia ulla nomina recitarentur; quod dein Carolus Magnus Imperator firmavit in Capitularibus Aquisgranensibus, præcipiens ut ignota Angelorum nomina nec fingantur, nec nominentur, nisi illorum quos habemus in auctoritate; hi sunt Michael, Gabriel, & Raphael. Martyrologium 15. Martii de eo pronuntiat: quod Dei Ecclesiam summa vigilantia gubernavit, & clarus meritis quievit in pace, Pontificatus anno 10. fuit ipse Monachus Græcus, & ultimus ex ea natione ad Pontificatum assumptus.

*Baptismus validus, etiam si verba non bene pronuntiantur.*

*Trium Angelorum nomina Michael, Gabriel, & Raphael tantum usurpanda.*

94. **S**TEPHANUS Secundus Romanus tertio Papatus die apoplexia correptus moritur, ideo-

*Stephanus secundus 3. diei. Pontif.*

ideoque vel ob vitæ brevitatem ;  
vel quia non consecratus , omitti-  
tur a pluribus in serie Pontificum ;  
sed haud recte : cum & legitime  
creatus fuerit , & e Pontificum nu-  
mero non subtrahendus , etiamsi  
ad horam tantum vixisset , uti Vi-  
cedominus Papa 194. qui primo  
Papatus die defunctus est.

*Mos Papam  
humeris de-  
portandi .*

*Primus Pa-  
pa Alpes  
transiens .*

95. **S**TEPHANUS Tertius ;  
itidem Romanus , anno-  
rum 5. Pontifex : hujus virtus &  
sapientia eum ita amabilem reddi-  
derat , ut suorum humeris fuerit  
deportatus ad Basilicam Lateranen-  
sem ; unde mos profluxit in non-  
nullis solemnitatibus Papam hume-  
ris deportandi . hic Astulphum  
Longobardorum Regem agros Ro-  
manos invadentem , cum verbis &  
muneribus avertere non posset ,  
in Galliam ad Regem Pipinum ,  
Brevem dictum , personaliter pro-  
fectus est , primus Pontificum Al-  
pes transgressus ; cui Pipinus Caro-  
lum filium adolescentem , qui Ma-  
gnus postea dictus est , ad centesi-  
mum lapidem obviam misit : & i-  
pse Pipinus , ad tertium lapidem  
equo suo descendens , ac frenum  
Papalis equi regens , eum ad Pa-  
latium suum deduxit , ac Summus  
Pon-



Pontifex Pipinum confestim Italiae, sive Romanorum Regem consecravit: atque ita Imperium a Græcis ad Latinos transferri cœpit; idque sub impiissimo Imperatore, hæretico, iconomacho, Constantino Copronymo (unde hoc illi cognomen, vide Onomasticon) & sic cessavit Exarchatus, qui per ducentos fere annos duraverat: quam ordinationem non multo post Leo Tertius in Carolo Magno totaliter executioni mandavit. Nota quod in manus hujus Stephani sanctus Rumoldus Archiepiscopatum suum a Papa Zacharia acceptum, septimo Præsulatus anno resignavit, ut prædicationi Evangelii liberius vacare posset: uti narrat Vvachtendonck in vita, capite nono, & undecimo.

96. **P**AULUS Primus Stephani præcedentis frater, Romanus, annorum decem Pontifex, in demortui locum fratris, ob vitæ & doctrinæ integritatem subrogatus fuit: cum exemplo careret duorum fratrum in summo Sacerdotio successio; quæ nec imposterum unquam visa, nisi semel adhuc in Benedicto Octavo, & Joanne Vigesimo. erat autem Paulus

*Imperium  
Romanum  
a Græcis ad  
Latinos  
translatum.*

*Fratrum in  
Pontificatu  
successio ra-  
ra.*

Ius (nomen suum bene referens, *παύσιαι* quiesco, latine quietus, pusillus, modicus) vir mitissimi ingenii, clementiæque singularis, & adeo Salvatoris nostri imitator, ut nulli umquam malum pro malo redderet; sed e contra malos, a quibus sæpe injuriis afficiebatur, in bono vinceret: solitus noctu cum paucis familiaribus pauperum domos, infirmorum cubicula, & captivorum carceres visitare, iisque liberaliter eleemosynis, & bonis exhortationibus succurrere: ædes etiam paternas, in quibus natus & educatus fuerat, in Ecclesiam convertit; quam in honorem Sanctorum Stephani Protomartyris, & Silvestri Pontificis Deo dicavit. ipse quoque in Cæmeterio antiquo invenit corpus Beatæ Petronillæ filiæ B. Petri, in sepulchro marmoreo, hac inscriptione: *Petronilla filia dulcissima*. quod argentea capsula inclusum, congregato Clero Populoque Romano, ex via Appia in Vaticanum detulit, & non procul a Corpore B. Petri collocavit. mortuo hoc Pontifice Schisma excitatum fuit a Torone Nepesino Duce potente, fratrem suum Constantinum Laicum per vim intrudente, & ipsum a coacto vici-

*Inventio  
Corporis B.  
Petronillæ.*

SCHISMA  
NONUM.

*Constanti-  
nus Laicus  
intrusus,*

vicinorum Episcoporum concilio approbati curante; sed aruisse statim ordinantis Episcopi manum, ita ut eam ori applicare non potuerit, tradit Anastasius Bibliothecarius. Paulus hic in Martyrologio 28. Junii Sanctus recensetur.

*& hinc vacat Sedes Mensib. 13.*

97. **STEPHANUS** Quartus (postquam vacavisset Sedes mensibus tredecim ex intrusione fratris Totonis, qui Constantinum secundum se nominabat, & per saltum ordinatus fuerat) sancivit ne quis nisi per distinctos gradus Pontifex creari posset: omniaque quæ sic per saltum Ordinati in divinis egissent, irritavit, præter Baptismum & Confirmationem: fuit Stephanus Siculus, paulo plus tribus annis Pontifex, ex Canonico Augustiniano factus Monachus Benedictinus: quod mutationis genus in aliquibus factum dicitur ex eo, quod Benedictini a Gotis e Cassino fugati, se Romam conferentes, & a Canonicis Lateranensibus hospitio excepti, cum religiosa disciplina multum excellerent, nonnulli ex istis se Monasticæ illorum Regulæ subjecerint; hinc an aliquot Pontifices fue-

*Per saltum Ordinatorum irritaque?*

*Canonici Augustiniani facti Benedictini.*

fuerint ex Ordine Benedictino, an Augustiniano, controversitur.

98. **A**DRIANUS Primus, Romanus, cultum sacram Imaginum hisce verbis stabilivit : *Definimus in omni certitudine, sicut figuram vivificantis Crucis ; ita venerabiles & sanctas Imágenes propagandas, ex quavis materia paratas, congruenter in templis sanctis, vasis, vestibus, parietibus, & tabulis, aedibus privatis, & viis publicis habendas ; quo scilicet per hanc imaginum inspectionem inspectores ad prototyporum memoriam veniant & desiderium, iisque salutationem & honorariam adorationem exhibeant, oblationibus suffitorum & luminum, ut antiquis pie consuetudinis erat : imaginis enim honor in prototypum resultat ; non tamen veram latrariam, quæ secundum fidem est, quæque solum divine naturæ competit, impertiendam. igitur qui aliter docuerit, vel aliquid ex his quæ deputata sunt Ecclesiæ, sive Evangelium, sive figuram Crucis, sive sanctas Martyrum reliquias, quas sciverit esse germanas, & veras, projicere, aut contra constitutionem Ecclesiæ improbe aliquid moliri ausus fuerit ; si Clerici, aut Episcopi fuerint, deponi præcipimus ; Monachos, aut Laicos Communione pri-*

*Crucis & Imágenes in Templis, domibus, & viis publicis.*

*Adorationibus & luminibus honoranda.*

privari. ita Adrianus. Literas Pontificias, quæ primo cera sigillabantur, plumbo muniri constituit: profusus fuit in pauperes, singulis diebus in porticu Lateranensium alere solitus: magnificus in ornamentis; Candelabrum 1370. cereorum capax, cujus brachia Delphini dicta, appendit ante Presbyterium S. Petri; quod nunc Chorum, & Candelabrum Coronam dicimus. diuturniorem cæteris, tam præteritis, quam secutis Pontificibus Papatum habuit; utpote qui proxime ad annos Petri pervenerit: sedit enim annis 23. mensibus 10. diebus 18. sequentis etiam Leonis Pontificatus diuturnus fuit, annorum 20. mensium 5. & dierum 17. ita ut spatio 45. annorum duo tantum Summi Pontifices visi fuerint; sequens autem Stephanus Quintus 7. dumtaxat mensibus sedit. sub Adriano habitum est anno 787. Concilium œcumenicum septimum, Nicænum secundum, Patrum 350. contra Iconomachos, sive Imaginum impugnatores.

*Literæ Pontificiæ prius cera, nunc plumbo sigillatæ.*

*Candelabrum magnum ante Chorum.*

*Diutissimus post Petrum Pontifex.*

*Spacio 45. annorum duo tantum Pontifices.*

*CONCIL. GENER. 7. NICÆNUM 2.*

99. **L**EO Tertius, ex Canonico Augustiniano, dein Monacho Benedictino, pietate & ANNO CHRISTE 800.  
F mo.



*Imperatoris  
Coronatio  
in usu esse  
cepit,*

*Prima so-  
lemnis Con-  
fessoris Ca-  
nonizatio  
additis In-  
dulgentiis.*

*Quomoda-  
ea ante fie-  
bat?*

moribus, ac Pontificatus diuturni-  
tate ultra annos viginti, Adriano  
non dissimilis, festo Nativitatis  
Domini anno 800. Carolum Ma-  
gnum Romæ Imperatorem coro-  
navit: quæ imperatoria coronatio  
deinde in usu esse cepit. S. Svi-  
bertum S. Vvillebrordi Coepisco-  
pum, & Vvestphaliæ Apostolum,  
post lectam ipsius vitam, & mira-  
cula discussa, postque adas preces,  
& celebrata jejunia, de consensu  
Cardinalium, præsentem Carolo  
Magno, Sanctorum Confessorum  
Catalogo ascripsit: traditque S.  
Ludgerus primus Monasteriensium  
Episcopus, qui præsens aderat,  
Pontificem instituisse diem primum  
Martii ab incolis festivo quotannis  
celebrari, & ad divina confluen-  
tibus indulgentias concessisse: quæ  
prima solemnis Sancti alicujus Con-  
fessoris Apotheosis sive Canoniza-  
tio memoratur. antea moris erat,  
cum aliquis Martyrio occubisset,  
ut Episcopus, sub cujus ditione id  
accidisset, rem gestam scriberet ad  
Primates; a quo adhibitis colle-  
gis Episcopis, an inter Martyres  
esset recipiendus declarabatur:  
quod in Canonizatione S. Rumol-  
di Tutelaris nostri contigit, qui  
a duobus Episcopis Gerardo Ca-  
me-



meracensi, & Adelberto Ultraje-  
ctino, qui ad hoc Mechliniam ve-  
nerant, Martyr declaratus fuit. *Papa pluries  
uno die cele-  
brans.*  
Hic Leo cum suorum temporum  
gravissimis vexaretur afflictionibus,  
septies in die, imo novies inter-  
dum Missam celebrasse, pro impe-  
trando divino auxilio, perhibe-  
tur: & cum septimo Kalendas Maii,  
festo S. Marci, solemni ritu Lita-  
nias Majores cum Populo & Clero  
celebraret, ipsi crudeliter lingua  
abscissa est, & evulsi fuerunt ocu-  
li per Paschalem Primicerium, &  
Campulum Sacellarium, nepotes *Primice-  
rius, Sacel-  
larius, vide  
Orem.*  
Adriani Papæ defuncti, qui assump-  
tionem ejus ægerrime ferentes,  
parum absuit quin Schisma in Ec-  
clesia excitaverint; sed ope B. Pe-  
tri linguæ & oculorum usum re-  
cepit, atque incolumis in Fran-  
ciam ad Carolum Magnum, uni-  
cum afflictæ Ecclesiæ ea tempesta-  
te præsidium contendit; unde an-  
no 803. cum eodem Imperatore,  
& insigni Cardinalium, ac Proce-  
rum Comitatu Mechliniam venit:  
percrebuerat enim per totam Eu-  
ropam fama miraculorum S. Ru-  
moldi, sub præcedenti Pontifice  
anno Christi 775. martyrio affecti:  
atque ipse Leo ad tumulum ejus-  
dem lingua latina concionem in

laudem ipsius habuit, & aliquot donaria obtulit, uti narrat Vvachendonck in vita S. Rumoldi capit. 29.

*Signum S.  
Crucis sa-  
cris adhi-  
bendum.*

100. **S**TEPHANUS Quintus declaravit Sacramenta sine S. Crucis signo administranda non esse: unde de Consecratione, distinctione s. ita loquitur: *nunquid non omnia Charismata Sacerdotalis ministerii Crucis figura perficiuntur? nunquid Baptismatis unda, nisi Cruce sanctificata, peccata relaxat? & ut cetera prætereamus, sine Crucis signaculo quis Sacerdotii gradus ascendit?* fuit hic Stephanus Romanus, mensium duntaxat quinque Pontifex; intra quod breve spatium, anno 816. quarto Kalendas Novembris Ludovicum Pium, Caroli Magni filium, Imperatorem coronavit.

*Inventio  
Corporis  
S. Cæcilie.*

101. **P**ASCHALIS Primus, Romæ in Cœmeterio Prætextati, inter alia reperit Corpus B. Cæcilie Virginis & Martyris, aureis indumentis, sanguine adhuc respersis, involutum: quod deinde nostro tempore anno 1599. Octobris 20. sub Clemente 8. eo habitu quem imagines de illa inven-

ventionem passim editæ referunt ; fuit repertum . Martyrologium Romanum die 14. Maii ita habet : *Romæ sancti Paschalis Papæ , qui plurima sanctorum Martyrum corpora e cryptis levavit , & in diversis Ecclesiis honorifice tumulavit .* fuit Romanus , Benedictinus , Canonici Augustiniani suum dicunt , annis septem Ecclesiæ præfuit ; anno 823. Dominica Resurrectionis Lotharium Ludovici pii filium Romæ coronavit .

102. **E**UGENIUS Secundus ; SCHISMA  
DECIMUM.  
*Zinzinius  
contra Eu-  
genium II.*  
sub hoc Pontifice , sublato schismate Zinzinii , qui post aliquot dies abdicavit , constitutio promulgata fuit , ut Pontificum electionibus ii tantum interessent , quibus per sanctorum Patrum constitutionem , antiqua fuit consuetudine concessum . munificus erga pauperes Eugenius fuit , curavitque ne usquam vilius quam Romæ annona veniret , pauperum pater dictus : ortu Romanus , Can. Reg. annorum 3. & 6. mensium Pontifex .

103. **V**ALENTINUS Magno Cleri & Senatus , Populique Romani consensu , non-  
F 3 dum

dum Presbyter, sed Diaconus in summum Pontificem assumitur, ob præstantissimas virtutes, pietatem, clementiam, liberalitatem, & divinam eloquentiam, qua omnia quæ volebat persuadebat, eaque tantum utebatur ad persuadendum res bonas & sanctas: sed præter expectationem 30. die, Romæ in Patria obiit.

104. **G**REGORIUS Quartus, ex Monasterio Fosse Novæ, Ordinis sancti Benedicti Papa: de ipso Martyrologium Roman. Kalendis Novemb. *festivitas omnium Sanctorum, quam in honorem B. Genitricis Dei Mariæ, & omnium Sanctorum Martyrum Bonifacius Papa Quartus, dedicato templo Pantheon, celebrem & generalem instituit agi quotannis in Urbe Roma; sed & Gregorius item Quartus postmodum decrevit eandem festivitatem, quæ variis modis jam in diversis Ecclesiis celebrabatur, in honorem omnium Sanctorum solemniter hac die ab universa Ecclesia perpetuo observari. In Italia a tempore Bonifacii Quarti celebrabatur hoc festum die 13. Maii. sed hic transtulit in Kalendas Novembres; quo die antea Romæ agebatur ab ethnicis festum Cybeles,*  
&

*Festivitas  
omnium  
Sanctorum  
antea o-  
mnium  
Martyrum  
sanctum.*

*Cur trans-  
lata in 1.  
Kal. No-  
vemb.*

& omnium Deorum: eamque non tantum in honorem Martyrum, sed etiam Sanctorum omnium festivitatem agi voluit: & alias rationes cur in mensem Novembrem translata sit, vide supra in Bonifacio IV. Papa 69. Fuit autem Gregorius hic Romanus, dignissimus sexdecim annorum Pontifex.

105. **S**ERGIVS Secundus: Platinus ex Martino Polono refert, quod hic primo nominatus fuerit *Os Porci*, sive Bucca porcina; ideoque fuisset primus, qui in assumptione ad Pontificatum nomen mutavit; sed fabulose hæc, uti alia plura a Polono scripta sunt: nam quis tali unquam nomine homo Christianus vocatus fuisset? nisi forsan cognomine. primam nominis mutationem factam fuisse constat ab Adriano Tertio, qui antea Agapetus; & successore Stephano Quinto, qui Basilius; ac Joanne Duodecimo, qui Octavianus dicebantur: vide suis locis rationem: sed usus mutandi nomen postmodum cæpit, & perseveravit a Sergio Quarto; qui Petrus antea vocatus, reverentiæ causa erga primum Christi Vicarium, nomen dimisit: uti paulo post la-

*Mutatio  
nominis  
Pontificum*

*A quibus  
vere cepe-  
rit.*

ius referetur . fuit Sergius hic Romanus , Canon . Reg . trium annorum Pontifex , qui coronavit Imperatorem Ludovicum II . Lotharii filium , anno 844 . adhuc vivente Patre Monasterium ingreffo .

*Laici Presbyterii sive choro exclusi .*

*Octava Assumptionis Deiparæ .*

*Fabula Papisse Joannæ .*

106. **L**EO Quartus ab ingressu Presbyterii edito decreto laicos arcuit : qua de re Ambrosius olim Theodosium Imperatorem arguit . Octavam Assumptionis Deiparæ jussit , cum antea festum hoc a Damaso institutum , sine octava celebraretur . pulcherimas orationes , sive collectas in honorem Apostolorum Petri & Pauli composuit , quibus Ecclesia Romana adhuc utitur . Crucem , quam ex more antiquo Subdiaconus ante equum Papæ præferre solebat , renovatam auro & gemmis exornavit . Papissa Joanna fabulose post hunc Pontificem inferitur a Mariano Scoto , sæculi decimi , & Martino Polono , duodecimi scriptoribus : sed Ado Viennensis in Gallia Archiepiscopus , sæculi octavi scriptor insignis , quo hæc fabula contigisse narratur , & Anastasius S . R . E . Bibliothecarius , qui eodem tempore vixit , & sex Pontificum consequentium ordinatio-



tioni se interfuisse scripsit : nimirum Sergii 2. Leonis 4. Benedicti 3. Nicolai 1. Adriani 2. ac Joannis 8. & historiam Romanorum Pontificum usque ad sua tempora digessit, nihil omnino meminerunt de supposita hac muliere, aut de ullo Joanne Pontifice, Leoni 4. succedente; sed post tres Pontifices, Joannem Octavum ponunt; quem fabulæ hujus assertores Notum vocant: atque hinc incipit discrepantia in Joannibus. verum pro fabula etiam haberi cepit ab heterodoxis historiæ non ignaris, quorum testimonia fatentium esse talem vide in Cenotaphio Joannæ Papissæ everso a Philippo Labbe e Societate Jesu. Camarinam hanc nuper iterum movere cepit quidam Samuel Maresius Professor Historiarum Groeningæ in Frisia, edito tractatu de Joannæ Papissa restituta; sed prædictus Labbeus, Gallus Biturix, eum declarationibus suis eo deduxit, ut scripto veniam petierit, quod fabulæ fabularum omnium fabulosissimæ, renitente conscientia, ut ipse scribit, patrocinium suscepisset. fuit Leo Romanus Can. Reg. annorum paulo plus octo Pontifex, Sanctus indigitatur in Martyrol. 17. Julii.

SCHISMA  
XI.*Anastasius  
contra Be-  
nedictum 3.**Pontifex  
Sacerdotes,  
& hi Pon-  
tificem se-  
cliant .*

107. **B**ENEDICTUS Tertius diu reluctatus, plorans, & Deum, ac Sanctos testes faciens, se nequaquam dignum esse, qui tantæ Sedi præficeretur, Pontificium in unus tandem suscepit: sed Schisma excitavit Anastasius Presbyter Cardinalis Tituli S. Marcelli, qui non longe post coactus abdicavit. Constituit Benedictus, ut Pontifex intersit Sacerdotum funeribus, & Clerus reciproce Pontificis; quod ipse non solum verbo, sed re ipsa observavit, omniaque Charitatis Officia implens, post obitum Clericorum humeris delatus est in Ecclesiam S. Petri: inter quos erat ejus Successor Nicolaus. fuit ipse Romanus, Can. Reg. duorum annorum, & dimidii Pontifex.

*Imperator  
pro fratre  
servit Pa-  
pa .*

108. **N**ICOLAUS Primus; cognomento Magnus, Gregorio Magno æquiparandus: nam ut ille ne assumeretur se subduxit, ita hic latebris extractus consecratur, præsentē Ludovico Imperatore, atque cum hymnis & canticis deducitur in Patriarchium Lateranense, equi Pontificii Imperatore ipso frænum tenente: & ut

ut Gregorius Anglorum, sic ipse Bulgarorum Apostolus merito habetur: sub ipso bis uno anno Tiberis in tantum excrevit, ut Romani crediderint eluvione mundum rursus periturum; pro viribus autem Urbi succurrere non omisit. transtulit Corpus S. Clementis ex Chersona insula, ubi in mare projectus fuerat, Romam in Ecclesiam ejus nominis. prohibuit interesse Missæ Sacerdotis Concubinari. Scripsit plures epistolas, Vir Cathedra illa dignissimus, & Regibus, ac Tyrannis fortiter imperavit. sub ipso Anastasius Bibliothecarius publicavit historiam Romanorum Pontificum, ejusque censuræ submisit; eamque profectus est Guilielmus Bibliothecarius. Martyrol. Rom. 3. Novembris eum vigore Apostolico præstantem indicat. fuit Romanus, annorum novem cum dimidio vere Magnus Pontifex.

*Translatio  
S. Clementis*

109. **A**DRIANUS Secundus: vir hic multarum virtutum, cum bis antehac, post obitum Leonis 4. & Benedicti 3. ab omnibus expetitus, exquisitis excusationibus verecunde subterfugisset; tandem post Nicolaum,

*Hic & duo  
decessores  
Pontifices  
reluctantes  
assumpti.  
vide 2. præcedentes.*

*Papa suis  
Convivis  
ministrans.*

**CONCIL.**  
**ŒCUME-**  
**NICUM 8.**  
**CON-**  
**STANTIN-**  
**OPOL. 4.**  
*& ultimum  
in Oriente  
habitu.*

fere octogenarius , omnium votis perquisitus consecratur . diversa exin fuere judicia de affectu Adriani in Nicolaum decessorem; quas quæ ille zelo Religionis sanxisset, hic refringere gauderet : sed purgavit se Adrianus , convocatis Episcopis ad convivium , eorum manibus humiliter aquam affundens , cibos apponens , pocula ministrans , ac denique cum illis discumbens ; quod nullum Pontificum fecisse noverant : dum surrexit ab epulis , in faciem suam coram omnibus procidit , rogans ut pro Ecclesia Catholica, pro Imperatore , ac pro seipso preces Deo offerrent : demum in laudes Nicolai prorupit , ejusque memoriam in sacris Diptychis celebrari præcepit. sub ipso habitu fuit 8. Concilium Œcumenicum , Constantinopolitanum 4. & in Orientali Ecclesia ultimum , anno 869. Patrum 383. fuit ipse Romanus , perque annos fere quinque Ecclesiæ præfuit .

*Homicida  
irregulares.*

110. **J** OANNES Octavus hoc loco , non ante , post Leonem 4. ponendus , statuit ut si quis homicidium commisisset , perpetuo irregularis haberetur , & ad

ad sacros Ordines nullatenus admitteretur; & si Sacerdos esset, Missam celebrare non præsumeret. item si quis Sacrum de non Sacro, aut non Sacrum de Sacro abstulisset; sacrilegi poena multaretur. concessit Indulgentias militantibus aut occisis pro Ecclesiæ defensione: cumque Italia Saracenorum grassationibus depopularetur, præ mœrore obiit; hincque accidisse potuit, ut ob nimiam animi tenebatur, virilitate, non Papa Joannes, ut Nicolaus, & Adrianus, qui inimicis fortissime restiterunt; sed Joanna fuerit dictus; & qui Spadoni Photio Sedis Constantinopolitanæ (expulso per vim Ignatio legitimo Episcopo) non pastori, sed lupo resistere ausus non fuisset; quique victus fuisset a femiviro, non vir, sed femina potius esset nuncupandus: sicque nomen contumeliæ transierit ad postereros rerum inscios, in veritatis opinionem; fueritque a pluribus decantatum Joannem 8. fuisse faminam; atque ut Horatius Tursellinus ait in Epitome historiarum: *sunt qui Joannem 8. faminam fuisse fabulentur; quod falso creditum, verò locum apud imperitum vulgus obtinuit,*  
*sive*

*Sacrilegum  
furtum.*

*Joannes 8.  
quare fami-  
na dictus?*



*Papissa Jo-  
anna pro  
fabula ha-  
bita etiam  
ab Hetero-  
doxis.*

*sive muliebris Pontificis facies, sive effeminatus interdum vigor fabula locum dederit. Ab hoc Joanne incipit discrepare numerus Pontificum in Joannibus; quia hic vocatur Nonus ab iis qui Joannem 8. perperam Papissam dictum, ponunt paulo ante, post Leonem Quartum, quod satis clare refutarunt Onuphrius Panvinus, Cardinalis Bellarminus, Florimondus Remondus, ex Hetero Orthodoxus, & novissime P. Labbe in Joannæ Papissæ Cenotaphio everso: ut etiam Heterodoxi fateantur esse fabulam; quales fuere Samuel Maresius, cum pridem Papissam restituere conatus fuisset; & David Blondel, qui totam fabulam tractatu Gallico clare proposuit, & apud suos propter hoc malam incurrit notam. De Sede autem perforata, sive stercoraria, quæ fabulæ huic admiscetur, ut aliquid addam: sciendum est, quod in Ceremoniis antiquis Consecrationis Papæ adhiberi soleat ejusmodi sedes, & cantari illud Psalmi Davidici: *Suscitans de terra inopem, & de stercore elevans pauperem: ut collocet eum cum Principibus, cum Principibus populi sui: ut qui in tanta dignitate constituitur, sciat se non Deum**

*Sedes ster-  
coraria.*



Deum, sed hominem esse, humanæque naturæ, utpote alvo egerendæ, obnoxium; unde stercoreariæ nomen accepit; cujusmodi adhuc Sedi imponitur novus Papa, cum deportatur ad Basilicam Lateranensem pro Pontificatus possessione accipienda, & paulo post in altera auro gemmisque ornata collocatus, a Cardinalibus adoratur. fuit hic Joannes Romanus, annisque decem in Petri Cathedra resedit: intra quod spatium, ab anno 872. usque ad 882. tres Franciæ Reges Romanorum Imperatores coronavit: Carolum 2. Calvum, Ludovicum 2. Balbum, & Carolum 3. Crassum, dictos; quod nulli Pontificum contigit.

III. **M**ARINUS, vel potius litera interposita MARTINUS Junior (quod postea in electione Martini Quinti comprobatum fuit) filius Palumbi Presbyteri, ex legitimo ante Sacerdotium Patris Matrimonio, maxima cum laude, ter a Sede Apostolica legatus Constantinopolim missus fuerat: dein creatus Pontifex Photium, cunctasque ab eo res gestas, præsertim Episcopales damnavit: hincque Basilius Imperator Pho-

Photii fautor conabatur eum de solio Papali dejicere ; sed restitit egregie , seditque laudabiliter annum , & mensem unum : primus ex Gallis , ut ipsi putant , ad Papatum assumptus ; nam Onuphrius Panvinus in notis ad Platinam , ait fuisse non ex Gallia , sed Gallesio Faleriorum in Etruria oppido oriundum .

*Nominis  
mutatio quo  
intuitu fa-  
cta .*

112. **A**DRIANUS Tertius , Agapetus antea , Pontifex factus , Adrianus appellatus ; quod magnitudine animi cognomines Adrianos prædecessores æquaret . hic inharens decessoris sui vestigiis , execratus & ipse Photium tamquam Laicum , agentem Constantinopoli Patriarcham ; quamvis a Basilio Imperatore rogaretur , Communionem ei impertiri noluit : videns autem Imperator frustra se agere , hostiles & contumeliis plenas literas ei scripsit , quas fero Romam perlatas , post obitum Adriani , Stephanus successor accepit . fuit autem Adrianus Romanus , anno uno & quatuor mensibus Pontifex .

113. **S**TEPHANUS Sextus , miræ virtutis & pietatis  
Præ-

Præsul, Urbi fame aliisque incommodis laboranti, ex defectu pluviae, & locustarum vastatione, optatam pluviam copiosissime impetravit; aquamque benedixit; cujus asperione locustæ penitus sunt expulsæ. Extat rescriptum hujus Papæ ad Heribertum Archiepiscopum Moguntinum, quo explodit purgationem per ferrum candens, vel aquam ferventem fieri solitam; tanquam judicium Dei: quod præsertim fiebat in feminis ad probandam pudicitiam; hinc dictum antiquum Teutonicum: *Een goede Maeght,, door t' vier haer vvaeght,,* fuit Stephanus Romanus, Basilius ante dictus, annisque paulo plus sex Romanæ Ecclesiæ præfuit.

*Aqua benedicta contra locustas.*

*Probatio per ferrum candens.*

114. **F**ORMOSUS fortuna inconstantia varie jactatus, tandem ad summum Pontificatum pervenit: existens enim Portuensis Episcopus, usque ad Laicalem statum a Joanne Octavo degradatus est, quod conjurationis contra ipsum auctor haberetur: dein a successore Martino, vel Marino in gradum pristinum restitutus: demum in Romanum Pontificem assumptus fuit; unde schisma duode-

**SCHISMA XII.** *Sergius contra Formosum.* decimum in Ecclesia ortum : ita ut quidam Sergius aliquot dies sederit , sed ope Arnulphi Imperatoris , quem anno 895. Romæ Formosus coronavit , extinctum fuit : qui nomini suo respondens , Ecclesiam Principis Apostolorum renovare aggressus , eam variorum Dierum picturis formosorem reddidit. fuit ipse Romanus , Canonicus Augustinianus , annorum quinque & dimidii Pontifex .

*Pontifex 15. dierum.*

**115. BONIFACIUS Sextus,** aliquot tantum dies Cathedram tenuit : nihilque de eo narratur , nisi quod sequitur in successore Stephano . fuitque Bonifacius Italus ex Tuscia oriundus .

*Cadaver Pontificis exhumatum, & degradatum ,*

**116. STEPHANUS Septimus,** Romanus , Bonifacium decessorem tamquam Sedis invasorem , cum eam vix medio mense tenuisset , expulit : quin etiam prædecessorem Formosum , quod a Papatu prius obtinendo eum arcuisset , tanto persecutus est odio , ut sacrilegus in ejus cadaver extiterit . Nam illud e sepulchro extrahens , atque in Sede Apostolica Pontificalibus indutum collocans , cum ei-

eidem tanquam viventi exprobra-  
 set, quod nimia ambitione, ex  
 Portuensi Episcopo, Pontificatum  
 Romanum invasisset: illud ipsum ca-  
 daver sic damnatum, sacrisque mox  
 exutum vestibus; ac digitis, qui-  
 bus benedicere moris est, muti-  
 latum in Tiberim projecit: cun-  
 ctosque quos idem Formosus ordi-  
 naverat gradu deposuit, iterum-  
 que ordinare voluit: quod quo-  
 modo detestatum fuerit, paulo post  
 in Joanne Nono videbitur: ipse  
 vero, Deo vindice, Sede pulsus,  
 & in carcerem detrusus, laqueo  
 inibi strangulatus est, Pontifica-  
 tus sui anno quarto nondum ex-  
 plecto. Fuerunt hæc infelicissima  
 & luctuosissima Ecclesiæ Romanæ  
 tempora, quibus majora damna  
 sustinuit a Principibus nonnullis,  
 qui Pontifices intrudebant, quam  
 umquam passa sit a Gentilibus,  
 Hæreticis, vel Schismaticis. Ve-  
 rum etsi interdum deforme valde  
 caput Ecclesiæ ab illis apponi con-  
 tingerit, magno tamen miraculo,  
 non est inventus, qui hoc perdi-  
 tissimo tempore ab ipsa se abscin-  
 deret schismate, vel hæresi eam  
 impugnaret, sed omnes Fidei vin-  
 culo & obedientiæ nexu juncti per-  
 stiterunt; idque virtute orationis  
 Chri-

*Infelix Ec-  
 clesia sæcu-  
 lum.*

*Ipsa tamen  
 a Christo  
 non deserta.*

Christi pro inconcussa Fide Petri,  
& successorum ejus.

ANNO  
CHRISTI  
900.

117. **R**OMANUS, Marini, vel potius Martini superioris ex fratre nepos, Italus Gallesius, uti patruus fuerat, non Gallus. Testimonium Evangelicum est: *Eadem mensura, qua mensi fueritis, remetietur & vobis*. sicut Stephanus irritaverat quæ a Formoso fuerant decreta, ita Romanus, qui Stephano successit, idem ipsi præstitit; cum parvo tempore quatuor vix mensibus Pontifex fuisset.

118. **T**HEODORUS Junior, nativitate Romanus, spatio viginti dierum quibus solummodo Pontifex fuisse dicitur, nil aliud fecit, quam rursus confirmare decreta Formosi: quantæque pietatis fuisset Formosus inde demonstratum est, quod, ut refert Luitprandus, dum ejus corpus a piscatoribus postmodum inventum ad S. Petri Basilicam reportaretur, Divorum quos depingi curaverat imagines, illud in loculo positum, motis capitibus, venerabiliter salutaverint.

JOAN-



119. **J**OANNES Nonus, Italus Tiburtinus, professione Monachus Ordinis S. Benedicti, cum non esset ei liberum Romæ degere, Ravennæ Synodum coegit; in qua damnata & combusta sunt acta Stephani Septimi adversus Formosum, & ordinati a Formoso in gradum pristinum restituti, atque anathematizati Sergius Presbyter, alique qui Formosi sepulchrum temerare ausi fuerant. item prohibitio facta est, ne decedente Papa, Patriarchium Romæ expoliaretur, aut alibi Episcopia; quæ mala consuetudo irrepperat. obiit anno quarto, & aliquot diebus; qui missus a Deo videbatur ad destruenda quæ antecessor Stephanus male egerat.

*Patriar-  
chium & E-  
piscopium  
quid? vide  
Oronastic.*

120. **B**ENEDICTUS Quartus Romanus, Canonicus Regularis Lateranensis, sequenti die a morte decessoris factus Pontifex, hujus sæculi moribus corruptissimis, laudabiliter annos tres totidemque menses, amore in pauperes commendatissimus, Pontificatum tenuit.

LEO

SCHISMA  
XIII.  
*Inter tres  
Papae Leo-  
nem 5.  
Christopho-  
rum, & Ser-  
gium 3.*

121. **L**EO Quintus, Italus, na-  
tus in Villa Priapi, agri  
Ardeatini. Pontus Heuterus illum  
spurium indigitat Tractatu de li-  
bera hominis nativitate; quo in-  
ter alia demonstrat, plerosque ita  
natos, fuisse optimi genii, five  
ingeniosos: quod vox Teutonica  
*Bastaerd*, sonare videtur, quasi *Be-  
sten aerd*. hic Leo Quintus Benedi-  
cto Quarto subrogatus, post dies  
quadraginta expellitur, detrudi-  
turque dolose in arctum Monaste-  
rium a Christophoro familiari suo,  
& ambizioso successore, ubi mœ-  
rore pressus brevi obiit.

122. **C**HRISTOPHORUS  
Romanus Sedem ex in-  
vasione mensibus octo occupat,  
sed deturbatur a successore Sergio,  
& similiter in Monasterium detru-  
ditur; arctiori dein custodiæ man-  
cipatus in vinculis moritur: Deo  
illi condignam pœnam contribuen-  
te, ut quæ Leoni Domino fecerat,  
& ipse pateretur.

123. **S**ERGIVS Tertius factio-  
ne Adalberti Marchionis  
Sedem apprehendit, odioque ad-  
huc furens in dudum defunctum  
For-

Formosum, sententiam capitis in eum pronuntiat, rursusque sepulcro extractum capite truncat, & truncum cadaver iterum in Tiberim projicit. sed & præter tyrannicam ejus vim, turpitudine quoque vitæ scriptis est prodita. Luitprandus enim testatur, ipsum ex Marozia nobili scorto filium genuisse Joannem dictum, qui & ipse summum Pontificatum postea ejus nominis undecimus adeptus est. mala hac tempestate bonum hoc præstitit, quod Lateranensem Basilicam terræ motu collapsam restituit. fuit Romanus e Comitibus Tusculanis, annis fere tribus notæ non bonæ Pontifex.

Pro sacrilego (ut videtur) facinore hujus Sergii, & superioris Stephani in Formosum commisso, ita respondet Bellarminus Controvers. Tom. 1. Lib. 4. de Rom. Pontifice, errasse scilicet Stephanum 7. & Sergium 3. sed in questione facti, non juris; & malo exemplo, non falsa doctrina; hanc enim inquit rei esse historiam; Formosus Cardinalis & Episcopus Portuensis a Papa Joanne Octavo depositus ac degradatus, & usque ad sortem Laicorum redactus, ex Urbe discessit, & jura-

juravit nunquam se ad Urbem vel Episcopatum rediturum: paulo post, mortuo Joanne Octavo, successor ejus Martinus Secundus absolvit Formosum a juramento incaute prolato, & in dignitatem pristinam restituit. haud ita longe post idem Formosus Papa creatur, cui mortuo successit Stephanus Septimus, qui magno in Formosum odio inflammatus, & nesciens, vel non credens eum a Martino Papa fuisse absolutum a juramento, publice in Concilio Episcoporum decrevit, Formosum nunquam legitimum fuisse Pontificem, atque adeo irrita fuisse debere omnia ejus acta: & qui ab illo ordines sacros acceperant, coegit iterum ordinari, tanquam nihil ab illo accepissent. displicuit hoc factum omnibus; & ideo tres Pontifices ordine succedentes, Romanus, Theodorus 2. & Joannes 9. convocato alio Episcopali Concilio, judicaverunt Formosum verum fuisse Pontificem, ipsiusque Stephani sententiam irritaverunt. successit postea Sergius 3. & in omnibus Stephanum imitatus est. præcipua ergo quæstio fuit, an Formosus fuisset Papa legitimus, necne: in quibus quæstionibus  
non

non negamus posse errare Pontifices, & de facto errasse. ita Belarminus.

124. **A**NASTASIUS Tertius, Sergio 3. successus, modeste in tot fluctibus & integre vixit: Episcopum Papiensem, sive Ticinensem singularibus auxit privilegiis; ut Crucem præviam haberet in itinere, umbella uteretur, equo albo veheretur, & in Conciliis a læva Pontificis assideret. fuit ipse Romanus per annos duos irreprehensibilis Pontifex.

*Episcopi  
Papiensis  
prærogativa,*

125. **L**ANDO: hic ita obscurus fuit, ut etiam ab aliquibus inter Pontifices non numeretur; tantum sex mensibus & diebus aliquot præfuit. interposuisse dicitur suam auctoritatem, quo Arnulphus Imperator, & Berengarius Imperium ambiens bellum inter se non gererent. fuisse eum volunt aliqui origine Sabinum, professione Canonicum Aurelianum, sive Augustinianum.

126. **J**OANNES Decimus, anno 914. Berengarium contra Arnulphum ab Italis electum Imperatorem coronavit. confirma-

G

VIT

*Puer quin-  
quennis  
Archiepif-  
copus Rhe-  
mensis.*

vit electionem pueri quinquennis in Archiepiscopum Rhemensem, delegans interim munia Pastoralia Episcopo Sueffionensi. Joanni huic Decimo ab aliquibus alius quidam Joannes supponitur: sed quia male intraverat, statim ejectus est, & in Catalogo Pontificum passim prætermisus. fuit autem Joannes Decimus Italus Ravennas, de Familia Cynthia, quæ hodie Cincia dicitur, seditque annis quatuordecim.

127. **L**EO Sextus Romanus, detrusus a factionis in carcerem, ibi mense septimo defunctus est; vir bonus, qui virtutis suæ splendore sæculi tenebras illustrare incipiebat.

*Vvratislavus  
Bohemia  
Dux Christi-  
anus factus.*

128. **S**TEPHANUS Octavus Romanus sedit annos duos, mensem unum, ejusque vita mansuetudinis & religionis plena fuit. Vvratislavus Spirenæus Bohemiæ Dux Christi Fidem sub ipso recepit; nam qui Bohemiæ præerant antea Duces, post auctis opibus & copiis, Reges appellati sunt, uti patet paulo post in Vvencslao ejus filio Bohemiæ Duce, dein Rege. Sub idem tempus Mo-  
na-



nafterium Gemblacense in Brabantia a Comite Guiberto propriis impensis magnisque operibus strui coeptum, & absolutum est, uti narratur in Chronographico, quod in pariete Ecclesiæ extat:

*Fundatio  
Monasterii  
Gemblacen-  
sis.*

*Unum D scribis, C quatuor, X  
bis, & I bis;*

*Cum Clausum per te fit Gembla-  
cense Guiberte.*

Quod est anno Domini D. CCCC. XXII. cujus Monasterii Abbas Comitum titulum, quem Fundator habuerat, & primarium inter Nobiles Brabantiae locum tenet.

129. **J**OANNES Undecimus, Sergii Tertii, ut supra, filius: detentus per vim in carcere coactus fuit concedere Patriarchæ Constantinopolitano, ut absque Romanorum Pontificum permisso, ipse & successores uterentur Pallio: indeque mos inolevit, ait Luitprandus, ut Episcopi totius Græciæ Palliis utantur. obiit in carcere patientissimus in afflictionibus, cum Ecclesiæ præfuisset annis fere quinque: fuit Romanus ex Comitibus Tusculanis.

*Græci Episcopi omnes  
Palliati.*

130. **L**EO Septimus, Romanus, tempore trium an-

*S. Vences-  
laus Rex  
Bohemia.*

norum, sex mensium, & decem dierum, quo gubernavit Ecclesiam, nihil notatu dignum historici referunt; nisi quod Sanctus Venceslaus Regiis insignibus ab Othone Imperatore decoratus, quibus præ humilitate nunquam uti voluit, a fratre Boleslao, instigante eum Drahomira matre pagana ad Regnum invadendum, Martyrio affectus fuerit: cum quo Boleslao filio illa impiissime vivens, impietatis suæ debitas poenas luit. Vide historiam succincte narratam in lectionibus Festi 28. Septembris, quod anno 1673. quo hæc scribo, a Clemente Decimo Breviario Romano est insertum.

131. **S**TEPHANUS Nonus, Romanus, sed in Germania educatus, ab Italis vexatus, & in seditione ab Alberico Principe excitata turpiter mutilatus, deinceps vitam duxit in occulto, cum ob inhonesta vulnera in facie deformatus prodire in publicum refugeret. misit hic Pontifex Pallium Hugoni, jam viro facto, in pueritia electo Rhemenfi Archiepiscopo; qui a Joanne pridem Decimo quinquennis confirmatus fuit.

fuerat in electione, a Rhemensibus publica legatione petatum. sedit annis tribus, mensibus 4. diebus 5.

132. **M**ARTINUS Tertius, a pluribus Marinus Secundus dictus (vide supra in Martino Secundo): sub ipso Constantinus Porphyrogenitus solvit Edessenorum obsidionem, mediante dono imaginis, quam vultus sui Christus miraculose delineatam, Abagaro Regi miserat: hæc Imago primo Constantinopolim, inde ob bella translata est Romanam, & magno honore culta. fuit ipse Romanus, annorum trium & dimidii Pontifex.

*Imago  
Christi A-  
bagaro Regi  
missa.*

133. **A**GAPETUS Junior, vir innocens, & Reipublicæ Christianæ amator, Monachis, & præcipue Cassinensibus privilegia multa concessit: Legatos misit in Galliam, ad stabiliendum Ludovici Quinti Regnum, quod factione Hugonis Capeti, variis nutabat insultibus; qui illud dein invasit. fuit Romanus, annorum prope decem Pontifex.

*Papa juve-  
nis anno-  
rum septē-  
decim*

134. **J**OANNES Duodecimus Romanus ex Comitibus Tusculanis, electus ambitione Patris sui Alberici potentissimi Principis, cum nondum decimum septimum ætatis suæ annum expleisset: quod tolerandum potius suafere pessima illa tempora, quam Ecclesiam schismate scindere, utpote malo omnium pessimo. mutavit ipse nomen, quo vocabatur Octavianus, in Joannem; ut posset audire in adulatoriis acclamationibus: *Fuit homo missus a Deo, cui nomen erat Joannes.* qui existens Pontifex venationi magis quam devotioni, & voluptatibus plus quam precibus vacabat; aliaque auditu indigna de illo narrantur. Otho Magnus, primus ex Germanis Imperator, a quo ipse anno 962. Coronam Imperialem accepit, quibusdam querulis de illius excessibus respondisse fertur: Puer est; facile bonorum mutabitur exemplo virorum. fuit per annos fere novem non bonæ notæ Papa.

135. **B**ENEDICTUS Quintus, Romanus, a Romanis Joanni per annum unum sub-

rogatus fuit: quod audiens Otho Imperator, Romam reduxit in angustias, eamque fame laborantem accepit in deditionem: mox (quod ipſius non erat) convocavit Synodum, in qua exauctoratus fuit Benedictus, ſubſtituto Leone ſequenti: quod facinus Deus ipſe vindicavit, immiſſa in ejus exercitum peſte ſæviſſima, qua Antiftites multi, inter alios, extincti ſunt. Benedictus interim vir patiens & ſanctus, traductus in Germaniam, Hamburgi ſancto fine quievit. aliqui Benedictum hunc inter Pontifices non numerant, quod vivente Joanne ſuſſectus fuerit.

*Imperatoris non eſt Synodum convocare, & Pontificem mutare.*

136. **L**EO Octavus Romanus, **SCHISMA**  
 Canonicus Regularis, **XIV.**  
 ſuſſectus etiam per novem meſes fuit, eo tempore quo in exilium Benedictus miſſus fuerat: ſed ſchiſma hinc ortum, duravit etiam aliquo tempore ſequentis Papæ.

*Leo 8. contra Benedictum 5.*

137. **J**OANNES Decimus tertius: cum tandem per Othonem Primum Imperatorem turbæ Romanæ eſſent compoſitæ, Pontifex hic lætitia repletus, O-

thonem Juniorem Imperiali corona decoravit, & consortem ejus Theophaniam Imperatoris Græcorum Filiam. in monumentum autem, & augmentum tantę solemnitatis anno 968. elevata est campana mirę magnitudinis recens ære fusa, quam prius sacris ritibus Papa consecravit, atque Joannis nomine nuncupavit: hincque invaluit usus benedicendi campanas, easque aliquo nomine indigitandi. Sub hoc Pontifice contigit quod narratur in Breviario Romano: Kalendis Augusti: cum anno salutis humanę non-gentesimo sexagesimo nono quidam Comes Othonis Imperatoris familiaris, occupatus ab immundo spiritu, seipsum dentibus laniaret, is jussu Imperatoris ad Joannem Pontificem ducitur, qui ut sacra Vinculorum Petri catena Comitum collum attigit, erumpens nefarius spiritus, hominem liberum reliquit; ac deinceps in urbe Vinculorum religio propagata est. fuit Joannes hic Romanus, annisque fere septem Petri Cathedram optime tenuit.

*Benedictio  
& nomina-  
tio Campa-  
narum;*

*Attalius  
Reliquia-  
rum salu-  
ber.*

138. **D**ONUS Junior ( eo  
modo Secundi inter  
Pon-



Pontifices, præsertim ubi duo tantum ejusdem sunt nominis, passim vocantur) Romanus, trium dumtaxat mensium Pontifex, tantæ modestiæ fuisse refertur, ut si nihil in Pontificatu gessit, quo præterea laudaretur, non tamen aliqua injuria affectus, vel ignominia notatus fuerit, ut sequens mox Pontifex.

139. **B**ENEDICTUS Sextus, Romanus, a Cynthio præpotenti Romano captus, in Molem Adriani, quam sancti Angeli vocant, includitur, eodemque in loco fame moritur: aliqui post annum unum & tres menses strangulatum volunt. male autem a Cynthio actum est; non enim ad illum pertinebat, etiamsi Benedictus deliquisset, Pontifici manus injicere. Miratur Platina de tanta in Pontificem injuria Othonem Imperatorem, Ecclesiæ Romanæ defensorem acerrimum, nullam sumpsisse vindictam, sed illum aliis negotiis impeditum fuisse putat.

140. **B**ONIFACIUS Septimus; cujus cognomen & patria ob ignobilitatem ( ut Platina

tina credit) reticetur; aliqui Germanum dicunt, & Franconem antea vocatum: Pontificatum malis artibus adeptus, pessime dimisit: nam mense septimo relinquere Urbem coactus, pretiosissima quæque ex Vaticana Basilica subtrahens, Constantinopolim fugit: quomodo obierit, vide paulo post in Joanne Decimoquarto.

*Corpus S.  
Bartholomæi in In-  
sula Tiberina.*

141. **B**ENEDICTUS Septimus, Romanus, Comitibus Tusculani filius, Arnulphum Archiepiscopum Rhemensem, seditione pulsum, Sedi suæ restituit, ab ipso Sanctus Stephanus Hungariæ Rex Regium nomen & diadema impetravit. sub ipso Corpus Sancti Bartholomæi Apostoli ex Urbe Beneventana, Romæ in insula Tiberina collocatum fuit. in magnis Ecclesiæ turbis laudatissimus novem fere annorum Pontifex vixit.

*Institutum  
Sodalitium  
defunctorum.*

142. **J**OANNES Decimusquartus, Italus Papiensis, sive Ticinensis, Petrus antea vocatus: sub hoc Pontifice Romæ institutum fuit Sodalitium, pro solamine Fidelium defunctorum per preces & eleemosynas impetrando; & ad

& ad refrigerandam in mentibus vi-  
vorum mortalitatis memoriam :  
nihil in Sacello ad hoc præpara-  
to, præter genuinam totius mun-  
di domitricis Mortis imaginem u-  
bique repræsentabatur, tum in pa-  
rietibus, tum in altari, & orna-  
mentis sacris, in musica, & officio  
divino: ad sacelli introitum vide-  
bantur plurima mortuorum ossa &  
capita; uti hodie in funebri ap-  
paratu adhuc fieri videmus: mul-  
ti Prælati, & Episcopi nomen  
huius Sodalitio dare non dedigna-  
bantur; ejusque memoriæ testis  
tabula marmorea adhuc extat Ro-  
mæ in Diaconia SS. Cosmæ & Da-  
miani: singuli Sodalium pro sin-  
gulis de Sodalitio defunctis 40.  
Missas celebrari curabant; uti S.  
Gregorius 30. instituerat: quem  
numerum quadragenarium imitari  
hodie incipiunt, qui supra Ple-  
bem 30. Missis Gregorianis con-  
tentam, sumptuosius suos sepelire  
fatagunt. Exactis a Joanne hoc in  
Pontificatu tribus mensibus, rediit  
invasor & expilator Bonifacius,  
qui suorum factione, Papam de-  
truxit in munitionem S. Angeli &  
factionariis occupatam; ubi per  
menses quatuor pessime detentus  
Joannes fame periit. unde tetrum

**SCHISMA** Schisma exortum fuit. Bonifacius

**XV.** vero post totidem ab ejus nece

*Bonifacius  
7. prius ex-  
pulsus de-  
mo rever-  
sus.*

mensis, ultore Deo repentina  
morte percussus est; quem sui fau-  
tores, post tetrae animae exhalationem, lanceis confossum, nudumque per plateas tractum, insc-  
pultum abjecerunt: licet eum qui-  
dam Clerici postea sepelierint.

**143. JOANNES** Decimusquin-  
tus, Romanus de Vico  
Albæ Gallinae, Pontifex annorum  
10. & mensium 4. a Clericis odio  
habitus fuit, quod divina & hu-  
mana cognatis & affinibus suis e-  
largiretur. Hugo Capet, post Lu-  
dovicum Quintum Carolinorum  
ultimum, tertiae stirpis Franciae  
Rex, ad hunc Joannem Legatio-  
nem misit, qua eum invitabat in  
Galliam, ad componendas Rhe-  
mensis Ecclesiae discordias: Ponti-  
fex autem Legatum suum eo di-  
rexir. Abbatem S. Bonifacii Urbis  
Romae.

*Papa nimis  
affectus ex-  
ga suos.*

**144. JOANNES** Decimussex-  
tus: hunc Crescentius po-  
tens Romae Consul, Urbis Impe-  
rium sibi vindicare studens, ita  
persequi cepit, ut Urbem relin-  
quere Papam oportuerit. sed ubi  
anno-

innotuisset ipsum pro auxilio Legationem misisse ad Othonem Imperatorem, Crescentius humanissime revocavit: quo redeunte Consul cum Senatu ad pedes Papæ se prostravit petens veniam, eaque obtenta, in concordiam redacti vitam simul quiete traduxere. hic Pontifex habetur auctor Commemorationis omnium Fidelium defunctorum, die secunda Novembris: Sanctus Odilo Cluniacensis Abbas illam quidem in suis monasteriis antea instituerat; sed hujus Pontificis auctoritate ubique locorum tenendam, sacris legibus sancitum fuit. fuit ipse Romanus, mensium tantum 4. & aliquot dierum Pontifex.

*Commemoratio omnium Fidelium defunctorum  
2 Novembri*

145. **G**REGORIUS Quintus, Saxo-Germanus, Bruno ante vocatus, Othonis Imperatoris Tertii affinis, cujus interposita auctoritate Pontifex creatur; quem die Pentecostes anno 998. Imperiali Corona decoravit: verum post Othonis in Germaniam discessum, seditionibus Romanorum exagitatus ad Imperatorem confugit; Romanique Joannem Episcopum Placentinum ab ipsis Decimumseptimum dictum intruserunt.

*Qui S. R.  
Imp. pri-  
mum Ele-  
ctores.*

runt . Gregorius hic Electores Sa-  
cri Romani Imperii , non deter-  
minando numerum , primus insti-  
tuit : videlicet solis Germanis li-  
cere Principem deligere , qui Cæ-  
sar , & Rex Romanorum appella-  
tus ; tum denum Imperator & Au-  
gustus haberetur , si eum Roma-  
nus Pontifex confirmasset : nam  
defuncto Othone omnes Feudata-  
rii Principes Imperii per annos  
ducentos electionem fecerunt : se-  
ptem vero Electores postea deter-  
minati sunt sub Innocentio Quar-  
to anno 1245 . Hic Pontifex pro-  
pter largas eleemosynas , & egre-  
gia facta , quibus claruit , *Minor Gre-  
gorius* est appellatus : sedit per an-  
nos tres , & menses fere octo . . .

146. **J**OANNES Decimus se-  
ptimus , Italus , Episco-  
pus Placentinus , contra Grego-  
rium intrusus , & pro Pontifice ha-  
bitus fuit : nomen ejus quidam ex  
Pontificum Catalogo supprimunt ,  
nonnulli vero apponunt ; quod  
Populi , Clerique Romani consen-  
su , ad quos electio spectabat ,  
Pontificatum iniisset . Schisma in-  
terim per menses decem , quibus  
hic intrusus regnavit , in Ecclesia  
fuit : & coactus ab Imperatore O-  
tho-

SCHISMA  
XVI.

*Joannes  
Episcopus  
Placentinus  
contra Gre-  
gor. S.*



rhone se abdicavit, effossisque oculis  
in Germaniam relegatus est.

147. **S**ILVESTER Secundus, Gallus ex Aquitania, Monachus Floriacensis prope Aurelianam, dein Abbas Bobiensis, & Archiepiscopus Rhemensis ab Hugone Capeto designatus; cujus filii Roberti Pædagogus quondam fuerat, ante Papatum Gerbertus Philosophus vocatus est: cum Episcopatu legitime depositus fuisset, scripsit virulenta adversus Pontificum Epistolas, a Cardinali Baronio confutata, tanta Sede, ut Spondanus ait, indignus. Mathematicæ & Astrologiæ scientissimus præbuit ansam ignaris sæculo isto 1000. quo nullum indoctius & infelicius fuit, opinandi, quod magicis incantationibus ad tantum culmen erectus fuisset: prudenter tamen fere per quatuor annos Pontificatum administravit, ipse cultor doctorum & sanctorum Virorum, ac jurium Ecclesiæ defensor, pro cuius subsidio primus edita epistola parenetica bellum sacrum conclamavit. Qui referunt eum opera diaboli Pontificatum fuisse assecutum, ajunt, inquisisse quamdiu in ea dignitate esset

ANNO  
CHRISTI  
1000.

viſurus , diabolumque reſpondiſſe : ſi non attigeris Hieruſalem , diu viues ; quo reſponſo lætus , longe finem ſuum abeſſe ſuſpicabatur : ſed quarto Pontificatus ſui anno , dum tempore Quadrageſimæ , Romæ in Baſilica S. Crucis in Hieruſalem ſacrificaret , ſubito ſe moriturum cognovit : quare pœnitentia ductus errorem ſuum coram populo confeſſus eſt , rogavitque ut corpus ſuum diabolicis artibus ſeducum membratim detruncaretur , diſſectumque ac laceratum ſuper currum imponeretur , & eo loci ſepeliretur , quo ſponte ab equis foret vectum : ſeruntque Dei nutu ( ut ſclerati diſcant veniæ locum ſibi relictum eſſe , modo rite pœnituerint ) equos ipſos ſponte ad Lateranenſem Eccleſiam perveniſſe , ibidemque ſepultum fuiſſe . Refertur inſuper , quando tumba ipſius , ex collifione oſſium , quæ intus movebantur , ſolebat ſudare , præſagium fuiſſe mortis tum regnantis Pontificis : quam ei tumbam erexit tertius in Papatu ſucceſſor Sergius Quartus , uti poſtea narrabitur .

148. **J**OANNES Decimus octavus : Patria & Cognomen

mentum ejus ob ignobilitatem prætermittitur; Ciaconius putat Romanum fuisse ignobilissimum, qui Sicco antea vocatus sit. quinto ab inito Pontificatu mense moritur; unde ob breve tempus nihil de eo memoria dignum scribitur, nisi quod ipso Pontifice multa prodigia apparuerint, visusque fuerit Cometes, & multæ urbes terræ motu concussæ referantur.

149. **J**OANNES Decimusnonus: hujus tempore Constantinopolitana Ecclesia cum Romana conjuncta est unione Catholica, & a Sergio Patriarcha ipsius nomen Papæ in sacra Diptycha est relatum. Joannes hic, quem Platina Vigesium indigitat, se ipse Decimumnonum appellat in suis quæ ab Onuphrio in Annotationibus ad Platinam referuntur Diplomatum, & publicarum tabularum instrumentis ipsius tempore factis: quare Joannes illi, qui postea 21. 22. & 23. passim vocantur, tantum 20. 21. & 22. dicendi sunt. fuit hic Joannes 19. Romanus, annorum fere sex Pontifex.

*Nomen Papæ a Græcis in diptycha relatum. vide Onuphrii.*

150. **S**ERGIVS Quartus, Romanus, vir sanctissimæ vitæ, cum ante, tum in Pontificatu, in pauperes liberalis, in amicos iucundus, in delinquentes clemens, iuste & integre omnia gubernans, eo mirabilior fuit, quod istius temporis Pontifices potius intrusi a sæculi Principibus quam electi; monstra hominum essent. hic Monachus Benedictinus, cum Petrus vocaretur, ob reverentiam erga primum Christi Vicarium Petrum, nomen mutavit. ante illum quidem aliqui nomina sua mutaverant, sed nulla in succefforibus consequentia: quam nominis mutationem non sine ratione Pontifices post hunc deinceps imitati sunt; quod Christus Dominus Petro ad Apostolatum assumpto nomen novum imposuerit, Joannis 1. versu 42. *Tu es Simon filius Joannis, tu vocaberis Cephas, quod interpretatur Petrus.* Sergius hic sepulchrum insigne paravit Silvestro Secundo antecessori suo, ut Magiæ notam dilueret, quam ob summam Matheseos peritiam contraxerat: annis fere tribus præfuit.

*Primus Papa, quem in nomine mutando sequentes sunt secuti.*

151. **B**ENEDICTUS Oſta-  
 vus : Sanctus Henricus  
 Rex Romanorum anno 1014. Ro-  
 mam venit , ut Benedictum hunc  
 Urbe pulsum & profugum adver-  
 sus quemdam Gregorium Roma-  
 norum potentia intrusum suæ Se-  
 di restitueret : ad cujus adven-  
 tum , mox Gregorius abdicavit .  
 Henrico dein obviam processit Pa-  
 pa cum Clero & Senatu , atque in-  
 signe Imperii Orbem ; sive Pomum  
 aureum pretiosissimis ornatum gem-  
 mis , inserta desuper aurea Cruce ,  
 ei tradidit : quo intelligeret sic  
 eum debere gubernare mundum ,  
 ut non oblivisceretur submittere  
 se Cruci Christi ; & non aliter im-  
 perare , nisi egregiis virtutibus or-  
 natus , dignus haberetur vivificæ  
 Crucis protegi vexillo . ( hinc &  
 hodie dicitur : Leopoldo Sceptrum  
 Sacri Romani Imperii , Pomum-  
 que Orbis Christiani in summo  
 capite crucigerum , & Thronum  
 Majestatis Cæsareæ moderan-  
 te ; directore ejus & sospitatore  
 Crucifixo mundi Servatore . ) Post  
 hæc Papa coronavit Henricum ,  
 & Conjugem ejus Cunegundem ,  
 prævia data responsione in atrio  
 Basilicæ Vaticanæ , quod Advocat-  
 tus ,

*Aureum  
 Pomum cum  
 Cruce Insi-  
 gne Impe-  
 rii .*

*Imperator  
 Advocatus  
 Ecclesiæ .*

tus , Patronus , & Defensor foret Ecclesiæ , cujus privilegia , & liberam Papæ electionem post inunctionem confirmavit . Beatus hic Imperator animadvertens non dici Romæ Symbolum in Missa post Evangelium ( quod tamen alibi canebatur ) responsum accepit ; quod Romana Ecclesia non fuisset aliquando hæresi infecta , sed secundum Petri doctrinam , in soliditate Fidei permanisset inconcussa : at , inquit Henricus , ideo magis necessarium est Symbolum frequenter decantari ; sic suscepta est Romæ consuetudo aliena . Casimirus Cluniacensis Monachus , atque Diaconus , Regni Poloniæ hæres , dispensatione Benedicti , pro ea a Polonis rogati , absolutus Votis , & Ordinibus sacris , coronatur Rex , ea conditione ut Poloni omnes rotunda in morem Monachorum tonsura utantur , nec ultra auriculas comam promittant : quomodo adhuc hodie tondentur . Fuit hic Pontifex Romanus ex Comitibus Tusculanis , Theophilactus antea vocatus , annisque duodecim sedit .

*Rotunda  
Polonorum  
tonsura .*

152. **J**OANNES Vigessimus , coronavit anno 1027. die S.  
Pa-



Paschæ Conradum Secundum Imperatorem . Sanctum Romualdum eodem anno defunctum , quinquennio post ejus obitum canonizavit , id est in Canonem sive ordinem Divorum redegit , ( vide Onomasticon ) juxta ritum hujus temporis , qui erat , ut petentibus concederet Apostolica Sedes , super corpus defuncti Altaria constituere , & Missas celebrare . fuit hic Joannes Romanus , Benedicti Decessoris frater , ex Comitibus Tusculanis , Monachus Benedictinus , & rarissimo exemplo fratri in Papatu successit ; quod tantum semel antea in Stephano tertio , & Paulo primo fratribus accidit . seditque hic secundus & ultimus frater in Papatu successor annos fere decem .

*Canonizatio  
S. Romualdi an. 1032.*

*Secundus & ultimus  
frater in  
Papatu successor*

153. **B**ENEDICTUS Nonus , decem annorum Puer , Alberici Comitæ Tusculani , duorum immediate præcedentium Pontificum fratris Filius , susceptus , vel potius intrusus est factione Patris ægre ferentis , Papatum successionem duorum Fratrum suorum germanorum quodammodo stabilitum egredi e familia sua : ut autem tantum nefas attentare Albericus præ-

*Puer decem  
annorum  
Papa*

præsumeret, præcesserat exemplum in puerulo quinquenni electo & confirmato Archiepiscopo Rhemenfi, & in Joanne Duodecimo, annorum septemdecim juvene, ex iisdem Comitibus Tusculanis, ambitione cognominis Patris Alberici, in summum Pontificatum intruso: fuitque habitus puer hic legitimus Papa; a quo petierunt & obtinuerunt Pallium tres Archiepiscopi Hamburgenses sibi invicem succedentes, omnes viri sanctitate insignes: tanta scilicet vigebat tunc observantia erga Romanam Ecclesiam, ut quemcumque audirent Petri Throno insidere, colere & venerari non derectarent. de ipso Martyrologium Kalendis Junii: *Treviris Sancti Simeonis Monachi, qui a Benedicto Papa Nono in Sanctorum numerum relatus est.* Nec est quod Novatores, ut Baronius ait, hoc Ecclesiæ Romanæ objiciant; ipsa talia non faciebat, sed pati cogebatur, ob potentiam sæcularium Principum.

154. **S**ILVESTER Tertius, Romanus, Puero huic in Pontificatu suppositus fuit: qui Sede duobus fere mensibus occupata, a Benedicti factionariis excussus est: sed

sed Puer cunctis se invifum cernens, Joanni Sacrae Romanae Ecclesiae Archipresbytero Pontificatum dimisit, qui Gregorii Sexti nomen assumpsit.

155. **G**REGORIUS Sextus, Romanus, cum per annum ac fere menses sex sedisset, dimissam Cathedram Benedictus pueriliter repetiit: atque ita tres simul Pontifices Roma habuit. Væ Regno cujus Rex puer est! traditque Otho Frisingensis, tres istos Pontifices, divisim inter se redditibus, simul Romæ sedere visos: unum ad S. Petrum, alterum ad Sanctam Mariam Majorem, & Benedictum in Palatio Lateranensi: quo durante Schismate Henricus Tertius in Italiam veniens, ventilata erroneorum Pontificum causa, tribus istis quartum substituit Suidgerum Episcopum Hamburgensem, qui Clemens Secundus dictus fuit.

SCHISMA  
XVII.

*Tres simul  
Pontifices  
Romæ resi-  
dentes, con-  
tra quos  
quartus sus-  
fectus.*

156. **C**LEMENS Secundus, Saxo-Germanus, Suidgerus antea dictus, in die Nativitatis Domini anno 1047. solemniter consecratus, Henricum Tertium Germaniae Regem, cujus  
fue-

fuerat Capellanus, & Episcopus Hamburgensis, & Conjugem ejus Imperiali dignitate sublimavit. sed abeunte in Germaniam Imperatore, Romani Pontificem, injussu suo creatum, veneno e medio sustulere, Pontificatus mense nono: & scribunt quidam venenum in hos usus ab ignobili quodam Bavaro paratum fuisse, qui ei in Pontificatu successit, & Damasus Secundus appellatus est.

157. **D**AMASUS Junior Germano-Bavarus, Popo Bagniarius antea dictus, ingeniosus & in negotiis tractandis dexter fuit: qui brevissimi temporis Pontifex, vigesimo quarto Pontificatus die per vim occupati, subito mortuus est; ita ut nonnulli hunc inter Pontifices nequaquam nominandum censeant. Alii sic narrant: quod dum a Benedicto Nono supradicto Puero, Ecclesia adhuc affligeretur, hic Damasus missus ab Imperatore eligendus, omnium votis acceptus, brevi-que defunctus fuerit. quomodo autem Benedictus ille infelicitate obierit, testatur Petrus Damiani Cardinalis coetaneus; quod apparuerit aliquibus horribili figura,  
cor-

corpore ursino , auribus & cauda asininis , dicens se a Deo , & Petro , cujus dehonestaverat Sedem , inter bestias amandatum in desertis & putidis locis , usque ad finale judicium ; damnatumque inde ad inferos : postquam interpolate ita regnasset per annos 12.

Hoc tempore prope medio inter nostrum & Christianitatis primordium , circa sæculum nempe nonum , indoctum passim & infelix dictum , licet negari non possit , Pontifices Romanos a primorum pietate Pontificum nonnihil descivisse ; Deum tamen Ecclesiam suam ( uti bene notat Baronius ) non deseruisse existimandum est ; Principibus Christianis sanctitate conspicuis eam tum vel maxime fulciendo : quales fuerunt SS. Henricus Imperator cum Conjuge sua Cunegunde , Stephanus Rex Hungariæ cum filio Emmerico , Vratislaus Spirenæus Dux Bohemiæ cum Vvenceslao filio , Canutus Rex Daniæ , Eduardus Angliæ , Robertus Franciæ , Ferdinandus Rex Castellæ & Legionis , dictus Magnus &c. ita ut , quod in uno defuit , in altero Deus suppleverit.

158. **L**EO Nonus, Franco-Germanus, nobilis Comes d'Asprugh, prius Monachus Benedictinus, dein Papa, Virtutum & Miraculorum (ut Martyrologium Romanum 19. Aprilis) laude insignis, quasi Sol novus exoritur. Post Leonem 3. qui S. Svibertum, & Joannem 20. qui Sanctum Romualdum, ac Benedictum Nonum, qui Sanctum Simeonem Trevirenses, Leo hic in Canonem Divorum solemniter retulit SS. Gerardum Tulli Leucorum, & Vvolfangum Ratisbonæ Episcopos: cumque esset Musica & sacrarum literarum scientia excultus, multas ad cantum Antiphonas composuit, & aliquot præclara opuscula Ecclesiæ Dei utilia edidit: decrevit ut ad omne plenum Officium, exceptis Adventu, & Innocentium festo, feriis, ac vigiliis, atque a Septuagesima usque ad Pascha, cantetur in Missa Hymnus Angelicus *Gloria in excelsis*. ante quidem cantabatur, ex decreto Telesphori in omni Missa; sed hic restrinxit. mandavit insuper Clericorum domicilia juxta Ecclesiam construi debere: seditque laudabiliter paulo ultra quinque annos;

*Gloria in  
Excelsis  
quando o-  
mitti de-  
beat.*

*Clericorum  
Domicilia  
prope Eccle-  
siam.*



nos; & ad ipsius tumultum in Vaticano coruscant miracula.

159. **V**ICTOR Secundus Germano-Bavarus, Everardus antea dictus, Comes Calbensis, Henrici Tertii Imperatoris propinquus & consiliarius. sub ipso Episcopus quidam de crimine Simonie accusatus, cum illud detrectaret confiteri, repente jussus est dicere, *Gloria Patri, & Filio, & Spiritui Sancto*. Patrem quidem & Filium diserte & expedite protulit, Spiritum autem Sanctum nequaquam valuit proferre: itaque se divino Judicio convictum cernens, crimen confessus est, & deposito Episcopatu, mox Spiritum Sanctum libero quoque ore protulit. Pontifex hic paulo ultra duos annos præfuit.

*Simonie  
crimen in  
Spiritu  
Sanct.*

160. **S**TEPHANUS Decimus, Goth-Leonis Ducis Lotharingiæ Filius, primum Canonicus Regularis, deinde Monachus atque Abbas Cassinas, in Pontificem assumptus, ita permisit in locum suum alium eligi Abbatem, ut post obitum suum dumtaxat succederet. Mediolanensem Ecclesiam, quæ a Romana ducentos fe-

*S. Petrus  
Dāmiani  
Hieronymus  
junior di-  
ctus, se Pe-  
trum Pecca-  
torem nomi-  
nabat.*

re per annos se subtraxerat, eidem submisit, & univit. . . Petrum Dāmiani ab eremo revocatum, invitum creavit Cardinalem & Episcopum Portuensē: quem mox cœpit aulicæ vitæ tædere, ac de reditu ad Eremum sequentem Papam interpellavit; quod tandem ab Alexandro Secundo obtinuit: hunc Petrum Honestum ( de familia nobili, Honesta dicta ) nominatum, Dāmiani filium, ob amorem solitudinis, egregiam vitæ sanctimoniam, singularem eruditionem, ac zelum Ecclesiasticæ Disciplinæ, Hieronymum juniorem invenimus appellatum; ipse autem se Petrum Peccatorem appellabat. Stephanus hic septem tantum menses, & aliquot dies præfuit.

161. **B**ENEDICTUS Decimus, nullius plane ingenii ( vide Baronium Tom. II. ad annum 1058. ) Mincius antea dictus, inseritur hic a Platina, ab aliis tamen prætermittitur; quod intrusus & inuasor reputetur, atque per vim & factionem nonnullorum Potentium noctu fuerit consecratus, dum interea Cardinales plerique cum Petro Dāmiani hæc detestantes fugere per diversa latibant.

tibula coacti fuerunt: qui cum Sedem Apostolicam nefarie tenuisset per menses fere decem, expulsus est: fuit Romanus ex Comitibus Tusculanis, cujus familiae septem summi Pontifices referuntur: Sergius 3. Joannes 11. & 12. ac Benedicti quatuor 7. 8. 9. & hic Decimus.

*Septem  
Rom. Pon-  
tific. ex Co-  
mit. Tusc.*

162. **N**ICOLAUS Secundus coronavit Romæ Henricum Quartum Imperatorem anno 1058. sub hoc Pontifice, tempore Petri Damiani, potestas data fuit solis Cardinalibus & non aliis, creandi Pontificem, & dignitas Cardinalatus in majori honore haberi cœpit; ordinatumque fuit, ut quicumque Pontificatum alio modo, quam concordî Cardinalium electione obtineret, pro excommunicato & Apostata haberetur. Eodem tempore Berengarius Archidiaconus Turonensis Hæresiarcha, argumentis ab ipso Pontifice in medium allatis confutatus & devictus palinodiam cecinit, erroremque suum circa Sacramentum Eucharistiæ, in quem tertio reciderat, revocavit: de quo narrat Guilielmus Bibliothecarius, quod proximus morti existens, fe-

*Papa a solis  
Cardinalibus  
creandus.*

*Berengarius  
Hæresiar.  
resipiscens  
& moriens.*

sto Epiphaniæ magnis suspiriis dixerit: hodie apparebit mihi Christus ad gloriam meam, uti spero, ratione pœnitentiæ meæ; vel ad damnationem, uti timeo, ob animas quas seduxi, & reducere non potui. fuit hic Nicolaus Gallus transalpinus Allobrox, sive Sabaudus, annorum duorum, & mensium sex Pontifex.

*Epilepticis  
Miss. celebr.  
non licet.*

163. **A**LEXANDER Secundus ita rescripsit super Presbytero Epilepsia laborante: Clericus habens ordinem Presbyterii, sed quia caduco morbo laborat, non ausi sumus concedere, ut offerret, vel Missam celebraret: quia vero languor in culpa non est, super hac re auctoritatis nostræ decreto consulendo deliberavimus; consulimus itaque, ut si frequenter hoc morbo tangitur, ab oblatione & Missarum celebratione omnibus modis prohibeatur: indecens enim est & periculosum, ut in consecratione Eucharistiæ, morbo victus Epileptico cadat. Si verb Dei misericordia convalescerint (quandoquidem non culpa sed infirmitas in causa est) eum sacrificare jam non interdiciamus. Sub hoc Pontifice contigit Schisma decimum octavum: Cadolo Parmæ Episcopo manifesto Simoniaci, a non-

*Licet, si  
convales-  
cerint.*

nonnullis factiosis electo, & vocato Honorio secundo. Dum hic Pontifex a Concilio, ad componendum Schisma Mantuæ coacto, Lucam transfret, majorem hujus Urbis Ecclesiam B. Martino dicatam, cuius ipse Episcopus fuerat, solemniter consecravit, ejusque Canonicos speciali prerogativa Mitra Episcopali insignitos reddidit, ac multis auxit privilegiis: vide paulo post in Paschali Secundo, qui simile quid fecit Ecclesiæ Compstellanæ: statuit hic Papa ut excepta die Nativitatis Domini, non nisi semel in die celebretur; fuit Mediolanensis; Canonicus Aurelianus, annisque undecim cum dimidio sedit.

SCHISMA  
XVIII.

*Cadulus  
Parma Epi-  
scop. contra  
Alexan-  
dram 2.*

164. **G**REGORIUS Septimus magno omnium consensu eligitur invitus & reluctans; qui idcirco nuntios expedit ad Henricum Germaniæ Regem, deprecans ut electionem suam impediret. de eo Martyrologium 25. Maii: *Salerni depositio Sancti Gregorii Papæ Septimi, Ecclesiasticæ libertatis propugnatoris acerrimi*. Ipse de numero Psalmorum ac Lectionum per totum annum in Officio Ecclesiastico sic statuit:

H 4 a die,

*Numerum  
Psalmorum  
ac Lect. qui  
in Offic. Ec-  
cles. adhuc  
servatur.*

*Contra Cle-  
ric. fornicato-  
res.*

*Collatio Sa-  
cerdotiorum  
non fiat a  
Laicis.*

a die, inquit, Resurrectionis usque ad Sabbatum in Albis, & a die Pentecostes usque ad Sabbatum ejusdem hebdomadae, tres Psalmos tantum, tresque lectiones antiquo more cantamus & legimus: omnibus aliis diebus per totum annum, si festivitas est, novem Psalmos, & novem lectiones dicimus; aliis autem diebus duodecim Psalmos & tres Lectiones recitamus: in diebus Dominicis octodecim Psalmos, & novem Lectiones dicimus, excepto die Pascha & Pentecostes. Ecce numerum Psalmorum & Lectionum, quem hodie adhuc in Officio Ecclesiastico servamus. Contra fornicatores clericos sic scripsit: Si qui sint Presbyteri, aut Diaconi, aut Subdiaconi, qui crimini fornicationis sunt obnoxii; interdiciamus eis ex parte Omnipotentis Dei, & auctoritate S. Petri, introitu Aedis sacrae, donec acta poenitentia satisfaciant: si vero in peccato suo perseverare maluerint, nemo officium eorum auscultare velit; quia benedictio eorum vertitur in maledictionem, & oratio in peccatum. De collatione Sacerdotiorum ita sanxit: Sanctorum patrum decreta sequentes, decernimus, ut si quis posthac Episcopatum aut Abbatiam, aut aliquam Ecclesiasticam dignitatem ab aliquo Laico acceperit, nequaquam inter Episcopos aut



aut Abbates numeretur, eique gratia Sancti Petri, atque introitu Aedis interdicatur. Eadem ratione, si quis Imperator, Rex, Dux, Marchio, Comes, aut qualibet alia secularis potestas, aut persona Episcopatum, aut aliam Ecclesiasticam Dignitatem detulerit, ejusdem sententia vinculo teneatur. ita Ecclesiasticæ libertatis vindex acerrimus. sub ipso coacta Romæ synodo constitutum est, ut Papæ nomen uni Romano Pontifici tribueretur, quasi sit omnium Pater Patrum, & Pastor Pastorum. Sub hoc fere tempus cœpit Ordo Monachorum Carthusiensium a S. Brunone Doctore Parisiensi, & Canonico Rhemensi institutus anno 1082. contra hunc sanctum Pontificem excitatum est schisma decimumnonum, & creatus fuit antipapa Guibertus Archiepiscopus Ravennas, cui nomen impositum Clemens Tertius. fuit Gregorius Italus Etruscus, ex Comite Petiliano factus Monachus Benedictinus, & parum ultra duodecim annos sanctissime præfuit Ecclesiæ Romanæ.

*Solus Pontif. Rom. Papa dictus.*

*Ordo Carthusianorum.*

#### SCHISMA XIX.

*Guibertus, Clemens 3. dictus contra Gregorium 7.*

165. **V**ICTOR Tertius, postquam electioni suæ, ex humilitate quantum poterat, resistet,

H 5

uisset,

*Pœnitentia,  
& Commu-  
nio ab Hæ-  
reticis non  
sumenda.*

tisset, tandem acquiescens, co-  
acto Concilio, Guibertum, qui Cle-  
mens Tertius dici volebat, ex-  
communicavit. Decrevit Pœniten-  
tiam & Communionem non debe-  
re suscipi, nisi a Catholicis Sacer-  
dotibus, meliusque esse sine visi-  
bili communione persistere, & in-  
visibiliter communicare Domino,  
quam eam ab hæreticis & schisma-  
ticis sumendo, a Deo separari.  
Fuit Papa hic nomine & re egre-  
gius sui Victor; nam natus patre  
Beneventi Principe, sponsam sum-  
mo loco natam intactam relin-  
quens, clam eremum petiit, fa-  
ctus Monachus Benedictinus; in-  
de summus Pontifex, uno circiter  
anno præfuit.

*Expeditio  
Cruciata.*

166. **U**RBANUS Secundus,  
ex Canonico Regulari  
Lateranenſi, sancti Brunonis disci-  
pulus; cujus consiliis & doctrina,  
in tot illis Ecclesiæ calamitatibus  
(nam schisma Clementis Tertii  
Antipapæ nondum extinctum erat)  
aliquot annis hic Pontifex usus  
est: indixit expeditionem contra  
infideles in Terram Sanctam. erat  
autem pro stipendio Indulgentia  
plenaria proposita, & pro tessera  
militari Crucis signum rubei colo-  
ris

ris super scapulam dexteram , militum vestibus impressum : hinc Expeditio vocata est Cruciatæ , & Diploma quod ad hanc edebatur, Bulla Cruciatæ , subintellige, Expeditionis . ut autem Deus omnia prosperaret, Papa ordinavit & indixit Clericis Officium B. Mariæ ( a Gregorio Tertio Monachis Casinensibus injunctum ) quod pie susceptum est etiam a Laicis , additis Indulgentiis : ac Duce Godofrido Bullonio Hierosolyma Infidelibus erepta est 14. Julii 1099. *Bulla Cruciatæ .*  
 fuit ipse auctor cultus & venerationis B. Mariæ in Sabbato, & Præfationis in Missa de eadem , quæ habet: *Officium B. Mariæ .*  
*Et te in veneratione B. Mariæ semper Virginis collaudare , benedicere, & predicare .* instituit ut per intercessionem ejusdem B. Virginis invocetur Gratia Divina in principio homiliarum sive concionum, dicendo *Cultus ejusdem in Sabbato .*  
*Ave Maria ;* retulit in numerum Divorum S. Attilanum Episcopum Zamorensensem , de quo Martyrologium 5. Octobris . fuit Galus Diœcesis Rhemensis , & fere duodecim annis Petri Cathedram possedit. *Ave Maria sub initium Concionis .*

167. **P**ASCHALIS Junior . hunc ANNO  
 nolentem & latitantem, CHRISTI  
 H 6 cum 1100.

SCHISMA  
VIGESI-  
MUM.*Albertus,  
Theodori-  
cus, & Syl-  
vester con-  
tra Pascha-  
lem II.**Cassinus  
Abbas, Ab-  
bas Abbatum.**Compostel-  
lani Cano-  
nici Cardi-  
nales.**Pontifica-  
tus nostri  
anno secun-  
do, tertio,  
&c.*

cum protestaretur humeros suos tanto oneri nequaquam suffectu-  
ros, totus Clerus Papam deside-  
rat: cui optimo Pontifici impius  
Imperator Henricus Quartus tres  
Antipapas successive subrogavit,  
quibus ipse toto fere Pontifica-  
tus sui tempore viriliter restitit;  
sub quo schismate heresis orta est,  
quæ docebat Ecclesiæ excommu-  
cationem contemnere: Papa hic  
coronavit Henricum Quintum,  
Quarti filium, anno 1111. con-  
cessit Abbati Montis Cassini, ut  
vocaretur Abbas Abbatum. Se-  
ptem Canonicos in Ecclesia Com-  
postellana instituit, qui vestibus  
purpureis, & mitris uterentur,  
quibus solis in Ara maxima, ubi  
Corpus S. Jacobi Apostoli condi-  
tum est, celebrare licet, quos-  
que Cardinales vocavit: & hoc  
ex affectu quem gerebat ad hanc  
Ecclesiam, ubi in minoribus exi-  
stens, Pontificis maximi Legatus  
fuerat: vide supra in Alexandro  
Secundo, qui simile quid præstitit  
Ecclesiæ Lucensi. Fuit hic primus  
Papa, qui annos Pontificatus sui,  
sicut Imperator regni computa-  
re, & subscribere cæpit: quod  
sequentes deinde Pontifices sunt  
imitati, signando: Pontificatus no-  
stri

stri anno secundo, tertio, &c. fuit  
 Paschalis Tuscus, Monachus Clu-  
 niacensis, annosque octodecim se-  
 dit. Nota quod inter Benedictinos  
 numerentur septem præcipuæ con-  
 gregationes: primi sunt Cassina-  
 tes, orti circa annum 550. dein-  
 de Cluniacenses circa annum 900.  
 Camaldulenses anno 940. Vallis  
 umbrosæ anno 1060. Cistercienses  
 1113. Silvestrini 1232. & Cœlesti-  
 ni anno 1274. aliqui Gulielmitas  
 circa annum 1150. & alias mino-  
 ris notitiæ congregationes nume-  
 rant: quamvis Aureliani S. Gui-  
 elmum Eremitam Augustinianum  
 fuisse velint.

*Septem præ-  
 cipuæ Con-  
 gr. Benedi-  
 ctina.*

168. **G**ELASIUS Junior: ad-  
 versus hunc legitimum,  
 & invitum ac renitentem creatum  
 Pontificem, intrusus fuit in Sedem  
 Petri Mauritius Burdinus, Archi-  
 episcopus in Lusitania Bracharen-  
 sis. sub Gelasio hoc orti sunt Tem-  
 plarii, sive milites templi, qui  
 non longe a Sepulchro Domini,  
 in parte adium templi habitantes,  
 nomen inde traxerunt: & Hospi-  
 talarii; hi peregrinos ad terram  
 sanctam tendentes hospitio exci-  
 piebant: illi per loca sacra eos  
 armati ducebant ac reducebant,  
 quo

**SCHISMA  
 XXI.**  
*Mauritius  
 Burdinus  
 Lusitanus.*

*Templarii.*

*Hospitalla-  
 rii.*

quo eis sine periculo invifere ea-  
liceret. Templariis S. Bernardus  
regulas & exhortationes varias  
præfcripfit, inter quos etiam a-  
vunculum habuit: duravit vero hic  
Ordo ducentos circiter annos, uf-  
que ad Clementem Quintum; sub  
quo vide quomodo fint extincti.  
fuit Gelafius Italus Cajetanus;  
Monachus Caffinas, unius folum  
anni Pontifex.

169. **C**ALLISTUS Secundus,  
electus in Cluniaceni  
Cœnobio, ubi Gelafius obierat:  
ejus in Urbem adventus miro ex-  
ceptus est applaufu; quem præve-  
niens Burdinus Antipapa, in mu-  
nitionem Sutriam fe recipit, un-  
de extractus in perpetuum carce-  
rem deportatus est: tandem post  
varias militum illufiones, dedu-  
ctus fuit per mediam urbem pilo-  
fa vervecis vefte pro chlamyde  
rubea indutus, Camelo ex adver-  
fo impositus, data ei in manibus  
pro fræno cauda. Sub hoc Calli-  
fto Secundo, & Henrico Quinto  
Imperatore, inter Sacerdotium &  
Imperium insignis illa pax & con-  
cordia facta est anno plus minus  
quinguefimo, ex quo inter Gre-  
gorium Septimum, & Henricum  
Quar-

*Pax inter  
Sacerdo-  
tium & Im-  
perium, pro  
collat. Be-  
neficiorum.*



Quartum, ob Investituram, five Sacerdotiorum collationem ingens discordia fuerat excitata. Compostellanum in Galæcia Episcopum, in honorem S. Jacobi Apostoli (de cujus miraculis ipse volumen fecit) constituit Metropolitanum: & duodecim Canonicos, ante tantum septem a Paschali Secundo statutos, qualitate Cardinalitia in Ecclesia Compostellana stabilivit: fuit Papa hic Burgundus, Guilielmi Burgundiæ Comititis filius, Imperialis & Regiæ celsitudinis derivata consanguinitate generosus, annosque fere sex in Petri Cathedra sedit. sub ipso anno 1122. habitum fuit primum in Ecclesia occidentali sive latina, Romæ, Concilium generale nonum, Lateranense primum.

*Archiepi-  
scopus  
Compostel-  
lanus.*

CONCIL.  
GENE-  
RALE 9.  
LATERA-  
NENSE I.

170. **H**ONORIUS Secundus electus est hoc modo: convenientes in Basilica Lateranensi Cardinales elegerunt Theobaldum S. Anastasiæ presbyterum Cardinalem, & Cœlestinum Secundum appellaverunt; ipsoque suæ non consentiente electioni, cœptus est cani Hymnus *Te Deum laudamus*, quo nondum dimidiato,

Ro-

Robertus Frangipanius cum suis  
 asseclis Lambertum Cardinalem,  
 Episcopum Ostiensem acclamavit  
 Pontificem, qui & ipse pro Theo-  
 baldo Hymnum cantabat; unde  
 maximus ortus est tumultus: sed  
 mox omnibus ad concordiam re-  
 ductis, Lambertus perstitit Ponti-  
 fex, dictusque est Honorius Secun-  
 dus; qui cum suam electionem  
 minus Canonicam consideraret,  
 post septem dies in praesentia o-  
 mnium Cardinalium, sponte Mi-  
 tra & Manto depositis, Pontifica-  
 tui renunciavit, dicens malle se  
 Ostiensem Episcopatum jure obti-  
 nere, quam injuria Romanum;  
 Cardinales, ejus perspecta humili-  
 tate, eum revocaverunt, & ut le-  
 gitimum Papam adorantes, con-  
 suetam ei obedientiam exhibue-  
 runt. Confirmavit Candidum Or-  
 dinem Præmonstratensem, a S.  
 Norberto institutum, cum Patriar-  
 cha hic Tanchelinum Hæresiarcham  
 eloquentia sua confutasset, & sub-  
 tilitate superasset. fuit Honorius  
 Italus, Bononiensis, Canonicus  
 quondam Aurelianus, per annos  
 quinque Ecclesiæ præfidens.

*Confirmatio  
 Ord. Præ-  
 monstraten.*

171. **I**NNOCENTIUS Se-  
 cundus. legitimus hic Pon-  
 ti-

tifex, fugiens a facie Antipapæ Petri Leonis, qui se Anacletum Secundum, quemque S. Bernardus Epistola 124. Antichristum dicebat, in Galliam se recipit, atque in itinere per Germaniam inferiorem transiens, Bruxellæ consecravit Ecclesiam S. Joannis super Paludem, *op den Poel*: cujus Dedicationis diploma ibidem adhuc servatur, & memoria quotannis agitur Idibus Octobris, cum Indulgentia plenaria ab ipso Innocentio concessa. porro cum per id tempus Clericis & Sacerdotibus honor qui par erat non deferretur, sententiam excommunicationis protulit in eum qui violentas manus in Clericum injiceret, a qua nullus Episcoporum illum absolvere præsumat, donec Apostolico conspectui præsentetur: quod a posterioribus Pontificibus & Conciliis innovatum fuit. cæterum post infelicem mortem Anacleti Antipapæ, schismatici aliquot Cardinales Gregorium quemdam e suis substituerunt, & Victorem Quartum nominarunt; sed hic ad saniorum mentem opera S. Bernardi mox perductus abdicat, & se Innocentio subjicit; Jamque verum Pontificem Romanæ Cathedræ, Ecclesiam

SCHISMA  
XXII.

*Petrus Leonis, dictus Anacletus*  
2.

*Dedic. Eccl.  
S. Joannis  
Bruxella.  
An. 1130.*

*Si quis in  
Clericum  
manus violentas  
injecerit, Anathema sit*

namque universam paci vixdum re-  
 stituerat Bernardus, in quo nego-  
 tio septennium laboravit; cum ec-  
 ce (incredibile dictu) idem Inno-  
 centius eidem Bernardo non tan-  
 tum grates non rependit, sed &  
 amicitiae illius pertesus, ipsum ve-  
 luti frequentibus suis scriptioni-  
 bus permolestum fastidivit; ac de-  
 mum iniquis malevolorum dela-  
 tionibus circumventus, eo iracun-  
 diae ac caeci furoris processit, ut  
 invictissimum defensorem suum,  
 atque orbis Christiani Atlantem  
 imprudentiae primum accusaret,  
 tum etiam perfidiae, ac agitatae in  
 Ecclesiam prodicionis criminare-  
 tur: uti patet ex Bernardi ad In-  
 nocentium Epistolis 213. & 218. Hic  
 Pontifex Lotharium 3<sup>o</sup> Imperato-  
 rem anno 1132. qui Papam ob schis-  
 ma Petri Leonis fugitivum cum  
 valido exercitu ex urbe Leodiensi  
 Roman. reduxit, ibidem corona-  
 vit: eique ceu legitimo Pontifici  
 schismatis tempore fideliter adhae-  
 sit. sub hoc Pontifice obiit Joan-  
 nes a Stampis, Gallice dictus Jean  
 des Temps, id est a Temporibus,  
 ob diuturnam 360. annorum vi-  
 tam: nam illum sub Carolo Ma-  
 gno primo meruisse tradit Paulus  
 Aemilius in Ludovico Juniore, de  
 quo

*Joannes a  
 Temporibus  
 vixit annis  
 360.*

quo Baptista Mantuanus Carmelita  
& Poeta.

*Illum fama refert hyemes vidisse  
trecentas.*

Fuit Innocentius Romanus Cano-  
nicus quondam Regularis, per an-  
nos 14. Summus Pontifex: sub  
ipso habitum est Concilium Gene- CONCIL-  
rale decimum, Lateranense secun- GENE-  
dum, in quo inter alia damnatus RALE IO.  
est Arnaldus de Brixia, qui Cleri- LATERA-  
cos possessiones habere posse ne- NENSE 2.  
gabat.

172. COELESTINUS Secun-  
dus, Italus Typhernas,  
breve habuit Pontificatum, quin-  
que dumtaxat mensium & dierum  
tredecim, felicem tamen; quod  
nulla seditione vexatus fuerit, qua  
octo præcedentes Pontifices exa-  
gitati fuerunt. extat D. Bernardi  
ad ipsum epistola 234. auctorita-  
tem Sedis Apostolicæ adversus in-  
famem Simoniacum implorantis,  
quæ incipit: *Qportet vos secundum  
Iustitiam quæ ex Lege est suscitare se-  
men fratris vestri defuncti: quod di-  
gne implebitur, si Papæ Innocentii,  
cui in hereditate Domini successistis, &  
defenditis bene gesta, & minus adim-  
pleta perficitis: præ manibus est in quo  
id*

id liceat experiri &c. ut verbum abbreviatum faciam auribus occupatis, audiat paucis Dominus meus, quid dictum fuerit, & factum teneamus &c.

*Prophetia  
S. Malachie  
Episc. de  
futur. Pontificibus,*

Ab hoc Pontifice Cœlestino incipit Malachie Archiepiscopi Armachani in Hibernia, ex Ordine Cisterciensi, coætanei S. Bernardi, cujus vitam ipse conscripsit, Prophetia de summis Pontificibus ab hoc tempore in futurum secuturis; cui prædictioni quæ fides adhibenda sit, videatur hujus Notitiæ Præfatio.

*Clerici possunt habere  
prop. bona,*

173. **L**UCIUS Secundus. contra hunc Pontificem rebelles Romani hæresim Arnaldi de Brixia sectati sunt, nempe Clericos non debere habere proprietatem bonorum, sed cuncta esse Principis, & sufficere illis, si more antiquorum Sacerdotum, sustineantur de Decimis & oblationibus. vide S. Bernardi epistolas 242. & 248. Sub hoc Papa Edessa Mesopotamiæ civitas, maxima Christianorum clade, a Turcis capta & direpta fuit: qua audita clade mellifluus Pater, jussu Pontificis, patrocinium Religionis Christianæ suscipiens, Principes omnes Christianos cum literis, tum nuntiis ad-

*Civitas Edessa a Turcis capta.*



adhortatus est ut Crucis Christi vexillum in Saracenos fumerent: quo eventu, patet ex vita Bernardi, & libro 2. de Consideratione. Lucius hic incerto lapidis ictu percussus, cum Romanos ad nova studia concitados a Capitolio conaretur depellere, paulo post obiit, cum sedisset tantum menses undecim, dies quatuor: fuit Italus Bononiensis Canonicus Augustinianus.

174. **EUGENIUS** Tertius, Abbas SS. Vincentii & Anastasi Romæ ad Aquas Salvias; quod Monasterium Innocentius Secundus amplo patrimonio a se dotatum & restitutum S. Bernardo dederat; cui Abbatem illum præfecit, qui postea Eugenius Tertius summus Pontifex fuit, uti Breviarium Romanum 20. Augusti. Papa hic Metropolitani Armenorum, qui mille pluresque sub se habet Episcopos, subjicientis se Romano Pontifici, legationem suscipit emensam per sex annos, totidemque menses. S. Bernardus, cujus hic Pontifex Discipulus fuerat, & quem Monachum induerat, illi libros quinque de Consideratione obtulit, ad bene administrandum

*Armeniorum Metro-  
polit.  
subjicit se  
Rom. Pont.*

Pon-

*Dedicatio  
Eccl. Montis  
Martyrum  
prope Paris.*

Pontificatum . Coronasset hic Eugenius Papa Tertius Conradum Tertium Imperatorem , nisi dum ad motus Italicos compescendos & Imperii coronam capeffendam , expeditionem pararet in Italiam , non sine veneni suspitione , extinctus fuisset Imperator . propter turbas autem Romanas in Franciam Eugenius receptus , consecravit anno 1146. Ecclesiam Montis Martyrum prope Parisios , assistente eodem mellifluo Patre , & S. Henricum Imperatorem Divorum Canonis ascripsit : fuit Italus Pisanus , Pontifex 8. annorum .

175. **A**NASTASIUS Quartus Romanus , Canonicus Augustinianus , Pontificatum adeptus , Calicem pulcherrimi operis , magnæque æstimationis Ecclesiæ Lateranensi donavit , & ædes egregias apud Pantheon ; quod S. Mariam Rotundam vocant , brevi ædificavit ; amator ac nutritius pauperum audiebat ; pluraque mente destinaverat , tum ad dignitatem Ecclesiæ , tum ad ornatum Urbis Romæ , si ei aliquamdiu vivere in Pontificatu licuisset : obiit autem post annum primum , mense quarto , die 24.

ADRIA.

176. **A**DRIANUS Quartus, *Unicus Pa-  
pa Anglus,* solus inter Pontifices natione Anglus, uti Adrianus postea Sextus, solus Belga, eidem in omnibus perlimilis: is ob severitatem patris, & mediorum tenuitatem, in Galliam secedens, suis obsequiis meruit recipi in Monasterium quoddam Canonicorum Regularium, cujus deinde Abbas factus, Romam pro Ordinis sui reformatione contendit: ubi Eugenius Tertius, cognita ipsius prudentia, illum Episcopum Albaniensem creavit, dataque Monachis licentia eligendi alium Abbatem, ipsum Cardinalem & Legatum fecit Apostolicum: factusque deinde Pontifex, nec obolum erogavit in propinquos; adeo ut matrem permiserit alendam elemosynis Ecclesiae suae Parochialis Cantuarii in Anglia. Coronavit Romae anno 1155. Fredericum Primum, qui *Aenobarbus*, sive *Barbarossa* dicebatur. fertur hic Pontifex, uti postea Adrianus Sextus, cum onus Pontificium sensisset, dixisse se quidem per omnes dignitatum gradus ad summum Pontificatum ascendisse, sed nihil umquam felicitatis aut tranquillitatis expertum: ac

*Romano Pontifice nemo miserabilior.*

Romano Pontifice neminem esse miserabiliorem; quod & Adrianus sextus postea censuit. Vocabatur antea Nicolaus Breck-sparre, quod est Hastifragus; hinc hastam fractam in insignibus portabat: obiit morbo anginae: aliqui dicunt quod cum biberet de fonte aquam, musca inseparabiliter adhæserit ejus gutturi, unde quinto Pontificatus anno prefocatus fuerit.

*S. Thomas Cantuariensis canonizatus.*

*Non nisi ab Apostolica Sede Canonizati publice colendi.*

*Torneamenta vetita.*

177. **A**LEXANDER Tertius. ad hunc Pontificem S. Thomas Cantuariensis se confrens, benigne acceptus fuit: multumque Papa laboravit pro querela componenda adversus Henricum Secundum Angliæ Regem; a quo Thomas dein Martyrio affectus, multis coruscans miraculis, ab Alexandro hoc in Sanctorum numerum est relatus; decrevitque hic Pontifex, ut nulli, nisi per Apostolicam Sedem Canonizato sacer honor publice habeatur. vetuit detestabiles nundinas, quas Torneamenta vocant, a Germanis circa annum 938. inducta, in quibus milites ex condito convenire solent, & temere congregi, unde cædes corporum & animarum proveniunt. Fredericum Secun-

Secundum Imperatorem Schisma-  
ticum eo usque humiliavit, ut in  
terram prostrati collum pede com-  
primens dixerit: *Super Aspidem &*

*Fredericus  
Imp. Schis-  
humiliatus.*

*Basiliscum ambulabis, & conculcabis*

*Leonem & Draconem.* cui ipse re-

spondit; non tibi, sed Petro, cui

successor es, pareo. iterumque

Pontifex: & mihi, & Petro. Post

sic humiliatum Fredericum cele-

bravit Concilium œcumenicum un-

decimum, Lateranense tertium;

anno 1199. in quo statutum fuit,

ut non habeatur Papa, nisi a dua-

bus Cardinalium partibus electus.

multa etiam ad reformationem

Cleri edita sunt: ut unus non ha-

beat duo beneficia, & conferantur

iis qui Ecclesiæ prodesse possunt,

& vacantia, non vacatura: sum-

ptuosa convivia non convenire

Prælati, sicuti nec vestes pretio-

sas, aut venationes illos decere:

statutumque fuit ne quis in Epi-

scopum eligeretur, nisi triginta

annos natus. De Schismate con-

tra hunc Pontificem narrat Marti-

nus Polonus, & Onuphrius Pan-

vinus ipsum vicisse quatuor Pseu-

do-pontifices: primum Octavia-

num de Monticello, qui Victor

Quartus; secundum Guidonem

Cremonensem, qui Paschalis Ter-

I

tius;

CONCIL.

GENERA-

LE XI.

LATERA-

NENSE 3.

*Beneficia  
quibus &  
quomodo  
conferenda.*

*Episcop. an-  
te 30. an-  
num non e-  
ligendi.*

SCHISMA  
XXIII.

*Quatuor  
Pseudo-ponti-  
fices con-*

*tra Alexā-  
drum Ter-  
tium.*

*Carolus ma-  
gnus a schis-  
matico Pon-  
tificis cano-  
nizatus.*

*Ordo Car-  
thusianorū.*

*Dispensa-  
tio cum Mo-  
nacho Pres-  
bytero ad  
inendum  
Matrimo-  
nium.*

tius; Tertium Joannem Strumien-  
sem, qui Callistus Tertius; &  
Quartum Landonem, qui Inno-  
centius Tertius, vocati sunt: quo-  
rum secundus Paschalis Tertius  
cum in Germaniam ad Fredericum  
Imperatorem se recepisset, Caro-  
lum Magnum Romanorum quon-  
dam Imperatorem in Sanctorum  
Canonem retulit; qui, quod a  
schismatico Pontifice sit canoniza-  
tus, in Martyrologium Romanum  
non est relatus; ita ut non sim-  
plex hoc schisma fuerit. vide Pro-  
phetiam Malachiæ. & laus Deo  
quod post densas hasce nebulas  
per ducentos postmodum annos,  
nulla schismatica tempestas dein  
exorta fuerit. Ordinem Carthusia-  
norum sub Gregorio septimo ex-  
ortum confirmavit, Divum Ber-  
nardum duodecimo post obitum  
anno Sanctorum Canonis inseruit.  
Narratur hic Papa dispensasse cum  
quodam Nicolao Justiniano Ve-  
neto, Monacho Benedictino, &  
Presbytero, ad ineundum Matri-  
monium, ne familia illustris Ju-  
stinianæ, ex qua solus hic in hac  
Republica supererat, cum ipso ex-  
tingueretur: qui tandem susceptis  
sex filiis & tribus filiabus ex An-  
na Ducis Michaelis Veneti filia,  
re-



reversus ad Monasterium dies suos sancte finivit . Alexandria Civitas *Alexandria*  
Lombardiæ , sive Insubriæ , sub *Lombardia*  
hoc Pontifice condita , ab ipso no- *civitas ab*  
men accepit . fuit Alexander Ita- *Alexandro*  
lus Senensis , Monachus Cister- *3. nomina-*  
ciensis , uti Martyrologium eo- *ta.*  
rum habet 27. Augusti . Canonici Aureliani , inter quos in juventute fuit , suum esse contendunt : annosque duos & viginti dignissime sedit , & post Adrianum Primum , proximus omnium ad Petri annos pervenit .

178. **L**UCIUS Tertius , Lucensis , annorum quatuor Pontifex , nomen suum egregie adimplevit , dum in tantis Ecclesiæ tenebris sub præcedenti Pontifice exortis densum illud schisma ante Papatum lumine suo illustravit , & Alexandrum contra tot adversarios fortiter adjuvit , in rebus agendis solertissimus : electus dein ex Episcopo Ostiensi non immerito in summum Pontificem , difficultatibus etiam non caruit ; nam quarto Pontificatus sui anno , a Senatoribus Romanis civili seditione , quod Consulum nomina abolere niteretur , Urbe pulsus , Veronam se recepit , ubi diem

I 2 clau-

clausit extremum , in Cathedrali  
Ecclesia , cum hoc Epitaphio se-  
pultus :

*Luci Luca dedit lucem tibi , Ponti-  
ficatum*

*Ostia , Papatum Roma , Verona  
mori .*

*Imo Verona dedit tibi lucis gaudia ,  
Roma*

*Exilium , curas Ostia , Luca mori .*

*Amisio  
Hierosolym.  
anno 88.  
postquam a  
G. Bullone  
fuerat ca-  
pta ,*

179. **U**RBANUS Tertius Ita-  
lus Mediolanensis : sub  
ipso Saladinus Babylonæ Rex  
Hierosolymam cepit , anno octo-  
gesimo octavo , ex quo a Godefrido  
de Bullone , sub Urbano Secundo  
infidelibus erepta fuerat : qui ne-  
quissimus Tyrannus Crucem Do-  
mini per duos dies in probrosum  
ostentum per civitatem portan-  
do fustigari fecit : quo tristi nun-  
cio perculsus Urbanus incidit in  
ægritudinem , obiitque anno Pon-  
tificatus sui secundo nondum ex-  
pleto .

180. **G**REGORIUS Octavus,  
Italus Beneventanus ,  
Monachus Benedictinus , sequenti  
die subrogatus , mox pro subsidio  
Terræ Sanctæ ad universos Christi-  
fideles literas dedit , indicto uni-  
ver-

versali jejunio; sed probus Pontifex secundo mense obiit.

181. **C**LEMENS Tertius Romanus, vir scientia literarum, facundiaque clarus, sed & vitæ puritate, animique integritate præclarior, trium annorum totidemque mensium Pontifex, declaravit, quod filii Episcoporum ex legitimo prius matrimonio nati possint sacris Ordinibus initiari, & habere beneficia etiam in Ecclesia paterna.

182. **C**OELESTINUS Tertius, coronavit Henricum Sextum, Fred. Barbarossæ filium Romæ anno 1191. feria secunda Paschatis, cum ipse Pontifex pridie consecratus fuisset. Confirmavit Ordinem Militum Teutonicorum, in quem non nisi Germani, iidemque nobiles admittuntur, quibus Templariorum redditus multi ascripti sunt. retulit in numerum Sanctorum Ubaldum Episcopum, ab Honorio Secundo Eugubina Cathedræ præpositum, cultum ab Ecclesia 16. Maii; & S. Joannem Gualbertum Abbatem 12. Julii, nuper oratione ac lectionibus propriis a Clemente De-

*Ordo militum Teutonicorum.*

cimo in Officio Ecclesiastico adornatum. fuit Cœlestinus Romanus, annisque prope septem Petri Cathedralam possedit.

ANNO  
CHRISTI

1200.

183. **I**NNOCENTIUS Tertius, Senioribus Cardinalibus mutuo concertantibus, junior omnium ætatis annum trigesimum tantum agens, renuens & lacrymans, Pontifex creatur: quod autem Diaconus tantummodo esset, dilata est ejus in Presbyterum ordinatio usque ad Sabbatum sequens quatuor temporum Quadragesimæ, & sequenti Dominica in Pontificem consecratur. Sub ipso Ordo SS. Trinitatis de Redemptione captivorum anno 1198. initium cepit. anno 1202. inter Sanctos Confessores retulit S. Guilielmum Aquitanix Ducem per Sanctum Bernardum a Schismate contra Innocentium Secundum mirabiliter reductum, mortuum anno 1156. Romæ Idibus Octobris anno 1209. coronavit Othonem Quartum. Philippus vero Pseudo-Imperator Moguntix coronatus dicitur. Cum hoc tempore, contra decretum Alexandri Secundi, aliqui ex nimia devotione (uti de SS. Alberto Crispiniensi, & Nor-

*Ordo SS.  
Trinitatis.*

*Canonizatio  
S. Guiliel-  
mi.*

ber-

berto Præmonstratensi legitur )  
 pluries in die Missam dicerent ; *Semel tan-*  
 Innocentius hic , & sequens Ho- *tum in die*  
 norius statuerunt , ut excepta die *celebrandū.*  
 Nativitatis Domini non nisi semel  
 in die citra dispensationem cele-  
 bretur . jussitque Innocentius reci-  
 tari in Quadragesima Psalmos Pœ- *Psal. Pœnit.*  
 nitentiales ; & dicitur composuisse *in Qua-*  
 se Orationem ; *A cunctis .* lauda- *drag.*  
 tissimus hic Pontifex , cum scripsis- *Oratio , A*  
 set insigne volumen de sacro Al- *cunctis.*  
 taris Mystério , in quo transubstan-  
 tiationem panis & vini in Corpus *Eucharistia*  
 & Sanguinem Domini fieri docet ; *cum lumine*  
 illudque servari in Templis , & *& campa-*  
 campanulam cum lumine præce- *nula ad e-*  
 dere , cum ad infirmos deferretur , *gros feren-*  
 ordinasset ; & alia egregia opera *da .*  
 edidisset ; cumque ædificasset Ro-  
 mæ amplissimum Sancti Spiritus  
 Xenodochium pro Orphanis , Pe-  
 regrinis , & Infirmis ; quomodo  
 post mortem , decimo nono Pon-  
 tificatus sui anno pie obitam , ap-  
 paruerit ingenti flamma cinctus B.  
 Lutigardi , vide Bellarminum de  
 Gemitu Columbæ , lib. 2. Cap. 9.  
 sub ipso habitum fuit Concilium **CONCIL.**  
 œcumenicum 12. Lateranense 4. **GENERA-**  
 anno 1214. numero Prælatorum **LE 12.**  
 vix comprehenso . fuit Innocen- **LATERA-**  
 tius Italus , Anagninus ex Signia **NENSE 4.**

Comitibus , Canonicus quondam Augustinianus , Pontifex post Petrum diuturnitate sessionis septimus .

184. **H**ONORIUS Tertius anno 1220. Romæ coronavit Fredericum Secundum ; qui dein male contra Ecclesiam se gerens , Imperio privatus est ab Innocentio Quarto in Concilio Lugdunensi . Gerardus Loricus , in Summa Theologica , verbo *Benedictio* , ait Honorium Tertium Indulgentiam concessisse Germanis , post comestionem actis gratiis haustum sumentibus : passim tamen ad Bonifacium aliquem Papam id refertur , juxta antiquum hoc Distichon :

*Indulgentia  
bibentibus  
post dictas  
Gratias.*

*Papa Bonifacius post Grates rite bibenti*

*Sexaginta dies Pacis amore dedit .*

Circa quod auctor du *Recueil des questions curienses* ita censet : *peut-être que le peuple se mesprend' , en attribuant l'institution au Pape Boniface , la rime en ayant donné occasion :*

*Beurons une fois apres la grace ,*

*Pour le pardon du Pape Boniface .*

Nam quisquis Papa ille fuerit , vere Benefactor sive Bonifacius , si minus nomine , re ipsa fuit : quam  
in-



indulgentiam potissimum concessit, ne Gratiarum actio post refectionem omitteretur. Audisse memini ex Presbyteris, sive senioribus nostris Mechliniensibus, cum tempore Xysti V. Reverendissimus Dominus Vvilhelmus Lindanus Ruremondensis Episcopus Ecclesiæ suæ negotiis Romæ detineretur, & rogatu C. Baronii, ac instinctu Pontificis vacaret relegendis, & expendendis notationibus in Martyrologium a Baronio propediem in lucem emittendis; ipsum inter alia exposuisse Pontifici, quomodo moris esset in Belgio bibere post dictas gratias mensales, pro lucranda Indulgentia Papæ Bonifacii: & respondisse Xystum, se, licet de Indulgentia ista nihil unquam inaudisset, eam tamen, si ve data fuerit, sive non, motu proprio Belgis concedere. Sub hoc Honorio cæpit mos concludendi Cardinales in Conclavi pro electione novi Pontificis: ubi quotidie aliquid cibi illis detrahitur, ut ex parciori victu, uti Ciaconius ait, maturaretur electio. Ordinem Dominicanum, & Franciscanum ab Innocentio decessore approbatum Honorius confirmavit. fuit Romanus, Canonicus.

*Conclavos  
Cardin. &  
parcior vitt.*

*Ordo Do-  
minicanus &  
Franci-  
scanus con-  
firm.*

Regularis, seditque annos fere undecim.

185. **G**REGORIUS Nonus Anagninus, Innocentii Tertii Nepos, ordinavit ad Elevationem Corporis Christi in Missa campanam pulsari, ut fideles etiam extra Ecclesiam ad illud adorandum mentem elevent, & participant de sanctissimo Sacrificio: item *Salve Regina* sub vesperam cantari, & ære sonante Fideles convocari ad Laudes Deiparæ; quem hymnum ob Ecclesiam ab Imperatore Frederico Secundo valde afflictam quotidie cantari præcepit. Hymnus hic ab Hermannō Contracto uno sæculo antea compositus dicitur. SS. Dominicum & Franciscum una inter Divos retulit, illum octavo, hunc secundo post obitum anno; atque Antonium a Padua nondum completo post obitum anno: item Sanctam Elisabetham Hungariæ Reginam. cumque sedisset annos quatuordecim & menses quinque, ex devotione sepeliri voluit in habitu Franciscano. Officium Minorum de sancto Francisco in primis Vesperis sic canit: *Capit sub Innocentio, cursumque sub Honorio per-*

*Campana sonitus ad elevationem in Missa.*

*Salve Regina & Laudes vespert.*

*Canonizatio SS. Dominici, Frãcisci, Ant. a Padua, &c.*

*Devotio sepultura in habitu relig.*

*perfectit gloriosum , succedens his Gregorius magnificavit amplius : Ordini- que Franciscano affectissimus eum multis privilegiis affecit .*

186. **C**OELESTINUS Quartus, Mediolanensis, decimo septimo electionis suæ die, ante coronationem moritur, & vacat Sedes mensibus 21. eo quod Cardinales plerique a Frederico Secundo Imperatore, qui contra Papam & Ecclesiam dissidebat, captivi detinerentur: unde factiones Guelphorum pro Papa, & Gibel- *Factiones Guelphorum & Gibellin.* linorum pro Imperatore invaluerunt: quorum nominum originem vide in Onomastico. tandem post fere duorum annorum Sedis Apostolicæ vacationem, precibus Raymondi Comitis Tolosani dimissis a Frederico Cardinalibus, Papa sequens electus fuit.

187. **I**NNOCENTIUS Quartus amicus pridem Imperatoris. Hoc Papa renuntiato Fredericus dixit, se optimum amicum Cardinalem amisisse, & acerrimum hostem eundem Papam nactum esse, quod rei eventus declaravit; nam hi versus nomine Frederici tunc spargebantur:

*Roma diu titubans, variis erroribus  
acta.*

*Corruet, & Mundi desinet esse Ca-  
put.*

**Cui responsum:**

*Niteris incassum Navim submerge-  
re Petri:*

*Fluctuat, at numquam mergitur  
illa ratis.*

**Rescripsit Fredericus:**

*Fata volunt, stelleque docent, a-  
viumque volatus,*

*Quod Fredericus ego malleus orbis  
ero.*

**Cui responsum:**

*Fata volunt, Scriptura docet, pec-  
cata loquuntur,*

*Quod tibi vita brevis, pœna peren-  
nis erit.*

*Octavâ Na-  
tivitatis B.  
Mariæ.*

*Ruber gale-  
æus Cardin.*

Innocentius hic festum Nativi-  
tatis B. Mariæ diu quidem ante in-  
stitutum, cum Octava celebrari  
ordinavit. Cardinales rubri gale-  
ri insignibus decoravit; quo signi-  
ficare voluit eos paratos esse de-  
bere caput & sanguinem impen-  
dere pro tuenda Ecclesia, eo ma-  
xime tempore quo Fredericus eam  
ata vexabat. reliqua Cardinalium  
insignia posteriores Pontifices,  
Bonifacius Octavus, & Paulus se-  
cundus, excogitaverunt. Sub an-  
num 1245. ab hoc Pontifice con-  
fir-

firmati sunt septem Imperii Electores: de quibus hi versus:

*Moguntinensis, Trevirensis, Colo-* 7. Imperii  
Electores  
*nienfis,*

*Quilibet Imperii fit Cancellarius  
horum.*

hi tres Ecclesiastici: Moguntinensis Germaniæ, Trevirensis Galliæ, Colonienfis Italiæ sunt Cancellarii; quatuor sequentes sæculares, Imperatoris in coronatione Officiales:

*Est Palatinus Dapifer, Dux portitor Ensis,*

*Marchio Præpositus camera, Pincerna Bohemus.*

Comes Palatinus, Dux Saxonix, Marchio Brandenburgicus, & Rex Bohemix. Antea sub Gregorio Quinto statutum fuerat, ut omnes Imperii Principes feudatarii eligerent Imperatorem. Papa hic Petrum Martyrem Ordinis Prædicatorum, & Stanislaum Episcopum Cracoviensem, Martyrum Catalogo adscripsit: ac Sanctam Claram Virginem ægrotantem invisit, ei-  
Petrus  
Martyr, &  
Stanislaus  
Cracov.  
Sanctis ad-  
scripti.  
que suppliciter petenti Indulgentiam peccatorum impertivit; quam sequens Pontifex Alexander inter Sanctas Virgines retulit. Sub Innocentio Quarto anno 1244. habitum fuit Concilium æcumeni-  
CONCIL.  
cum.

**GENERA.** cum 13. Lugdunense primum con-  
**13. LUG-** tra Fredericum Secundum Ecclesiæ  
**DUNENSE** rebellem, Imperio depositum: &  
**PRIMUM.** substitutus ei fuit Henricus Tu-  
 ringus, S. Elisabethæ filius: dein  
 Guilielmus Hollandus: huic Ri-  
 chardus Anglus: ac demum Al-  
 phonsus Sapiens, Castellæ Rex:  
 qui coronati a Papa non fuerunt;  
 sed tenetur post depositionem Fre-  
 derici, Imperium vacasse usque ad  
 Rudolphum Hasburgicum. Fuit In-  
 nocentius Italus, Genuensis, pau-  
 lo post undecimum Papatus an-  
 num mortuus.

188. **A**LEXANDER Quartus  
 Anagninus, Consanguini-  
 neus Innocentii Tertii, & Grego-  
 rii Noni, annorum prope septem  
 Pontifex, canonizavit sanctam  
 Claram sub priore Pontifice mor-  
 tuam. Libros Guilielmi de sancto  
 Amore contra paupertatem reli-  
 giosam perpetuo edicto abolevit,  
 atque Mendicantium ordinibus  
 multa concessit privilegia, & ex  
 eis viros doctos ad Episcopatum  
 ac Cardinalatum provexit: Eremi-  
 tas Augustinianos urbes incolere  
 iussit; ubi verbo & exemplo, nec  
 non confessiones audiendo, salu-  
 tis fructum asserre possent. Fe-  
 stum

*Canonizatio S. Clarae.*

*Libri G. de S. Amore condemnati.*

*Eremitæ Augustini ex eremo ad urbes vocati,*



stum Sancti Rumoldi Mechlinien-  
 fium Apostoli statuit celebrandum  
 prima die Julii: de quo vetus U-  
 suardi Martyrologium a J. Molano  
 editum : *Kalendis Julii Octava san- <sup>Festū san-</sup>  
 cti Joannis Baptiste, Mechliniæ Pas- <sup>cti Rumol-</sup>  
 sio sancti Rumoldi gloriosissimi Marty- <sup>di Mechli-</sup>  
 ris atque Pontificis, Scotorum Regis <sup>nien. Apost.</sup>  
 filii, signis & doctrina mirabilis; <sup>quare pri-</sup>  
 qui regalis celsitudinis Solum, &  
 Pontificalis dignitatis respuens hono-  
 rem Mechliniam petiit, sibi divinitus  
 destinatam, quam Octavo Kalendas  
 Julii Martyrio consecravit; sed quia  
 eadem die sanctissimi Baptiste, & Præ-  
 cursoris Domini celebratur Nativitas,  
 Romanus Pontifex Alexander Quartus  
 Passionem nostri Martyris in Nati-  
 vitatis predictæ Octava constituit solem-  
 nizarî. fuerat autem Canon San-  
 ctorum ascriptus more tunc rece-  
 pto ( vide supra in Leone 3. ) sub  
 Joanne undecimo anno 930. cum  
 Martyrio affectus fuisset anno 776.*

189. **U**RBANUS Quartus,  
 Natione Gallus, Patria  
 Trecensis, natus patre Sutore ve-  
 teramentario, sed animi indole  
 nobilis, annorum trium, & duo-  
 rum fere mensium Papa, quon-  
 dam Monachus Cisterciensis, pro-  
 fessus in Monasterio Fossæ novæ:  
 ita

*Festum Corporis Christi.*

ita die secunda Octobris Martyrologium Cisterciense . anno 1264. Festum Corporis Christi solemnissime celebrandum instituit , ob causam quam reddit sanctus Thomas in Officio ejusdem festi . Collegium duodecim Canonorum Trecis in patria fundavit ; idque in Templo S. Urbani ab ipso in paternarum ædium solo ædificari jussit . Ephemerides Gallicæ secunda Novembris de ipso narrant: *Qu' il fit cette belle repartie a Alphonse Roy d' Espagne , qui luy reprochoit , qu' il estoit fils d' un Saverzier : il n' y a pas d' honneur de naître noble , mais bien de sçavoir s' annobler soy-meme par son sçavoir , sa prudence , & ses bonnes meurs .*

190. CLEMENS Quartus , Gallus annorum trium & decem mensium Pontifex : post uxoris decessum , e qua duas habuit filias , secessit ipse ad Carthusianos ; apud quos etiam pater ipsius defuncta uxore se retraxerat , & usque ad mortem perseverarat : sed sanctus Ludovicus Franciæ Rex , prænoscens bono publico magis expedire , eum revocavit , & ascivit in Consiliarium ac status ministrum . variis dein Ecclesiasticis di-

dignitatibus insignitus , tandem factus Papa , raræ virtutis exemplum præbuit , cum in aliis , tum maxime in affectu erga consanguineos . uni enim filiæ in Monasterio collocatæ triginta tantum libras dedit , alteri quæ conditionis suæ marito nupserat , trecentas libras dotis nomine numerari iussit ; idque hac conditione , ne quid amplius peteret . Nepoti tres habenti præbendas injunxit dimissionem duarum : instantibus autem amicis , ut non tantum ea beneficia ipsi permitteret , sed majora & plura tribueret , respondit , se plus Deo , quam carni & sanguini debitorem esse . dignum est legi in additionibus Onuphrii ad Platinam Breve Apostolicum super hoc Nepoti suo scriptum ; quod & invenitur apud Marchantium in Horto Pastorum , titulo de Beneficiis . imitatus semper institutum Carthusianorum , a morte uxoris , abstinuit a carnibus usque ad obitum , neque umquam dimisit cilicium ; unde merito Carthusianis adnumerari potest , cui flagrans non defuit affectus , & imitatio regularis .

*Pontifex  
plus Deo  
quam car-  
ni & san-  
guini debet*

191. **G**REGORIUS Decimus,  
*Sedis Apo-* cum ex discordia Car-  
*stolica din-* dinalium vacatio Sedis protracta  
*tissima va-* fuisset usque in trigesimum ter-  
*catio,* tium mensem, qua diuturnior nul-  
 la fuit; tandem

*Papatus munus tulit Archidiaconus  
 unus,*

*Quem Patrem Patrum fecit discor-  
 dia fratrum.*

Dictus antea Theobaldus Pla-  
 centinus, de familia Vice-comi-  
 tum Mediolanensium, Archidiao-  
 nus Leodiensis, existens Pontificis  
 Vicarius Generalis in obsequio  
 Christianorum apud Ptolemaidem  
 Syriæ civitatem, cum Eduardo  
 primogenito Anglorum Regis fi-  
 lio, ubi Ludovicum Francorum  
 Regem, & tempus opportunum  
 expectabat, ut cum cæteris Hie-  
 rosolymam proficisceretur contra  
 Saracenos, ad expugnandam Ter-  
 ram Sanctam. vide Joannis Mola-  
 ni Natales Sanctorum Belgii deci-  
 ma Januarii, ubi hic Gregorius  
 pro Sancto recensetur. ipso Pon-  
 tifice anno 1274. celebratum fuit  
 Concilium œcumenicum 14. Lug-  
 dunense secundum, & inter alia  
 conditæ sunt leges in Conclavi  
 à Cardinalibus observandæ, quas

CONCIL.  
 GENERA.  
 14. LUG-  
 DUNENSE  
 2.

VI-

vide in Annotationibus Onuphrii ad Platinam. Huic Concilio Pontifex ipse cum quindecim Cardinalibus præsens interfuit; sub quo obiit sanctus Bonaventura, & divus Thomas. eo se conferens in itinere mortuus est. Rudolphus Comes Hasburgicus, primus & Dominus Austriaca Imperator, Aquisgrani primo coronatus, dein Losannam Helvetiorum urbem ad hunc Gregorium profectus ab ipso confirmatus, & Imperii insignibus decoratus fuit; quod nollet ire Romam pro Imperii Corona, dicens: multorum Alemannorum Reges Italia consumpsit, non ibo Romam.

ANNO  
CHRISTE  
1244.

*Primus  
Austriacus  
Imperator.*

192. **I**NNOCENTIUS Quintus Burgundus, Frater Petrus de Tarentasia prius vocatus; ex Ordine Prædicatorum primus in summum Pontificem electus, Pontificatus sui mense ac die quinto moritur. contraxerat levem offensusculam contra Sacerdotes sæculares, eo quod, cum esset inter illos & Fratres Prædicatores contentio de sepeliendo corpore Clementis Quarti, adjudicavit id fratribus committi debere, quod Pontificem, dum viveret, ita voluisse diceret.

*Contentio  
de Sepulchra  
inter Regul.  
& Sæculares  
Sacerdotes.*

ADRIA-

193. **A**DRIANUS Quintus Genuensis, Nepos Innocentii Quarti, revocavit constitutionem Gregorii Decimi, de Conclavi Cardinalium; quam revocationem, quod ante ejus coronationem facta fuisset, & sic invalida censeretur, Joannes successor confirmavit: atque ita sine Conclavis conclusionem qui successerunt Pontifices Nicolaus Tertius, Martinus Quartus, & Cœlestinus Quintus, creati sunt; hic autem posterior Cœlestinus renovavit dictam Gregorii constitutionem, & qui ei successus est Bonifacius Octavus ratam habuit, confirmatamque libro Decretalium Sexto registravit: a quo, deinceps tempore observata est. Adrianus hic amicis, qui ad ei de Pontificatu congratulandum advenerant, respondisse fertur: utinam me Cardinalem prospere valentem, non moribundum Pontificem invenissetis! post ejus obitum, qui triginta novem tantummodo diebus in Pontificatu æger vixerat, electus fuit Vice-dominus de Vice-dominis Placentinus, Gregorii Decimi Nepos, ejus Sororis filius.

VICE-



194. **V**ICE-DOMINUS, dictus per aliquot horas GREGORIUS Undecimus, primum Minorita, deinde Archi-Episcopus Aquensis, postmodum electus in Papam; ipsa electionis die, suprema simul dignitate & vita functus est, ideoque inter Pontifices passim non numeratus: sed computandum esse, vel ob subiti occasus exemplum, a quo tanta dignitas exempta non est, quis neget? vide supra Stephanum Secundum, brevis similiter spatii Pontificem, & chronicon Minorum anno 1276.

*Papa unius diei.*

195. **J**OANNES Vigessimus Primus (dictus Vigessimus secundus, sed revera tantum Vigessimus, ob rationes superius allatas in Joanne Decimo nono) Lusitanus Ulissiponenfis; primus qui eo jam tempore quo Pontifices nomina mutare cæperunt, nomen suum retinuit, dictus antea Magister Joannes Petrus, medicinæ peritissimus: inter alia edidit librum qui inscribitur *Thesaurus Pauperum*, de medendis humani corporis morbis, in omnes fere linguas ad usum

*Papa medicus. auctor Thesauri pauperum.*

usum pauperum translatum: mense sui Pontificatus octavo, ruina cubiculi recens constructi, obiit; qui vitam sibi longiorem ob medicinæ peritiam pollicebatur: sed videmus, ne summos quidem Pontifices & maximos Physicos, humanis casibus exemptos esse. Constitutionem Gregorii Decimi de Conclavi, quam Adrianus Quintus suspenderat, penitus revocavit, adeo ut sine conclusione Cardinalium, qui deinceps ei successerunt, usque ad Bonifacium Octavum electi fuerint.

196. **N**ICOLAUS Tertius, amantissimus fuit Fratrum Minorum, ex quibus aliquot Cardinales creavit: Missam devotissime celebrabat, ita ut semper sacrificii tempore in lacrymas diffueret. vacantibus Ecclesiis citissime prospiciebat, easque statim optimis & idoneis ministris committebat. Notarios & Tabelliones, tamquam sanguine pauperum litigantium victitantes, ut tetrum virus, Curia sua exclusit. fuit Romanus ex illustri Ursinorum Familia: & Romani a sexaginta retro annis, ab Honorio nempe Tertio, usque ad hunc Nicolaum

*Tabelliones  
sanguisuga  
litigantium.*

Ter-

Tertium, nullum Civem suum in Petri Cathedra sedere viderant: probus hic Pontifex intempestive, nondum triennio in Pontificatu exacto, sublatuſ est.

197. **M**ARTINUS Quartus, a nonnullis secundus tantum dictus; sed duo intermedii Pontifices Marini inter Martinos recensentur: fuit Gallus, quondam Canonicus & Thesaurarius Ecclesiæ Sancti Martini Turonensis; ideoque Martinus nominari voluit, dictus antea Simon de Bria. sub ipso Vesperæ Siculæ contigerunt: *Vespera Sicula.* Siculis, cum Gallorum superbiam ac libidinem amplius ferre nequirent, constituto tempore pulsationis campanarum ad preces vespertinas, ipsa die Paschatis, quæ erat 30. dies Martii anno 1282. omnes tota insula Gallos, super octo millia, inermes, & nihil tale, tali maxime die cogitantes, nullo ætatis aut conditionis discrimine habito, trucidantibus, ipsasque a Francis prægnantes Mulieres Siculas eviscerantibus, ne quid stirpis Franciæ superesset in Sicilia. quo tempore Petrus Aragonius salutatus est Rex Siciliæ. Papa autem, hoc audito, jus Regni

*Papa Eccle-  
sia bona  
suis non  
distribuens.*

gni ei abrogat, & tribuit Carolo  
Valesio filio minori Regis Franciæ  
ex sorore Aragonii. Martinus hic  
ab omni cupiditate suorum alie-  
nus, Ecclesiastici juris defensor  
maximus fuit. cum Germanus fra-  
ter aliquando ad eum accessisset,  
ut ei de tanto honore gratulare-  
tur, simulque multa ab eo obti-  
nere speraret: eum confestim pau-  
cis muneribus donatum, domum  
redire iussit, affirmans bona Ec-  
clesiæ, quæ sua non essent, se nol-  
le sine ratione donare. anno sui  
Pontificatus quarto mortuus, ex  
devotione in habitu Franciscano  
sepultus fuit: hinc in Epilogo Or-  
dinis Seraphici tamquam Pontifex  
ex Franciscano Ordine assumptus  
exprimitur: sed non recte, uti su-  
pra Gregorius Nonus.

*Carmelite  
& Augusti-  
mani refor-  
mati.*

198. **H**ONORIUS Quartus  
senio & arthritide la-  
borans, instrumentis ad hoc af-  
fabre aptatis missam celebrabat:  
prudencia & consilio præpollebat,  
dictitans manus & pedes non im-  
perare, sed caput. Ordines Car-  
melitarum, & Eremitarum Augu-  
stinianorum ad maturiorem deli-  
berationem delatos confirmavit;  
Carmelitisque Pallium album de-  
dit,

dit, cum antea versicolore ute-  
rentur. Aulicos suos amabat, &  
propinquorum amore non caruit,  
quos ex Ecclesiæ redivitibus ditabat,  
contra quam facere solebat præ-  
decessor. fuit Romanus, annisque  
duobus sedit.

199. **N**ICOLAUS Quartus,  
Italus, Ordinis Mino-  
rum Generalis, humili genere,  
civitate Asculana in Piceno ortus,  
primus in Pontificem ex Franci-  
scanis assumptus (quamquam non  
proprie, cum ante ipsum electus  
fuerit ex eodem Ordine Vice-do-  
minus nepos Gregorii Decimi,  
ipsa electionis die mortuus) pro-  
bos & eruditos cognatorum loco  
habuit: audito calamitoso rerum  
Syriæ statu, Crucem prædicari u-  
bique jussit, sollicitans Principes  
Christianos arma in Barbaros con-  
vertere: & ipse suo ære conflatum  
exercitum misit in Syriam  
ad Ptolemaidis, quam Soldanus  
obsidebat, defensionem: sed inu-  
tiliter; hancque Christianorum a  
Terra Sancta expulsionem deplo-  
rans, obiit mense primo post an-  
num Pontificatus sui quartum.  
scribunt aliqui (putem fabulose)  
ipsum fecisse constitutionem, ne-

*Primus ex  
Francisca-  
nis Ponti-  
fex probus  
& eruditus  
cognatorum  
loco habuit.*

*Amisso  
Ptolemaidis]*

minem posse fieri Papam, nisi ex Ordine Minorum: & videtur nonnihil causæ subfuisse; quia Sedes post mortem ipsius valde diu vacavit, ultra duos nempe annos: donec tandem electus fuit sanctissimus Eremita, nihil simile cogitans, Petrus de Morono.

*Sedis Apost.  
vacatio per  
annos 2.  
menses 3.*

200. **C**OELESTINUS Quintus, Italus Eserniensis, in Samnitibus natus, parentibus piis, sed aræis domi rebus, ipse undecim Fratrum suorum ultimus. cum ex discordia Cardinalium Sedes Apostolica vacasset annos duos, menses tres, dies duos, Cardinalis Latinus ex Ordine Prædicatorum mentionem fecit Petri de Morono notissimæ Sanctitatis Eremitæ: qui absens confestim omnium consensu renuntiatus Pontifex, acceptis electionis suæ literis, agerrime Pontificatum admisit, usurpans illud Davidis, Psalmo 70. *Quoniam non cognovi literaturam, introibo in potentias Domini?* dumque ex Eremita ad consecrationem tenderet, vectus est a fello; non enim induci potuit, ut equo veheretur: quam simplicitatem Deus miraculo sanitatis agro redditæ comprobavit; in qua



qua consecratione ad ducenta hominum millia interfuisse referuntur, propter diu expectatam electionem, ac rei novitatem; quod homo Eremita literarum rudis, & linguæ latinæ ignarus, ut narrat Ciaconius ex Guiljelmo Cardinali Sirleto, sed sanctitate eximia præditus ad tantæ dignitatis fastigium non nisi a Deo evectus fuisset; & ideo Cœlestinus vocatus, quod cœlitus missus crederetur. Inter duodecim quos creavit Cardinales, duos sui instituti Monachos, ab ipso Cœlestinos dictos assumpsit, quibuscum Divinarum Laudum consueto exercitio privatim vacare posset. sed mox defuncto Cardinali Latino, qui pondus Apostolicum vice Pontificis, cum se imparem tanto oneri crederet, sustinebat; cogitavit de Pontificatus abdicatione: ad quam Papam pronum notans Benedictus Cardinalis Cajetanus, successioni inhians, eam persuasionibus suis maxime promovit; nequaquam autem vaframenti vulgo decantatis, immissa nimirum per cannam, sive fistulam voce de superiore cubiculi tabulato: ut si salvum vellet, Pontificatu abiret; Cœlestinus enim non adeo cre-

*Eremita  
Lingua La-  
tina igna-  
rus sit Pa-*

*Abdicatio  
Papalis di-  
gnitatis*

*Licita per  
constitutionem.*

dendus est rudis fuisse in discernendis spiritibus, ut talibus se dolis deludi passus esset, qui cum Angelis Dei frequens conversabatur, & spiritu prophetico donatus erat. facta igitur constitutione, licere Pontifici abdicare se dignitate, abdicavit Cælestinus in publico Consistorio, deditque Cardinalibus potestatem subrogandi alium; statimque depositis ornamentis Pontificiis ad Cardinalium pedes se recepit, qui regnaverat tantum menses 5. & dies octo.

ANNO  
CHRISTI  
1300.

201. **B**ONIFACIUS, Octavus vulgo dictus (cum sextus duntaxat dicendus esset, rejectis duobus Bonifaciis Sexto & Septimo iniquis Sedis invasoribus) Benedictus Cardinalis, Cajetanus antea vocatus coniecit in carcerem decessorem Cælestinum; quod metueret, ne aliquis ex Potentatibus eum ad Pontificatum reduceret; in quo carcere post biennium sanctissime mortuus est 19. Maii, anno 1296. aurea cruce circa ostium cubiculi tota die mirabiliter in aere pendente; & ob miraculorum præstantiam undecim post annos a Clemente Quinto in Sanctorum  
nu-

numerum relatus. Bonifacius, ex-  
 pulsus duobus Cardinalibus Colum-  
 nensibus, maximis suis inimicis,  
 iisque omni dignitate spoliatis,  
 exhibuit se mox publice spectan-  
 dum cum tiara duplici corona *Mitra Pa-*  
 cincta, non contentus simplici, *palis cum*  
 qua antecessores usi fuerant; cui *duplici co-*  
 Urbanus deinde Quintus tertiam *rona.*  
 imposuit. Bonifacius Jubilæum *Primum*  
 primus instituit centesimo quoque *Jubilæum;*  
 anno celebrandum; quod anno se-  
 culari 1300. Romæ maximo popu-  
 li concursu celebravit. Quo tem-  
 pore cum Albertus Austriacus Im-  
 peratoris, Rudolphi filius contra  
 Adolphum Nassavium electum Im-  
 peratorem, prætenderet Imperi-  
 um, essetque inter illos summa  
 contentio; Papa duobus altercan-  
 tibus, id sibi adscribens, Romæ  
 die quodam se stitit in publico, in  
 habitu ordinario Pontificali, be-  
 nedictionem populo impertiens:  
 die vero sequenti cum habitu pro-  
 diit Imperiali, coronam Cæsare-  
 am in capite gestans, prælatis sibi  
 per spatharium gladiis duobus;  
 cumque sedisset in throno, alta  
 voce clamavit: *Papa ambis*  
*esse Impera-*  
*tor: deinde*  
*Rex Fran-*  
*cæ.*  
*Ecce duo gladii hic,*  
 Pontificæ nempe & Cæsareæ po-  
 testatis. sed postea confirmavit e-  
 lectionem Alberti, tali cum con-

*Rubra ve-  
stis Cardi-  
nalem.*

*Clericorum  
Degradatio.*

*Excommu-  
nicatio in  
Cena Do-  
mini.*

*S. Ludovi-  
cus canonizatus.*

ditione coronans, ut Imperator Regi Franciæ Philippo Pulchro (quem ob redditus Ecclesiasticos sibi negatos excommunicaverat) bellum inferret; eoque regno privato, Regni Franciæ titulum ipse Papa gestaret: unde maximæ dissensiones inter Bonifacium Papam, & Philippum Regem ortæ sunt. Sicut Innocentius Quartus Cardinalibus rubrum galerum, ita Bonifacius purpureum eis vestimentum dedit. Degradationis Clericorum certam sententiam & rationem conscripsit. Pulpitum in Laterano erigendum curavit, ex quo feria quinta in Cena Domini quotannis excommunicationes proclamantur. Corpus Hermanni Bisochi, qui fuerat caput Ordinis Fratricellorum, apud Ferrarienses per triginta annos pro sancto cultus, habita diligenti inquisitione, exhumari & comburi iussit tanquam damnati Hæretici, & ara ejus donariis multis pretiosa destructa fuit. Ludovicum Nonum Francorum Regem divorum numero adscripsit, Francis licet postea infestissimus, uti patet ex injuriis utrimque literis de Jure Ecclesiæ & Regni scriptis, quas profert Fr. Cariere in Chronologia

gia Pontificum, Additione de Pontificibus male in Galliam affectis; ut a Gallis de ipso diæterium hoc sparsum habeatur: *Papatum ut vulpes intravit, ut lupus gubernavit, ut canis expiravit.* contra quod notandum est, trecentis post mortem annis, hoc seculo, anno nempe 1605. quinto idus Octobris, corpus ejus plane incorruptum, membrisque omnibus integrum repperitum fuisse; vestibus quoque sacris, quibus ad sepulturam indutus fuerat, omnino sanis: qua de re confectum fuit publicum instrumentum, quod descripsit Bzovius Tomo quarto. sedit Bonifacius hic Octavus annos octo, menses fere decem; fuit Anagninus, ex profapia Innocentii Tertii.

*Papa nota non ita bona post 300. annos integer repperitus.*

202. **B**ENEDICTUS Undecimus, secundus ex Ordine Prædicatorum ad Papatum e-  
vectus: Decimus, imo Nonus ab aliquibus tantum dictus est, propter Benedictum Quintum, qui vivente Joanne Duodecimo, malæ notæ Pontifice, suffectus fuit: & Benedictum Decimum, qui per vim intrusus Sedem Apostolicam fere per annum violente tenuit. Natus fuit hic Benedictus Tarvisii,



in Venetorum districtu, obscuris parentibus, patre Notario, matre pannorum lotrice: Grammaticæ primum præceptore Bocasino paruo, Presbytero Ecclesiæ Parochialis sancti Andreæ in patria, operam dedit: deinde Venetiis, quo vitam sustentare posset, Nobilium Patriciorum filios rudimenta docuit; Ordinemque Prædicatorum inopia pressus intravit (ita Ciaconius ejusdem Ordinis vitæ Pontificum Historicus). Pontifex hic, memorabili sui cognitionis exemplo, pauperculam matrem, quondam Dominicanæ Conventus in patria ordinariam pannorum lotricem, in vestibulis fericis ad se introductam, noscere dissimulavit. Ciaconius sic narrat: quod Pontifice ob timorem Columnensium Urbe relicta Perusium profecto, ibi memoria dignum æterna quid acciderit: cum Pontificis mater jam anus ad eum salutandum aliquando vili habitu accessisset; a Pontificis familiaribus sericis vestimentis induta, cubiculo ejus introducitur: eam Pontifex matrem suam esse negavit; quæ vilibus vestimentis, non sericis uti solet: ea deducta, & prioribus vestibus amicta, Pontifici

*Papa filius  
matris pan-  
norum lo-  
triciis,*



fici denuo sistitur; quam Pontifex amplexatus, ut matrem agnovit, & veneratus est, ac publice clamavit; eam pauperulam anum matrem suam esse, non illam ditem pretiosis vestibus indutam: quam ejus humilitatem audientes, qui astabant, obstupuerunt. fuisse autem Benedictum brevis quidem spatii, octo tantum mensium, & sex dierum Pontificem; sed virum optimum ac sanctissimum miracula ab eo post mortem edita declarant. Memoriam Impressionis stigmatum in corpore Beati Francisci, anniversaria celebritate observari a Minoritis voluit: quam postea Paulus Quintus, ut corda Fidelium in Christi Crucifixi accenderentur amorem, ab universa Ecclesia pro libitu, & Clemens Decimus de mandato colendam statuit.

*Festum Impressionis  
Stigmatum  
S. Francisci.*

203. CLEMENS Quintus, Gallus Vasco, cum ob seditiones Italicas Sedes Apostolica per annum, & menses vacasset, factus Pontifex, eam transtulit Avenionem in Gallia, ubi ultra annos 70. mansit (quam Itali Captivitatem suam Babylonicam appellant) missis Romam tribus

*Sedes Romae  
Avenionem  
translata.*

K 5

Car-

Cardinalibus, qui res Italicas curarent; ab his ex Pontificis commissione anno 1312. tertio Kalend. Julii coronatus fuit Imperator Henricus Septimus. Septem Pontifices consequentes, omnes Gallos Avenio habuit; quorum ultimus Gregorius Undecimus, non sine diri schismatis ad annos prope 50. protracti exitiabili appendice, Sedem Romæ restituit. Quomodo Clemens hic a Gualtero de Brugis Episcopo Pictaviensi vocatus fuerit ad iudicium divinum, vide Natales Sanctorum Belgii Joannis Molani, die 22. Januarii. Templarios sub Gelasio Secundo ortos extinxit, variis non tam nefandis, quam infandis errorum & scelerum obsœnitatibus, pravitatibus, & maculis resperfos, uti sententia contra illos lata loquitur; sed an jure tam rigide condemnati sint, multi dubitant: dicuntur Templarii appellasse a sententia hac, & citasse ad Dei iudicium Papam Clementem, & Philippum Pulchrum Franciæ Regem; qui uterque intra annum obiit. Franci referunt Templarios extinctos fuisse ob Atheismum & impudicitiam maximam; Germani autem protestan-

*Templarii  
extincti.*

testantur ipsis hæc calumnias  
fuisse impostas, ad maximas illo-  
rum divitias consequendas: apud  
quos illi, ut postulabant, audi-  
ti nomen tantum & leges mu-  
tarunt, personis & redditibus di-  
stributis in alias sacrorum Ordinum Familias. Sub Clemente hoc  
habitum fuit Concilium OEcume-  
nicum. 15. Viennense in Gallia,  
in quo fuerunt damnati Templarii  
prædicti, & Beguini hæretici. In-  
dulsit hic Pontifex Regibus Fran-  
ciæ communionem sumere sub u-  
traque specie; quo privilegio ad-  
huc utuntur in die quo sacrantur,  
& in articulo mortis. Cœlestinum  
Quintum, de quo paulo ante,  
Divis ascripsit: auctor est Clemen-  
tinarum, quæ ab illo sic vocan-  
tur. fuitque per annos prope no-  
vem primus in Francia residens  
Pontifex.

CONCIL.  
GENERA-  
LE XV.  
Viennæ  
in Gal-  
lia.

*Indultum  
Regi Gal-  
liæ commu-  
nicare sub  
utraq;  
specie.*

204. JOANNES Vigésimus se-  
cundus Gallus, natus pa-  
tre Scrutario, sive Sartore vetera-  
mentario; eligitur post Sedis va-  
cationem per annos 2: menses 3:  
dies 17. Clementis Quinti Consti-  
tutiones, vulgo Clementinas di-  
ctas approbavit, & legi publice  
in scholis iussit, & ipse edidit

*Vacatio lon-  
ga Sedis A-  
post. ob  
translatam  
Sedem Ro-  
mae Avenio-  
nem.*

*Ordo Equi-  
tum Christi.*

*Anima ab  
obitu statim  
beantur vel  
damnantur.*

*Salutatio  
Angelica  
vespere,  
mane, &  
merid.*

*Semidupli-  
cia exclusa  
ab Octava  
Corporis  
Christi.*

Constitutiones, quas Extrava-  
gantes vocant: instituit Ordinem Equitum Christi pugnantium contra Mauros. male non nihil audiit ob opinionem quam habuit de receptaculis animarum, usque ad corporum resurrectionem; quam etiam S. Bernardus tenuisse videtur in Sermone secundo de omnibus Sanctis, ad quem vide Notas Joannis Merlo Horstii, qui Opera Bernardi in pulcherrimum ordinem redegit: sed postea Pontifex hic Bullam emisit, qua animas beari in cœlo, aliasque in inferno cruciari statim ab obitu affirmavit. Salutationem Angelicam in honorem Incarnationis Christi, quæ ter in die ære campano sonante designatur, induxit; ut fideles si non possint sæpius, saltem ter Deum orent; ad exemplum Davidis Psal. 54. *Vespere, & mane, & meridie narrabo, & annuntiabo, & exaudiet vocem meam.* cui devotioni Clemens X. novas Indulgentias addidit. Exclusit Semiduplicia ab octava Corporis Christi. Festum SS. Trinitatis in octava Pentecostes ipsum instituisse scribit Ciaconius; Gavantus autem illud antiquius, & a Gregorio Quarto institutum esse ait.

ait . antehac celebrari solebat di-  
 versimode : apud nonnullos Do-  
 minica prima post Pentecosten ,  
 apud alios Dominica ultima ante  
 Adventum ; apud Romanos autem  
 non celebrabatur ; quia quotidie  
 canitur in honorem SS. Trinitatis  
*Gloria Patri, & Filio &c.* & singulis  
 diebus Dominicis oct. Responso-  
 rium, *Duo Seraphim clamabant.* Tan-  
 dem Joannes 22. assignavit Domi-  
 nicam primam post Pentecostem  
 huic Festo . ita Summa Pisanel-  
 la in verbo *Feria* . Iis qui ad Nomen  
 J E S U reverentiam exhiberent,  
 singulis vicibus quadraginta dies  
 remissionis tribuit . Festum S. Ca-  
 tharinæ , quæ Græcis olim fuit no-  
 tior , Latinis dein facta notissima ,  
 ob peculiare patrociniū præsti-  
 tum in expeditione Terræ sanctæ ,  
 in Occidentali Ecclesia celebrari  
 jussit . Canonizavit Avenione S.  
 Ludovicum Episcopum Tolosa-  
 num , & S. Thomam Aquinatem .  
 Tribunal duodecim Pontificis Ca-  
 pellanorum , quos Rotæ Audito-  
 res vocant , ad quos ex omnibus  
 Orbis Christiani Regionibus pro-  
 vocatio esset , instituit . Contra  
 ipsum Ludovicus Bavarus eligi-  
 fecit Romæ in Conventu Schisma-  
 ticorum Pseudo-Papam Petrum  
 de

*Festum*  
*SS. Trinitatis*

*Reverentia*  
*Nominis*  
*J E S U*

*S. Cathari-  
 na Festum.*

*Auditorum*  
*Rotæ.*

*SCHISMA*  
*XXIV.*



*Petrus de  
Corbario  
Minorita  
contra Jo-  
annem 22.*

de Corbario; qui relicta quondam uxore, Ordinem Minorum professus fuerat, & Nicolaus Quintus vocatus fuit (a quo Imperator cum Uxore coronari se fecit) sed tandem Avenione in publico Consistorio abjecit se ad pedes Joannis Pontificis, collo in laqueum inserto, veniam & vitam deprecatus; Papa oratione proluxa omnia sua commemoranti illacrymatus, eum e terra sublatum osculatus est: vixit autem in Palatio Pontificio sub custodibus annos tres, neminem alloquens, ac defunctus, sepultus est in Ecclesia Fratrum Minorum cum eorum habitu. Papa vero Joannes in Pontificatu ultra annos 18. menses 4. exegit, octavus inter Pontifices diuturnitate Sessionis.

*Papa Moli-  
toris filius.*

205. **B**ENEDICTUS Duode-  
cimus, Gallus Tolosus,  
natus patre Molitore, affine Papæ  
precedentis, qui filius erat Scrutarii;  
ex Monacho primum Carmelita,  
dein Abbate Cisterciensi, Cardinalis,  
ac demum Summus Pontifex, memor  
decessoris sui Joannis, cujus beneficio Purpureum  
Galerum acceperat, opinionem ejus de  
animarum post mortem



tem statu tam dilucide exposuit; ut nullus superesset dubitandi locus. indignos & consanguineos *Papa noster habet Consanguineos.* arcuit a beneficiis; dicens se nolle exornare lutum, & Papam non habere consanguineos: utque Benedictus Undecimus matrem in vestibus sericis, ita hic patrem in alio quam Molitoris habitu noluit agnoscere: nihilq; aliud illi dono dedisse fertur, quam pecuniam quæ sufficeret ad emendam molam: cumque consanguinei sæpius instarent, ut ab illo promoverentur, subintulit illud Davidicum, Psalmi 18. *Si mei non fuerint dominati, tunc immaculatus ero, & emundabor a delicto maximo.* Avenione residens invitatus a Rege Franciæ, cum expectaretur Parisiis, ut faceret solemnem introitum die quodam Jovis, & altitia omnia ipsi excipiendo parata essent; ob quod nescio impedimentum, tantum sequenti die Veneris intravit: cujus intuitu sollemnitatis, populus carnibus pridie paratis vesci non dubitavit, ob præsentiam & veniam interpretativam Papæ, quam vero similiter ipse etiam concessit; hinc ortum habet *La Semaine de deux Jendis.* *La Semaine de deux Jendis* fuit autem Benedictus Papa-  
tu

tu optime functus per annos septem, menses 4.

*Secundum  
Jubilæum.*

*Feria 4. Ci-  
nerum pri-  
vilegiata.*

*S. Ivo cano-  
nizatus.*

*Avenio Se-  
ptenaria,  
Ditionis  
Pontif.*

*Papæ prodigi-  
ose memo-  
ria, profu-  
sus in con-  
sanguineos  
ac benefa-  
ctores.*

206. **C**LEMENS Sextus Le-  
movix Gallus conside-  
rans paucissimos ad annum cente-  
simum pervenire, Jubilæum ad  
quingagesimum reduxit anno 1350.  
Feriam quartam Cinerum fecit pri-  
vilegiatam, in qua occurrens quod-  
cumque Festum transferri jussit :  
quia convenit ut populus Christianus  
eo die publica pœnitentiæ det  
indicia. Canonizavit S. Ivonem,  
Britonem, pauperum Advocatum.  
Avenionem a Joanna Neapolitana  
Regina emptam, ditionis Pontifi-  
ciæ fecit. Nota quod Avenio sit  
Urbs Septenaria, uti Bruxella,  
habens septem portas, septem Pa-  
rochias, septem Collegia, septem  
virorum, & septem fœminarum  
Monasteria, &c. Tam prodigiosæ  
memoriæ fuit, ut quidquid semel  
legisset, oblivisci, etiamsi cupe-  
ret, non posset : & hanc tantam  
memoriam magno quodam capitis  
vulnerati ictu (cujus adhuc ingens  
cicatrix in superiore vertice super-  
erat) provenisse narrat Petrarcha  
lib. 1. rerum memorabilium. The-  
sauros Ecclesiæ, contra quam præ-  
decessor fecerat, profuse distribuit  
pro-

propinquis ac consanguineis, ipsos locupletes ac sui memores esse cupiens. Pontificatum illi quidam si-  
ve prædixisse, siue ominatus esse fer-  
tur: cum enim donatus quondam  
Parisiis Doctoris Theologi Laurea  
ad Monasterium suum rediret, in  
itinere a Latronibus spoliatus est  
omnibus usque ad indusium; iter-  
que suum prosequens Turetum ci-  
tissime pervenit, ubi quidam Sa-  
cerdos modici beneficii Ecclesiasti-  
ci Rector, vestem ei & necessaria  
vitæ suppeditavit: cumque disce-  
deret, ecquando, inquit, acceptum  
ego beneficium referre potero?  
cui Sacerdos, tum, cum eris Ro-  
manus Pontifex. igitur multo post  
adeptus Pontificatum, memor ve-  
teris beneficii, illum ipsum Sacer-  
dotem ad se vocatum, primo cu-  
bicularium suum fecit, deinde Ar-  
chiepiscopum Tolosanum. Cle-  
mens hic, quondam ex Monacho  
Benedictino Episcopus Atrebaten-  
sis, Papatum per annos decem,  
menses septem optime governa-  
vit.

207. **I**NNOCENTIUS Sextus,  
Curia Pontificia reforma-  
tor, menstrua Auditoribus Rotæ  
& Iudicibus salaria constituit, ne

*Salaria  
Auditori-  
bus Rotæ  
constituta*

mu.

*Franciscus.  
Petrarcha.*

muneribus corrumpere: in vi-  
ctu domestico admodum frugalis.  
Ipso Avenione residente, Carolus  
Quartus Imperator Romæ corona-  
tus fuit per duos Cardinales ab  
Innocentio delegatos, ea condi-  
tione, ut non nisi uno die ibi mo-  
raretur, & quam citissime ex Italia  
discederet; quod & fecit Impera-  
tor; quæ conditio hanc Petrarchæ  
extorsit exclamationem: *o infamem diem! o pudendum fœdus!* Pe-  
trarcham magicis artibus deditum  
jam ante Pontificatum, per dela-  
torem quemdam Juris consultissi-  
mum Innocentius crediderat: sed  
delatore mortuo, contrarium re-  
perit, ac falsum esse crimen, quod  
viro doctissimo objiciebatur: ita-  
que Petrarcham donis ac precibus  
rogavit, ut Scriba Pontificius fie-  
ri vellet; is se excusare maluit se-  
nectutis causa, quam ad Aulam re-  
dire: fuit Innocentius, uti præ-  
decessor, Lemovix, per annos fe-  
re decem summus Pontifex.

*Mitra Pon-  
tif. triplici-  
ter corona-  
ta:*

208. **U**RBANUS Quintus, i-  
tem Lemovix, Mona-  
chus Cluniacensis, Guilielmus an-  
tea vocatus, S. Victoris apud Mas-  
siliam Abbas, Pontifex factus Tia-  
ram Pontificiam triplici corona  
cir-

circumdedit, a S. Silvestro simpli-  
citer, a Bonifacio Octavo duplici-  
ter coronatam. In tractu Pessula-  
no, Ecclesiæ SS. Marthæ & Bene-  
dicti turrim cymbalariam viginti

*Turris cym-  
balaria.*

septem æris campani nolis instru-  
xit, & fundavit ibidem collegium  
duodecim Medicorum. Confirma-  
vit Ordinem Jesuatorum a Joanne

*Jesuati.*

Columbino fundatum. Instituit  
Benedictionem Rosæ Auræ, Domi-  
nica *Letare* in Quadragesima;

*Benedictio  
Rosæ Do-  
minica Le-  
tare.*

quam ipse primum misit Joannæ  
Siciliæ Reginæ. Agnos Dei a se  
benedictos, nonnullos direxit ad  
Imperatorem Græcorum, quorum  
virtutem hisce versibus expressit:

*Balsamus & Cera munda cum Chris-*  
*matis unda*

*Agni Dei,  
& eorū vir-  
tutes.*

*Conficiunt Agnum, quod munus do-*  
*tibi magnum,*

*Fonte velut natum per mystica signi-*  
*ficatum:*

*Fulgura desursum depellit, & omne*  
*malignum.*

*Peccatum frangit, cen Christi Cor-*  
*pus & angit.*

*Pregnans servatur simul & partus*  
*properatur:*

*Donaque fert dignis, virtutem de-*  
*struit ignis,*

*Portantes munde de fluctibus eripit*  
*unda.*

Ufus



Usus Agni Dei est antiquissimus ;  
 initium & auctor non cognoscitur ;  
 nam dabatur antiquitus Neophytis  
 post depositionem albarum ve-  
 stium , ut meminissent quod can-  
 dor , qui de habitu deponitur ,  
 semper in corde teneretur ; hinc  
 forma cordis ovali collo depen-  
 det . Leo Papa Tertius Carolo Ma-  
 gno Agnos Dei donavit : atque Al-  
 cuinus & Amalarius referunt , quod  
 Papa eos benedicit Sabbato san-  
 cto , eosque distribuit Dominica in  
 Albis : idque tantum facit anno  
 primo sui Pontificatus , deinde  
 singulis septenis annis ; vide Mo-  
 lanum Oratione de Agnis Dei .  
 Tempore quo Romani Pontifices  
 Avenione sederunt , Urbanus hic  
 semel Romam venit , & celebravit  
 in Altari S. Petri , in quo a Boni-  
 facio Octavo nemo celebrarat :  
 quod audiens Carolus Quartus  
 Imperator Romanus advolat , exhi-  
 betque Papæ officium Stratoris ; &  
 in ejus Missa Euangelium tanquam  
 Diaconus decantavit . Ad hunc  
 Pontificem Beata Birgitta Dei ius-  
 su Romam venit , & sancti Salva-  
 toris Regulam ab ipso Domino ac-  
 ceptam eidem obtulit , quam &  
 approbavit : qui dein Roma rediit  
 Avenionem studio sedandi Anglo-  
 rum

*Imperator*  
*Papa strator*  
*& Diacon.*

*Regula S.*  
*Salvatoris*  
*B. Birgittæ.*



rum cum Francis bellum : ubi B. *Canonizatus*  
 Elzearium Comitem SS. Confesso- *S. Elzearii*  
 rum albo inscripsit , Pontifex an-  
 norum octo, mensium trium.

209. **G**REGORIUS Unde *Papajuratus*  
 cimus, Gallus Lemovi- *nis 35. annis*  
 census, uti tres prædecessores, Cle-  
 mentis Sexti fratris filius, an-  
 norum dumtaxat triginta quin-  
 que Pontifex creatur, pauloque  
 plus septem annis regnavit. Jussit *Festum Præ-*  
 festum Præsentationis B. Mariæ Vir- *sent. B. V.*  
 ginis, item Symbolum dici in Mis- *Symbolum*  
 sis Sanctorum Ecclesiæ Doctorum ; *in Missis*  
 quod ipsi illud nobis sua doctrina *SS. Doctorum*  
 sunt interpretati. Papa hic Ro-  
 mam ex Gallia reduxit Sedem Pon-  
 tificiam, motus nonnihil verbis  
 cujusdam Episcopi, qui familiari-  
 ter Pontifici colloquens, ab ipso  
 interrogatus, cur non rediret ad  
 Ecclesiam suam, quam malum erat  
 sine Pastore tam diu relinquere,  
 respondit Pontifici : cur tu San-  
 ctissime Pater Episcopatum tuum  
 Romanum non repetis, nobis da-  
 turus exemplum? accessit etiam  
 persuasio ex revelatione S. Catha-  
 rinæ Senensis, uti patet in lectio-  
 nibus Breviarii, ipsius festo 30.  
 Aprilis. alii referunt S. Birgittam  
 Hierosolyma reducem, cum Ro-  
 mam

*Pontificia  
Sedes Avenione Ro-  
mam rela-  
ta.*

mam venisset, inde Avenionem ad Gregorium scripsisse, Dominum Deum omnino velle Sedem Pontificiam Romam reduci: qui Avenione discedens 13. Septembris anno 1376. post varias in mari stationes, tandem 17. Januarii anni sequentis 1377. Urbem ingressus est. Refert porro Joannes Gerson, libro de examine doctrinae, parte 2. & ex eo Naclerus, ipsum anno sequenti 1378. sub finem mensis Martii in extremis positum, habentem in manibus sacrum Christi Corpus, protestatum esse coram astantibus, ut caverent ab omnibus sive viris sive foeminis, sub specie Religionis loquentibus visiones suo cerebro culas; quia per tales ipse seductus, omisso suorum rationabili consilio, de non referenda Sede Romam, se, & Ecclesiam in discrimen imminentis Schismatis traxisset; quod sub sequenti Pontifice cum diutissimo Ecclesiae incommodo exortum est.

*Jubilæum  
Tertium ad  
annum 33.*

210. **U**RBANUS Sextus, Italianus Neapolitanus *Pri-  
gnanus*, Jubilæum ad annum trigessimumtertium reduxit, idque intuitu paris numeri triginta trium an-

annorum vitæ Christi , ex quo omnes manant Indulgentiæ . instituit festum Visitationis B. M. Virginis , secunda die Julii celebrandum : idque quia isto die finita est Visitatio ipsius in domo Elisabeth , ut ait Azorius parte 2. lib. 1. cap. 23. quæst. 2. nam tribus mensibus apud illam a Conceptione Filii Dei mansit . Ordinavit , si post festum omnium Sanctorum occurrat Dominica , transferri commemorationem Fidelium defunctorum in feriam secundam . Papa hic ante Pontificatum claris virtutibus elucebat , quas Pontifex factus , visus est aut numquam habuisse , aut uno veluti momento , tum cum maxime indigeret , amisisse : hinc contra ipsum pluribus invisum electus fuit in Pontificem Robertus Cardinalis Gebennensis , Clemens Septimus dictus , quondam Episcopus Cameracensis ; idque illegitime ab aliquot Cardinalibus Avinionense se tenentibus ; unde Schisma omnium longissimum , quod quinquaginta annos perduravit , exortum est : duoque hi Pontifices , hic in Gallia , ille in Italia alter in alterum censuris sæviebant . seditque legitimus Pontifex Urbanus Romæ annos fere duodecim

*Visitatio B.  
Mariae cur  
2. Julii .*

*Translatio  
Com. Fidel.  
Defunct. in  
Feriam 2.*

SCHISMA  
XXV.  
Omnium  
diutissimum ,

cim , Pseudo-pontifex autem Clemens , cui Franci potissimum & Hispani adhærebant, Avenione annos sexdecim .

*Clericus vagabundus , juvenis , & parvi studii fit Papa .*

211. **B**ONIFACIUS Nonus , Neapolitanus , de Nobili , licet paupere , Familia Tomacella , vir formosus , cantu & manuscensione excellens , qui nihil præter Grammaticam , & parum in Rhetorica audierat : Clericus Vagabundus Fortunam , ut dicitur , tentaturus Romam se contulit : factusque Protonotarius , tandem graciosus pluribus , & ipsi Pontifici Urbano , a quo fit Cardinalis ; eoque mortuo a Cardinalibus Romæ existentibus eligitur Pontifex , annum tantummodo ter decimum vitæ agens : erat modestissimus , & juventutem cum senectute permixtasse videbatur ; ostenditque etiam sine magna doctrina magnas res posse geri . Mox Clementis Antipapæ Avenionensis erupit in eum damnatio , & vicissim Bonifacii in Clementem . auctor habetur Annatarum Sacerdotiis impositarum : statuit enim nullos ad Episcopatum , Abbatiam , aut Sacerdotium aliquod promovendos fore , nisi dimidia parte primi anni reddituum Cameræ

meræ Apostolicæ persoluta, necessitati Ecclesiasticæ sublevandæ; idque priusquam gratiam Apostolicam consequerentur; unde ærario Ecclesiastico multum accessit. notatur nimii affectus erga propinquos: commendatur quod mori potius elegerit, quam ex suasionem medicorum, calculo quo laborabat liberari, si cum fœmina rem haberet. hic S. Birgittam canonizavit. festum Visitationis B. Mariæ a decessore Urbano institutum omnino studio fecit solemnizari: celebravit quartum Jubilæum anno sæculari 1400. sedit annis fere quindecim: annorum tantum 30. fuisse refertur, cum Pontifex crearetur: cum mortuus est, annorum 45.

*Canonizatio S. Birgittæ.*

*Jubilæum 4<sup>to</sup> anno Christi 1400.*

212. **I**NNOCENTIUS Septimus, Italus Sulmonensis, *Melioratus*, mortuo Bonifacio omnium votis legitime electus, iurarejurando adactus fuit, ut ad Ecclesiæ unitatem ineundam, etiam cum Pontificatus depositione operam daret. cum interea mortuo Clemente Antipapa, Petrus de Luna Hispanus Aragonius, Benedictus Decimus tertius vocari volens, Avenione subrogatus est in Antipapa.

*Credo non  
dicitur in  
Festis SS.  
Joannis Ba-  
ptistæ & Lau-  
rentii.*

papatur, & pertinacissime contra Innocentium restitit; qui legitimus Pontifex, cum decretum fecisset de non dicendo *Credo* in festis S. Joannis Baptistæ, & S. Laurentii, nisi quando venerint in Dominica, subita apoplexia sublatu est, anno Pontificatus secundo.

213. **G**REGORIUS Duode-  
cimus, Venetus, *Corerius*,  
antequam eligeretur, cum reliquis  
promiserat, se cessurum Papatui;  
si Petrus de Luna idem facere non  
recusaret: sed illo, relicta Ave-  
nionē, in Hispaniam fugiente, re-  
vocavit promissum suum, & Pon-  
tificatum tenuit per annos octo  
cum dimidio: usque dum Conci-  
lio Pisis a Cardinalibus inito, u-  
terque, & Gregorius, & Benedictus  
Pontificatu sunt depositi, & vacan-  
te, ut dicebatur, sede, ex duorum  
incertorum Pontificum dubio, æ-  
cumenice electus fuit sequens Ale-  
xander, vivente & gerente se Gre-  
gorio Arimini pro Papa, uti in  
Hispania faciebat Petrus de Luna.

*Vacat Sedes  
ex duorum  
PP. incerte-  
rum dubio.*

*Secundus ex  
Ordine Mi-  
norum Pa-  
pa.*

214. **A**LEXANDER Quin-  
tus, secundus ex Ordine Minorum Summus Pontifex,  
magnæ doctrinæ & sanctitatis vir.  
quem



quem verum, & legitime electum fuisse, dubitare non licet: nam tempore Schismatis, cum non est certus Pontifex, perinde est ac si nullus esset; tumque Ecclesia, seu Concilium ex facultate sibi a Christo tradita Pontificem eligit. Laudatus fuit Alexander ex liberalitate in pauperes, ita ut nihil sibi reservaret, & in fine vitæ pauperimus decesserit: unde per jocum dictitabat, *se fuisse divitem Episcopum, pauperem Cardinalem, mendicum Papam*; uti fuerat in prima ætate: nam de ejus extractione narratur, quod ortus ex Creta (Candia dicta modo) origine non tantum aliis, verum etiam sibi incognita, suos ipse parentes ignorabat, nihilque de se noverat, nisi quod in prima ætate pauper emendicato pane vixisset, & a Religioso Minoritano sibi occurrente pie exceptus, literis & lingua latina instructus, ac Franciscano habitu indutus, in Italiam traductus, studiisque altioribus admotus fuisset: in Ordine suo magnæ sanctitatis & doctrinæ vir evadens, per varias dignitates ad supremam hanc denique pervenit, quam decem tantum mensibus & octo diebus tenuit.

*Dives Episcopus, pauper Cardinalem, mendicum Papam; uti fuerat in prima ætate.*

*Joannes 23.  
ultimus ex  
Joannibus.*

215. **J**OANNES Vigestimuster-  
tius, dictus etiam Vigesi-  
musquartus, Neapolitanus:

*Ultimus ex multis Joannibus iste  
Joannes.*

Cum in adolescentia Bononiæ aliquot annis juri operam dedisset, assumpta doctrinæ Laurea Romam iter instituit: interrogatus autem ab amicis quo proficisceretur, ad Pontificatum respondit. Romam itaque veniens, a Bonifacio Nono in cubiculum secretum recipitur: creatus deinde S. Eustachii Cardinalis, Legatus a Latere Bononiam mittitur; quam brevi conducto milite, una cum magna Flaminix parte, in potestatem Ecclesiæ redegit. cum vero post annos novem, longa pace, civitatem Bononiensem mirum in modum auxisset, ac grandem sibi pecuniam, & sic potestatem comparasset; cumque Alexander prædecessor Bononiæ existens in ægritudinem incidisset, convocatisque eo Cardinalibus, iisque ad pacem & concordiam commonitis, vita excessisset: Joannes hic, Balthasar *Cossa* tum dictus, ibi potius ut Dominus multo exercitu circumseptus, quam ut Legatus Apostolicus agens, Cardina-

dinalibus pro novo Pontifice eligendo ibidem congregatis multa interminatus est; nisi Papam sibi gratum eligerent; eaque de causa varii producti fuerunt: quorum neminem approbare voluit. cum autem obsecraretur, ut quem vellet, significare tandem dignaretur, date mihi, inquit, Petri Chlamydem: & ego dabo Pontifici futuro; quod cum factum fuisset, ipse Pallium suis humeris imponens, Papa, ait, sum ego: id cum pluribus displicuisset, consultius duxerunt eum permittere, quam hominem terribilem & armatum irritare. Coronavit hic Joannes Romæ anno 1412. Sigismundum Imperatorem Caroli Quarti filium. Sed cum interea ab omni Christianitate, quæ tres simul Pontifices, Gregorium XII. Benedictum XIII. & hunc Joannem ferre non poterat, magna fieret protestatio: quietis publicæ & tollendi Schismatis causa, indicitur Concilium in Civitate Constantiensi; quo etiam venerunt Nuntii Gregorii XII. sed Benedictus XIII. obstinatissimus persistit: cumque Joannes & Gregorius Papatui cessissent, & in Concilio depositi essent: & Joannes annis quinque Pontificem egisset, post

*Cardinalis  
potens seipsum  
Papam creans.*

*Tres simul  
Pontifices.*

CONCIL.  
GENE-  
RALE 16.  
COSTAN-  
TIENSE  
AN. 1414.

quos adhuc fere quinque annis vixit , omnium votis legitime suffectus fuit in Pontificem Odo Cardinalis Columna .

216. **M**ARTINUS Quintus, Romanus , Odo Cardinalis *Columna* ante dictus , qui in honorem sancti Martini Episcopi Turonensis , ejus festo 11. Novembris anno 1417. electus , Martinus dici voluit Quintus , relatis duobus Marinis inter Martinos , uti supra in Martino Quarto narratur . qua electione Schisma Ecclesiae longissimum sublatum fuit : quamquam non omnino sublatum dici potuerit , quamdiu substitit Petrus de Luna , Benedictus Decimus tertius , & successor ejus Aegidius de Munio , Clemens Octavus dictus : ille autem usque ad extremum Novembris anni 1424. dum mense Septembri anno 1394. male assumptus esset , ultra annum trigesimum in Pseudo-pontificatu vixit , & mortuus est ; unde vel ideo quod transiverit annos Petri , pro illegitimo habendus esset : nullus enim Papa , etsi juvenis electus , illos hactenus vidit . Clemens autem ei succedens in schismate , usque ad annum 1428. in eo mansit :

*Pseudo-Pontifex ultra annos Petri vivens .*

fit : quum suasu Petri Cardinalis de Fuxo , ex Ordine Minorum , Legati de Latere a Martino missi , se Antipapatu abdicavit , & Episcopatu Majoricensi remuneratus fuit . sed aliter se gessit Balthasar Cossa , Joannes 23. qui publice ad Martini pedes procumbens , lacrymabundus eum ut Pontificem verum & unicum professus & veneratus est . sub hoc Martino , anno 1226. a Joanne Duce Brabantiae fundata est Universitas Lovaniensis ; qui eam diplomatibus suis roboravit , ut videre est in libro Privilegiorum ejusdem Academiae . regnavit autem egregius hic Pontifex , *Temporum suorum felicitas* ( ut in Epitaphio ejus legitur ) annis tredecim , mensibus tribus . Notandum est quod Petrus ille de Luna , Pseudo-pontifex Benedictus Decimustertius decesserit Penischo-lae ( latine Pen Insula ) oppido Regni Valentiae munitissimo , Diocesis Dertusensis , Episcopatus postea Adriani Sexti , octogenario major , usque ad ultimum vitae spiritum in sua obstinatione permanens : ejus cadaver ibi primo sepultum , postea translatum est Igluecam Aragoniae oppidum , ibique intra arcem loco profano repositum , in-

*Fundatio  
Universit.  
Lovaniensis.*

regum adhuc hodie perseverat.

Basileense  
CONCIL.

17. œcume-  
nice ince-  
ptum ann.

1431. in  
Schisma  
desinens.

217. **EUGENIUS** Quartus ;  
Venetus *Condulmerius* ,  
Canonicus Regularis. contra hunc  
in Concilio Basileensi electus est  
Amadeus Dux Sabaudiaë , qui Du-  
catu in filium suum primogenitum  
translato , vitam Eremiticam sub  
Regula S. Augustini , cum decem  
ejusdem propositi Nobilibus , in  
Solitudine ducebat : unde a Con-  
cilio Patribus evocatus , Felicis  
Quinti nomen assumpsit. hincque  
Christiana Respublica trifariam di-  
visa fuit: erant enim qui Felicem,  
& erant qui Eugenium sequeban-  
tur , & qui neutrum agnoscebant :  
tandem Felix post annos fere de-  
cem , quibus uti Pontificem se ges-  
serat , cognito errore non sua cul-  
pa commissio , Nicolao Quinto Eu-  
genii Successori Pontificatum ces-  
sit . Rationem istius contra Euge-  
nium electionis vide apud Baro-  
nii continuatorem Spondanum .  
Papa hic , cum magni plane animi  
vir esset , cultusque divini , & Chri-  
stianæ Religionis dilatandæ præci-  
puus Zelator , ut scribit sanctus  
Antoninus , multas præsumptio-  
nes , & insidias vitæ inflictas æqua-  
nimiter & excelsio animo pertulit ,  
cum-

SCHISMA  
XXVI.  
& ultimū.



cumque anno 1447. Principum Germaniæ Legatos, qui eum verum Pontificem, rejecto Felice, agnoscebant, exciperet, diem clausit extremum anno Pontificatus sui decimosexto (novem diebus minus) cum anno præcedenti 1446. Nicolaum Tolentinatem Sanctum declarasset. Epitaphium ipsius hic habes:

*Memoriæ Eugenii Quarti Summi atque Optimi Pontificis: hic in pace gravis, in bello pro Christi Ecclesia impiger, in injuriis patiens, Religiosorum amator, ac in eruditos viros munificus: Concilii Basileensis insolentiam adversus Pontificiam Romanam potestatem, Concilio Florentino celebrato, refrænavit ac fregit; in quo Joannes Palæologus Græciæ Imperator, Romanum Caput agnoscens, ejus pedibus se, multasque externas & remotas Regiones humillime substravit. Congregatio Canonorum S. Georgii in Alga Venet. Religiosissimo fundatori pietatis causa P. C.*

Nota, quod in Concilio Florentino sub hoc Eugenio habito, tandem eo ventum sit, ut Græci rationibus victi faterentur, Spiritum Sanctum a Patre Filioque procede-

L S re,

CONCIL.

18. œcum.  
Florenti-  
num anno  
1438.

*In quo Græci subjecerunt se Latinis, sed simulate.*

*Bessarion  
Græcus,  
Cardinalis  
factus.*

re, Homousionque iis esse; utque in azymo pane vere Corpus Christi consecrari; ac Purgatorii locum esse crederent: postremo ut faterentur, Romanum Pontificem verum Christi Vicarium, Petrique legitimum Successorem, primum in Orbe locum tenere; cui Orientalis & Occidentalis Ecclesiæ merito pareret. primusque inter Græcos veritatem Catholicam agnoscens Bessarion Archiepiscopus Nicænus, suorum pertinaciam condemnavit, atque ad Latinos concessit: quam ob causam donatus est Cardinalatu, & Titulo Patriarchæ Constantinopolitani. Sed simulatum Græcorum cum Latinis in gratiam reditum, & a Catholicis fide defectionem, calamitates, quas amissa sub sequenti Pontifice Constantinopoli, a Turcis Christiani nominis hostibus Græci ipsi pertulerunt, ultæ sunt.

218. **N**ICOLAUS Quintus, Italus Sarzanensis, Apostolico Solio imponitur reluctans, & meliorem suadens electionem; sed omnium votis expetitus & coronatus, victor fuit ultimi Ecclesiæ Schismatis: hic non originis, sed doctrinæ ac virtutum gradibus  
(nam

(nam modicis ortus parentibus, patre medico chirurgo, matre annonaria) ad Pontificatus fastigium ascendit, uno eodem anno Episcopus, Cardinalis, Pontifex. cum scutum gentilitium proprium nesciret, sumpsit pro insignibus Claves Petri in scuto coccineo decussatas. Amadeum (Felicem Quintum) suasu Frederici Imperatoris, Maximiliani patris, Pontificatu se abdicantem remuneravit Cardinalatu, & Sedis Apostolicæ Vicariatu, ipsumque secundam in Ecclesia personam, ac perpetuum Sabaudix Legatum fecit, aliasque illi prerogativas contulit; sed is ad antiquam solitudinem se retrahens, sanctissime vixit, & mortuus est. *Finis ultimæ Schismatis.* sicque ultimo Ecclesiæ schismate extincto, dicebatur:

*Lux fulsit mundo, cessit Felix Nicolaus.*

Instaurator literarum, & conquisitor librorum commendatur Nicolaus; qui quinque millibus Ducatorum emerit autographum Euangelium S. Matthæi. Opera Quintiliani, Cælii Apicii, & Porphyrii in Horatium sub ipso inventa sunt. Jubilæum quintum anno 1450. cum magna populi affluentia Romæ celebravit, quod

*Jubilæum  
Quintum  
an. 1450.*

sequenti anno 1451. Mechliniæ publicatum & celebratum fuit, uti patet ex inscriptione Flandrica ab-  
sidis Chori Sancti Rumoldi:

*In't Jaer M. CCCC. L. een, vvas  
d'jaer van Jubileen hier gemeen,  
doen vwerdt ghesloten desen steen.*

*Canoniza-  
tio S. Ber-  
nardini Se-  
persis.*

eodem anno Jubilæo 1450. Cano-  
nizavit Nicolaus S. Bernardinum  
Senensem Franciscanum: ac sic de  
S. Antonino Florentino Dominica-  
no tunc vivente locutus dicitur:  
non minus Archiepiscopum Flo-  
rentinorum Sanctorum Catalogo  
adhuc vivum adscribendum puta-  
rem, quam Bernardinum mortuum.  
anno 1452. coronavit Romæ Fre-  
dericum Tertium Imperatorem  
cum uxore Eleonora Regis Lusita-  
niæ filia paulo ante Senis in Uxo-  
rem ducta. anno sequenti 1453.  
amissa Constantinopolis illum val-  
de afflixit, unde morbum contra-  
hens mortem obiit anno Pontifi-  
catus Octavo; ac deinceps Orien-  
tis Imperium Græcis justissima Dei  
vindicta ob perfidiam ereptum,  
penes Turcas Christiani nominis  
hostes mansit.

*Constanti-  
nopolis a-  
missa.*

219. **C**ALLISTUS Tertius,  
tertii anni & mensis, uti  
Nominis Pontifex, Hispanus, Al-  
phon-

phonfus Borgia, antea nominatus; eligitur per accessum scrutinio; eo quod Alanus Card. Avenionensis inclinancia in Bessarionem Cardin. suffragia avertit, hæc locutus: *Latina Ecclesia Papam Græcum dabimus? & in capite libri Neophytum collocabimus? nondum barbam rasit Bessarion, & nostrum caput erit? quæ indigentia Ecclesiæ Latinæ, quæ virum non reperit dignum, nisi ad Græcos recurrat, assumatque eum qui heri & nudius tertius Fidem Romanam impugnavit? & quoniam hodie conversus est, magister noster erit, & Christiani ductor exercitus? en paupertas Ecclesiæ latinæ, quæ virum non reperit summo Apostolatu dignum, nisi ad Græcos recurrat. sed agite Patres quod libet; ego, & qui mihi credent, in Græcum Præsulem nunquam consentimus. Moverunt ea verba plerisque adeo, ut duæ partes Collegiû nulla amplius ratione ad Bessarionem accedere vellent: & sic Callistus electus fuit vir ætatis decrepitæ, annorum 77. qui etsi ante aliquot annos suum Papatum nonnullis prædixisset, nullius tamen opinionem ad se traxerat; quod delirare potius more senum existimaretur: sed fuit ejus vaticinium verax; quod a B. Vincentio Ferrerio*

*Recentes  
conversis  
non ita si-  
dendum*

*Prædictus  
Papatus  
per S. Vin-  
cent. Ferrer.*



*Festum  
Transfigu-  
rationis, &  
Officium  
eius.*

*Pulsus cam-  
pane sub  
meridiem.*

*Epif. unica  
sponsa Ec-  
cles. sua  
contentus.*

rio se habuisse narrabat, suae nationis homine jam vita functo; quem & paulo post inter sanctos Christi Confessores retulit. Papa hic ob insignem victoriam, B. Joanne Capistrano Minorita Crucis vexillum Turcis inferente, obtentam, instituit solemniter celebrari Festum Transfigurationis Domini Nostri Jesu Christi; qua die, sexta Augusti, anno 1456. praelium commissum, & victoria reportata fuit: affirmatque Platina ab eodem esse compositum Ecclesiasticum ejus diei Officium, cum indulgentiis iisdem quae concessae sunt in Solemnitate Corporis Christi. ab ipso processit mos pulsandi Campanam sub meridiem; qui institutus est ut Fideles orationibus suis adjuverent eos, qui contra Turcas dimicant: ejusque non infima laus fuit, quod cum Episcopus esset, beneficium aliud in Commendam, ut vocant, nunquam habere voluit, dicens se unica Sponsa sua, eaque virgine, Ecclesia Valentina contentum esse; uti jus Pontificium mandat. Callisti autem nomen ab ipso assumptum dicitur, ob memoriam Callisti Secundi de Hispania optime meriti.

PIUS



220. **P**IUS Secundus, vocatus  
 antea Æneas Silvius Pi- *Papa que in*  
 colomineus, in juventute nonnulla *juventute*  
 scripsit notæ non ita probæ, quæ *scripserat*  
 postea Pontifex factus damnavit, *damnat.*  
 dicendo inter alia: Æneam reji-  
 cite, Pium audite; quæ auctor E-  
 phemeridum Gallicarum quarta  
 Augusti ita refert: *Croyez plutot un*  
*ancien, qu'un jeune, & ne faites pas*  
*plus d'etat d'un homme privé, que*  
*d'un Pape: rejettez Æneas, recevez*  
*Pius &c.* Ipse quondam Secretarius  
 Concilii Constantiensis, dein Pa-  
 pa pro Secretario habuit Flavium *Flav. Blon-*  
 Blondum Historicum insignem; *dus historic.*  
 quem adeo æstimaverat, ut ante  
 Pontificatum Blondi Historiam in  
 epitomen redegerit. inter alia di-  
 cere solebat, Christianam nostram  
 Religionem, etsi miraculis non ef-  
 set approbata, honestate sua reci-  
 pi debere; & dignitatibus homi-  
 nes, non dignitates hominibus  
 dandas esse. ipse B. Catharinam *Canonizat.*  
 Senensem concivem suam Sancta- *S. Cathar.*  
 rum Virginum numero addidit. *Senensis.*  
 Caput sancti Andreæ Romæ Amal-  
 phi allatum, ex Amalphitanis Du-  
 cibus ipse oriundus, in Basilica S.  
 Petri, cum maxima Clericæ po-  
 puli veneratione, in Sacello ad id  
 sum.

sumptuose fabricato collocavit : fuit Italus Senensis, annorum prope sex ; diebus quatuor minus, brevis Pontificatus, sed ingentis gloriæ Pontifex.

221. **P**AULUS Secundus ; statuit Jubilæum, a Bonifacio Octavo centesimo quoque anno primo institutum, a Clemente Sexto ad quinquagesimum reductum, ab Urbano Sexto ad trigesimum-tertium, a Nicolao Quinto iterum ad quinquagesimum ; deinceps singulis vicenis quinque annis celebrari, incipiendo a proximo septuagesimo-quinto, anno 1475. quod tamen ipse morte præventus non celebravit, sed successor ejus Xystus. Cum margaritis rebusque pretiosis, utpote Mercator ante Pontificatum, mirum in modum delectaretur, Regnum seu Mitram Pontificiam gemmis pretiosissimis exornavit. Cardinalibus præter vestem coccineam, pannum ejusdem coloris, quo equos sternerent, assignavit. cumque Mercaturæ tantum deditus literis parum instructus esset, literatos omnes Abbreviaturæ Officiales a Pio Decessore literatissimo Pontifice institutos expunxit :

*Jubilæum  
vicesimo-  
quinto an-  
no celebran-  
dum.*

*Regnum seu  
Mitra Pont.*

*Cardinales  
toti purpu-  
rati.*

xit : ex quibus Platina Historiæ Pontificiæ & aliorum operum scriptor , apologia satis aculeata se defendens , ab ipso carceri mancipatur , unde non nisi post mortem a Xysto successore liberatus fuit : cui Historiam suam Pontificiam dedicavit , qui in vita Pauli hujus refert , eum studia humanitatis sic odisse , ut ejus studiosos uno nomine Hæreticos appellaret , parentibus suadere solitus ( quod etiam Brevi Apostolico publicasse dicitur ) satis esse liberos instruere , ut legere & scribere scirent , altiora studia non necessaria , nec utilia esse , nisi ad hæreses procreandas . nec mirum si literatos oderat , qui literis parum instructus esset ; nam existens Mercator , cum audisset Avunculum suum Eugenium Quartum factum esse Pontificem , illico Romam venit , & assumpto præceptore , qui parvo tempore illum latine instruxit , factus Cardinalis , fit deinde Pontifex . fuit Venetus , uti Avunculus , Petrus *Barbus* antea dictus , annosque fere septem , etiam absque magna doctrina , non male regnavit .

*Pontifex illiteratus , non mirum si literatos oderat .*

**XYSTUS**

222. **X**YSTUS Quartus; Italus, *Reverens*, humili loco natus in Liguriæ pago mari vicino, patre piscatore, quocum piscaturam aliquamdiu exercuit; factus deinde Minorita, ac Generalis eorum Minister; tandem Papa per annos tredecim, omnes Religiosos Mendicantes ad æmulationem evitandam, in gratiis & privilegiis censuit esse æquales. inter alia præclara opera, scripsit librum de Immaculata B. M. V. Conceptione, quod festum cum hinc inde ex devotione celebraretur, instituit universale per totam Ecclesiam: & Dominicanis, qui jurant in verba Magistri sui sancti Thomæ, de ea cum Franciscanis alterari interdixit. Officium Præsentationis ejusdem, SS. Joachim & Annæ, Josephi, item Francisci, Breviario inseruit. Constitutionem Paulinam de Jubilæi ad annum vigesimum quintum reductione confirmavit, & anno 1475. solemniter celebravit. Regulam & Ordinem Minimorum S. Francisci de Paula approbavit. Sanctum Bonaventuram, qui ab annis ducentis obierat, quo tardius, eo gloriosius canonizavit. Artis Typographicæ paulo ante a quodam Bel-

*Papa piscator, & piscatoris filius.*

*Mendicantes in privilegiis æquales.*

*Festum Conceptioni B. M. Virginis.*

*Officia Præsentationis ejusdē, SS. Joachim & Annæ ac Josephi & Fran. Brev. inserta.*

*Ordo Minimorum.*

*Canonizat. S. Bonav.*

*Artis Typographica.*

Belga Hollando Harlemensi, Laurentio Costero inventæ specimen primi in Italia opifices Conradus Svvynhem, & Arnoldus Pannarts huic Xysto anno Pontificatus primo, Christi 1472. per libellum supplicem exhibuere: in quo inter alios typis excusos ab illis libros, sic narratur: *Donati pro Puerulis* ( ut inde principium dicendi sumamus, unde imprimendi initium sumpsimus ). numero trecenti. *Lactantii Firmiani Institutionum contra Gentiles volumina* 825. *Epistolarum familiarium Ciceronis volumina* 550. & cæteri libri, qui typis excusi primum Romæ visi sunt.

223. **I**NNOCENTIUS OAA-  
vus, Novi Orbis ( ut Epitaphium ipsius habet ) suo ævo inventi gloria. Titulum Catholici, quondam Hispaniæ Regi Suintillæ ab Honorio Primo delatam, & propter Mauros, qui per octingentos fere annos Hispaniam occupaverant, intermissum, Ferdinando Castellæ Regi retribuit: qui Titulus, ut esset proprius & hæreditarius Hispaniæ Regibus Alexander successor decrevit. ad Innocentium hunc delatum est Ferrum Lanceæ, quo Christi Latus per-

*Novus Orbis inventus.*

*Titulus Catholici Hispaniæ Regi retribuitus.*



*Ferræ Lan-  
cea, & Titu-  
lus S. Cru-  
cis repertus.*

perfoſſum fuit, dono Bajazetis  
Turcarum Imperatoris; ipſoque  
Pontifice inventus fuit Titulus S.  
Crucis Romæ in Baſilica ejusdem  
S. Crucis, in parva fenestra,  
plumbea theca muro lateritio in-  
cluſus, in altiore parte teſtudinis.  
permittit Norvvegis Sacramentum  
conficere ſub una ſpecie Panis,  
propter vini in illis partibus pe-  
nuriâ; & quod, ubi eo adve-  
ctum fuerit, mox aceſcat. D. Leo-  
poldum Auſtriacum in Canonem  
Sanctorum retulit. fuit Italus Gê-  
nuenſis, ex *Ciborum domo*, anno-  
rum octo, uti nominis, Pontifex.  
Pontus Heuterus de Libera homi-  
nis nativitate, eum quartum inter  
Pontifices illegitimo thoro natum  
aſſert: deque ipſius incontinentiâ  
etiâ orthodoxi auctores nonni-  
hil ſcribunt.

AN NO  
CHRISTI  
1500.

*Jubilæum 7.*

*Præcones  
Euangelii  
in novum  
Orbe miſſi,*

224. **A**LEXANDER Sextus;  
Jubilæum Septimum ab  
inſtitutione Bonifacii Octavi,  
ſed ſecundum vigintiquinque an-  
norum celebravit anno ſæculari  
1500. quo deinceps ſpatio ordina-  
ria Jubilæa celebrata fuerunt.  
Præcones Euangelii in inſulas  
Novi Orbis, a Chriſtophoro Co-  
lumbo detectas, mittendos cura-  
vit.



vit . instituit Hispanicam Inquisitionem hæreticæ pravitatis : de hoc Pontifice dicitur , quod vitia ipsius æquabant virtutes ; de quibus tacere , quam multum loqui præstat : quomodo extinctus sit , videatur Auctarium Onuphrii ad Platinam : fuit ipse tertius & ultimus Pontifex Hispanus , Valentinus , *Lenxolius* , Callisti Tertiæ ex fratre nepos , annisque fere duodecim dominatus est .

*Inquisitio  
Hispanica*

225. **P**IUS Tertius Senensis ; Pii Secundi ex Sorore Laodamia nepos , natus patre Nanno *Tudeschino* , opulentissimo homine Senensi ; nomen & insignia avunculi semper usurpavit : cum consecraretur in Pontificem , flevisse dicitur ad hæc Coronationis verba , cum stuppa incensa depromi solita : *Sanctissime Pater sic transit gloria mundi* ; quod reapse expertus est , nam vigesimo sexto Pontificatus die obiit .

*Papa fletus  
in Coronatione  
infra  
menssem  
mortuus*

226. **J**ULIUS Secundus Italus Savonensis , novem annorum generosissimus Pontifex , Xysti Quarti ex fratre nepos , olim Novitius Minoritanus . contra prædecessorum consuetudinem ( u-

*Pontifices  
Anteriores  
barba rafa,  
posteriores  
promiffa.*

ti in antiquis Pontificum Imaginibus apparet, qui barba rafa fere pinguntur). Barbam promiffam alere cepit, ad maiorem intuentibus reverentiam incutiendam: idque fucceffores paffim imitati funt; præter Leonem Decimum, qui juvenis electus, juvenili; & Adrianum Sextum, qui Belga, Belgico more fe tonderi jufferunt. anno 1509. Maximilianum Imperatorem in Italiam invitavit, ad opem ferendam contra Venetos, cum quibus dein Julius fœdus iniens, bellum Imperatori indixit; ita ut Maximilianus coronatus nunquam fuerit. Vir fuit Julius excelfi animi, quafi alter Julius Cæfar quondam Romanæ, fic ipfe Christianæ ditionis intrepidus assertor, bellicofus ultra morem prædecefforum, quos clavibus Petri fatis ufos fuiffe dicebat; jamq; fibi affumendum effe ensem Pauli; objicientibus autem dictum à Chrifto fuiffe Petro: *Mitte gladium tuum in vaginam*; respondebat, id imperatum ipfi fuiffe post factam percuffionem: quod autem referatur claves Petri in Tiberim projeciffe, id emblematicè, per Paifquillam (ut vocant) de ipfo, compofitum effe exiftimo. Auctor quidam

*Papa bellator:*

Hispa-

Hispanus hoc modo narrat : Este Julio saliendo una vez de Roma con su exercito, arrojò la llave de San Pedro en el rio Tiber, diciendo : pues que la llave de San Pedro ya no vale, valga la espada de San Paulo; y assi arrancò la espada de la vajina; porque como buen Capitan, levava su espada al lado.

227. **L**EO Decimus, Florentinus ex familia Medicea, annorum dumtaxat triginta, aliis 37. dum Pontifex eligeretur. Novi Pontificis electionem expectanti populo, Cardinalis de more ex Conclavis fenestra renunciens ait: Pontificem habemus Leonem Decimum, valeant vigeantque Juniores. anno 1513. Aprilis die 11. festo S. Leonis Papæ coronatur. sub ipso Lutherus contra Indulgentias Pontificias debacchari cœpit, cujus libros Papa Romæ comburi jussit. Lutherus autem, ut se ulcisceretur, Jus Pontificium, si ve Canonicum publice in Germania cremari fecit. B. Franciscum de Paula Minimorum institutorem, qui ipsi adhuc puero Pontificatum prædixerat, Canoni Sanctorum adscripsit. sub ipso Concilium Generale 19. Lateranense

*Libri Lutheri Romæ combusti.*

*Canonizatio S. Francisci de Paula,*

**CONCIL. 5.** anno 1512. sub Julio Secundo  
**GENERA. paulo** ante mortem inceptum an-  
**19.** no 1517. absolutum est . obiisse  
**LATERA-** dicitur Leo dumtaxat quadragena-  
**NENSE 5.** rius; cum annos octo, & menses  
 fere novem sedisset; idque ex ni-  
 mio concepto gaudio de Gallo-  
 rum e Ducatu Mediolanensi expul-  
 sione . dedit hic titulum Defenso-  
 ris Fidei Henrico Octavo Angliæ  
 Regi, quia Lutherum gladio & ca-  
 lamo impugnaverat; qui postmo-  
 dum fidei Catholicæ destructor,  
 & auctor fuit Schismatis Anglicani  
 hodie perdurantis . Ut populus  
 Christianus ad majorem in dies  
 Dei Matris cultum incitetur, mil-  
 le dies Indulgentiarum iis conces-  
 sit, qui singulis horis sonante ho-  
 rologio, Salutationem Angelicam  
 semel in memoriam horæ myste-  
 riique Incarnationis devote reci-  
 taverint: quod & Paulus Quintus  
 nostro sæculo confirmavit . Ephe-  
 merides Gallicæ, decima Decemb.  
 de ipso narrant: *Si ce Pape avoit  
 des vertus, il avoit aussi bien des vices:  
 car il ne peut estre excusé de s' estre  
 adonné au Luxe, aux Banquetes, a  
 la Musique, & a la chasse avec exces.  
 un de ses flatteurs l' a l' honore de cet Epi-  
 taphe:*

*Rex An-  
 glia Fidei  
 defensor,  
 post destru-  
 ctor.*

*Ave Maria  
 sonante ho-  
 rologio.*

Deli-

Deliciæ humani generis Leo Ma-  
xime tecum

Ut simul illuxere , interiere si-  
mul .

228. **A**DRIANUS Sextus, u-  
nicus inter Pontifices  
Belga , nomen suum Baptismale  
Adrianus , Pontifex factus , reti-  
nuit : natus Ultrajecti Patre Nau-  
pego , uti Bibliotheca Belgica  
narrat ; Lovanii donatus Laurea  
Doctorali in Theologia , ejusdem  
dein Professor , ac Divi Petri  
Canonicus , Capituli suffragiis ele-  
ctus est Decanus , & Academiæ eo  
titulo Procancellarius , Colle-  
gium sub Adriani Florentii nomi-  
ne , quo ipse tum vocabatur , fun-  
davit , ipso dein Pontifice , Pon-  
tificium vocatum . non absimilis  
fuit Adriano , & Clementi Quar-  
tis , qui dicere solebant , se plus  
Deo quam carni & sanguini debe-  
re : & indignum Petri Successo-  
rem esse , qui plus cognationi  
quam Christo tribueret ; sic Adria-  
nus hic ædificare Sion in sangui-  
nibus nolebat , hoc est in Sacris  
respicere necessitudinem naturæ ,  
quæ ibi locum non haberet : hinc  
difficulter cognatos ad beneficia  
promovebat . unum dumtaxat eum-

*Papa filius  
Naupegi .*

*Collegium  
Pontificium  
Lovanii .*

*Papa nolens  
ædificare  
Sion in san-  
guinibus .*

M que

*Canon. SS.  
Bennonis &  
Antonini.*

que non consanguineum, Cardinalem creavit, virum Belgam, in difficillimis negotiis olim probatum, Guilielmum ab Enckevoordt Campiniensem Brabantum; nullosque præterea Cardinales creasse memoratur. SS. Bennonem Episcopum Misniensem in Germania, & Antoninum Florentinum in Italia, Divorum albo inscripsit. Legatus a Ferdinando Caroli Quinti fratre ex Germania missus ad Papam, quod in apparandis auxiliariis copiis adversus Solymannum, qui Insulam Rhodum primo Pontificatus anno, die Natalis Domini occupavit, & adversus Lutheros multum incrementum tardius procederet; sic eum liberius affatus dicitur: Sanctissime Pater Fabius Maximus rem Romanam cunctando quondam restituit; tu cunctando perditurus nunc videris. Sed bonus Pontifex non habebat quibuscum ex animo consultaret, utpote novus Romæ hospes: hinc non mirum, si nihil in vita sibi infelicius duxit, quam quod regnavit: uti Epitaphium ipsius habet. regnum autem ipsius uno tantum anno, & octo mensibus duravit.

CLE-



229. **C**LEMENS Septimus ;  
 anno 1525. celebravit *Jubilæum* 3.  
 Jubilæum octavum a prima institutione , & tertium annorum viginti quinque . Henricum Octavum Angliæ Regem , ob divortium , Pontifice non approbante , SCHISMA ab ipso factum , post diu frustra Anglicanū. expectatam resipiscentiam , publice anathematizavit , Rexque contra Anglicanæ Ecclesiæ caput se constituit , pœna capitali in eos statuta , qui Pontificem Romanum agnoscerent ; sibiue eo titulo Sacerdotiorum Decimas & Annatas persolvi jussit : qui antea stricto adversus Lutherum gladio & calamo , a Leone Decimo insignem Defensoris Fidei Titulum meruerat . Carolus Quintus Imperator , rebus cum Clemente compositis , quas Borbonius in direptione Romæ multum turbaverat , Bononiæ in Italia a Pontifice solemniter introductus & coronatus fuit anno 1550. die festo S. Mathiæ Carolo *Coronatio Caroli V. Imperatoris.* natali ; quæ solemnitas imaginibus Laminis æreis incisa extat : post quem nullus Imperator a Romano Pontifice coronatus legitur . fuit Clemens Florentinus ex domo Medicea , Juliani de Medicis filius

naturalis , Leonis Decimi conso-  
brinus . Ciaconius Patruëlem vo-  
cat, sive cognatum germanum a  
parte patris; annosque fere unde-  
cim regnavit.

230. **P**AULUS Tertius Ro-  
manus , Alexander *Far-*  
*nesius* antea nominatus , Patruus &  
Patrinus Alexandri Farnesii , Prin-  
cípis Parmensis , Belgii Guberna-  
toris: anno 1545. inchoavit Con-  
cilium Tridentinum, quod aliquo-  
ties intermissum , finem tandem  
cepit anno 1563. Confirmavit So-  
cietatem Jesu anno 1540; & 1544.  
Congregationem Ursulinarum ,  
quæ similes fere sunt Jesuitis , in  
institutione juventutis fœmininæ:  
Carolus Quintum Maximum di-  
xit , secundum hoc Distichon:

*Confirma-  
tio Jesuita-  
rum, & Ur-  
sulinarum.*

*Cum fuerit Carolus Magnus ; tu  
Carole Magnus*

*Esse nequis, Carolus Maximus, in-  
quit, eris.*

Morti proximus, jam spiritum ex-  
tremum redditurus dicebat , ma-  
luisse se culinæ fratrum Capucino-  
rum tota vita inserviisse , quam  
Papam fuisse: eamque dignitatem  
annis quindecim possedit.

231. **J**ULIUS Tertius, Italus Aretinus, *de Monte, Jubilæum 9.* læum, a prima Bonifacii Octavi institutione, Nonum celebravit anno 1550. seditque vitæ quietæ & hilaris æmulus annos quinque, dies 47. multa in utramque partem ipsi tribuuntur, quod liberalis, affabilis, facetusque foret, ad iram præceps, ad placabilitatem facilis: quod vero deposita graviorum rerum cura, nonnihil indormisceret, effususque voluptati se traderet, ac interdum dicacitati, quæ ad scurrilitatem pene declinaret, ejus gloriam nonnihil offuscat; dissimilis Julio Secundo, ille negotiosus, hic otiosus nimis: procul uterque a Julio Primo, qui otium suum contra Arianos aliter impendit.

232. **M**ARCELLUS Secundus, ex Monte Politiano, *Cervinus*, Roberti Cardinalis Bellarmini avunculus; nomen baptismale in Pontificatu retinuit, dictus antea Marcellus Cervinus: magnæ vir integritatis ac expectationis; qui Pontifex factus, mox Curiam Apost. consanguineis suis *Papa consanguineis* interdixit, duorumque Nepotum

*Palatio A.  
post. exclu-  
dens.*

Romæ existentium visitationes congratulatorias admittere noluit; ipsosque a nemine adiri voluit; & rogatus ab amicis, ut illos in Palatium admitteret; quid illis cum Palatio, inquit? idne Patrimonium ipsorum esse judicatis? dum multa de ipso sibi promittit Ecclesia, vigesimo secundo Pontificatus sui die, sublatus est apoplexia; Sedesque Petri a morte ipsius totidem diebus vacavit.

*Tribunal S.  
Inquisitionis.*

*Index libr.  
prohibito-  
rum.*

*De Roey  
Joden.*

*Theatino-  
rum & Je-  
suitarum*

233. **P**AULUS Quartus, Italus Neapolitanus, Joannes Petrus *Carafa* antea dictus: uti nominis, ita anni quarti, & mensis terti Pontifex, instituit S. Inquisitionis Tribunal; & ne quis hæreticus error piorum mentibus obreperet, Indicem librorum prohibitorum publicavit. Judæos in locum singularem coegit, eorum usuras coercuit, eosque pileo croceo, quo a reliquis internosci possent, uti voluit (hinc Teutonice vocantur *de Roey Joden*). existens ante Pontificatum Episcopus Theatinus, Clericorum Theatinorum præcipuus auctor & alumnus fuit. Cum ipso S. Ignatius Societatis Jesu Fundator familiariter Venetiis egisset, & de sacro quem uterque in-

instituerat Ordine interdum con-  
 tulisse refertur : nec familiarem <sup>unus fere</sup>  
 modo usum, sed & aliquid dissidii <sup>Ordo.</sup>  
 intercessisse ; eo quod Theatinus  
 hic Episcopus semper optaverit ex  
 gemina hac congregatione, quæ  
 ita invicem habitum referrent, ut  
 nam confici : unde adhuc in Hispa-  
 nia & alibi Jesuitæ passim Theati-  
 ni dicuntur . quo postmodum ad  
 summum Pontificatum evecto, I-  
 gnatius cœptis suis moram inji-  
 ciendam vehementer timuit ; nec  
 sine causa : nam quod ante Ponti-  
 ficatum fieri optaverat, ut ex u-  
 troque Ordine unus conflaretur,  
 factus Pontifex ab ea mente dedu-  
 ctus non erat ; sed causæ cognitio-  
 nem Cardinali Alexandrino ( qui  
 postea Pius Quintus fuit ) deman-  
 davit : atque interea usus suprema  
 in omnes Ordines auctoritate,  
 Clericis Societatis Jesu psallendi  
 in Choro consuetudinem graviter  
 severeque injunxit ; & parendum  
 reverenter ab ipsis in præsens fuit  
 summæ in terris potestati ; ipsis  
 quotidie ante cœnam Litanias om-  
 nium Sanctorum ( quod etiam-  
 num faciunt ) devote recitanti-  
 bus, donec per mortem mandan-  
 tis Pontificis ea jussio, Cardinalis  
 Commissarii judicio, expiraret .

*Novi in  
Belgio Epi-  
scopatus.*

Sub hoc Paulo Quarto anno 1559. Belgarum Urbes, in quibus sacræ novorum Antistitum Cathedræ fingerentur, distinctæ sunt numero quatuordecim, additæque ad quatuor antiquas Cameracum, Ultrajectum, Tornacum, Atrebatum: ac tres earum Archiepiscopatus prærogativa exornatæ fuerunt, videlicet Cameracum, Ultrajectum, atque Mechlinia; hancque cæteris præferri placuit rogatu Regis, qui Urbem in media sitam Brabantia, Bruxellæque, atque adeo Principi proximam, destinavit Antonio Perenotto Granvellano, ex Atrebatensi Ecclesiâ idcirco ad eam translato, quod non procul a Regia hominem abesse e re publica videretur: primumque Mechliniæ Archiepiscopum Granvellanum Papa hic Cardinalatus titulo exornavit.

*Concilium  
Tridentinum  
absolutum.*

*Montes pietatis.*

234. **P**IUS Quartus, Italus Mediolanensis, de Familia Medicea, Avunculus S. Caroli Borromæi: sub ipso Concilium Tridentinum per annos octodecim protractum, tandem finem, & ab ipso confirmationem accepit. Montes Pietatis nomine erexit, populo rebus in artibus pro solamine.

Præ-



Præcedentiam Legato, seu Oratori Regis Galliarum, non obstante publica obtestatione Hispani, adiudicavit: cum tamen Rex Hispaniarum *Legati Hispaniarum & Galliarum præcedentia.* Suintilla, prius Catholicus ab Honorio Primo, anno Christi 637, quam Carolus Martellus (non Rex, sed cui a Gallis Regnum Galliarum offerebatur) Christianissimus a Gregorio Tertio, anno 740. fuerit nominatus. fuit Pius Quartus annis quinque, & tribus fere mensibus Pontifex.

235. **P**IUS Quintus, Italus in Lombardia sive Liguria, Boschi prope Alexandriam (unde Cardinalis Alexandrinus dictus fuit) stirpe quondam Senatoria Bononiensi, *Ghisleria* dicta, sed deinde minorata, patre Opilione nascitur anno 1505. die 17. Januarii, Divo Antonio sacra; unde Antonius in Baptismo, deinde in Ordine Prædicatorum Michael vocatus; tandem post præclara doctrinæ & virtutum documenta ad summum Pontificatum nolens & recusans assumptus, ait: factus primum Dominicanus cœpi de salutē *Optimus Papa suam salutem vix sperans.* mea sperare, dein Cardinalis dubitare, nunc factus Papa plane desperare. cumque ab electione

sua timere Romanos subaudivisset, quod esset vir ( ut Epitaphium ipsius habet ). Religionis ac pudicitiae vindex, recti ac iusti assertor, morumque & disciplinae restaurator: fidamus, inquit, Deo, quo auctore ita nos geremus, ut gravior Romanis nostrae mortis, quam electionis sit mœror: quare Pii nomen suadente maxime Sancto Carolo Borromæo assumpsit, cujus avunculus Decessor Pontifex idem nomen habuerat. inter alia ordinavit in fine Missæ, a Sacerdotibus dici Evangelium S. Joannis ( quod antea, non ex mandato, hinc inde dicebatur ) quia est veluti compendium Mysteriorum principalium Fidei nostræ, Sanctissimæ Trinitatis, Creationis mundi, Incarnationis Christi; quæ proficitur tunc Sacerdos suo, & totius Ecclesiæ nomine: & ab illo tempore quo Evangelium hoc in usu esse cœpit, Magi, & Sagæ, Incubi, & Lemures repressi multum sunt. sub hoc Pontifice contigit memorabilis illa victoria Joannis Austriaci contra Turcas 7. Octobris anno 1571. cujus memoria Dominica prima hujus mensis annuæ celebratur. Breviarium, & Missale Romanum, ac libros Ritua-

*Evangelium  
S. Joannis  
in fine Missæ  
contra fascino-*

*Victoria F.  
Austriaci-  
contra Turc.*

*Emendatio  
Breviarii  
ac Missalis.*



gis Divinum agere volens , atque contemplans , inter alios accumbentes, Hugonem Boncompagnum tunc Nuntium Apostolicum, & Minoritam Perretum , atque Proto-notarium Sfondratum , ait Regi : Majestas vestra accumbit cum tribus Papis ; & singulos demonstrabat secundum ordinem promotionis ad Papatum : nam *Boncompagnus* fuit hic *Gregorius XIII.* *Perretus* *Xystus V.* *Sfondratus* *Gregorius XIV.*

237. **X**YSTUS Quintus , Italianus Picenus , annorum quinque , mensium quatuor Pontifex , humili parentela , patre villico manuum labore victitante , imo subulco , sive porcario natus , diem Mercurii faustum habuit , quo ipse in lucem editus , Ordini Minorum adscriptus , Generalatodonatus , Episcopus consecratus , Purpura Cardinalitia adornatus , Pōtificatu tandem sublimatus fuit.

*Biblia vulg.* Vulgatam Bibliorum editionem incredibili studio ad nativam reduci puritatem , typisque Vaticanis edijussit . B. Didacum Minoritam Hispanum in Canonem Sanctorum redegit : Festa SS. Antonii a Padua , & Nicolai de Tolentino duplicia .

*S. Didacus  
canoniza-  
tus .*

*Festa SS.  
Ant. Pa.*

voluit, quæ deinde semiduplicia, <sup>dua, & Nē-</sup>  
 tandem a Clemente Decimo du- <sup>colai Tolē-</sup>  
 plicia iterum facta sunt. utque <sup>dup.</sup>  
 Pius Quintus S. Thomam Aquina-  
 tem, ita Xystus hic S. Bonaventu-  
 ram, Ecclesiæ Doctoribus addidit.  
 Festum Præsentationis B. Mariæ a <sup>Festū Pre-</sup>  
 Græcis pridem observatum, uti <sup>sentat. B.</sup>  
 patet ex eorum Menologio, a Pio <sup>M. de max-</sup>  
 & Paulo Secundis, vel, ut alii, <sup>dato.</sup>  
 a Xysto Quarto ad libitum indi-  
 ctum, & hinc inde tantum obser-  
 vatum, per totam Ecclesiam ce-  
 lebrari iussit. Fabricam S. Petri  
 promovit; & tholum, qui vulgo <sup>Cupula S.</sup>  
 Cupula dicitur, & nunquam ab- <sup>Petri perfec-</sup>  
 solvendus putabatur, desudanti-  
 bus in eo quotidie sexcentis ope-  
 rariis absolvit. Obeliscum altitu-  
 dinis 72. pedum in platea S. Pe-  
 tri erexit: erectaque ipsi fuit in  
 Capitolio statua ærea hac inscri-  
 ptione: *Xysto Quinto Pont. Max. ob*  
*quietem publicam, compressa siccario-*  
*rum exulumque licentia, restitutam:*  
*Annona inopiam sublevatam, Urbem*  
*adificiis, viis, aquaductu illustra-*  
*ram, S. P. Q. R.*

238. **U**RBANUS Septimus,  
 Civis Romanus; ideo-  
 que Urbanus vocari volens, ut se  
 in Urbe, & Urbis utilitati natum  
 ostend-



ostenderet: assumptionem ad Papatum ei Xystus antecessor prædixit; dum enim cum illo mensæ accumberet, & inter bellaria pyra inferrentur; ipse unum aut alterum divisit; quæ cum putrida comperiisset, jocabundus, *en, ait, post hac Pyra fastidio erunt, & Castaneæ in deliciis*; Pyrorum nomine seipsum, qui *Felix Perretus* ante vocabatur, per Castaneas Urbanum hunc, qui tunc Cardinalis *Castagneus* erat, designans. sed ante coronationem, duodecimo ab electione die, obiit.

*Papa ante coronationem mortuus,*

239. **G**REGORIUS Decimus-quartus, Mediolanensis de familia *Sfondrati*, anno 1590. Decembris die octava, Immaculatæ Virginis Conceptioni sacra, coronatus fuit ab Andrea Cardinali Austriaco, Episcopo Constantiensi, S. R. E. Archidiacono, Belgii Governatore. Jubileum extraordinarium pro felici sui Pontificatus inauguratione indixit. Purpureos pileos Cardinalibus, qui ex Regulari professione, sive Claustris assumpti erant, & nigris antehac utebantur, concessit: in Quadragesima esum carnis pauperibus in publica inopia, her-

*Card. Andreas Austri.*  
*Jub. extraordinarium,*  
*An. 1590.*

*Pilei rubri Cardinalibus Regularibus dati.*



herbis more pecudum vescentibus indulgit . anathematizavit spon-  
siones quasunque de Pontificis mor-  
te aut electione . obiit mense &  
die sui Pontificatus decimo .

240. **I**NNOCENTIUS. No-  
nus, Bononiensis, *Fach-*  
*netus*, summæ integritatis & ex-  
perientiæ vir, præcedenti electio-  
ne acceptabilis, nunc extemplo  
acceptatur: ejusque electio bre-  
vior ac tranquillior fuit, quod  
jam antea in ipsa Gregorii Crea-  
tione non pauci ex Cardinalibus  
ei fuerant suffragati; etiam ab An-  
drea Cardinali Austriaco Pontifi-  
ciæ dignitatis insignibus decora-  
tur: mox ipse animum laxandæ  
annonæ adjiciens, rerum pretia  
imminuit; & quadraginta aureo-  
rum millia mutuo accepit; ne  
aurum quod in Adriani mole as-  
servatur attingeret; quoniam  
Reipublicæ expedire dicebat, ut  
in arario Pontificio magnum ali-  
quod auri pondus ad graviora  
incommoda, & duriora tempora  
reconditum & intactum servaretur:  
sed alta mente res maximas me-  
ditatus, post duos menses, u-  
numque diem obiit: ita ut spatio  
unius fere anni, Roma tres sibi  
legi-

*Theſaurus  
in mole  
Adriani.*

legitime succedentes Pontifices viderit.

247. **C**LEMENS Octavus, anno seculari 1600. solennissimum celebrans Jubilæum, affluentibus undique peregrinis, liberalitatis & humilitatis opera impendit, pecuniis eos sublevando, pedes lavando, accumbentibus ministrando, Confessiones audiendo, Cardinales, aliosque Prælatos ad hujusmodi pietatis opera præstanda, verbo & exemplo egregie invitando : ita ut non pauci ex hæreticis, qui Romam spectatum venerant, hisce exemplis visis, Ecclesiæ Catholicæ se addixerint. duos ex Ordine Prædicatorum Hyacinthum Polonum, & Raymundum de Pennafort Sanctorum Albo inseruit. decreto expresso prohibuit ne in Ecclesiis, vel supplicationibus aliæ cantentur Litanie, quam omnium Sanctorum, & B. Virginis Lauretanæ. quod autem PP. Oratorii cantent publice Litanias Domini Jesu, & Infantiae ejusdem; existimo illos specialem habere licentiam. fuit Clemens Italus Florentinus, Hippolytus Aldrobrandinus antea dictus, annis tredecim Pontifex, qui tanquam Janus finem præ-

ANNO  
CHRISTI  
1600.  
*Jubilæum  
undecimū.*

*SS. Ray-  
mundus &  
Hyacinthus  
canonizati.*

*Litanie o-  
mnium SS.  
& Laureta-  
ne tantum  
cantanda.*

præcedentis, & principium sequentis sæculi conspexit.

242. **L**EO Undecimus . huic Florentino *Mediceo*, Sancta Maria Magdalena de Pazzis Florentina Papatum prædixit : sed ex morbo in cæremoniis inaugurationis concepto, vigesimoquinto Papatus die obiit. *Pontifex 25. dierum.*

243. **P**AULUS Quintus, Controversiam de gratia & libero arbitrio inter Dominicanos & Ignatianos compressit : sic, ut quisque a parte sua staret, sine damnatione adversæ sententiæ. Franciscam Romanam Nobilem Viduam, & Carolum Cardinalem Borromæum Sanctis adscripsit. Ignatium Lojolum Societatis Jesu Fundatorem Beatum, Gregorius successor Sanctum dixit : festum Impressionis Stigmatum in Corpore B. Francisci, ut Fidelium corda in Christi Crucifixi accenderentur amorem, inter Franciscanos prius celebratum, ad universam Ecclesiam pro libitu propagavit, & Clemens Decimus de mandato. Instituit Communionem Generalem, quæ singulis mensibus in Ecclesiis Societatis Jesu frequentatur. *Controv. de Gratia, & libero Arbit.*  
*SS. Franci- sca Roma- na, & Caroli Borromæi Canonizat.*  
*Festum Stigmatum S. Francisci ab universa Ecclesia cultum.*  
*Communia Generalis.*  
fuit

fuit Romanus, *Burghesius*, annis sedecim (sesquimensis minus) Papa.

244. **G**REGORIUS Decimus quintus Italus Bononiensis, *Ludovisus*, annorum duorum Pontifex, quinque Sanctorum, *Canoniz. s. Sanctorum, 12. Martii 1622.* Aeos, Isidorum, Ignatium, Xaverium, Teresiam, Hispanos quatuor, unum Italum, Philippum Nerium, Romæ eo die canonizavit, quo Bruxellæ fiebant solemnissima exequia Serenissimi Belgarum Principis Alberti Austriaci, 12. Martii 1622. Ad suppressenda dissidia Electioni Papali irrepentia, novam de forma, qua deinceps fieri debeat, constitutionem edidit; Missiones de Fide propaganda induxit: vetuit ne in privatis sermonibus & scriptis, Diva Virgo in peccato Originali asseratur concepta; & ne alio nomine in Officio & Missa, quam Conceptionis quis utatur. indixit festa Sanctorum Josephi, Joachim, & Annæ, a Xysto Quarto instituta, dein intermissa; item Brunonis, & Birgittæ.

*Missiones de fide propag. B. M. Virginis Conceptionem impugnare non licet.*

Jubilæum 12. 245. **U**RBANUS Octavus, ordinarium 1625. extra-  
ordinarium 1628. celebravit Jubilæum duodecimum: anno autem 1628. extraordinarium

indixit, ad res inter Principes Christianos componendas, qui dimicabant in diversis Europæ partibus. anno 1629. Andream Corfinum ex Carmelita Episcopum Fe-  
*S. Andreas Corfinus.*  
 sulanum, Sanctum pronunciavit. exemit Regulares a facienda Confessione: deputato a Superioribus.  
*Regularium lib. Confess.*  
 dumtaxat Confessario. Vetuit exponi eorum Imagines, in locis sacris, quos Ecclesia Sanctos non edixit. Cardinales Eminentissimos vocavit, qui prius Illustrissimi (quomodo nunc Archiepiscopi, & Episcopi vocari incipiunt) & antea Amplissimi vocabantur; quomodo nunc Episcoporum Vicarii dicuntur. Hymnos Ecclesiasticos ad meliorem formam metricam reduxit; item Psalmorum versus, ad certam pausam in medio tenendam, asteriscis distinxit. Post Petrum non nisi tres Pontifices ipso diuturniores fuerunt, nempe S. Silvester, Adrianus Primus, & Alexander Tertius. fuit autem Urbanus Florentinus, Maphæus Barberinus antea dictus, Papa annis viginti uno, mense uno, diebus viginti quatuor.

*Imagines non nisi Sanctorum in locis sacris.*

*Cardinales Eminentissimi vocati.*

*Correctio Hymnorum & Pausæ Psalmorum.*

246. **I**NNOCENTIUS Decimus, Romanus, Joannes Ba-



Jubilæum 13.

Expunctio  
aliquot Fe-  
storum.Jansenismus  
extinctus.

Baptista Pamphilus prius vocatus, anno 1650. celebravit ordinarium Jubileum decimumtertium. festa aliquot observari in populo solita, ab Urbano decessore Romæ abrogata, sub ipso anno 1654. in Belgio publicata, & non amplius servari cœpta sunt. Jansenismum late grassantem, edita constitutione anno 1655. Pontificatus sui anno nono extinxit: in fine vitæ per novem dies agonizavit; quod populus imputabat vindictæ Divinæ, propter nimiam in rerum administratione datam facultatem Gloriæ suæ. Sedens in Cathedra Petri numerum Nominis explevit, obiitque anno decimo, mense tertio, die vigesimo secundo.

247. **A**LEXANDER Septimus, Italus, Senis natus anno 1599. dictus Fabius Chissus, ad pacem Monasteriensem Legatus Apostolicus; cum post mortem Innocentii Decimi anno 1655. a septima Januarii, usque ad 7. Aprilis per tres integros menses Sedes Apostolica vacasset; electus in Summum Pontificem, mox confirmavit Diploma Decessoris sui de Damnatione quinque Propositionum Jansenianarum; li-  
cet



cet Jansenius ipse non sit damnatus, qui ejusdem S. Sedis judicio se submisit. Inter Septem nova Officia, quæ Breviario Romano inseruit, videlicet SS. Bernardini, Thomæ a Villanova, Francisci Xavierii, Petri Nolaschi, Andreæ Corfini, Francisci Salesii, quem Divorum Fastis adscripsit, Festum Conceptionis B. M. Virginis cum Octava celebrari præcepit. Mors ipsius, quæ anno Pontificatus duodecimo contigit, hoc Chronographico exprimitur:

*Septem nova Officia*

*Octava Conception. B. M. Virg.*

oreMVs pro pontIfIce nostro  
aLeXanDro.

248. CLEMENS Nonus, Italus, Pistoriensis, Julius Rospi gliosius ante dictus. cum primum esset electus, mox S. Malachix Hiberni Prophetia, quæ habet Sidus Olorum, ipsi per hoc Chronographicum fuit applicata:

Vere hIC est sIDVs oLorVM.  
Electio ejus contigit 20. Junii 1667.  
sed amissa Candia, mors secuta est vix uno, & sesquianno post, nona Decembris 1669. de qua item hoc Chronographicum:

stella breVI regnans spatIo  
fVIIt Iste DoLorVM.

Et Epigramma:

*Cut*

Cur Papam hunc dicat Malachias  
Sidus Olorum?

Dum vixit potuit dicere nemo bene:

Sed Mors explicuit; cum (a) Can-  
dia perdita Papæ

Elicuit gemitum, nonne Olor ipse  
fuit?

Ut moriens modulatur Olor, sic Can-  
dia eidem

Non moduli, at gemitus causaque  
mortis erat.

Sic (b) Hierosolymam lugens Ur-  
banus obiit,

(c) Constantinopolim sic Nicolae ge-  
mis.

Lucius (d) Edessam sic luxerat ante  
Secundus:

Plaxisti amissam sic Adriane (e)  
Rhodum.

Nescio, cur fuerit vivens hic Sidus  
Olorum,

Hoc scio, quod moriens stella do-  
loris erat.

(a) Sub hoc Clemente anno 1669.  
amissa est Candia, qua jactura af-  
flictus Papa, eodem anno, nona  
Decembris, Pontificatus sui anno  
secundo, mense quinto, die deci-  
maquarta obiit. (b) Sic anno Chri-  
stiano 1187. Saladinus Babylonix  
Rex Hierosolymam cepit, octo-  
ginta octo annis a possessione Go-  
defridi Bulonii; quo tristi nuntio  
per-

perculsus Urbanus Tertius obiit Pontificatus sui anno secundo nondum expleto. (c) Ita Constantinopolis amissa fuit sub Nicolao Quinto 1453. (d) Edessa sub Lucio Secundo, anno 1144. (e) Et Rhodus sub Adriano Sexto, ipsa die Natalis Domini anno 1522. Clemens hic Canoni Sanctorum inscripsit Petrum de Alcantara, & Mariam Magdalenam de Pazzis.

249. **C**LEMENS Decimus Romanus, Æmilius Laurentius Cardinalis *Alterius* antea nominatus. si fas sit dicere, hunc Patrem Patrum fecit discordia Fratrum: nam cum per quinque menses Sedes vacasset, electus fuit hic junior dignitate Cardinalitia, sed senior octogenaria ætate, cum nequidem in altioribus adhuc Ordinibus existeret: quibus omnibus rite susceptis, primaque Missa apud Carthusianos sine murmure celebrata, Pontifex ordinatur vigesima nona Aprilis 1670. Celebravit anno 1675. Jubilæum ordinarium decimumquartum, cum extraordinarium 1673. concessisset pro rebus in Polonia turbatis: anno autem Pontificatus primo, Christi 1671. Aprilis 12. Cajetanum Thie-

*Jubilæum*  
14.

Thienæum Ordinis Clericorum Regularium institutorem, quos Theatinos appellant, Franciscum Borgiam e Societate Jesu, Philippum Benitium Ordinis Servorum B. M. Virginis restauratorem, Ludovicum Bertrandum ex S. Dominici familia, & Rosam ejusdem instituti Monialem in Sanctorum Album retulit, & Pium Papam V. inter Beatos haberi voluit. Anno pariter Jubilæo vertente mense Aprili Joannem a Cruce Beatis annumeravit, Albertum quoque Magnum Ordinis Prædicatorum Episcopum Ratisponensem, Franciscum Solanum Ordinis S. Francisci Beatorum diptychis adscripsit, eundemque honorem Ludovicæ Albertoniæ Viduæ ex S. Francisci familia decrevit. Restaurationem Templi S. Mariæ Majoris Clementis IX. decessoris sui jussu captam absolvit. Cujus rei ut perenne aliquod extaret monumentum numos cudendos curavit, in quibus ea Basilica impressa conspicitur hac epigraphe, *Deus fundavit eam*. Postremo ut bellum, quo Christiana Respublica afflictabatur, extingueret, Aloysium Bevilaquam Alexandrinum Patriarcham Nuncium suum ad Imperatorem misit, aliosque

co-

*Restauratio  
Ædis S.  
Mariæ Ma-  
joris abso-  
luta.*

eodem munere & dignitate ornatos viros ad Galliarum, & Hispaniarum Reges legavit, ut eos ad pacem & concordiam hortarentur. Nec res improspere successit. De pace acturi Noviomagi convenere Principum Legati: sed postquam de ratione concordiae ineundae agi captum, anno 1676. XI. Cal. Augusti, cum annos sex, menses duos, dies vigintitres sedisset Clemens X. e vita cessit.

250. INNOCENTIUS XI. Italus, Comensis, antea Benedictus Cardinalis *Odeschalchius*, die 21. Septembris anno 1676. electus, & die 4. Octobris S. Francisco Assisinati sacra coronatus. Vita, & moribus fuit integerrimis, a suis omnino alienus, pauperibus addictissimus. Joanni Poloniae Regi, Leopoldo Imperatori, & Reipublicae Venetae contra Turcas juncto fœdere, bellum periculosissimum sustinentibus, Vindobona praesertim arcta obsidione cincta, ingenti pecuniae vi praesto fuit. Pridie Idus Septembres, in quem diem Dominica infra octavam Nativitatis B. Mariae Virginis anno 1683. incidit, singulari tantae Patronae ope ac praesidio obsidione

Officiū SS.  
Nominis B.  
M. Virginis  
ad universam Eccle-  
siam propa-  
gatum.

N solu-

*Festum SS.  
Nominis  
Mariae Vir-  
ginis.*

*Hugonotti  
e Gallia  
ejecti .*

soluta, hostibus cēsis fugatisque ac insigni parta victoria, ut perennis aliqua tanti beneficii memoria extaret, Festum SS. Nominis Mariæ Virginis, quod jampridem in quibusdam Christiani Orbis partibus speciali ritu colebatur, ab Ecclesia universa quotannis eadem recurrente Dominica Officio duplici celebrari jussit. In magnam invidiam apud Ludovicum XIV. Galliarum Regem a turbulentis hominibus per summam injuriam adductus injustissimam ut visum est ejus a se alienationem fortitudine plane Apostolica tulit, armaque *Lavardinica* in ipsam Urbem inuenta solo Crucis vexillo obtudit atque perfregit. Hoc Pontifice, quem Heterodoxi ipsi summa veneratione prosequiebantur, Ecclesiam administrante, Hugonotti aut sectam ejurare, aut Gallia cedere jussi sunt, Nannetensi Edicto, quo freti pene innumera Tempia obtinebant, anno 1685. penitus abrogato. Eodem tempore Nuncius Apostolicus, qui jam per integrum sæculum ab Anglica Aula exulaverat, eo missus Angliam totam in sui admirationem tamquam ad rei novæ conspectum excitavit. Christianissimo Re-

gi



gi Jacobum II. Angliæ Regem. regno profugum, quem jam Ille pro ea, qua erat animi magnitudine, benignissime & liberalissime una cum conjugē sua exceperat, per literas Pontifex commendavit. Moralem disciplinam expurgaturus, sexaginta quinque propositiones ex variis libris excerptas damnavit. Michaelis *Molinos* Sacerdotis Hispani simulatoris post *Molinos damnatus.* Gnosticos, & Turlupinos obscenissimi, & Quietistarum Antesignani errores diris devovit. Ad summam zelo fuit pro Christianæ Republica ferventissimo, ut possit dubitari, num magis laboraverit ad communes Catholicæ Fidei hostes exterminandos, quam ad Christianos recte instituendos; cum illos fufis ad Deum precibus, & opportunis missis ad bellum subsidiis profligaverit, hos verbo, & exemplo ad pie sancteque vivendum excitaverit. Mortuus est IV. Idus Augusti anno 1689. sanctitate conspicuus, cum annum decimum tertium regnaret.

251. **A**LEXANDER VIII. Italus in locum Innocentii XI. est successus pridie Nonas Octobris anno 1689. & die

16. ejusdem mensis Tiara Pontificia redimitus. Prius dicebatur Petrus Cardinalis *Ottobonus* Episcopus Brixienfis, Venetiis die 19. Aprilis anno 1620. natus. Venetæ Reipublicæ bellum cum Turcis gerenti nihil electione hac potuit accidere opportunius. Novus enim Pontifex Venetos missis pecuniæ, militum, ac triremium auxiliis juvit. Fidei, & Ecclesiasticæ disciplinæ defensor acerrimus omnes *Molinismi* reliquias nulla habita personarum ratione delere curavit. Peccatum *Philosophicum*, & triginta & unam propositiones anathemate confixit. Pridie Idus Octobris anno 1690. eodem nimirum, quo sacris infulis coronatus fuerat, recurrente die Laurentium Justinianum primum Venetiarum Patriarcham Canonicum Congregationis S. Georgii in *Alga* vulgo nuncupatæ Sanctis annumeravit. Joannem quoque de Capistrano Ordinis S. Francisci de Observantia, Paschalem Baylonem Laicum, ut vocant, Ordinis Minorum Discalceatorum S. Francisci, Joannem a S. Facundo Ordinis Eremitarum S. Augustini, & Joannem de Deo Ordinis Fratrum Hospitalitatis Fundatorem in Sanctorum diptycha retu-

*Laurentius  
Justinianus  
Calitum al.  
bo inscri-  
ptus.*

retulit. Cum Romanam Ecclesiam menses sexdecim administrasset, Calendis Februarii anno 1691. e vivis excessit. Pontifex maximi consilii, prudentiæ summæ, incredibilisque solertiæ.

## 252. INNOCENTIUS XII.

Italicus, Antonius Cardinalis *Pignatellius*, Neapolitanus Patricius, & Archiepiscopus 4. Idus Julii anno 1691. est Alexandro VIII. subrogatus, & pridie Idus ejusdem mensis coronatus. Facilem Romanis juxta, atque alienigenis audiendis, admittendisque se præbuit, & in pauperes misericordem. Qua de causa Lateranense Palatium in domum pauperibus curandis, & alendis accommodatam mutavit, annuisque redditibus locupletavit. Suos minime respiciens celebrem illam anno 1692. decimo Cal. Julii edidit Constitutionem, qua hæreticos ipsos in sui admirationem pertraxit. In ea siquidem Pontificum propinquos Ecclesiæ bonis ditari, interdixit, & cavit, ut ea tantum liberalitate & beneficentia in suos inopia laborantes uti Pontificibus liceret, quam cum ceteris nullo consanguinitatis aut cognationis

*Constitutio  
in Nepo-  
tismum,  
ut vocant.*

*Saxonia  
Dux Lu-  
theranam  
sectam eju-  
rat.*

*Centumcel-  
lae Urbis ti-  
tulo dona-  
ta.*

*Jubilaeum* 15.

vinculo junctis pauperibus uti fas est. Nec Innocentii personam duntaxat admirati sunt haeretici, sed ejus quoque doctrinam secuti. Augustus certe Saxoniae Dux non minus Catholicæ fidei veritate compulsus & coactus, quam tanti Pontificis facilitate & exemplo invitatus & illectus, Lutheranam sectam coram Consobрино suo Christiano Augusto de Saxonia Javari- ni Episcopo ejuravit. Cujus rei uterque præmium tulit, alter a Polonis Rex constitutus, alter a Clemente XI. S. R. E. Cardinalis creatus. Anno 1693. congregationem Cardinalium instituit, ut cælestes apparitiones, Prophetiæ spiritum, insignesque virtutes Beatae Catharinæ Virginis Bononien- sis excuterent. Ut jus commodius redderetur, tribunalia per Urbem dispersa in unum locum coegit coemptis ad id Ludovisiorum, aliisque contèrminis ædibus. Centumcellas Urbis titulo donavit, ejusque portum omnibus sine ullo portorio patere jussit. Antium quoque portum reædificandum, & Cerviam restaurandam curavit. Celebravit anno 1700. Jubilæum ordinarium decimum quintum, & eodem anno, cum an-  
nos

nos novem, menses duos & dies quindecim in Petri Cathedra sedisset, pietate ac sanctitate insignis diem obiit supremum.

253. CLEMENS XI. Italus, Urbinas, Joannes Franciscus Cardinalis. *Albanus* ante dictus, die 23. Novembris anno 1700. Pontifex creatus est. Multa hujus sunt præclare facta, sed hoc maxime illustre, quod præter omnem totius Apostolici Senatus expectationem Pontifex renunciaturus, per tres integros dies delatum sibi honorem constantissime recusavit, se tanto muneri imparē dicitans, donec tandem divino utique afflatus spiritu acquievit. Nec in ullius fortasse Pontificis electione Sancti Spiritus numen magis eluxit. Nam toti Cardinalium conventui compertum erat, Cardinalem Albanum, statim ut Conclave ingressus est, *exclusam*, uti vocant, humanis conatibus insuperabilem passum fuisse. Huic uno eodemque tempore cum omnibus Christianis Principibus negotia fuerunt. Decessorum suorum constitutiones contra quinque propositiones ac librum



*Propositio-  
nes 101. Pa-  
schasii Que-  
snelli exa-  
grata.*

*Festum Co-  
ceptionis B.  
V. institu-  
tum.*

*Novum S.  
Joseph. of-  
ficium Bre-  
viario in-  
sertum.*

Jansenii nova edita constitutione redintegravit, declaravitque obsequioso silentio minime satisfieri obedientiae constitutionibus illis debita. Paschasii item Quaesnelii Presbyteri Galli centum & unam Propositiones damnavit edita constitutione, cujus initium est, *Unigenitus Dei Filius*. Festum Conceptionis B. M. Virginis de praecipuo colendum & celebrandum, edixit. Pium V. Pont. Max. B. Andream de Avellino, B. Felicem de Cantalice Confessores, & B. Catharinam Virginem Bononiensem Divorum Fastis anno 1712. adscripsit. Ad S. Joseph Beatae Mariae Virginis Sponsi cultum promovendum, novum ejus officium ab Ecclesia universa recitandum instituit. Officium item S. Joannis de Deo Ordinis Fratrum Hospitalitatis Fundatoris antea pro eodem tantum Ordine, ac pro Regnis Hispaniarum, & Lusitaniae approbatum, pro toto Christiano Orbe ratum habuit. Solemnitatem SS. Rosarii B. V. M. ad universam Ecclesiam propagavit. Nec illud praetereundum, hoc regnante Pontifice, in Germaniae partibus, ubi impensius Lutheri secta colitur, & obstinatius defenditur, Catholico

Bp̄



Episcopo Vicario Apostolico \* po- \* Is est Au-  
testatem factam , ut magnificam gustinus  
ædificaret Ecclesiam , & Episcopa- Stefani q.  
lia munera omnia palam Catholi- Episcopus  
corum more tutissime & honestis- Cyzicenus.  
sime obiret . Fuit Clemens græce,  
& latine doctus , & temporibus  
per totum fere Pontificatum dif-  
ficillimis ac turbulentissimis sapien-  
ter usus est . Diem obiit XIV. Cal.  
Martii anno 1721. annos circiter  
septuaginta natus post annos vi-  
ginti, menses tres, & dies vigin-  
tiquatuor , quam ad Pontificiam  
dignitatem evectus fuerat.

254. **I**NNOCENTIUS XIII.  
Italus Romanus , prius  
Michael Angelus Cardinalis *de Co-*  
*mitibus* ex veteri & illustri Signæ  
Comitum familia pluribus Ponti-  
ficibus conspicua die 13. Maji an-  
no 1655. ortus, & die 8. ejusdem  
mensis anno 1721. Pontifex ele-  
ctus, & post decem dierum spatium  
coronatus. Seraphicæ familiæ rebus  
consulturus Generalia ejus comitia  
quinque temporum difficultate pe-  
ne lustris intermissa in Urbe haberi  
jussit, & feliciter ipso præsentē ab-  
soluta sunt. Festum Sanctissimi Nomi- *Festū SS.*  
nis Jesu Dominica secunda post Epi- *Nominis Je-*  
phaniam ab universa Ecclesia per- *sus Domini-*  
*ca secunda*  
N 5 pe- *post Epi-*

*phaniā ad-  
dictum.*

petuo celebrari iussit . Officium quoque S. Isidori Hispalensis Episcopi ad universam Ecclesiam extendit . Beati Andreæ de Comitibus viri pietate , ac prodigiis clarissimi Cultum a sæculo abhinc quarto repetitum , ac rite probatum Pontificia sanctione confirmavit . Sacræ Congregationi imperavit , ut in Venerabilis Viri Gregorii Barbadici Episcopi Patavini præclare facta , & sancte gesta inquireret . Julium Cardinalem *Alberonium* utriusque fortunæ vices perpeßum ab criminibus ipsi objectis innocentem declaravit . Hoc anno 1724. illud inopinatum , atque mirabile contigit , ut Philippus V. Hispaniarum Rex raro exemplo se regno abdicaret , omnemque regni curam , & administrationem Filio Ludovico Arturiæ Principi annos circiter 16. nato demandaret . Hæc inter Innocentius cum ætatis annum nonum & sexagesimum ageret , & annos duos , menses novem , dies viginti octo Pontificatum gessisset , die 7. Martii anni prædicti 1724. ex hac vita migravit .

*Philippus V.  
Hispania  
regno se ab-  
dicat.*

BENE-

255. **B**ENEDICTUS XIII. seu XIV. Cardinalis Vincen-  
 tius Maria *Ursinus* antea dictus, Ar-  
 chiepiscopus Beneventanus, Patri-  
 cius Neapolitanus, ac Venetus.  
 Hunc in Petri Sede concordibus  
 suffragiis IV. Cal. Junii colloca-  
 tum latissimus nuntius attulit pri-  
 die, quam hæc pagina prælo com-  
 mitteretur. Natus est IV. Nonas  
 Februarii anno 1649. ex præclaris-  
 sima *Ursinorum* familia, quam  
 duodeviginti Sanctitate præstantes  
 viri, & quatuor summi Romanæ  
 Ecclesiæ Antistites Stephanus III. S. *Quatuor summi Pon-*  
 Paulus I. Cælestinus III. & Nico- *tificis ex*  
 laus III. illustrarunt. Cum ad *Ursinorum*  
 eam pervenisset ætatem, quam ad *Demo.*  
 religionis ingressum Ecclesiasticæ  
 leges præfiniunt, obtentu Italiam  
 lustrandi Venetias se contulit, ibi-  
 que Prædicatorum Ordini in S.  
 Dominici Cœnobio nomen dedit.  
 Inter tyrones omnium virtutum  
 splendore enituit. Emenso Philo-  
 sophiæ, ac Theologiæ curriculo,  
 sacris concionibus, prout suscepti  
 instituti ratio postulabat, operam  
 zelo plane Apostolico navavit.  
 Hinc cum Bononiæ degeret, in ea  
 diœcesi proximo Quadragesimali  
 tempore sacras conciones habitu-

fus, vigesimum tertium ætatis an-  
 num agens, S. R. E. Presbyter Car-  
 dinalis a Clemente X. factus est.  
 Tantam dignitatem sibi nihil tale  
 cogitanti ultro oblatam constanter  
 recusavit, sed tandem Pontificis  
 præcepto acquievit: Itaque Ro-  
 mam commigravit, eaque in Ur-  
 be varia, quæ penes Cardinales  
 esse solent, munera summa cum  
 laude gessit. Tres subinde Eccle-  
 sias administravit, Sipontinam,  
 Casenatensem, & Beneventanam  
 per annos 38. ac in singulis maxi-  
 me illustra suæ probitatis exem-  
 pla ad imitandum reliquit, acer-  
 rimumque ubique Ecclesiasticæ li-  
 bertatis assertorem, ac vindicem  
 se præbuit. Sex Comitibus Pontifi-  
 ciis interfuit, quorum postremo  
 ipse Benedictus XIII. summus Ec-  
 clesiæ Pontifex creatus est, qui fu-  
 turo anno 1725. Jubilæum ordi-  
 narium decimum sextum, ingen-  
 ti totius Christiani Orbis lati-  
 tia celebrabit. Agant vero Fide-  
 les præpotenti Deo grates quam  
 possunt maximas, quod sacrosancto  
 Cardinalium Collegio eam mên-  
 tem dederit, ut hunc potissimum  
 cooptarent; ac ferventissimas  
 preces fundant, ut publico Eccle-  
 siæ bono diu Pontifex vivat. Du-  
 bita-

bitare enim nullo modo licet,  
quin Ille, qui per totam ante a-  
eternam vitam omnibus honoribus  
maximis se dignissimum prae-  
buit, summum tandem dignitatis fasti-  
gium Divino consilio adeptus, sit  
pari virtutis accessione cumulatu-  
rus.



# CHRONOLOGICA ROMANORUM PONTIFICUM SERIES

*Cum ordine successionis , tem-  
pore Pontificatus , & an-  
no Christi quo sedere  
ceperunt .*

*Ord. suc.*

*An. Chr.*

## SÆCULUM I.

1	Sanctus Petrus	44
	an. 24. men. 5. d. 10.	
2.	S. Linus	70
	11. 2. 23.	
3.	S. Cletus.	81
	12. 7. 2.	
4.	S. Clemens I.	93
	9. 6. 6.	

## SÆCULUM II.

5.	S. Anacletus	103
	9. 3. 10.	
		6. S.



<i>Ord. suc.</i>		<i>An. Chr.</i>
6.	S. Evaristus. an. 9. men. 3. d. --.	112
7.	S. Alexander I. 10. 3. 20.	121
8.	S. Xystus I. 9. 10. 9.	132
9.	S. Telesphorus. 11. 9. --.	142
10.	S. Hyginus. 3. -- 28.	154
11.	S. Pius I. 2 9. 5. 27.	158
12.	S. Anicetus. 8. 8. 24.	167
13.	S. Soter. 3. 11. 18.	175
14.	S. Eleutherius. 15. -- 23.	179
15.	S. Victor I. 9. 1. 28.	194

**SÆCULUM III.**

16.	S. Zephyrinus. 18. -- 18.	203
17.	S. Callistus I. 5. 1. 12.	221
18.	S. Urbanus I. 6. 7. 4.	226
19.	S. Pontianus. 4. 4. 25.	233
20.	S. Anterus. 1. -- --.	237

21. S.

# 304 *Chronologica Romanorum*

<i>Ord. suc.</i>		<i>An. Chr.</i>
21.	S. Fabianus .	238
	an. 15. men. . . d. 4.	
22.	S. Cornelius .	254
	2. 2. 3.	
23.	S. Lucius I.	256
	1. 4. . . .	
24.	S. Stephanus I.	257
	3. 3. 22.	
25.	S. Xystus II.	260
	--. 11. 12.	
26.	S. Dionysius .	261
	12. 3. 14.	
27.	S. Felix I.	272
	2. 4. 29.	
28.	S. Eutychianus .	275
	8. 6. 4.	
29.	S. Cajus .	284
	12. 4. 5.	
30.	S. Marcellinus .	296
	7. 11. 23.	

## S Æ C U L U M IV.

31.	S. Marcellus I.	304
	5. 1. 25.	
32.	S. Eusebius .	309
	2. 7. 25.	
33.	S. Melchiades .	311
	2. 2. 7.	
34.	S. Silvester I.	314
	21. 10. 1.	
35.	S. Marcus .	336
	11. men. 8.	

36. S.

*Pontificum Series.*      309

<i>Ord. suc.</i>		<i>An. Chr.</i>
36.	S. Julius I.	336
	an. 15. men. 5. d. 17.	
37.	Liberius.	352
	15. 4. 2.	
38.	S. Felix II.	357
	1. 2. 3.	
39.	S. Damasus I.	367
	17. 2. 26.	
40.	Siricius.	385
	13. 1. 14.	
41.	S. Anastasius I.	398
	4. 1. 13.	

**S Æ C U L U M V.**

42.	S. Innocentius I.	402
	15. 2. 10.	
43.	S. Zosimus.	417
	1. 4. 7.	
44.	S. Bonifacius I.	418
	4. 9. 28.	
45.	S. Celestinus I.	423
	8. 5. 3.	
46.	S. Xystus III.	432
	7. 11. 2.	
47.	S. Leo I. Magnus.	440
	20. 10. 28.	
48.	S. Hilarius.	461
	5. 9. 29.	
49.	S. Simplicius.	467
	15. 5. 10.	
50.	S. Felix III.	482
	8. 11. 22.	

51. S.

# 306 *Chronologica Romanorum*

<i>Ord. suc.</i>		<i>An. Chr.</i>
51.	S. Gelafius I. an. 4. men. 8. d. 19.	492
52.	S. Anastasius II. 1. 11. 23.	496
53.	S. Symmachus. 15. 7. 27.	498

## SÆCULUM VI.

54.	S. Hormisda. 9. --. 10.	514
55.	S. Joannes I. 2. 9. 14.	523
56.	S. Felix IV. 4. 2. 18.	526
57.	Bonifacius II. 2. --. 2.	530
58.	Joannes II. 2. 8. --.	532
59.	S. Agapetus I. 2. --. --.	535
60.	S. Silverius. 3. --. --.	537
61.	Vigilius 15. 6. 10.	540
62.	Pelagius I. 4. 10. 18.	555
63.	Joannes III. 2. 11. 16.	559
64.	Benedictus I. 4. 2. 15.	573
65.	Pelagius II. 12. 2. 27.	577

66. S.

*Ord. suc.* *An. Chr.*  
 66. S. Gregorius I. Magnus 590  
 an. 13. men. 6. d. 10.

SÆCULUM VII.

67. Sabinianus 604  
 --. 5. 19.  
 68. Bonifacius III. 606  
 --. 8. 23.  
 69. S. Bonifacius IV. 607  
 8. 8. 20.  
 70. S. Deusdedit 615  
 2. 11. 26.  
 71. Bonifacius V. 618  
 7. 10. 1.  
 72. Honorius I. 626  
 12. 4. 27.  
 73. Severinus. 638  
 1.  
 74. Joannes IV. 639  
 1. 9. 6.  
 75. Theodorus I. 641  
 7. 5. 20.  
 76. S. Martinus I. 649  
 6. 1. 26.  
 77. S. Eugenius I. 654  
 1. 6. --.  
 78. S. Vitalianus 655  
 14. 5. 27.  
 79. Adeodatus. 669  
 7. 2. 17.  
 80. Donus I. 676  
 1. 5. 10.

81. S.

<i>Ord. suc.</i>		<i>An. Chr.</i>
81.	S. Agatho an. 4. men. 1. d. 15.	678
82.	S. Leo II. --. 10. 17.	683
83.	S. Benedictus. II. --. 10. 27.	684
84.	Joannes V. I. --. 11.	685
85.	Conon --. 11. 3.	686
86.	S. Sergius I. 13. 8. 14.	687

## SÆCULUM VIII.

87.	Joannes VI. 3. 2. 12.	701
88.	Joannes VII. 2. 7. 17.	705
89.	Sifinius. --. --. 20.	708
90.	Constantinus. 6. 1. 2.	708
91.	S. Gregorius II. 16. 8. 20.	714
92.	S. Gregorius III. 10. 9. 12.	731
93.	S. Zacharias. 10. 3. 10	741
94.	Stephanus II. --. --. 3.	752
95.	Stephanus III. 5. --. 28.	752

96. S.



<i>Ord. suc.</i>		<i>An. Chr.</i>
96.	S. Paulus I. an. 10. men. 1. d. 1.	757
97.	Stephanus IV. 3. 5. 28.	768
98.	Adrianus I. 23. 10. 18.	772
99.	Leo III. 20. 5. 17.	795

# SÆCULUM IX.

100.	Stephanus V. --. 5. 3.	816
101.	S. Paschalis I. 7. 3. 16.	817
102.	Eugenius II. 3. 6. --.	824
103.	Valentinus. --. 1. 30.	827
104.	Gregorius IV. 16. --. --.	827
105.	Sergius II. 3. 2. 3.	844
106.	S. Leo IV. 8. 3. 5.	847
107.	Benedictus III. 2. 6. 10.	855
108.	S. Nicolaus I. Mag. 9. 6. 20.	858
109.	Adrianus II. 4. 10. 17.	867
110.	Joannes VIII. 10. --. 1.	872

111. Mar.

# 310 *Chronologica Romanorum*

<i>Ord. suc.</i>		<i>An. Chr.</i>
111.	Martinus II. an. 1. men. --. d. 20.	882
112.	Adrianus III. 1. 3. 19.	884
113.	Stephanus VI. 6. --. 9.	885
114.	Formosus. 5. 6. 10.	891
115.	Bonifacius VI. dies 15.	897
116.	Stephanus VII. Schif. 3. --. --.	897
117.	Romanus. men. 4.	900

## SÆCULUM X.

118.	Theodorus II. dies 20.	901
119.	Joannes IX. 4. --. 15.	901
120.	Benedictus IV. 3. 3. --.	905
121.	Leo V. --. 1. 10.	907
122.	Christophorus Schif. men. 8.	907
123.	Sergius III. 3. --. --.	908
124.	Anastasius III. 2. 2. --.	910
125.	Lando. --. 6. 21.	912

126. Joan-

<i>Ord. suc.</i>		<i>An. Chr.</i>
126.	Joannes X.	913
	an. 15. men. 2. d. 15.	
127.	Leo VI.	928
	--. 6. 15.	
128.	Stephanus VIII.	929
	2. 1. 15.	
129.	Joannes XI.	931
	4. 10. --.	
130.	Leo VII.	936
	3. 6. 10.	
131.	Stephanus IX.	939
	3. 4. 5.	
132.	Martinus III.	943
	3. 6. 13.	
133.	Agapetus II.	946
	9. 7. 10.	
134.	Joannes XII.	955
	an. 9.	
135.	Benedictus V.	964
	men. 6. dies 5.	
136.	Leo VIII. Schif.	964
	men. 9.	
137.	Joannes XIII.	965
	6. 11. 5.	
138.	Donus II.	972
	men. 3.	
139.	Benedictus VI.	972
	1. 2. --.	
140.	Bonifacius VII.	974
	--. 7. 15.	
141.	Benedictus VII.	975
	9. 1. 10.	
	142. Joan-	

# 312 *Chronologica Romanorum*

<i>Ord. suc.</i>		<i>An. Chr.</i>
142.	Joannes XIV. an. --. men. 8. d. --.	984
143.	Joannes XV. 10. 4. 12.	985
144.	Joannes XVI. men. 4.	996
145.	Gregorius V. 3. 8. --.	996 *
146.	Joannes XVII. Schif. men. 10.	996
147.	Silvester 2. an. 4.	999

## SÆCULUM XI.

148.	Joannes XVIII. men. 5.	1003
149.	Joannes XIX. 5. 7. 28.	1003
150.	Sergius IV. 2. 8. 13.	1029
151.	Benedictus VIII. an. 12.	1012
152.	Joannes XX. 9. 8. 8.	1024
153.	Benedictus IX. 11. --. --.	1033
154.	Silvester III. Schif. --. 1. 19.	1045
155.	Gregorius VI. Schif. 1. 6. --.	1045
156.	Clemens II. 7. 9. 15.	1046

157. Da-

*Pontificum Series.* 313

<i>Ord. suc.</i>		<i>An. Chr.</i>
157.	Damasus II.	1048
	an. --. men. --. dies 23.	
158.	S. Leo IX.	1049
	5. 2. 7.	
159.	Victor II.	1054
	2. 3. 15.	
160.	Stephanus X.	1057
	--. 7. 8.	
161.	Benedictus X. Schif.	1058
	--. 9. 20.	
162.	Nicolaus II.	1059
	2. 6. --.	
163.	Alexander II.	1061
	11. 6. 22.	
164.	S. Gregorius VII.	1073
	12. 1. 3.	
165.	Victor III.	1086
	1. 3. 24.	
166.	Urbanus II.	1088
	11. 4. 18.	
167.	Paschalis II.	1099
	18. 5. 4.	

S Æ C U L U M XII.

168.	Gelasius II.	1118
	1. --. 4.	
169.	Callistus II.	1119
	5. 10. 13.	
170.	Honorius II.	1124
	5. 1. 17.	
171.	Innocentius II.	1130
	13. 7. 10.	
	O	172. Cæ

# 314 Chronologica Romanorum

Ord. suc.		An. Chr.
172.	Cœlestinus II. an. --. men. 5. d. 13.	1143
173.	Lucius II. --. 11. 14.	1144
174.	Eugenius III. 8. 4. 13.	1145
175.	Anastasius IV. 1. 4. 24.	1153
176.	Adrianus IV. 4. 8. 24.	1154
177.	Alexander III. 21. 11. 23.	1159
178.	Lucius III. 4. 2. 18.	1181
179.	Urbanus III. 1. 10. 25.	1185
180.	Gregorius VIII. --. 1. 27.	1187
181.	Clemens III. 3. 3. 15.	1188
182.	Clestinus III. 6. 8. 28	1191
183.	Innocentius III. 18. 6. 9.	1198

## SÆCULUM XIII.

184.	Honorius III. 10. 8. --.	1216
185.	Gregorius IX. 14. 5. 3.	1227
186.	Cœlestinus IV. dies 17.	1241
		187. In-



*Pontificum Series.* 315

<i>Ord. suc.</i>		<i>An. Chr.</i>
187.	Innocentius IV. an. 11. men. 5. d. 14.	1243
188.	Alexander IV. 6. 5. 4.	1254
189.	Urbanus IV. 3. 1. 4.	1261
190.	Clemens IV. 3. 9. 25.	1265
191.	S. Gregorius X. 4. 4. 10.	1271
192.	Innocentius V. --. 5. 5.	1276
193.	Adrianus V. --. 1. 9.	1276
194.	Vicedominus dictus. Gregorius XI. aliquot horas.	1276
195.	Joannes XXI. --. 8. 8.	1276
196.	Nicolaus III. 2. 8. 27.	1277
197.	Martinus IV. 4. 1. 7.	1281
198.	Honorius IV. 2. --. 1.	1285
199.	Nicolaus IV. 4. 1. 14.	1287
200.	S. Cœlestinus V. --. 5. 8.	1294
201.	Bonifacius VIII. 8. 9. 18.	1294

# 316 *Chronologica Romanorum*

*Ord. suc.*

*An. Chr.*

## SÆCULUM XIV.

202.	Benedictus XI.	1303
	an. -- . men. 8. d. 6.	
203.	Clemens V.	1305
	8. 10. 16.	
204.	Joannes XXII.	1316
	18. 4. --.	
205.	Benedictus XII.	1334
	7. 4. 6.	
206.	Clemens VI.	1342
	10. 7. --.	
207.	Innocentius VI.	1352
	9. 8. 20	
208.	Urbanus V.	1362
	8. 3. --.	
209.	Gregorius XI.	1370
	7. 2. 24.	
210.	Urbanus VI.	1378
	11. 6. 8.	
211.	Bonifacius IX.	1389
	14. 11. --.	

## SÆCULUM XV.

212.	Innocentius VII.	1404
	2. --. 22.	
213.	Gregorius XII.	1406
	3. 7. 5.	
214.	Alexander V.	1409
	--. 10. 8.	
	215. Joan-	

<i>Ord. suc.</i>		<i>An. Chr.</i>
215.	Joannes XXIII. an. 5. men. --. d. 16.	1410
216.	Martinus V. 13. 3. 12.	1417
217.	Eugenius IV. 15. 11. 21.	1431
218.	Nicolaus V. 8. --. 19.	1447
219.	Callistus III. 3. 3. 28.	1455
220.	Pius II. 5. 11. 27.	1458
221.	Paulus II. 6. 10. 26.	1464
222.	Xystus IV. 13. --. 5.	1471
223.	Innocentius VIII. 7. 10. 27.	1484
224.	Alexander VI. 11. --. 8.	1492

**SÆCULUM XVI.**

225.	Pius III. dies 26.	1503
226.	Julius II. 9. 3. 21.	1503
227.	Leo X. 8. 8. 20.	1513
228.	Adrianus VI. 1. 8. 6.	1522
229.	Clemens VII. 10. 10. 7.	1523
	O 3 230. Pau.	

# 318 *Chronologica Romanorum*

<i>Ord. suc.</i>		<i>An. Chr.</i>
230.	Paulus III. an. 15. men. -. d. 18.	1534.
231.	Julius III. 5. 1. 16.	1550.
232.	Marcellus II. dies. 22.	1555.
233.	Paulus IV. 4. 2. 24.	1555.
234.	Pius IV. 5. 11. 15.	1560.
235.	S. Pius V. 6. 3. 24.	1566.
236.	Gregorius XIII. 12. 10. 24.	1572.
237.	Xystus V. 5. 4. 3.	1585.
238.	Urbanus VII. dies. 12.	1590.
239.	Gregorius XIV. -. 10. 10.	1590.
240.	Innocentius IX. --. 2. 1.	1591.
241.	Clemens VIII. 13. 1. 3.	1592.

## SÆCULUM XVII.

242.	Leo XI. dies. 25.	1605.
243.	Paulus V. 15. 10. 15.	1605.
244.	Gregorius XV. 2. 5. --.	1621.
	245. Ur-	

<i>Ord. suc.</i>		<i>An. Chr.</i>
245.	Urbanus VIII. an. 21. men. 1. d. 24.	1623
246.	Innocentius X. 10. 3. 22.	1644
247.	Alexander VII. 12. 1. 15.	1655
248.	Clemens IX. 2. 5. 19.	1667
249.	Clemens X. 6. 2. 23.	1670
250.	Innocentius XI. 12. 10. 20.	1676
251.	Alexander VIII. 1. 3. 26.	1689
252.	Innocentius XII. 9. 2. 15.	1691
253.	Clemens XI. 20. 3. 24.	1700

# SÆCULUM XVIII.

254.	Innocentius XIII. 2. 9. 28.	1721
255.	Benedictus XIII. Pontificiam dignitatem obtinet.	1724

# ALPHABETICA ROMANORUM PONTIFICUM SERIES

*Cum ordine Successionis, &  
Anno Christi, quo sedere  
coeperunt.*

*Ord. suc.*

*An. Chr.*

A

79.	<b>A</b> Deodatus	669
98.	Adrianus i.	772
109.	Adrianus ii.	867
112.	Adrianus iii.	884
176.	Adrianus iv.	1154
193.	Adrianus v.	1276
228.	Adrianus vi.	1522
59.	Agapetus i.	135
133.	Agapetus ii.	946
81.	Agatho.	678
7.	Alexander i.	121
163.	Alexander ii.	1061
177.	Alexander iii.	1159
188.	Alexander iv.	1254
214.	Alexander v.	1409
224.	Alexander vi.	1492
	247. A.	



<i>Ord. suc.</i>		<i>An. Chr.</i>
247.	Alexander vii.	1639
251.	Alexander viii.	1689
9.	Anacletus.	103
41.	Anastasius i.	398
52.	Anastasius ii.	496
124.	Anastasius iii.	910
175.	Anastasius iv.	1153
12.	Anicetus.	167
20.	Anterus.	237

B

64.	<b>B</b> enedictus i.	573
83.	Benedictus ii.	684
107.	Benedictus iii.	859
120.	Benedictus iv.	905
135.	Benedictus v.	964
139.	Benedictus vi.	972
141.	Benedictus vii.	979
151.	Benedictus viii.	1012
153.	Benedictus ix.	1033.
161.	Benedictus x.	1058
202.	Benedictus xi.	1303
209.	Benedictus xii.	1334
255.	Benedictus xiii.	1724
44.	Bonifacius i.	418
57.	Bonifacius ii.	530
68.	Bonifacius iii.	606
69.	Bonifacius iv.	607
71.	Bonifacius v.	618
115.	Bonifacius vi.	897
140.	Bonifacius vii.	974
201.	Bonifacius viii.	1294
211.	Bonifacius ix.	1389

O 5

29. Ca

## C

29.	<b>C</b> Ajus.	284.
17.	Callistus i.	221
169.	Callistus ii.	1119
219.	Callistus iii.	1455
45.	Cælestinus i.	423
172.	Cælestinus ii.	1143
182.	Cælestinus iii.	1191
186.	Cælestinus iv.	1241
200.	Cælestinus v.	1294
122	Christophorus.	907
4.	Clemens i.	93
156.	Clemens ii.	1046
181.	Clemens iii.	1188
190.	Clemens iv.	1265
203.	Clemens v.	1305
206.	Clemens vi.	1342
229.	Clemens vii.	1523
241.	Clemens viii.	1592
248.	Clemens ix.	1667
249.	Clemens x.	1670
253.	Clemens xi.	1700
3.	Cletus.	81
85.	Conon.	686
90.	Constantinus.	708
22.	Cornelius.	254.

## D

39.	<b>D</b> Amasus i.	367.
157.	Damasus ii.	1048
70.	Deusdedit.	614
	26. Dio.	

<i>Ord. suc.</i>		<i>An. Chr.</i>
26.	Dionysius.	261
80.	Donus i.	676
138.	Donus ii.	972

**E**

14.	<b>E</b> leutherius.	179
6.	Euaristus.	112
27.	Eugenius i.	654
102.	Eugenius ii.	824
174.	Eugenius iii.	1145
217.	Eugenius iv.	1431
32.	Eusebius.	309
28.	Eutychianus.	275

**F**

21.	<b>F</b> abianus.	238
27.	Felix i.	272
38.	Felix ii.	355
50.	Felix iii.	483
56.	Felix iv.	526
114.	Formosus.	891

**G**

51.	<b>G</b> elasius i.	492
168.	Gelasius ii.	1118
66.	Gregorius i.	590
91.	Gregorius ii.	714
92.	Gregorius iii.	731
104.	Gregorius iv.	827
145.	Gregorius v.	996
155.	Gregorius vi.	1045

164. Gre-

# 324 *Alphabetica Romanorum*

<i>Ord. suc.</i>		<i>An. Chr.</i>
164.	Gregorius vii.	1073
180.	Gregorius viii.	1187
189.	Gregorius ix.	1227
191.	Gregorius x.	1271
209.	Gregorius xi.	1370
213.	Gregorius xii.	1406
236.	Gregorius xiii.	1472
239.	Gregorius xiv.	1590
244.	Gregorius xv.	1621

## H

10.	<b>H</b> yginaus.	154
48.	Hilarius.	461
72.	Honorius i.	626
170.	Honorius ii.	1124
184.	Honorius iii.	1216
198.	Honorius iv.	1289
54.	Hormisdas.	514

## I

42.	<b>I</b> nnocentius i.	402
171.	Innocentius ii.	1130
183.	Innocentius iii.	1198
187.	Innocentius iv.	1243
192.	Innocentius v.	1276
207.	Innocentius vi.	1352
212.	Innocentius vii.	1404
223.	Innocentius viii.	1484
240.	Innocentius ix.	1591
246.	Innocentius x.	1644
250.	Innocentius xi.	1676
252.	Innocentius xii.	1691

253. In-

Ord. suc.	An. Chr.
254. Innocentius xiii.	1721
55. Joannes i.	123
58. Joannes ii.	132
63. Joannes iii.	159
74. Joannes iv.	639
84. Joannes v.	685
87. Joannes vi.	701
88. Joannes vii.	705
110. Joannes viii.	872
119. Joannes ix.	901
126. Joannes x.	913
129. Joannes xi.	931
134. Joannes xii.	955
137. Joannes xiii.	965
142. Joannes xiv.	984
143. Joannes xv.	985
144. Joannes xvi.	996
146. Joannes xvii.	996
148. Joannes xviii.	1003
149. Joannes xix.	1003
152. Joannes xx.	1024
195. Joannes xxi.	1276
204. Joannes xxii.	1316
215. Joannes xxiii.	1410
36. Julius i.	336
226. Julius ii.	1503
231. Julius iii.	1550

## L

125.	<b>L</b> Ando.	912
47.	Leo i.	440
82.	Leo ii.	683
99.	Leo iii.	795
	106. Leo	

# 326 *Alphabetica Romanorum*

<i>Ord. suc.</i>		<i>An. Chr.</i>
106.	Leo iv.	847
121.	Leo v.	907
127.	Leo vi.	928
130.	Leo vii.	936
136.	Leo viii.	964
158.	Leo ix.	1049
227.	Leo x.	1513
242.	Leo xi.	1605
37.	Liberius.	352
2.	Linus.	70
23.	Lucius i.	256
173.	Lucius ii.	1144
178.	Lucius iii.	1181

## M

30.	<b>M</b> Arcellinus.	296
31.	Marcellus i.	304
232.	Marcellus ii.	1555
35.	Marcus.	336
26.	Martinus i.	649
111.	Martinus ii.	882
132.	Martinus iii.	943
197.	Martinus iv.	1281
216.	Martinus v.	1417
33.	Melchiades.	311

## N

108.	<b>N</b> icolaus i.	858
162.	Nicolaus ii.	1059
196.	Nicolaus iii.	1277
199.	Nicolaus iv.	1287
218.	Nicolaus v.	1447
	101. Pa-	



*Ord. suc.*

*An. Chr.*

P

101.	<b>P</b> aschalis i.	817
167.	Paschalis ii.	1099
96.	Paulus i.	717
221.	Paulus ii.	1464
230.	Paulus iii.	1534
233.	Paulus iv.	1555
243.	Paulus v.	1605
62.	Pelagius i.	559
65.	Pelagius ii.	577
1.	PETRUS.	44
11.	Pius i.	158
220.	Pius ii.	1458
224.	Pius iii.	1503
234.	Pius iv.	1560
235.	Pius v.	1566
19.	Pontianus.	233

R

117.	<b>R</b> omanus.	990
------	------------------	-----

S

67.	<b>S</b> abinianus.	604
86.	Sergius i.	687
105.	Sergius ii.	844
123.	Sergius iii.	908
150.	Sergius iv.	1009
73.	Severinus.	638
34.	Silvester i.	314
147.	Silvester ii.	999
	154. Sil-	

<i>Ord. suc.</i>		<i>An. Chr.</i>
154.	Silvester iii.	1047
60.	Silverius.	139
53.	Symmachus.	498
49.	Simplicius.	467
40.	Siricius.	387
89.	Sifinius.	708
13.	Soter.	177
24.	Stephanus i.	277
94.	Stephanus ii.	752
95.	Stephanus iii.	752
97.	Stephanus iv.	768
100.	Stephanus v.	816
113.	Stephanus vi.	887
116.	Stephanus vii.	897
128.	Stephanus viii.	929
131.	Stephanus ix.	939
160.	Stephanus x.	1057

## T

9.	<b>T</b> Elefphorus.	142
75.	Theodorus i.	641
118.	Theodorus ii.	901

## V

103.	<b>V</b> Alentinus.	827
194.	Vicedominus, dictus aliquot horis Gregorius xi.	1276
15.	Victor i.	194
159.	Victor ii.	1054
165.	Victor iii.	1086
61.	Vigilius.	540
78.	Vitalianus.	657

18. Ur.


<i>Ord. suc.</i>		<i>An. Chr.</i>
18.	Urbanus i.	226
166.	Urbanus ii.	1088
179.	Urbanus iii.	1185
189.	Urbanus iv.	1261
208.	Urbanus v.	1362
210.	Urbanus vi.	1378
238.	Urbanus vii.	1590
244.	Urbanus viii.	1623

X


8.	<b>X</b> ystus i.	132
25.	Xystus ii.	260
46.	Xystus iii.	432
222.	Xystus iv.	1471
237.	Xystus v.	1585

Z

93.	<b>Z</b> acharias.	741
16.	Zephyrinus.	209
43.	Zosimus.	417










ELENCHUS NOTITIÆ  
ROMANORUM  
PONTIFICUM

In Sectiones triginta  
distributus,

*E T*  
ONOMASTICON.



# ELENCHUS NOTITIÆ ROMANORUM PONTIFICUM

In Sectiones triginta  
distributus.

## SECTION I.

*Pontifices ab Ecclesia pro Sanctis habiti : qui Martyres , qui Confessores.*

**T**rigintatres primi pp. sub decem primis Ecclesiæ persecutionibus, Martyrii honore omnes decorati sunt : quibus accedunt alii quatuor ab Hæreticis passi , nempe Felix 2. Joannes 1. Silverius , & Martinus 1. sicque trigintaseptem Martyres summos Pontifices colit Ecclesia. Confessores vero non pauciores ; quorum primicerius S. Silvester, Papa trigesimusquartus ; Marcus Papa 35. Julius 36. Liberius 37. Damasus 39. Anastasius 41. Innocentius 42. Zosimus 43. Bonifacius 44. Cælestinus 45. Xystus

Tertius 46. Leo Magnus 47. Hilarius 48. Simplicius 49. Felix Tertius 50. Gelasius 51. Anastasius Secundus 52. Symmachus 53. Hormisdas 54. Felix Quartus 56. Agapetus 59. Gregorius Magnus 66. Bonifacius Quartus 69. Deusdedit 70. Agatho 81. Leo Secundus 82. Benedictus Secundus 83. Sergius 86. Gregorius Secundus 91. & Tertius 92. Zacharias 93. Paulus 96. Paschalis Papa 101. Leo quartus 106. Nicolaus 108. Leo Nonus 158. Gregorius Septimus 164. Gregorius Decimus 191. Cælestinus Quintus 200. & Pius Quintus 235. omnes numero quadraginta Confessores, & Martyres trigintaseptem faciunt simul numerum 77. Sanctorum Pontificum.

## S E C T I O II.

*Decem prima Ecclesiæ Persecutiones, sub quibus trigintatres primi Pontifices passi sunt.*

**P**rima incæpit sub Nerone, anno Christiano 64. Passi sunt Petrus & Linus.

*Secunda* sub Domitiano, anno 92. passus est Cletus.

*Tertia* sub Trajano, & Adriano, an-

anno 100. passi sunt Clemens, Anacletus, Evaristus, Alexander, & Xystus.

*Quarta* sub M. Aurelio Antonio, & Commodus, anno 163. passi sunt Telesphorus, Hyginus, Pius, Anicetus, Soter, Eleutherius.

*Quinta* sub Severo, anno 202. passi sunt Victor, Zephyrinus, Callistus, Urbanus, Pontianus.

*Sexta* sub Maximino, anno 235. passus Anterus.

*Septima* sub Decio, anno 250. passus Fabianus, & continuata sub Gallo, & Volusiano filio; passusque est Cornelius anno 254.

*Octava* sub Valeriano, & filio Gallieno, anno 257. passi sunt Lucius, Stephanus, Xystus 2. & Dionysius.

*Nona* sub Aureliano, anno 272. passi Felix, & Eutychianus.

*Decima* eaque atrocissima, sub Diocletiano & Maximiano, circa annum 300. passi sunt Cajus, Marcellinus, Marcellus, Eusebius, Melchiades. Cessavit postea persecutio sub Constantino Magno Christi sacris imbuto: sed sub filio ejus Constantio hæresi Ariana infecto, & sub Juliano Apostata, Constantini ex fratre nepote, ac

Valente, iterum, licet non ita, in Pontifices Romanos defæviit: tandem Ariani, Vvandali, Persæ, Arabes, Hunni, & reliqui Ecclesiæ Catholicæ hostes, ipsos etiam Pontifices, Felicem Secundum, Joannem, Silverium, & Martinum affixerunt.

### SECTIO III.

*Figinti Concilia Generalia, sive Oecumenica, sub quibus Pontificibus habita, & quæ hæreses condemnatae.*

I. **N**ICÆNUM 318. Patrum, sub Silvestro, anno Christi 325. quando Arius condemnatus est, qui Christum, non ejusdem, sed similis cum Patre substantiæ, & sic minorem asseribat.

II. Constantinopolitanum 150. Patrum, sub Damaso anno 381. contra Macedonianos, Spiritum Sanctum non Deum, sed Creaturam esse contendentes.

III. Ephesinum 200. Patrum, sub Cœlestino, anno 431. quando Nestorius condemnatus est, qui Virginem Matrem Christum hominem tantum, & non Deum peperisse dicebat.

IV. Chal-



IV. Chalcedonense 630. Patrum, sub Leone Magno, anno 451. contra Eutychem Abbatem Constantinopolitanum, qui asserbat Christum post humanitatis assumptionem non ex duabus naturis, sed sola divina constituisse: & corpus ab ipso assumptum fuisse phantasticum. Quibus quatuor primis Conciliis S. Gregorius Papa tamquam quatuor Euangelis honorem haberi voluit.

V. Constantinopolitanum Secundum, Patrum 165. sub Vigilio anno 553. contra Origenistas, quorum dogma erat, animas ante corpora extitisse, suppliciorum infernalium finem futurum, & Dæmones primam dignitatem recuperaturos.

VI. Constantinopolitanum Tertium, Patrum 170. sub Agathone, anno 681. contra Monothelitas unam tantummodo voluntatem & operationem in Christo prædicantes: cujus acta Leo 2. successor approbavit.

VII. Nicænum Secundum, Patrum 350. sub Adriano Primo, anno 787. contra Iconomachos, sive Imaginum impugnatores.

VIII. Constantinopolitanum Quartum. Patrum 383. sub Adria-

no Secundo anno 869. indictum fuit ut prospiceretur lapsis, qui Photio sæpius excommunicato communicarant, & plenissime consuleretur statui Orientis Ecclesiæ. Et hæc quidem Concilia apud Græcos habita sunt, auctoritate Romanorum Pontificum. Apud Latinos autem Romæ habitum fuit œcumenicum Concilium

IX. Lateranense Primum sub Callisto Secundo, anno 1123. Prælatorum circiter mille; quando ab Imperatore facta est restitutio Investiturarum, & pax inter Pontificem Imperatoremque diu scissa coaluit.

X. Lateranense secundum sub Innocentio Secundo anno 1139. tot constans fere Patribus quot præcedens; in quo damnatus fuit Arnoldus de Brixia, qui Clericos, præter Decimas, possessiones habere posse negabat.

XI. Lateranense tertium sub Alexandro Tertio; anno 1179. Episcoporum 310. contra Vvaldenses, sive Pauperes de Lugduno, & Albigenes hæreticos.

XII. Lateranense quartum sub Innocentio Tertio anno 1215. numero Prælatorum vix comprehenso, contra hæreticos negantes tran-

transubstantiationem panis & vini in Corpus & Sanguinem Christi.

XIII. Lugdunense primum sub Innocentio Quarto anno 1245. ( de numero Prælatorum non constat ) contra Fredericum Secundum Imperatorem , Ecclesiæ rebellem.

XIV. Lugdunense secundum sub Gregorio Decimo anno 1274. mille & amplius Patrum, contra errores Græcorum : quando opera S. Bonaventuræ unio facta est Ecclesiæ Latinæ cum Græca.

XV. Viennense in Gallia sub Clemente Quinto anno 1311. Episcoporum 300. præter Abbates, & Doctores, contra hæreses Fratricellorum, Dulcinistarum, & Beguinorum : & extincti sunt Templarii.

XVI. Constantiense sub Joanne Vigesimo secundo anno 1414. cum essent tres incerti Pontifices, & abdicantibus duobus, legitime electus fuit Martinus Quintus; in quo Concilio fuere Cardinales 29. Patriarchæ 4. Archiepiscopi 47. Episcopi 270. præter Abbates, & Priores.

XVII. Basileense sub Eugenio Quarto, anno 1431. quod œcume-

nice & legitime cœpit, sed in Schisma desiit; eo quod sustineretur Papam non esse supra Concilium.

XVIII. Florentinum sub eodem Eugenio, anno 1438. ad Schisma frænandum, & errores Græcorum tollendos.

XIX. Lateranense Quintum sub Julio Secundo, & Leone Decimo, ab anno Christi 1512. usque ad 1517. ad extirpationem Schismatis, quod Pisano Conciliabulo propagatum fuit, vide summam Conciliorum.

XX. Tridentinum sub Pontificibus Paulo Tertio, Julio Tertio, & Pio Quarto, ab anno Christi 1545. usque ad 1563. adversus hæreses Lutheranorum, aliorumque Novatorum; numerus, & nomina Prælatorum in editionibus hujus Concilii passim habentur.

#### S E C T I O IV.

*Ex Ordinibus Regularium ad summum Pontificatum assumpti..*

**I**Nter primos Ecclesiæ Pontifices nonnulli fuerunt ex Monasteriis Orientalibus hic non ita notis assumpti, quales fuerunt,  
Te-

Telephorus , Hyginus , Dionysius , &c.

*Benedictini* autem in Occidente notissimi facile triginta numerant ; hi vero fuisse dicuntur : Pelagius secundus , & successor ejus Gregorius primus , 2. 3. 4. & 8. Bonifacius 4. Adeodatus , Agatho , Zacharias , Stephanus 4. & 10. Paschalis primus , Joannes 2. & 9. Leo 5. & 9. Sergius 4. Victor 3. Silvester 2. Gelasius 2. Alexander 4. Clemens 6.

Interque Benedictinos *Cluniacenses* : Gregorius Septimus , Paschalis 2. Urbanus 2. ex Canonico Regulari Lateranensi Monachus Cluniacensis , & Urbanus 5.

*Cistercienses* Benedictini ( ut illorum narrat Martyrologium ) fuerunt Eugenius 3. Alexander 3. Urbanus 4. Benedictus 12.

*Cælestini* item Benedictini Fundatorem habent Pontificem Maximum Cælestinum Quintum .

*Carthusiani* duos sibi ascribere possunt , videlicet Urbanum 2. qui ex Canonico Regulari , dein Monacho Benedictino fuit sancti Brunonis discipulus , uti in lectionibus Breviarii 6. Octobris legitur ; & Clementem Quartum , qui post obitum uxoris ad Carthusianos se-

cesserat, sed rogatu Regis Franciæ S. Ludovici, Monasterio egressus, ipsi a consiliis factus erat; institutum eorum, in abstinendo carnibus, & gestando cilicio; etiam summus Pontifex semper observavit.

*Canonici Aureliani*, five *Augustiniani*, qui addita interpretatione latina *Regulares* vocantur, plurimos numerant. videlicet: *Leones* Primum, Secundum, Tertium, Quartum, & Octavum: *Gelasium* 1. *Felicem* 3. *Stephanum* 4. ex Canonico Regulari *Benedictinum* factum: tres *Priores Honorios*: Primum, & secundum *Sergios*, totidem *Paschales*: Tertium, & Quartum *Benedictos*: *Urbanum* 2. dein *Benedictinum*: *Formosum*, *Landum*, *Alexandros*, & *Innocentios* 2. 3. *Callistum*, & *Lucium* 2. *Eugenios* 2. & 4. *Anastasium* 4. & immediatum successorem, *Adrianum* 4. & reliquos: imo plures quam *Benedictini*, utpote antiquiores, inter suos referunt; & inter utrosque de nonnullis est contentio. Cum enim *Gothi Cassinum* invasissent, fugientes *Cassinates* ad *Canonicos Regulares Lateranenses* se transtulerunt; nonnullique ex his *Benedictinorum* regulari ob-

ser-



servantia permoti, se illorum disciplinæ tradiderunt: hinc utrique nonnullos eosdem inter suos referunt.

*Eremitæ Augustiniani* suis ascribunt S. Augustini discipulum Gelasium Primum, & Amadeum e Duce Sabaudia humilem in solitudine eremitam factum; qui a Concilio Basileensi contra Eugenium 4. suffectus, & Felix 5. vocatus, per annos fere decem se pro Pontifice gessit: sed cognito errore non sua culpa commisso Papatum sponte deposuit. vide supra in Eugenio 4. & Nicolao 5. item professus est Regulam S. Augustini Clemens 7. antea vocatus Frater Julius de Medicis, Ordinis Militiæ Hierosolymitanæ.

*Carmelita*, qui antiquissimam suam trahunt originem, duos quoque antiquissimos Pontifices, eosque Monachos Græcos, Telesphorum, & Dionysium suos faciunt; item Benedictum Duodecimū ex Carmelita Cisterciensem Abbatem factum.

*Dominicani* quatuor habuerunt: Innocentium Quintum, quinto, & Benedictum 11. octavo Pontificatus mense defunctos, ac Pium 5. anno Pontificatus quinto. & Benedictum XIII. adhuc superstitem.

*Fran-*

*Franciscani* quatuor: duos Quar-  
 tos, & duos Quintos Pontifices  
 habuere, Nicolaum 4. & Alexan-  
 drum 5. Xystum 4. & Xystum 5.:  
 duos insuper pro suis tenent in  
 Epilogo Ordinis Seraphici, Gre-  
 gorium 9. qui sanctum Franciscum  
 canonizavit, multisque privilegiis  
 Franciscanos affecit, & ex devo-  
 tione eorum habitum in vita tu-  
 lit, eoque sepultus fuit: & Marti-  
 num 4. qui in Franciscano habitu  
 mori & sepeliri voluit. item Ju-  
 lius Secundus Nepos Xysti 4. di-  
 citur fuisse Novitius Minoritanus:  
 & Vicedominus, Gregorius Un-  
 decimus dictus, ipso electionis  
 die mortuus, Minorita fuisse scri-  
 bitur in Chronicis Minorum.  
 Tempore quo Pontifices Avenione  
 regnabant, electus fuit Romæ  
 in Antipapam Frater Petrus  
 de Corbario, qui relicta uxo-  
 re, Ordinem Minorum professus  
 fuerat, & Pseudo-pontifex factus  
 Nicolaus Quintus dictus fuit. per-  
 stititque in schismate annos tres &  
 menses totidem; donec transve-  
 ctus Avenionem, in publico Con-  
 sistorio abiecit se ad pedes veri  
 Pontificis Joannis 21. vide supra  
 in hoc Joanne. sic Minoritæ qua-  
 tuor proprios, & quinque impro-  
 prios

prios Pontifices numerare possunt. Computatis itaque omnibus, qui ex Ordinibus Regularibus ad summum Pontificatum eveſti fuerunt, numerantur facile ſeptuaginta.

## SECTION V.

*Qui & quot Pontifices variarum Nationum.*

**S**YRI fuerunt ſeptem: S. Petrus, Anicetus, Joannes 5. Sergius 1. Siſinius, ejuſque ſucceſſor Conſtantineus, & Gregorius 3.

*Græci* quatuordecim: Anaclethus, Euaristus, Teleſphorus, Hyginus, Eleutherius, Anterus, Xyſtus 2. Dionyſius, Eusebius, Zoſimus, Theodorus 1. Joannes 6. Joannes 7. & Zacharias.

*Itali* Pontifices fuerunt circiter 192. inter quos ultra centum *Romani*. *Veneti* quatuor, Gregorius 12. Eugenius 4. Paulus 2. & Alexander 8. *Siculi* tres Agatho, & ſucceſſor Leo 2. ac Stephanus 4.

*Afri* item tres: Victor, Melchisedes, Gelasius 1.

*Sardi* duo: Hilarius, & Symmachus.

*Dalmatæ* duo: Cajus, & Joannes 4.

*Thrax*

*Thrax* unicus Conon .

*Hispani* quatuor : duo *Lusitani* ; Damasus , & Joannes 21. duo *Valentini* ex familia Borgia : Callistus 3. & Alexander 6. Aliqui Melchiazdem Hispanum , & Mantuæ Carpentanorum ortum scribunt . Alphonsus Ciaconius Hispanus , in Callisto 3. ait , mirandum Hispanos nationem , ut sibi videtur , natam imperio , ante hoc tempus nullum protulisse Pontificem Romanum , nisi Damasum , Joannem 21. & hunc Callistum 3. quibus dein accessit Alexander 6.

*Galli* quatuordecim : Martinus , Silvester , Urbanus , & Nicolaus , quatuor Secundi . Urbanus , Clemens , & Martinus , tres Quarti ; & septem consequenter Avenione residentes , Clemens 5. Joannes 22. Benedictus 12. Clemens 6. Innocentius 6. Urbanus 5. Gregorius 11.

*Burgundi* duo : Callistus 2. & Innocentius 5.

*Germani* sex : Stephanus 8. Leo 9. inter quos :

*Saxones* duo : Gregorius 5. Clemens 2. & duo

*Bavari* : Damasus , & Victor Secundi . Aliqui Bonifacium Septimum notæ non ita bonæ Pontificem ,

ficem , plerisque ignotum , Germanum volunt , & Franconem antea vocatum .

*Anglus*: Adrianus 4.

*Belga*: Adrianus 6.

*Ignoti* fuerunt Dionysius , Sabianus , Christophorus , Bonifacius 7. Joannes 18.

## SECTIO VI.

*Pontifices optima inter antiquos nota.*

**P**ost tres & triginta primos , omnes Sanctos , eosque Martyres , sequitur Confessorum primicerius , Papa

34. *Silvester* , qui Ecclesiam annis fere 22. gubernans , eam optimis institutis adornavit .

39. *Damasus* Hispanus , vir egregius , & eruditus in Scripturis , scriptis clarus , & optimo per annos fere 18. regimine commendatissimus .

45. *Cælestinus* 1. a quo Nestorius damnatus , & Diva Virgo Theotocos , id est Deipara , vocata fuit : eum vocat Nicolaus Primus sanctissimum Doctorem , & Romanæ Sedis Præsulem egregium .

47. *Leo* Primus , ob excellentissimum doctrinæ , & curæ Pastoralis

lis studium, ut scripta probant,  
*Magnus* dictus: ejusque successor

48. *Hilarius* inter sublimes PP.  
 virtutum magnitudine effulsit.

59. *Agapetus*, vas Catholicum,  
 Euangelii tuba, Præco Justitiæ  
 &c. cujus sanctitatem, & miracula  
 S. Gregorius his & aliis verbis lib.  
 3. Dialogorum commemorat.

66. *Gregorius* magnis in Eccle-  
 siam meritis, *Magnus* merito co-  
 gnominatus.

82. *Leo* 2. Pontifex sanctissimus,  
 humanis & divinis literis Græce  
 & Latine, ac Musice doctus.

93. *Zacharias* vir Apostolicus,  
 græco latinoque sermone doctis-  
 simus, qui Ecclesiam summa vi-  
 gilantia gubernavit, & nonnulla  
 S. Gregorii opera, ut Græci fru-  
 ctum inde caperent, in eorum lin-  
 guam transtulit.

98. *Adrianus* Primus magnitu-  
 dine animi, consilio, doctrina, &  
 sanctitate vitæ cum quovis opti-  
 mo Pontifice comparandus, o-  
 mnium post Petrum in Pontificatu  
 per annos 24. diutissimus; ejusque  
 successor.

99. *Leo* 3. vir integer, pudicus,  
 & facundus, doctorum virorum a-  
 mator: qui primus solemnem san-  
 ctorum Apotheosim instituisse le-  
 gitur,



gitur, diuturnus quoque usque ad primum & vigesimum annum Pontifex: duoque hi egregii Pontifices annos 45. in Pontificatu successive impleverunt.

108. *Nicolaus* Primus cognomento Magnus, Magno Gregorio æquiparandus, vigore apostolico præstans, Bulgarorum, uti Gregorius Anglorum, Apostolus.

158. *Leo 9.* virtutum & miraculorum gloria insignis, post nubila, circa sæculum nonum, Ecclesiæ tempora, quasi sol novus exoriens, & in Sanctorum Canonem relatus.

## SECTIO VII.

*Pontifices invitæ, & renitentes:  
electi.*

**S**ANCTUS *Clemens* antiquus SS. Petri & Pauli discipulus, a Petro in Pontificatu ordinatus successor, ex humilitate recusavit; Lino, & dein Cleto, qui Coadiutores, sive Chorepiscopi Petri fuerant, locum cedens, quem iis defunctis tandem suscepit.

*Bonifacius 1.* vetus Presbyter in lege doctissimus, invitæ ac reluctans consecratur.

*Gre-*

*Gregorius Magnus* omnium consensu electus Pontifex; honorem hunc ne acciperet, quamdiu potuit, recusavit: nam alieno vestitu in spelunca delituit; ubi prehensus indicio igneæ columnæ, ad sanctum Petrum consecratur.

*Gregorius 4.* apprime eruditus, invitus & latebras quærens in Romana Sede collocatur.

*Benedictus 3.* diu reluctans, plorans, & Deum ac Sanctos testes faciens se nequaquam dignum esse qui tantæ Sedi præficeretur, Pontificium tandem munus suscepit: ejusque successor

*Nicolaus 1.* quasi alter *Gregorius*, Magnus merito vocatus, latebris extractus initiatur; successorque ipse

*Adrianus 2.* vir multarum virtutum, cum bis antehac ab omnibus ad Pontificatum expetitus, exquisitis excusationibus verecunde subterfugisset, tandem octogenarius, omnium votis perquisitus consecratur.

*Gregorius 7.* magno omnium consensu electus, invitus & reluctans, Henricum Germaniæ Regem per nuntios rogavit, ut electionem suam impediret: ejus successor

*Victor 3.* ingenti desiderio ab omni  
mini.

mnibus expetitus; cum quasi vi electus & consecratus fuisset, post quatuor dies Roma egressus, Pontificatus insignia dimisit, & ad Monasterium suum Cassinum se recipiens, rigidus in proposito, non potuit adduci, ut ea reciperet, nisi post annum.

*Gelasius 2.* summo Cardinalium, & aliorum consensu, invitus & renitens creatur.

*Honorius 2.* cum suam electionem minus Canonicam suspicaretur, post dies septem in præsentia omnium Cardinalium sponte Pontificatui renuntiavit: verum Cardinales perspecta ejus humili sinceritate, eum ut legitimum Papam adorantes, consuetam obedientiam exhibuerunt.

*Innocentius 3.* Junior Cardinalis Diaconus, ætatis anno tantum trigésimo renitens & lacrymans creatur.

*Cælestinus 5.* Eremitæ extractus, ægerrime Pontificatum admisit, & post quintum mensem omnino dimisit, aliusque ejus loco Pontifex electus fuit.

*Nicolaus 5.* Apostolico solio imponitur reluctans, & meliorem suadens electionem.

*Pius 5.* nolens & recusans assum-

sumptus, dixisse fertur: factus primum Religiosus, cœpi de salute mea sperare, dein Cardinalis dubitare, tandem Papa desperare.

*Clemens XI.* per tres integros dies delatum sibi Pontificatus honorem constantissime recusavit, donec tandem divino illo, qui semper Ecclesiæ Catholicæ præsto est, spiritu afflatus, totius Christiani orbis bono in electionem suam consensit.

Qui ultro ambiverunt, & intrusi sunt, vide in notæ non ita bonæ Pontificibus, & Pseudopontificibus.

## SECTION VIII.

*Qui Consanguineos non respexerunt.*

**A***drianus 4.* solus inter Pontifices Anglus, ne obolum quidem suis propinquis erogavit; Matremque pauperculam ali reliquit eleemosynis suæ Parochiæ.

*Clemens 4.* Nepoti habenti tria Beneficia duo detraxit, duas Filias ex legitimo prius Matrimonio habitas, tenui dote, unam in Monasterio, alteram suæ conditionis Marito elocavit, dicens se plus Deo, quam carni & sanguini debere.

*Mar-*

*Martinus* 4. cum germanus frater ad eum accessisset ut de tanto munere gratularetur, simulque multa recipere speraret; fratrem paucis muneribus donatum confestim domum redire iussit, affirmans bona Ecclesiæ, quæ sua non essent, nolle se sine ratione dissipare.

*Nicolaus* 4. primus ex Ordine Minorum ad Papatum evectus, probos & eruditos tantum Cognatorum loco habuit.

*Benedictus* 12. indignos & consanguineos a Beneficiis arcuit, dicens se nolle lutum exornare, & Papam non habere consanguineos: & illis qui eos commendabant, respondere solebat illud Davidicum: *Si mei non fuerint dominati, tunc immaculatus ero.*

*Adrianus* 6. solus Belga inter Pontifices, ædificare Sion in Sanguinibus nolebat: unum dumtaxat virum probum, eumque sibi perspectum, non consanguineum, & præterea nullum, Cardinalem creavit.

*Marcellus* 2. Pontifex factus, mox consanguineis suis accessum ad Curiam interdixit; duorumque Nepotum Romæ existentium visitationes congratulatorias admittere,

tere, eosque ab aliis adiri noluit.

*Innocentius* 12. ita animo fuit suis non addicto, ut edita constitutione Pontificum propinquos Ecclesiae bonis ditari prohibuerit, eaque tantum in suos uti liberalitate Romanis Pontificibus indulserit, quam erga alienos, & nulla cognatione, nulla affinitate, nulla amicitia conjunctos pauperes adhibere licitum est.

## SECTION IX.

*Nobiliori inter antiquos Pontifices Prosapia orti.*

**C***lemens* 1. e genere Imperatorum, summo loco Romae natus.

*Urbanus* 1. nobilis Romanus magnam Romanae Nobilitatis partem ad Christum convertit.

*Cajus* Maximi, Diocletiani Imperatoris fratris filius.

*Celestinus* 1. Valentiniani Imperatoris, amitæ suæ filii cognatus Germanus.

*Felix* 3. ex illustri Aniciorum prosapia, S. Gregorii Magni avus.

*Vigilius* ex nobilissimo genere ortus, Joannis Consularis viri filius.

*Joan-*



*Joannes* 3. cognomento Catellinus, Anastasii viri illustris filius.

*Gregorius* M. Anicius, uti Felix 3. atavus.

*Honorius* I. filius Petronii viri inter Consull. præcipui.

*Adrianus* I. natus Romæ, Patre Theodoro summæ nobilitatis viro.

*Sergius* 3. Romanus ex Comitibus Tusculanis.

*Joannes* 10. Ravennas ex familia Cynthia.

*Joannes* 11. Sergii 3. filius, ex Comitibus Tusculanis.

*Joannes* 12. ex Comitibus Tusc.

*Benedictus* 7. laudatissimus Pontif. filius Comit. Tuscul.

*Gregorius* 5. Germanus, affinis Othonis Imperatoris.

*Benedictus* 8. ex Comitibus Tusculanis, frater Pontificis sequentis.

*Joannes* 20. frater præcedentis, ex iisdem Comitibus,

*Benedictus* 9. Alberici Comit. Tusculani, duorum præcedentium Pontificum fratris filius.

*Leo* 9. Nobilis Germanus, Comes d' Asbourgh.

*Victor* 2. Germano-Bavarus, Comes Calbensis, Henrici Tertii Imperatoris propinquus, & Consiliarius.

*Stephanus* 10. filius & hæres Godelonis Ducis Lotharingæ, factus Monachus, & Abbas Cassinensis.

*Benedictus* 10. ex Comitibus Tusculanis, quæ familia septem Pontifices numerat.

*Gregorius* 7. Tuscus ex Comitibus Petilianis, & ipse Comes Petiliani.

*Victor* 3. Beneventanus, & Principis Beneventi filius primogenitus; intacta nobili Sponsa, veluti alter Alexius, clam aufugiens, eremum petiit.

*Callistus* 2. Burgundus Guilielmi Burgundiæ Comitis filius; Imperialis & Regiæ celsitudinis derivata consanguinitate generosus.

Reliquorum Pontificum nobilitatis insignia extant; sequiturque Prophetia Malachiæ, ex cujus interpretatione colligi potest, quales reliqui fuerint.

## S E C T I O X.

*Pontifices tenui parentela nati.*

**D**E S. PETRO Apostolorum, ac Pontificum Principe, piscatorio manuum labore quondam victitante, hic non est loquendum; satis cum Fratre suo Andrea,

drea, & filiis Zebedæi nobilitatus est, dum audirent a Christo: *Venite post me, faciam vos fieri pisces hominum.* & ipse Petrus præ reliquis: *Tu es Petrus, & super hanc Petram ædificabo Ecclesiam meam, & tibi dabo claves Regni Cælorum;* quæ Claves totius Pontificiæ Nobilitatis sunt insignia.

*S. Dionysius* origine obscura, quam auctor libri de Romanis Pontificibus inveniri posse negat: Pontus Heuterus de libera hominis nativitate eum spurium & illegitime natum scribit.

*Joannes 18.* Romanus scribitur fuisse ignobilissimus, Sicco antea vocatus.

*Damasus 2.* Popo Bagnarius dictus, ignobilis quidam Bavarus, vir alioquin ingeniosus & negotiis tractandis dexter.

*Adrianus 4.* Anglus, natus matre eleemosynis Ecclesiæ suæ Parochialis alii solita.

*Urbanus 4.* Gallus, is qui instituit festum Corporis Christi, natus fuit patre Cerdone.

*Nicolaus 4.* Ordinis Minorum Generalis, humili genere Asculi in Picentibus ortus.

*Cælestinus 5.* natus parentibus  
Q 2 piis.

piis , sed arctis domi rebus , ipse filiorum undecimus .

*Benedictus* 11. Italus Ordinis Prædicatorum Matrem habuit pannorum lotricem : quam sericis ornata vestibus agnoscere dissimulavit , in pannosis agnovit .

*Joannes* 22. Gallus natus patre scrutario ; ejusque immediatus successor ex sorore Nepos .

*Benedictus* 12. Gallus patre molitore natus , eumque in aliis quam molitoris vestibus agnoscere noluit ; nihilque ei præter certam pecuniæ summam , quæ sufficeret ad molam coemendam , dedisse dicitur .

*Bonifacius* 9. de paupere ( nobili quondam ) familia ortus , Clericus vagabundus , fortunam experturus , Romam se conferens , fit Papa .

*Alexander* 5. natus in Candia , origine non tantum aliis , sed etiam sibi ignota : nam suos ipse parentes ignorans , nihil de sua extractione noverat , nisi quod puer pauper emendicato pane vixisset .

*Nicolaus* 5. Italus Medici filius , natus matre ovorum & pullorum institrice , sive annonaria .

*Xystus* 4. ortus in pago mari vicino , patre piscatore ; cum quo  
eam

eam artem aliquamdiu exercuit ;  
deinde factus Minorita , fit tan-  
dem Papa .

*Adrianus* 6. Belga natus Ultra-  
jecti , patre naupego , sive navium  
fabricatore .

*Pius* 5. de quo Genebrardus ait :  
ex Opilione Dominicanus , inde  
Cardinalis , demum summus Pon-  
tifex , cui illud psalmi 77. compe-  
tebat : *Elegit David servum suum ,*  
*& sustulit eum de gregibus ovium , de*  
*post fœtantes accepit eum , pascere Ja-*  
*cob servum suum , & Israel hæredita-*  
*tem suam .*

*Xystus* 5. patrem habuit villi-  
cum , manuum labore victitantem ,  
alii Bubulcum , sive Porcarium di-  
cunt , ex Ordine Franciscano sum-  
mus Pontifex .

## SECTION XI.

*Pontifices notæ non ita bonæ .*

**P**apa 67. *Sabinianus* , Magni  
Gregorii dissimilis successor ,  
obscuri loco natus , moribus ob-  
scurior : licet bona nonnulla Ec-  
clesiæ præstiterit , pessima tamen  
avaritiæ nota insignitus fuit , an-  
tecessoris sui in pauperes liberali-  
tatem , ut suam tenacitatem excu-

Q 3      faret ,

faret, sinistre interpretatus; ob annonæ caritatem ab ipso adauctam, populo Romano invisus, defunctus sine funebri pompa sepultus fuit.

116. *Stephanus* 7. sacrilegus indecessorem Formosum, cujus corpus exhumatum degradari, & in Tiberim projici jussit, quod eum a Papatu prius obtinendo arcuisset, in carcere strangulatus ambitionis & crudelitatis suæ pœnas dedit.

122. *Christophorus* ignota origine, dolosus Sedis invasor, ejusque successor.

123. *Sergius* 3. etiam existens Pontifex, famosus scortator.

134. *Joannes* 12. electus decimo-septimo ætatis anno nondum expleto, venationi magis, quam Dei venerationi vacavit; auditu indigna de illo narrantur.

140. *Bonifacius* 7. Pontificatum malis artibus adeptus male etiam amisit: nam Urbem relinquere coactus, pretiosissima quæque ex Vaticana Basilica subtrahens, Constantinopolim fugit fur sacrilegus.

147. *Silvester* 2. virulentis ante Papatum contra Sedem Apostolicam scriptis infamis, cum ob Simoniam dignitatibus Ecclesiasticis  
legi-



legitime fuisset depositus, quibus nescio deinde artibus, fit Pontifex, tanta Sede, ut Spondanus ait, indignus: quam tamen non ita male rexit.

153. *Benedictus* 9. decem annorum puer, in Sede Petri positus, Pontifex dein malæ vitæ & mortis: vide Notitiam in Damaso 2.

201. *Bonifacius* 8. de eo refertur, quod Papatum ut vulpes intravit, ut lupus regnavit, ut canis expiravit. extant ipsius litteræ ad Philippum Pulchrum Regem Franciæ, Regisque ad ipsum; unde qualis habitus fuerit, colligi potest.

215 *Joannes* 23. ultimus Joannum, armatura magis corporali, quam spiritali instructus, a Concilio Constantiensi deponitur.

223. *Innocentius* 8. Pontus Heuterus Tractatu de libera hominis nativitate, eum illegitimo toro natum profert: deque ejus incontinentia nonnulli nonnihil scribunt, uti de successore ejus; qui fuit

224. *Alexander* 6. cujus vitia virtutes æquabant, vel etiam superabant: quomodo in vita dominatus, & in fine defunctus fue-

rit, legatur Platina & reliqui hif-  
torix Pontificix Scriptores.

## S E C T I O X I I.

*Minus literati notantur.*

**B**enedictus Decimus nullius pla-  
ne ingenii, quem Baronius  
Tomo II. ad annum 1058. num.  
10. tanquam illegitime electum,  
feu intrusum, & intra annum Se-  
de expulsum fuisse narrat.

*Celestinus* 5. ad cujus coronatio-  
nem ducenta hominum millia,  
propter rei novitatem confluisse  
referuntur; quod homo Eremita,  
literarum rudis, & linguæ latinæ  
ignarus, uti ex Cardinali Sirleto  
Ciaconius narrat, sed sanctitate e-  
ximius, ad tantum dignitatis fasti-  
gium eveheretur.

*Bonifacius* 9. Grammaticam tan-  
tum, & parum in Rhetorica audie-  
rat, Clericus vagabundus fortu-  
nam tentans, Romam venit, &  
fit Papa ætatis suæ tantum 30. aut  
ad summum 34. annorum. Nota-  
tur nimii erga propinquos affectus:  
commendatur, quod mori potius  
elegerit, quam castitatis, ex me-  
dicorum contra calculum consilio,  
jacturam facere.

*Pau-*

*Paulus 2.* prius mercator, audiens Avunculum suum Eugenium 4. factum esse Papam, Romam se contulit, ubi adhibito præceptore, parum latine loqui didicit. factus ab Avunculo Cardinalis, tertius post illum fit Pontifex: mox literatos omnes ab aula sua proscripsit, eosque ut hæreticos oderat; parentibus suadere solitus, satis esse liberos suos instruere, ut legere & scribere scirent, altiora studia, quorum ipsemet ignarus erat, necessaria non esse.

Quia vero literatos, & qui scriptis claruerunt recensere prolixum nimis foret: inspicere poterit *Bibliotheca Pontificia* edita a F. Ludovico a S. Carolo Carmelita.

### SECTIONO XIII.

*Juvenes, & in ætate non proventus ad Papatum assumpti: quotq; annis sederint.*

**A**lexander 1. vir ætate juvenis ( quot annorum, Auctores non narrant ) sed moribus, scientia, ac sanctitate incomparabilis, sedit annis 10. & mensibus fere sex.

*Joannes 11. Juvenis annorum*  
Q 5 vi-

viginti cum assumeretur, sedit  
tantum annis 4. mensibus 10.

*Joannes* 12. annorum tantum  
sexdecim, inter annum Pontifica-  
tus nonum & decimum defunctus.

*Benedictus* 9. puer decem anno-  
rum, annis fere undecim, sed in-  
terpolate, regnavit.

*Innocentius* 3. vir annorum tan-  
tum triginta, laudabiliter sedit  
annos 18. menses 6. dies 9.

*Gregorius* 11. annorum 35. cum  
assumeretur, præfuit annis 7. &  
mensibus fere 3.

*Bonifacius* 9. annorum 30. aut  
34. cum eligeretur, cum morere-  
tur, 45.

*Leo* 10. annorum 30. aut paulo  
plus; quadragenarius tantum cum  
moreretur.

*Sint licet assumpti Juvenes ad Pon-  
tificatum,*

*Petri annos potuit nemo videre  
tamen.*

#### SECTIO XIV.

*Pontifices aliquot dierum, qui men-  
sem in Papatu non  
impleverunt.*

**S** *Isinius* fuit Pontifex dierum vi-  
ginti.

*Stephanus* 2. dierum tantum trium.

*Valentinus* diebus triginta sedit.

*Bonifacius Sextus* quindecim.

*Theodorus Secundus* diebus viginti.

*Damasus Secundus* viginti tribus

*Cælestinus Quartus* septemdecim.

*Vice-dominus* Nepos Gregorii 10. dictus per aliquot horas Gregorius 11. sed propter exiguitatem temporis vix pro Pontifice habitus, ipso die electionis obiit.

*Pius Tertius* sedit diebus viginti sex.

*Marcellus Secundus* viginti duobus.

*Urbanus septimus* diebus duodecim.

*Leo Undecimus* diebus viginti quinque.

## SECTION V.

*Pontifices aliquot mensium, qui annum in ea dignitate non viderunt.*

**X** *Istus* 2. menses 11. dies 12.  
*Marcus* menses 8.  
*Sabinianus* menses quinque,  
 dies 19.

Q 6

Boni-

*Bonifacius Tertius* menses octo,  
dies 23.

*Leo* 2. menses 10. dies 17.

*Benedictus* 2. menses 10. dies 27.

*Conon* menses 11. dies 3.

*Stephanus* 5. menses 5. dies 3.

*Romanus* menses fere 4.

*Leo* 5. mensem 1. dies 10.

*Christophorus* menses 8.

*Lando* menses 6. dies 21.

*Leo* 6. menses 6. dies 15.

*Benedictus* 5. mens. 6. dies 5.

*Donus* 2. menses 3.

*Bonifacius* 7. menses 7. dies 15.

*Joannes* 14. menses 8.

*Joannes* 16. m. 4. & dies aliquot.

*Joannes* 18. menses 5.

*Silvester* 3. mensem 1. dies 19.

*Clemens* 2. mens. 9. dies 15.

*Stephanus* 10. mens. 7. dies 8.

*Benedictus* 10. mens. 9. d. 20.

*Cælestinus* 2. m. 5. d. 13.

*Lucius* 2. m. 11. d. 14.

*Gregorius* 8. mens. 1. dies 27.

*Innocentius* 5. mens. 5. dies 5.

*Adrianus* 5. mens. 1. d. 9.

*Joannes* 21. mens. 8. dies 8.

*Benedictus* 11. mens. 3. d. 6.

*Alexander* 5. mens. 10. dies 8.

*Gregorius* 14. mens. 10. d. 10.

Ejusque successor

*Innocentius* 9. menses tantum  
duos sedit.



SECTIO XVI.

*Papa eo Pontificatus anno, & interdum  
mense mortui, quem numerus  
Nominis denotabat.*

**A** Nterus solus nominis hujus  
Papa primo Pontificatus an-  
no Martyr occubuit.

*Felix 2.* illegitime primum se-  
dens; anno dein secundo legitimæ  
sessionis, Martyrio vitam finivit.

*Zosimus* unicus hujus nominis;  
unico anno Pontifex fuit.

*Anastasius 2.* anno Pontificatus  
secundo obiit.

*Felix 4.* anni & nominis quarti  
Papa.

*Bonifacius 2.* uti nomine, ita Pon-  
tificatus anno secundo obiit.

*Sabinianus* primus & solus ita di-  
ctus, intra primum annum mense  
sexto mortuus est.

*Severinus* unici nominis & anni  
Pontifex.

*Conon* primi anni mense duode-  
cimo fere expleto decessit.

*Sisinnius* unicus hoc nomine, pri-  
mi mensis die vigesimo arthritide  
constrictus e vivis excessit.

*Stephanus 4.* quarto Pontificatus  
anno defunctus.

*Ste-*

*Stephanus* 5. quinque dumtaxat  
mensium Pontifex.

*Valentinus* unus, unius mensis  
Papa.

*Benedictus* 3. tertii anni Pontifex.

*Martinus* 2. (alii Marinum vo-  
cant) anni secundi mense secundo  
defunctus.

*Stephanus* 6. sex annorum Papa.

*Romanus primus* & solus, anni  
primi mense quarto interijt.

*Benedictus* 4. anno quarto.

*Christophorus primus*, anni primi  
mense octavo: ejusque successor

*Sergius* 3. anno tertio.

*Lando* 1. anni primi mense sex-  
to.

*Victor* 2. annis duobus præfuit.

*Nicolaus* 2. inter secundum & ter-  
tium annum, &

*Adrianus* 4. inter quartum &  
quintum mortui.

*Clemens* 3. annorum & mensium  
trium Pontifex.

*Urbanus* 4. & *Clemens* 4. imme-  
diati successores quatuor prope an-  
norum Pontifices.

*Innocentius* 5. mensium quinque  
ac totidem dierum Pontifex.

*Nicolaus* 3. triennio jam fere per-  
acto sublatus.

*Martinus* 4. & *Nicolaus* 4. qua-  
tuor annorum Pontifices.

Cæ.

*Cælestinus* 5. post mensem quintum Pontificatu se abdicavit.

*Bonifacius* 8. sedit annos octo, & aliquot menses.

*Callistus* 3. trium annorum & trium mensium.

*Innocentius* 8. annorum octo, uti nominis, Pontifex.

*Paulus* 4. anni quarti, & mensis tertii Papa.

*Gregorius* 13. annorum totidem quoti nominis Pontifex, ejusque Successor.

*Xystus* 5. annorum quinque & quatuor mensium.

*Innocentius* 10. decem annorum Pontifex.

## SECTIO XVII.

*Papatus præ reliquis diuturnus.*

**V**igesimum excedere annum notantur septem post Petrum Pontifices; qui primus Christi Vicarius annis fere 25. locum ejus Romæ tenuit; cujus annos nemo legitimorum Pontificum hætenus vidit: unus fuit Pseudo-pontifex Petrus de Luna Hispanus Arragonensis. Benedictus 13. dici sustinens, qui in schismate ultra 30. annos obstinatissimus vixit & mortuus est: sed

sed vel hoc ipso suum Antipapatum satis probavit, quod annos Petri non tantum viderit, sed excesserit. Diutissimus itaque post Petrum fuit

*Adrianus Primus* Pontifex annis viginti quatuor, sesquimense minus; cuius successor

*Leo Tertius* per annos viginti, menses 5. dies 17. Papa fuit: ita ut spatio annorum 45. Roma tantum duos Pontifices viderit.

*Alexander Tertius* sedit annis 22. septem diebus minus.

*Silvester Primus* annis 21. mensibus 10. die uno.

*Urbanus Octavus* vixit in Pontificatu annos 21. mensem unum, dies 24.

*Leo Primus*, Magnus dictus, annis 20. mens. 10. d. 28. Ad sex istos, qui annum vigesimum excesserunt proximè accedunt quatuor annorum octodecim Pontifices: *Innocentius* 3. qui annis 18. mens. 8. *Paschalis* 2. qui 18. annis, mensibus fere sex; & *Joannes* 22. qui 18. annis & 4. mensibus, ac *Zephyrinus*, qui annis & diebus octodecim, in Pontificatu vixerunt.

*Clemens XI.* nostro sæculo Romanam Ecclesiam administravit annos 20. menses 3. dies 24.

SECTIO XVIII.

*Pontifices, qui Imperatores coronarunt, & Regibus ac Principibus Christianis nomen aliquod decusque addiderunt.*

**M**OS coronandi Imperatorem Romanum a Carolo Magno consuetudinem cœpit : ante quem nullus Imperator coronatus legitur, præter Justinum Thracem, Seniores dictum, qui licet ab Episcopo Constantinopolitano diadema accepisset, a Joanne tamen Primo, cum Theodoricus Rex Arianus vexaret Italiam, Constantinopolim profecto, coronari expetiit, & coronatus fuit anno 525. diu itaque post

*Leo Tertius* imminente anno 801. octavo Kalendas Januarii, hoc est die Nativitatis Christi 800. coronavit Romæ Carolum Magnum Imperatorem.

*Stephanus 5.* Ludovicum Pium Caroli Magni filium Rhemis 4. kalendas Novembris, anno 816.

*Paschalis 1.* festo Paschali Dominicæ Resurrectionis anno 823. coronavit Lotharium, Ludovici filium.

Ser-

*Sergius* 2. Ludovicum 2. Lotharii filium, vivente patre Monasterium Prumiacense ingresso coronavit Romæ anno 844.

*Joannes* 8. intra decem Pontificatus sui annos coronavit tres Franciæ Reges Imperatores: Carolum 2. Calvum, anno 876. Ludovicum 3. Balbum, anno 878. & Carolum 3. Crassum anno 881. quod nulli Rom. Pontificum contigit.

*Formosus* coronavit Arnulphum Carolomanni filium, an. 895.

*Joannes* 10. Berengarium, contra Arnulphum ab Italis electum, coronavit anno 914. deinde ob dissensiones, Imperatores tres, Ludovicus Quartus, Conradus, & Henricus cognomento Auceps (hic sibi satis esse ajebat: quod haberetur a suis pro Imperatore) a Pontificibus Romanis coronati non fuerunt; quibus successit Otho Magnus, primus ex Germanis Imperator, sub quo dissidium componi cœpit; quem tandem

*Joannes* 12. anno 962. coronavit Romæ ipso die Natalis Christi.

*Joannes* 13. Othonem juniorem præcedentis filium, cum uxore Theophania, Nicephori Græcorum Imperatoris filia, Romæ ipso die Natalis Domini an. 968.

Gre-



*Gregorius* 5. *Othonem* 3. præcedentis filium, ibidem in Pentecoste anno 998.

*Benedictus* 8. *Henricum* 2. sanctum, cum uxore sancta *Cunegunde*, Romæ die sancto Paschæ anno 1014.

*Joannes* 20. *Benedicti* præcedentis Papæ frater, & immediatus successor coronavit anno 1027. ipso die Paschæ *Conradum* 2.

*Clemens* 2. anno 1047. *Henricum* 3. cum uxore *Agnete*, Romæ, in Nativitate Domini.

*Nicolaus* 2. coronavit ibidem in die Paschæ *Henricum* 4. an. 1058.

*Paschalis* 2. *Henricum* 5. idibus Aprilis anno 1111. Romæ.

*Innocentius* 2. *Lotharium* 2. qui Papam ob Schisma Petri Leonis fugitivum cum exercitu magno Romam reduxit, ibique ab eo coronatus est pridie Nonas Julias anno 1134. eique, ceu legitimo Pontifici, Schismatis tempore fideliter adhæsit.

*Eugenius* 3. coronasset an. 1152. *Conradum* 3. nisi dum hic ad motus Italicos compescendos, & ad Coronam accipiendam, expeditionem in Italiam pararet, non sine veneni suspicione, extinctus fuisset.

*Adria-*

*Adrianus* 4. coronavit Romæ 14. Kalendas Julii anno 1155. Fredericum Primum, qui Ænobarbus, sive Barbarossa dicebatur.

*Celestinus* 3. Henricum 6. Barbarossæ filium, ibidem anno 1191. Feria secunda Paschatis, cum ipse pridie consecratus fuisset.

*Innocentius* 3. Idibus Octobris anno 1209. coronavit Romæ Otho-  
nem 4. Philippus vero Pseudo-Imperator Moguntiae coronatus fuit.

*Honorius* 3. Decimo Kalendas Decembris anno 1220. coronavit Romæ Fredericum 2. Hic male se contra Ecclesiam gerens, Imperio privatus est ab Innocentio Quarto in Concilio Lugdunensi anno 1245. cui substitutus fuit Henricus Thuringus D. Elisabethæ filius, dein Guilielmus Hollandus, hinc Richardus Anglus, ac demum Alphonsus Castellæ Rex; qui coronati non fuerunt; sed tenetur post depositionem Frederici Imperium vacasse per annos 34. usque ad Rudolphum Hasburgicum.

*Gregorius* 10. cum Rudolphus Hasburgicus electus Imperator Aquisgrani coronatus fuisset, dein Lothannam Helvetiorum ad Gregorium hunc se conferens, ab illo confir-  
ma-

matus ; ac Imperii insignibus decoratus fuit anno 1273. secundum antiquum hoc ibidem distichum :

*Bis sexcenti , septuaginta tresque  
stetere*

*Anni , Iosannæ cum Rex & Papa  
fuere.*

In Italiam vero numquam venit ob factiones Guelphorum & Gibel-  
linorum ; uti duo sequentes Impe-  
ratores Adolphus Nassavius , & Al-  
bertus Austriacus , qui a Papa co-  
ronati non fuerunt . cumque Al-  
bertus Rudolphi Hasburgici filius  
contra Adolphum prætenderet Im-  
perium , essetque inter illos sum-  
ma contentio , Bonifacius 8. illud  
sibi ascribens stetit se in publico  
Romæ , primo die in habitu Pon-  
tificali Benedictionem populo im-  
pertiens , postridie in habitu Im-  
periali , Coronam Imperatoriam  
in capite gestans , prælatis sibi per  
Spatharium gladiis duobus ; cum-  
que sedisset in throno , alta voce  
clamavit : *Ecce duo gladii hic ; Pon-*  
*tificiæ nimirum & Imperatoriæ po-*  
*testatis : sequenti vero anno ce-*  
*dens confirmavit electionem Al-*  
*berti ea conditione , ut Imperator*  
*Regi Franciæ Philippo Pulchro ,*  
*quem ob redditus Ecclesiasticos si-*  
*bi negatos excommunicaverat , ar-*  
*mis*

mis se opponeret, eoque Regno privato, Regni titulum ipse Papa gestaret: unde maximæ dissensiones inter Bonifacium Papam, & Philippum Regem ortæ sunt.

*Clemens 5.* ea conditione Henrico 7. ratum fecit Imperium, uti primo quoque tempore in Italiam se conferret: quo cum tenderet, coronatus est primum Mediolani corona ferrea, deinde Romæ aurea per Cardinales eo destinatos a Pontifice Avenione se tenente anno 1312. tertio Kalendas Julii.

*Nicolaus 5.* Antipapa, alias Petrus de Corbario, procurante Ludovico 5. contra Joannem 22. Avenione residentem, Romæ electus, coronavit ibidem hunc Ludovicum, cum uxore anno 1327. Kalendis Junii festo Pentecostes; cujus depositionem Clemens Sextus fieri mandat ab Electoribus, nisi jus electionis velint amittere, itaque Joannis Bohemiæ Regis primogenitus eligitur, Carolus Quartus dictus.

*Innocentius 6.* Avenione residens Carolum Quartum per duos Cardinales Romæ coronari fecit die Paschatis anno 1355. cumque Papa ipse dein semel Romam venisset, Carolus Imperator eo mox  
ad.

advolavit, exhibuitque Papæ stratoris officium; ac in ejus Missa solemni Diaconus cantavit Euangelium: hujus filius Vvenceslaus patri vita & moribus dispar, Cæsarium ignavissimus Imperator electus, coronatus numquam fuit, sed depositus, & ejus loco substitutus est Rupertus Bavarus, & confirmatus a *Bonifacio Nono*; qui Romam pro coronatione contendens a Vvenceslai factionariis in via impeditus fuit: suffectus deinde Judocus Moravię & Brandenburgii Dominus per medium tantum annum, etiam coronatus non fuit.

*Eugenius 4.* anno 1432. 15. Kalend. Junii, in Pentecoste coronavit Romæ Sigismundum junio-rem, Caroli 4. filium, Vvenceslai fratrem: dein Albertus Sigismundi gener, uno dumtaxat anno & decem mensibus Cæsar, coronatus non fuit.

*Nicolaus 5.* Fredericum 3. cum Uxore Eleonora Lusitana, recens Senis in Bacchanalibus in uxorem ducta, in Quadragesima 16. Kalendas Aprilis, sive 27. Martii anno 1451. Romæ coronavit: qui abstemius vinum non bibens, annos prope 54. imperavit.

*Julius 2.* anno 1590. Maximilianum

num Frederici filium in Italiam invitavit, eum postea coronaturus, ad opem sibi contra Venetos ferendam; cum quibus dein alterante belli fortuna, Julius fœdus iniens, Maximiliano ipsi bellum indixit; ita ut coronatus non fuerit.

*Clemens 7.* coronavit *Carolus 5.* Imperatorem, Bononiæ anno 1529. die festo S. Mathiæ, Carolo Natali: post quem nulli Imperatores a Pontificibus Romanis coronati fuerunt.

*Nomen aliquod decusque sequentes Pontifices Christianis Principibus addiderunt.*

*Honorius 1.* Suintillam Hispaniæ Regem *Catholicum* nominavit; quod nomen occupata per Mauros Hispania, per annos prope octingentos intermissum, *Innocentius 8.* Ferdinando Castellæ Regi retribuit; ejusque successor *Alexander 6.* decrevit, ut *Catholicus* proprius & hæreditarius Hispaniæ Regum esset Titulus.

*Gregorius 3.* *Carolus Martellus* Brabantiae Ducem a Francis in Regem electum, *Christianissimum* appellavit.

*Stephanus 3.* Imperium Romanum a Græcis ad Latinos transtulit.



lit in Pipinum Brevem Gallia Regem.

*Leo 3.* Instituit morem quod Pontifex Romanus coronet Romanorum Imperatorem.

*Silvester 2.* Sanctum Stephanum Hungarorum Ducem, qui Pannoniam ad Christi fidem perduxerat, Regis nomine, regioque diadema te donavit, & non solum ipsi, quod virum Apostolicum decebat, sed etiam ejus successoribus Crucis preferendæ potestatem fecit.

*Benedictus 8.* Pomum Aureum inserta Cruce dedit S. Henrico Imperatori; qui Advocatus & Patronus, ac Defensor S. R. Ecclesiæ nominatus fuit: quod Imperii insigne & hodie gestant Imperatores.

*Innocentius 4.* Constituit septem Imperii Electores, tres Ecclesiasticos Præsules: Moguntinensem, Trevirensensem, Coloniensem; quatuor Sæculares: Regem Bohemiæ, Ducem Saxoniae, Marchionem Brandenburgicum, & Comitem Palatinum.

*Clemens 5.* indulgit Regibus Franciæ Communionem sumere sub utraque specie; quo privilegio adhuc utuntur in die quo sacrantur, & quo moriuntur.

*Leo* 10. Henricum 8. Angliæ Regem , Fidei Defensorem appellavit.

*Paulus* 3. Carolum 5. Imperatorem , Carolum Maximum dixit.

*Pius* 5. Cosmam Medicum , Ducem Florentiæ , Senarum & Pifarum , Magni Ducis Etruriæ titulo cohonestavit , non sine aliqua aliorum Principum obtrectatione.

## SECTION XIX.

*Pontifices qui primi leguntur Sanctum aliquem in Divorum Canonem retulisse, usque ad annum Christi 1000.*

**L** *Eo* 3. S. Suibertum Vvestphalorum Apostolum primus , solemni ritu , præsentem Carolo Magno , canonizasse legitur anno Christi 800.

*Joannes* 15. anno 993. Synodum Romæ celebravit , in qua Udalricum Augustanum Episcopum in Sanctorum numerum retulit , ut constat ex diplomate canonizationis , quod extat apud Baronium ad annum citatum §. 2.

*Leo* 9. SS. Gerardum Tullensem in Lotharingia , & Vvolfgangum Ratis-

risbonensem in Germania Episcopos Divis ascripsit.

*Benedictus 9.* S. Simeonem Monachum Trevirenses; de quo Martyrologium Rom. Kalendis Junii.

*Urbanus 2.* S. Attilanum Episcopum Zamorenses; de quo idem 5. Octobris.

Antea moris erat, cum aliquis Martyrio occubuisset, ut Episcopus, sub cujus ditione id accidisset, rem gestam scriberet ad Præmatem; a quo mature adhibitis in consilium Collegis Episcopis, an inter Martyres esset recipiendus, decernebatur: nam antiquitus tantum Martyres colendi proponebantur. vide *Onomasticon* in voce *Martyrologium*.

## SECTION XX.

*Pontifices, qui annum Jubilæum celebrarunt.*

**B**onifacius Octavus Jubilæum primus instituit, centesimo quoque anno celebrandum: quod anno sæculari 1300. magno populi concursu Romæ celebravit.

*Clemens 6.* considerans paucissimos ad annum centesimum pervenire,

R 2 nire,

nire, Jubilæum, veteris legis exemplo, ad annum quinquagesimum reduxit, & anno 1350. Avenione celebravit.

*Urbanus 6.* Jubilæum anno trigessimotertio Romæ celebrandum indixit, intuitu paris numeri annorum vitæ Christi; ex quo omnes Indulgentiæ promanant: concessitque anno 1383.

*Bonifacius 9.* anno sæculari 1400. illud more ordinario celebravit.

*Nicolaus 5.* anno 1450. quintum Jubilæum promulgavit: quod Mechliniæ anno sequenti 1451. cum maximo Belgarum concursu celebratum fuit; uti patet ex inscriptione Flandrica in abside Chori S. Rumoldi.

*In't Iaer M. CCCC. vyftigh een; was d' Iaer van Jubileen hier ghe-meen, doen vvert gesloten desen steen.*

*Paulus II.* statuit Jubilæum (a Bonifacio 8. centesimo quoque anno celebrari primo institutum, a Clemente 6. ad annum quinquagesimum, ab Urbano 5. ad trigessimumtertium reductum; a Nicolao 5. juxta Clementis constitutionem, quinquagesimo iterum anno celebratum) deinceps singulis vicensis quinis annis in perpetuum celebrari, incipiendo ab anno proximo

ximo 1475. quod morte præventus celebrare non potuit; sed successor ejus

*Xystus* 4. celebravit primum Jubilæum viginti quinque annorum anno 1475.

*Alexander* 6. secundum viginti quinque annorum anno 1500. & sic deinceps.

*Clemens* 7. anno 1525. *Julius* 3. anno 1550.

*Gregorius* 13. anno 1575. *Clemens* 8. an. sæculari 1600.

*Urbanns* 8. anno 1625. *Innocentius* 10. anno 1650.

*Clemens* 10. anno 1675. *Innocentius* 12. anno 1700.

Etiam extra consuetum 25. annorum terminum, pro publica Ecclesiæ necessitate Pontifices subinde Jubilæa concedunt, præsertim ubi primum sunt consecrati: uti *Clemens* 9. tempore obsidionis Candiæ, an. 1668. & *Clemens* 10. dum anno 1670. Pontificatum iniret, & sub finem anni 1672. contra Turcas Poloniam invadentes.

## S E C T I O XXI.

*Avenione in Gallia Sedem renue-  
runt septem Pontifices conse-  
quentes Galli.*

**C**lemens 5. Vasco Burdigalensis,  
Sedem Apostolicam Roma  
Avenionem transtulit, anno 1305.  
ubi illa mansit ultra septuaginta  
annos; quam residentiam Gallicam  
Romani Judæorum captivitati Ba-  
bylonicæ comparant. Secuti sunt  
ibi Clementem Joannes 22. Ca-  
durcensis. Benedictus 12. Tolosanus.  
Clemens 6. Lemovix. Innocentius 6.  
Lemovix. Urbanus 5. Lemovix.  
Gregorius 11. etiam Lemovix; hic  
Sedem Petri Romam reduxit, A-  
venione discedens 13. Septembris  
anno 1376. & post varias in mari  
jactationes, tandem 17. Januarii  
1377. Urbem ingressus est; unde  
paulo post Schisma omnium in Ec-  
clesia longissimum, quinquaginta  
nempe annorum exortum est: nam  
eo defuncto, contra Urbanum 6.  
legitimum successorem Romæ ele-  
ctum, Avenione electus fuit Car-  
dinalis Gebennensis, Clemens 7. vo-  
catus, qui cum aliquot Cardinali-  
bus ibi dominatus est; cui in  
Schis-



Schismate mortuo, suffectus fuit Petrus de Luna Hispanus, qui Benedictus 13. dici voluit: eoque post triginta annos in Schismate continuatos, obstinatissime defuncto, a Schismaticis electus fuit Aegidius de Munio, Clemens 8. dictus; qui tandem persuasu Petri Cardinalis de Fuxo, ex Ordine Minorum, Antipapatu se abdicavit; sicque cessavit longissimum illud Schisma.

## SECTIO XXII.

### *Pseudo-Pontifices & Schismatici.*

<b>P</b> rimum in Ecclesia Schisma excitatum fuit adversus Corneli- um a Novatiano.	ANNO CHRISTI. 254.
Secundum contra Liberium a Felice Secundo, qui defuncto Liberio legitime sedit.	354.
Tertium contra Damasum ab Ursicino.	367.
Quartum excitavit Eulalius contra Bonifacium.	420.
Quintum Laurentius contra Symmachum.	498.
Sextum Dioscorus contra Bonifacium Secundum.	530.
Septimum Vigilius contra Silverium, qui defuncto Silverio legitime electus fuit.	537.

687. Octavum Theodorus & Paschalis  
contra Sergium.
768. Nonum quidam Laicus Constantinus 2. dici volens, intrusus a fratre suo Totone Principe potenti, dum vacaret Sedes mensibus tredecim inter Paulum 1. & Stephanum 4.
824. Decimum Zinzinius contra Eugenium 2.
855. Undecimum Anastasius Presbyter contra Benedictum Tertium.
891. Duodecimum Sergius Diaconus contra Formosum.
907. Decimumtertium inter hos tres: Leonem 5. Christophorum, & Sergium 3.
964. Decimumquartum Leo Protoscri-narius contra Benedictum 5.
974. Decimumquintum Bonifacius 7. prius expulsus, denuo reversus contra Joannem 14.
996. Decimumsextum Joannes Episcopus Placentinus contra Gregorium 5.
- 1045.1 Decimumseptimum Silvester 3. & Gregorius 6. contra Benedictum 9. & sic tres simul Papæ Romæ residebant, contra quos quartus, Clemens 2. successus fuit.
1061. Decimum octavum Cadolus Episcopus Parmæ contra Alexand. 2.
1080. Decimumnonum Guibertus Episcopus

- scopus Ravennas, dictus Clemens  
3. contra Gregorium 7. 1101.  
Vigesimum Albertus, Theodo-  
rus, & Silvester consequenter in-  
trusi contra Paschalem 2.  
Vigesimum primum Mauritius  
Burdinus contra Gelasium 2. 1118.  
Vigesimum secundum Petrus Leo-  
nis, dictus Anacletus 2. contra  
Innocentium 2. 1130.  
Vigesimum tertium quatuor schis-  
matici: Octavianus de Monticello,  
dictus Victor 4. Guido Cremonen-  
sis, Paschalis 3. Joannes Stru-  
mensis, Callistus 3. & Lando Inno-  
centius 3. dici volentes; contra  
solum & verum Pontificem Ale-  
xandrum 3. post quas turbas per  
duo fere sæcula cessarunt schismata.  
Vigesimum quartum, Petrus de  
Corbario Franciscanus, dictus Ni-  
colaus 5. contra Joannem 22. 1325.  
Vigesimum quintum omnium lon-  
gissimum inceptit Robertus Cardi-  
nalis Gebennensis contra Urba-  
num 6. dictus Clemens 7. decimo-  
sexto Schismatis hujus anno mor-  
tuus: & consequenter Petrus de  
Luna, Benedictus 13. dici volens;  
hocque Hispano in Hispania, tri-  
gesimo Antipapatus sui, ac qua-  
dragesimosexto schismatis incepti  
anno obstinatissime defuncto, suc-

cessit in schismate Ægidius de Munio, Clemens 8. vocatus, qui post annum sui Antipapatus quintum abdicavit: & sic Schisma quod per duos & quinquaginta annos duravit, extinctum fuit.

1439.

Vigesimum sextum & ultimum Amadeus Sabaudia Dux, electus a Concilio Basileensi contra Eugenium 4. Felix 5. nominatus: qui post annos Schismatis fere decem, cognito errore non sua culpa commisso, concessit Nicolao 5. Eugenio successori; sicque ultimo extincto Schismate dicebatur:

*Lux fulsit mundo, cessit Felix Nicolao.*

A quo malorum omnium pessimo Deus Ecclesiam jam per annos ducentos & fere octoginta quatuor liberavit, & imposterum, uti rogamus & speramus, est liberaturus.

## S E C T I O XXIII.

*Diurnae Sedis Apostolicæ vacationes.*

**O**mnium longissima fuit circa annum 1270. post Clementem 4. dum Sedes vacavit per annos fere 3.

Huic diurnitate proxima fuit  
anno

anno 1414. post depositionem Jo-  
annis 23. quando vacavit annis duo-  
bus, & fere dimidio.

Tertia, anno 1314. post Cle-  
mentem Quintum annis duobus,  
& fere 4. mensibus.

Quarta, anno 1292. post Nico-  
laum Quartum annis duobus, men-  
sibus 3. diebus 2.

Sic quatuor notabiliores fuere  
Sedis vacationes, singulæ ultra 2.  
annos: ut autem per seriem anno-  
rum referantur, notandum est,  
quod usque ad annum Christi 250.  
Sedes Apostolica nunquam per  
mensem integrum vacaverit: quum  
post Fabianum Papam 21. vacavit  
per medium fere annum; post  
quem tandem electus fuit Corne-  
lius, sub quo primum in Ecclesia  
schisma exortum est: deinde fuere  
successores Lucius, & Julius, & post  
singulos ultra mensem vacavit: tan-  
dem post horum duorum successo-  
rem Xystum 2. propter immanissi-  
mam persecutionem, sine Pastore  
fuit Romana Ecclesia per integrum  
fere annum; quum anno 260. ele-  
ctus est Dionysius. hinc per tria  
fere sæcula nullæ notabiles fuere  
vacationes.

Anno 530. post Bonifacium 2.  
vacavit Sedes ultra menses tres.

An. 535. post Agapetum usque ad electionem Silverii per duos, deinde usque ad ejus ordinationem per septem fere menses, quo mortuo vacavit mensibus tribus, diebus quinque, hocque mortuo usque ad electionem Joannis Tertii mensibus fere tribus; usque ad ordinationem fere quinque: postque hunc Joannem 3. ultra menses decem.

Circa annum 595. Post Pelagium 2. menses 7. deinde post ejus successorem Gregorium Magnum m.6.

605. Post Bonifacium 4. Tertii successorem ultra menses quinque.

637. Post Honorium I. per annum & 8. fere mens. post ejus successorem Severinum menses fere 5.

654. Post Martinum primum per menses fere 9.

Post Agathonem mensibus septem.

684. post Leonem 2. per annum.

757. post Paulum I. per annum & mensem, deinde duobus sæculis transactis.

964. Post Leonem 8. per octo menses & 22. dies.

965. Post Gregorium 5. per 8. menses & 13. dies.

1047. Post Clementem 2. menses 9. & 7. dies.



1054. Post Leonem 9. menses  
11. dies 24.

1085. Post Gregorium 7. per in-  
tegrum annum.

Post Victorem 3. Gregorii suc-  
cessorem per medium annum. de-  
in post duo fere sæcula.

1261. Post Alexandrum 4. men-  
ses & dies tres.

Post Urbanum 3. Alexandri suc-  
cessorem menses quatuor, dies 2.

1270. Post Clementem 4. Urba-  
ni 4. successorem fuit longissima o-  
mnium vacatio per annos ferme  
tres; nempe annis duobus, men-  
sibus 9. diebus 2.

Post Joannem 21. per medium  
annum.

Post Honorium 4. menses 10. dies  
18.

1292. Post Nicolaum 4. Honorii  
successorem longa vacatio anno-  
rum duorum, mensium trium, &  
duorum dierum.

1304. Post Benedictum undeci-  
mum vacavit Sedes fere per an-  
num.

1314. Post Clementem 5. Bene-  
dicti successorem, qui Sedem Ave-  
nionem transtulit, longa etiam fuit  
vacatio annorum duorum, men-  
sium trium, dierum 17.

1415. Post Joannis 23. deposal-  
tio.

tionem vacavit iterum Sedes per annos duos , menses 5. dies decem.

Postmodum nullæ fuere notabiles Sedis Apostolicæ vacationes , nisi forte anno 1559. post Paulum 4. per menses 4. diesque 7. & superiori sæculo , anno 1655. post Innocentium decimum per menses ipsos tres , a 7. Januarii usque ad 7. Aprilis, quum electus fuit Alexander Septimus , & anno 1670. post Clementem Nonum per menses quinque , & dies viginti , cum in Petri Sede collocatus est Clemens Decimus .

#### SECTIO XXIV.

*Pontifices non ex Cardinalibus assumpti .*

**Q**Uamquam decretum fuerit in Concilio Romano sub Stephano 4. anno 769. ut unus tantum de Cardinalibus Presbyteris , vel Diaconis ad summum Pontificatus culmen promoveretur ; tamen nonnullos Cardinalatu non insignitos D. Petri solium ascendisse constat ; quales fuerunt Germani plerique , cum inter Romanos essent dissensiones , ab Imperatoribus

ribus adducti . Gregorius Quintus Saxo , qui erat Capellanus Imperatoris Othonis 3. anno 996. Silvester 2. Gallus Aquitanus , Archiepiscopus Rhemensis anno 999. Clemens 2. Saxo Episcopus Bambergensis anno 1046. Damasus 2. Bavarus , Episcopus Brixienfis anno 1048. Leo Nonus Franco-germanus , Tulli Leucorum Episcopus anno 1049. Victor 2. item Germanus Episcopus Bistatensis an. 1054. Nicolaus 2. Allobrox , Episcopus Florentinus , anno 1058. Alexander 2. Mediolanensis , Episcopus Lucensis anno 1061. Callistus 2. Burgundus , Archiepiscopus Vienneſis anno 1119. Urbanus 4. Gallus , Patriarcha Hierosolymitanus anno 1261. Gregorius 10. Italus , Archidiaconus Leodiensis , existens in Syria , absens creatus anno 1271. Cœlestinus 5. Italus Eremita anno 1294. Clemens 5. Gallus , Archiepiscopus Burdigalensis anno 1305. Urbanus 5. Gallus , Abbas S. Victoris Massiliæ anno 1362. Urbanus 6. Neapolitanus , Archiepiscopus Barenſis , anno 1378. Omitto Amadeum Sabaudie Ducem in Schismate contra Eugenium 4. electum Antipapam , Felicem 5. nuncupatum , anno 1440. quorum nulli fuisse Cardin.

SE-

## S E C T I O XXV.

*Differentia in numero Pontificum plurimumque oritur ex computatione Nominum, quoti quique fuerint.*

**P***rima Differentia in computatione nominis occurrit inter Felices, propter Felicem Secundum, qui, quod vivente Liberio, Sedem occupasset, ab aliquibus præmittitur: sed defuncto Liberio confirmatus legitime sedit, imo pro defensione Fidei Catholicæ fuit Martyrio coronatus, uti 29. Julii in Martyrologio ponitur; vide notas Baronii: ita ut post hunc Secundum, Tertius, & Quartus fuerint; ac diu post Felix Quintus dictus, qui non sua culpa schismaticus, Pontificatu se tandem abdicavit.*

*Secunda Differentia est in Stephanis, propter Stephanum Secundum, qui tertio Pontificatus die apoplexia sublatus, omittitur a pluribus in serie Pontificum; cum tamen, ut Baronius ait, vere sit numerandus: atque ita universim Stephani decem fuerunt.*

*Tertia Differentia est inter Martinos, propter duos Primum sequentes, qui Marini, una litera omis-*

missa, vocabantur: sed differentiam hanc parvam sustulit Martinus 5. qui positis duobus his Martinis inter Martinos, festo die S. Martini 11. Novembris anno 1419. Pontifex creatus; se Martinum Quintum vocavit (cum alioquin tantum tres Martini, & duo Marini essent) sicque fecit duos ex Martinis Martinos.

*Quarta eaque maxima differentia est inter tot Joannes: aliqui enim viginti quatuor, imo viginti quinque numerant, cum tantum vigintiduo, aut ad summum vigintitres numerandi sint. a Joanne autem octavo numerus discrepare incipit; quod, qui hunc Papissam volunt, perperam ponunt post Leonem Quartum, cum tantum post tres Pontifices, nempe post Adrianum 2. verus Joannes Octavus ponendus sit; & quem illi Nonum vocant, Octavus dici debeat. Alius item Joannes ponitur ab aliquibus circa annum 930. inter Joannem 10. & Leonem 6. & sic vigintiquinque forent; sed quia hic male intraverat, statim ejectus fuit; ideoque in numero Pontificum ab omnibus prætermisus. propter istos duos vel tres, numerus in duobus vel tribus Joannibus differt:*

fert: & ut computatio certior ineatur, observandum est, quod notat ad Platinam Onuphrius Panvinius hisce verbis: *Joannes 19. quem Platina 21. vocat, se ipse decimumnonum appellat in suis quæ apud me extant Diplommatibus; quare Joannes illi qui postea 21. 22. & 23. vocantur; 20. 21. & 22. vocandi sunt.* Post quos adhuc successit unus, qui rite 23. vocatur: sed duo illi post Leonem Quartum, & ante Leonem 6. omnino rejiciendi sunt; & sic tantum 23. numerantur.

*Quinta Differentia* est inter Benedictos, ob Benedictum Quintum, qui vivente Joanne 12. Pontifex successus fuit, idque ob pravissimos Joannis mores; utpote juvenis septemdecim dumtaxat annorum, per factionem Patris sui Alberici intrusi; qui Benedictus in Germaniam traductus, Hamburgi sancto fine quievit, atque e numero Pontificum ab aliquibus, sed immerito expungitur: & ob Benedictum 10. qui nefarie intrusus fuit, & aliquot menses Sedem Apostolicam per vim tenuit, ita ut duodecim Benedicti legitimi fuerint: & unus Schismaticus, Decimustertius vocatus, nomine proprio Petrus de Luna, inter Pontifices mi-



minime numerandus.

*Sexta Differentia*, sed parva est inter Silvestros, an tres, an vero tantum duo fuerint: quia Silvester Tertius Benedicto Nono, decem annorum puero, tanta Sede indigno, substitutus fuerat, quem Silvestrum post duos fere menses Benedictus excussit; qui se omnibus invisum cernens, Pontificatum cessit Gregorio Sexto; cujus cessionis illum paulo post pœnituit, & Pontificatum repetiit, annisque decem, sed interpolatis vicibus eum tenuit.

*Septima Differentia* est inter Bonifacios, an sex, an vero 8. fuerint. Bonifacius quidem post Cælestinum s. ab omnibus vocatur Octavus; sed an Sextus, & Septimus Bonifacii, inter veros Pontifices numerandi sint, videat ante in Notitia singulorum Pontificum curiosus Lector.

*Itaque Papæ ejusdem Nominis fuerunt.*

Joannes	23.
Gregorii	15.

Benedicti	}	13.
Innocentii		

Cle.

# 398 ELENCHUS NOTITIA

Clementes } II.  
Leones }

Stephani 10.  
Bonifacii 9.

Alexandri } 8.  
Urbani }

Adriani 6.

Cœlestini }  
Martini }  
Nicolai } 5.  
Pauli }  
Xysti }

Anastasi }  
Eugenii }  
Felices } 4.  
Honorii }  
Sergii }

Callisti }  
Julii }  
Lucii } 3.  
Silvestri }  
Victores }

Agapeti } 2.  
Doni }

Damasi	}	2.
Marcelli		
Paschales		

Gelasii	}	2.
Pelagii		
Theodori		

Reliqui sunt unici nominis Pontifices.

## SECTION XXVI.

*Pontifices qui primi nomen mutarunt.*

**R**efert Platina ex Martino Polono, quod *Sergius* 2. primo nominatus Os Porci, sive Bucca Porcina, ob turpitudinem huius nominis, electus Pontifex nomen Sergii assumpserit; adeoque primus fuerit qui nomen mutavit: ad quem locum notat Onuphrius Panvinius, se apud neminem veterum Auctorum hoc invenisse; imo ex Anastasio Bibliothecario, qui Sergii huius tempore vixit, & vitas Pontificum edidit, contrarium magis elici: Papam hunc, scilicet, ante Pontificatum etiam Sergium vocatum fuisse, Os vero Porci cognomen habuisse; & Pontificem, prænordine retento, cognomen omisisse: putatque idem

Onu-

Onuphrius Joannem 12. primum fuisse qui nativum nomen Papa creatus mutavit: rationem vide in Notitia. sed a Ciaconio ante hunc Joannem, & post Sergium 3. interferuntur alii duo, *Adrianus* 3. qui *Agapetus*, & successor ejus *Stephanus* 6. qui *Basilius*, ac postmodum *Joannes* 12. qui *Octavianus* ante vocati fuerint. quam nominis mutationem hincinde a paucis usitatam, Pontifices circa annum millesimum e Germanis assumpti, præ aliis usurpare ceperunt; idque fere propter nominum Germanorum quamdam barbariem: uti *Bonifacius* 7. *Franco* ante dictus, *Gregorius* 5. *Bruno*, *Silvester* 2. *Gerbertus*, *Clemens* 2. *Siudegerus*, *Damasus* 2. *Popo*, *Victor* 2. *Berardus*, *Joannes* 18. *Sicco*, ac demum *Sergius* 4. *Petrus* antea vocatus, ob respectum erga primum Christi Vicarium, se ipsius nomine indignum reputans, nomen Sergii assumpsit; post quem nomina sua mutare Pontificibus Romanis in consuetudinem, non in obligationem transit: Nam *Joannes* 21. *Lusitanus*, *Adrianus* 6. *Belga*, & *Marcellus* 2. *Italus*, nomina in Baptismo indita in Pontificatu retinuisse leguntur. & mutatio hæc non

non fit sine exemplo & imitatione ipsius Christi Domini, qui Petro ad Pontificatum designato nomen novum imposuit, dicens Jo-  
an. i. *Tu es Simon filius Jona, tu vocaberis Cephæ; quod interpretatur Petrus.* Nec istud est abrenuntiare Baptismo, in quo nomen solet Baptizato imponi, ut cavillantur Lutherani Centuriatores. nam nec Petrus Circumcisioni renuntiavit, quando loco Simonis nomen Petri, sive Cephæ sibi imponi passus est: nec Doctor Gentium Baptismo, quando neglecto veteri Sauli nomine, se Paulum dixit: quinimo S. Memorix Pius Quintus tertio nomen mutavit, in Baptismate vocatus Antonius, in Regulari Professione, Michael, in Patu Pius dictus.

## S E C T I O XXVII.

*Ante Pontificatum legitimo juncti  
Matrimonio.*

**S**anctus Petrus, cujus Socrus ante Pontificatum, cum teneretur magnis febribus, a Christo D. sanata fuit.

*Fabianus*, coronata per Martyrium Uxore, Pontifex designatus  
in,

indicio Columbæ e sublimi devolantis, ejusque capiti insidentis.

*Hormisdæ* reliquit ex legitimo ante Papatum matrimonio filium Silverium nomine, qui dein ad Papatum, imo Martyrium pervenit.

*Felix* 3. S. Gregorii Atavus, deinde Canonicus Augustinianus, ac per novem annos summus Pontifex.

*Clemens* 4. Regis Franciæ S. Ludovici Consiliarius, duas ex legitimo matrimonio filias habuit; ejus sanctitatem vide in Notitia.

*Petrus de Corbario*, Pseudopontifex, qui relicta Uxore, Ordinem Minorum professus, Nicolaus 5. per conventum schismaticorum a Ludovico Bavaro excitatum, vocatus fuit.

## S E C T I O XXVIII.

*Pontificum Nepotes ad Pontificatum erecti.*

**S** *Anctus Gregorius Magnus* refert, Felicem Tertium atavum suum fuisse.

*Romanus Marini Primi*, seu potius Martini Secundi ex fratre nepos.

*Benedictus Nonus*, puer decem an-



annorum dum Pontifex crearetur; duorum immediate præcedentium Pontificum Benedicti 8. & Joannis 20. nepos, Alberici utriusque fratris filius.

*Gregorius Nonus* Innocentii Tertii nepos, Franciscanis addictissimus, in eorum habitu sepultus.

*Alexander Quartus*, Innocentii Tertii, & Gregorii Noni consanguineus.

*Adrianus Quintus*, Nepos Innocentii Quarti.

*Vicedominus*, dictus per aliquot horas Gregorius Undecimus, ipso electionis die mortuus, Gregorii Decimi sororis filius, a pluribus in Pontificum Catalogo prætermisus.

*Gregorius Undecimus* Clementis Sexti fratris filius, annorum tantum 35. cum Pontifex crearetur.

Nota quod in Concilio Basileensi cautum fuerit, ne Cardinalium numerus 24. excederet, ac ne Pontificum, aut Cardinalium Nepotes ad Cardinalatum admitterentur: quæ cautio observata deinde non fuit: nam paulo post

*Paulus Secundus*, Eugenii Quarti sororis filius, prius mercator, quod in Italia Nobilitati non derogat,

rogat, fit Cardinalis, ac dein Pontifex.

*Pius* Tertius, Pii Secundi ex sorore Laodamia nepos.

*Julius* Secundus Xysti Quarti ex fratre nepos.

*Clemens* Septimus, Leonis Decimi Patruelis, sive cognatus Germanus: post quem, nulli Pontificum nepotes ad hæc usque tempora ad Pontificatum pervenerunt.

## SECTIO XXIX.

*Pontifices Musici fuere*

**G**elasius 1. Gregorius Magnus, Vitalianus, duo Leones, Secundus, & Nonus. Leo Ostiensis lib. 3. cap. 7. Hist. Casin. narrat Victorem 3. fuisse musicæ & medicæ artis peritissimum.

*Medici, aut Medicorum Filii.*

**S**anctus Eusebius, Medici filius, & ipse Medicus: S. Leo 2. Pauli Menii Medici, uti Bonifacius 4. Joannis Medici filius: Joannes 2. L. Medicus scriptis clarus: Nicolaus 5. Patris Medici, & Matris Annolarie filius.

*Fra-*

*Fratres sibi in Pontificatu succedentes.*

**R**arissimo exemplo bis tantum visi fuerunt : semel Stephanus 3. & Paulus 1., semel Benedictus 8. & Joannes 20. Pontus Heuterus Auctor probatus, Tractatu de Libera hominis nativitate, narrat fuisse hos quinque Pontifices illegitime natos : Sanctum Dionysium, Joannem 11. Leonem 5. Innocentium 8. & Clementem 7.



## S E C T I O   X X X.

*Romani Pontifices Versibus 157. technicis descripti; in quibus non tantum uniuscujusque nomen, sed etiam numerus nominis exprimitur.*

ANNO **S** I vis Pontifices Romanæ noscere Sedis,  
CHRI- Quisque quotus fuerit, metris his  
STI. scire valebis.

34. Primo Papatus (1) Petrus est in Sede locatus,

Qui confederunt (2) Linus, (3) Cle-  
tusque fuerunt;

His (4) Clemens junctus papali est  
munere functus:

Disputat, hic, mundus sit quartus sitne  
secundus.

100. Sedit (5) Anacletus post illum, mox  
(6) Euaristus,

Prodit (7) Alexander, succedit in or-  
dine (8) Xystus,

Non residetque minus (9) Telesphorus,  
hinc stat (10) Hyginus,

Inde sacri cænis (11) Pius est dux,  
tunc (12) Anicetus,

(13) Soter, (14) Eleutherus; quibus  
est (15) Victor quoque mixtus;

200. Tum (16) Zephyrinus adest, comita-  
tur Papa (17) Calistus.

(18.) Urbanus turbæ Christi præfer-  
tur in Urbe;

En

*En* (19) Pontianus, & (20) Anterus; *post hos* (21) Fabianus, (22) Cornelius, (23) Lucius, (24) Stephanus, (25) Xystusq; *Secūdus. Eminent in scriptis* (26) Dionysius *inde profundus,*  
 (27) Felix *stat planus,* *conjungitur* (28) Eutychianus,  
*Præsul adest* (29) Cajus, *tum* (30) Marcellinus *amatur,*  
 (31) Marcellus, *necnon* (32) Eusebius *associatur,* 300.  
 (33) Melchiades *etiam;* *post quem* (34) Silvester *haberi*  
*Primatem voluit te Christus in ordine Cleri.*  
 (35) Marcus *orat,* (36) Julius *stat,* (37) Liberiusque *triumphat,*  
*Tuque Secunde sede* (38) Felix, (39) Damasoque *recede.*  
*Postea* (40) Siricius *spectemus,* (41) Anastasiumque;  
 (42) In-que-nocentius *Albanus comi-* 400.  
*tetur utrumque.*  
*Tum* (43) Zosimus *detur,* (44) Bonifacius *hinc numeretur:*  
*Mox* (45) Cælestinus, (46) Xysto *cum Tertio habetur.*  
*Papa* (47) Leo *præstans quasi sedus se manifestans.*  
 (48) Hilarius, *dein* (49) Simplicius, *post Tertius extans*  
 (50) Felix, (51) Gelasiusq; , (52)

- Anastasiufque *Secundus* ;  
 500. (53) Symmachus *hinc*, (54) Hormis-  
 da *illinc*, Primusque (55) Joannes,  
*Tum* (56) Felix *Quartus*: (57) Bonifacius *atque* (58) Joannes  
*Alter uterque* ; & (59) Agapetus ,  
 (60) Silverius *unus*,  
 (61) Vigilius *cum* (62) Pelagio *sequiturque* (63) Joannes  
*Tertius* , & Primus (64) Benedictus  
*Nominis hujus* :  
 Illi (65) Pelagius *successit rite Secundus*.  
*Tandem majori fulges virtute* (66) Gregori ;  
 600. *En Volaterranum, aut Bleranum*, (67) Sabinianum.  
 (68) *Tertie cum Quarto* (69) Bonifacii *deinde notaris*,  
*Atque* (70) Deusdedit, & (71) Bonifacii *Quinte vocaris*.  
*Prodit* (72) Honorius, *hinc* (73) Severinus, & *inde* (74) Joannes  
*Quartus*, *tum* (75) Theodorus *adest*  
*re & nomine Græcus*.  
*Ecce Tudertinus* (76) Martinus *in ordine Primus*.  
 (77) Eugenium *explano, cum Præsule* (78) Vitaliano,  
*Teque* (79) Adeodate, *cum* (80) Dono, *atque* (81) Agathone *patrona*.

Musf.



*Musicus hinc facundus adest (82) Leo*  
*Papa secundus,*  
*Quem (83) Benedicte Secunde subis,*  
*& Quinte (84) Joannes.*  
*Tuque (85) Conon, (86) Sergique 700.*  
*venis, & Sexte (87) Joannes,*  
*(88) Septime tuque etiam. (89) Si-*  
*finius inde videtur.*  
*Post (90) Constantinum, (91) Gre-*  
*gorius alter habetur,*  
*Tertius huic etiam (92) Gregorius as-*  
*societur;*  
*(93) Zacharias, alter (94) Step-*  
*hanus, (95) Stephanusque notetur*  
*Tertius, en (96) Paulus, (97) Ste-*  
*phanus tum Quartus ametur.*  
*Hinc (98) Adrianus adest, (99) Leo*  
*Tertius inde feretur,*  
*Post (100) Stephanum Quintum (101) 800.*  
*Paschalis Papa tenetur:*  
*Alter & (102) Eugenius Papæ sub-*  
*scribitur isti,*  
*Cui tu successor vix (103) Valentine*  
*fuiſti.*  
*(104) Gregori tum Quartæ sedes, (105)*  
*Sergique Secunde.*  
*Quartæ (106) Leo, (107) Benedicte*  
*locum quoque Tertie sponde.*  
*Mox (108) Nicolae tuo tua gaudet Ro-*  
*ma decore,*  
*Junior emicuit te post (109) Adrianus*  
*honore.*  
*(110) Joannem Octavum affecit mala*  

S
4
turba

*turba pudore :*

Marine hunc sequeris , posius ( 111 )  
Martine Secunde .

Tertius huic ( 112 ) Adrianus adest ,  
Sextusque deinde

Stat ( 113 ) Stephanus , tum ( 114 )  
Formosus , ( 115 ) Bonifacius inde

900. Sextus , Septimus & ( 116 ) Stephanus .  
( 117 ) Romane subinde

Unice stas , ( 118 ) Theodore , Secunde ,  
& None ( 119 ) Joannes :

Quarte subi ( 120 ) Benedicte , ( 121 )  
Leo post Quinte vocaris ,

Unice ( 122 ) Christophore , & mox  
( 123 ) Sergi Tertie faris ,

Tertie ( 124 ) Anastasi , ( 125 ) Lando ,  
bis quinte ( 126 ) Joannes ;

Sexte ( 127 ) Leo propera , ( 128 ) Ste-  
phanus bis Quartus adheret :

( 129 ) Joanni Undecimo propius ( 130 )  
Leo septimus haret .

Hinc ( 131 ) Stephanus Nonus , ( 132 )  
Martinus Tertius illinc ,

Alter ( 133 ) Agapetus , Duodecimus  
inde ( 134 ) Joannes ;

Sufficitur Quintus nimis huic juveni ( 135 )  
Benedictus ,

Octavusque ( 136 ) Leo , Decimus tum  
tertius exit

( 137 ) Joannes , ( 138 ) Donus quem  
junior , & ( 139 ) Benedictus

Subsequitur Sextus , ( 140 ) Bonifacius ,  
& ( 141 ) Benedictus

*Septimus . Hinc multi cernuntur adesse*  
*Joannes ,*  
*Nam (142) Decimusquartus, (143) Quin-*  
*tus, (144) Sextusque sequuntur ;*  
*Tum post (145) Gregorium Quintum ,*  
*rursum ecce (146) Joannem :*  
*Alter adest (147) Silvester , adest ite 1000.*  
*rumque (148) Joannes ;*  
*Hinc etiam Decimum nonum subscribe*  
*(149) Joannem ;*  
*(150) Sergius huic Quartus connectitur ,*  
*& (151) Benedictus*  
*Octavus ; prodit Vigésimus inde (152)*  
*Joannes ,*  
*Hinc (153) Benedictus adest Nonus ,*  
*puer ipse decennis ;*  
*Tertius hunc 154) Silvester agit : in*  
*Sexte retunde*  
*(155) Gregori ; (156) Clemens ubi*  
*praestolare Secunde ?*  
*Alter adest (157) Damasus , Nonus*  
*(158) Leo , (159) Victor & alter ,*  
*Stat (160) Stephanus Decimus , nec*  
*non Decimus (161) Benedictus .*  
*Post (162) Nicolae Secunde venis ; post*  
*teque Secundus*  
*Surgit (163) Alexander : tum Septi-*  
*mus est repetundus*  
*(164) Gregorius , (165) Victor dein*  
*Tertius , inde Secundus*  
*Praefidet (166) Urbanus , (167) Pa- 1100.*  
*schalis & ipse Secundus ,*  
*(168) Gelasius , (169) Callistus ,*  
*S 5 (170)*

## 412 ELENCHUS NOTITIÆ

(170) Honorius , ecce *Secundi* ;  
 (171) *In-que-nocenti adstas* , & (172) *Cœlestine Secundi* ,  
*Atque Secunde venis* (173) *Luci* : *sunt-*  
*que octo Secundi* .  
*Tertius* (174) *Eugenius post hos in ho-*  
*nore tenetur* ,  
*Quartus* (175) *Anastasius* , *Quartusque*  
 (176) *Adrianus habetur* ,  
*Praesul* (177) *Alexander tum Tertius*  
*esse videtur* ,  
 (178) *Lucius* , (179) *Urbanus quo-*  
*que Tertii adesse leguntur* :  
*Octavus post hos* (180) *Gregorius* ;  
*atque sequuntur*  
*Pontifices quatuor, qui terni rursus aguntur*  
 1200. (181) *Clemens* , (182) *Cœlestine*  
*venis* , & *Terne* (183) *Nocenti* ,  
*Ternus* (184) *Honorius* ; *hinc* (185) *Gregorius ordine Nonus* .  
*Pontifices quini succedunt nomine Quartii* ,  
*Sic* (186) *Cœlestinus* , *sic* (187) *In-*  
*que-nocentius audit* ,  
*Quartus* (188) *Alexander* , *Quartusque*  
 (189) *Urbanus obaudit* ,  
*Et* (190) *Clemens Quartus* : *Decimus*  
 (191) *Gregorius intus* ,  
 (192) *In-que-nocentius est Quintus* ,  
*Quintusque* (193) *Adrianus* .  
*Unus sequitur* (194) *Vicedominus*  
*Papa diei* ,  
*Gregori iste Nepos Decimi* , *Undecimusque*  
*vocatus* ,

De-

*Defunctusque die prima, vix est numeratus.*

(195) Joannes Primus-vigesimus, &  
(196) Nicolaus

*Tertius; hinc* (197) Martinus, (198)  
Honorius, & (199) Nicolaus

*Tres Quarti; Quintus dein* (200) Cœ-  
lestinus *habetur,*

*Post* (201) Bonifacius Octavus, No- 1300.  
nus (202) Benedictus,

*Qui tamen Undecimus dici ratione mere-*  
*tur.*

*Septem Pontifices stant Avenione sequen-*  
*tes:*

*Quintus ibi* (203) Clemens, *Vigesimus*  
*atque secundus*

(204) Joannes, *post quem Duodecimus*  
*est* (205) Benedictus,

*Cui* (206) Clemens Sextus, *Sextusque*  
(207) Nocentius *adstant,*

(208) Urbanus Quintus, (209) Gre-  
gorius Undecimusque,

*Qui Romam rediit: tu Sexte* (210) Ur-  
bane *maneto,*

*None* (211) Bonifaci, *tu Septime ibi* 1400.  
*que* (212) Nocenti,

(213) Gregori bis Sexte sede. Sedem  
*ecceprehendit.*

*Quintus* (214) Alexander; *Vigesimus*  
*inde* (215) Joannes

*Tertius, ex multis Joannibus ultimus*  
*hic est,*

*Nonnullis Quartus Vigessimus iste vocatur,*  
S 6 (216)

# 414 ELENCHUS NOTITIÆ

- (216) Martinum Papam Quintum  
*Quartus comitatur*  
 (217) Eugenius, Quintus post hunc  
 (218) Nicolaus amatur.  
*Tertius hinc* (219) Callistus adest,  
 (220) Pius inde Secundus,  
*Atque Secundus orat* (221) Paulus,  
 (222) Xystus quoque Quartus,  
 (223) In-que-nocentius Octavus: Do-  
 minatur in Urbe  
 1500. Sextus (224) Alexander, (225) Pius  
*hinc se Tertius offert,*  
 (226) Julius inde Secundus adest, De-  
 cimusque (227) Leonum,  
*Sexte subis* (228) Adriane, venis dein  
*Septime* (229) Clemens,  
*Tertius huic* (230) Paulus, quoque Ter-  
 tius adstat (231) Julius.  
*Tum* (232) Marcelle Secunde sedes,  
*breve tempus at hæres.*  
 (233) Paule veni Quarte, & (234)  
*Pie Quarte, adsis* (235) Pie Quinte.  
 (236) Gregorius Decimus-stat-Tertius,  
*hunc prope* (237) Xystus  
*Quintus, &* (238) Urbanus spatio vix  
*septimus ullo.*  
 (239) Gregorio Decimo quarto instas  
*None* (240) Nocenti:  
 1600. (241) Clemens Octavus subit, Unde-  
*cimusque* (242) Leonum;  
*Post* (243) Paulum Quintum, & *Quin-*  
*tum decimumque Patronum*  
 (244) Gregorium, longo (245) Ur-  
 banus



banus nos tempore rexis

*Octavius, Decimus post (246) In-que-no-*  
*centius exit:*

*Prodit (247) Alexander tum Septi-*  
*mus; inde notati*

*Sunt duo Clementes, (248) Nonus*  
*(249) Decimusque vocati.*

*Clavibus assumptis regnat Venerabilis*  
*(250) Inno-*

*Centius undecimus: post hunc octavius*  
*ovile*

*Pascit (251) Alexander, regnare (252)*  
*Nocentius inde*

*Duodecimus capit, clavesque assumere*  
*(253) Clemens:*

*Cogitur undecimus: surgit dein Tertius*  
*(254) Inno-*

*Centius a decimo, sed nunc (255) Be-*  
*nedictus habenas.*

*Tertius a decimo sacro moderatur in*  
*Orbe.*

*Papa sequitur metris finem hisce da-*  
*turus.*

1700

## ONOMASTICON

## ETYMOLOGICUM

## VOCUM OBSCURIORUM

*Quæ in Missali, Breviario, ac Martyrologio Romano continentur.*

A.



**A**BSOLUTIO ( prout ea voce in Breviario Romano ad Matutinum utimur ) dicta est , vel quia Nocturnum absolvitur , vel quia simul cum Oratione Dominica immediate præcedente petimus absolvi , & mundari corda , & corpora nostra , ad audiendum verbum Dei in Lectionibus quæ sequuntur . Gavantus putat Absolutiones denominari ab ultima & nobiliore tertii nocturni absolutione , quæ habet : *A vinculis peccatorum nostrorum absolvas nos omnipotens & misericors Dominus.* aliter hac voce utimur in fine Primæ ad absolutionem Capituli : de quo vide infra in voce Capitulum .

ABBYSSUS , latine sine fundo ,  
ab

ab α privativo, & ὁ βυσσός fundus.

ACEDIA vitium est pigritiæ, ab α privat. & τὸ κηδεῖν cura, labor; quasi sine labore, & cura. sic

ACEPHALOS sine capite, Autoccephalos sui capitis; ἡ κεφαλή caput. Liber acephalus sine principio, atelos sine fine; τὸ τέλει finis, τελέω finio.

ACERRA fuit quondam parva ara, ut Festus docet, quæ ante mortuum poni solebat, in qua odores boni accendebantur: Arculam thurariam, quam hodie Naviculam dicimus, Tertullianus Acerram vocat: pensilis autem acerra ipsum est thuribulum; quod Thymiaterion græce dicitur a θυμιάζω suffio, sive suffitum excito, unde thymiama suffimentum. τὸ θύμα est herba optimi odoris, latine thymus; qui alios in choro incensat, suffitor sive fumigator dicitur: & Teutonicum *Vrierroock* potius *Vreyroock* dici deberet, quia thus ad servitium divinum a Sacerdote benedicatur, quasi *gerveyden roock*; uti *vvey-vvater*, *gerveyd-vvater*. plena acerra, liberali manu sacrificare, proverbium est apud Martialem lib. 4. Epigr. 45.

*Hæc tibi pro nato plena dat lacus  
acerra*

*Phæbe*

*Phæbe Palatinus munera Parthenius.*

**ACOLYTUS** a Græcis dicebatur qui nullis minis ab instituto poterat revocari: ita Stoici acolyti dicti sunt, quod impium putarent mutare sententiam. antiquitus a Christianis hoc nomine vocabantur ii sacrorum ministri, qui cum ipsi sacris non operarentur, ab illis tamen non excludebantur: dicti Acolyti, quasi non prohibiti, sive admissi; ab α privativo, & κολύω, prohibeo: eorum ministerium erat diversum a Diaconorum, & Subdiaconorum, qui sacris communicabant: Acolyti ministrabant Episcopis & Presbyteris in his quæ ad sacra facienda pertinent, in parandis mappis, & altaribus, luminibusque accendis, & in iis ferendis, quibus in sacris faciendis usus est. Acolyti hodie cum Ceroferariis confunduntur; cum tamen Acolyti vocandi sint qui præparant altaria ad sacrificium, uti in Choro Mechliniensi alumni Seminarii Theologice diebus festivis: Ceroferarii, qui cum cereis accensis celebrantem præcedunt; uti ejusdem Seminarii humanitatis studiosi faciunt. nota, quod *Ceroferarium* in neutro ge-

genere sit ipsum Candelabrum ?  
vide Pontificale Rom.

ADONAI vox trium, non quatuor syllabarum, uti passim non bene Adonai pronuntiatur: Hebraicum hoc Latine Dominus sonat, quia Deus solus per excellentiam Dominus dicitur; quæ vox non sine Mysterio SS. Trinitatis trisyllaba est, non tetrasyllaba.

ACTIO (infra Actionem, prout habetur in Canone Missæ) vide in voce Canon.

ADVENTUS est principium anni Ecclesiastici. G. Durandus in Rationali l. 6. cap. 2. ait, quod S. Petrus instituit tempus Adventus Christi per tres hebdomadas integras & unam non integram annue observandum: quando autem incipiat, collige ex hoc versiculo:

*Incipit Adventus Christi Sabb. post Catharinæ.*

nam si festum S. Catharinæ in feriam sextam incidat, sequenti Sabbato in Vesperis; si vero in Sabbatum, octiduo post incipit Adventus.

ADVOCATUS ALICUJUS ECCLESIAE. a multis retro seculis magna atque eximia dignitas censetur esse advocatorum vel subadvoca-

vocatorum, hoc est protectorum alicujus Ecclesiæ; ita olim a Benedicto Octavo coronatus fuit Henricus Pius Imperator, prævia data responsione, in atrio Basilicæ Vaticanæ, quod advocatus, patronus & defensor foret Ecclesiæ Romanæ. sic Comites Lovanienses Ecclesiæ Nivellensis, Bertholdi Ecclesiæ Mechliniensis, Comites Durachenses Monasterii Trudonensis Advocati fuerunt, & Lipsius L. 2. Lovanii Cap. 6. *Comites Lovanienses scribebant se ( & reipsa exhibebant, ac superbiebant in hoc titulo ) advocatos aut defensores Ecclesiarum ac Cœnobiorum.*

ADYTUM. ἀδυτον ab α privat. & δύν ingredior: locus est templi secretior, ad quem nullis est aditus nisi Sacerdotibus: nota quod adyton scribatur per *ypsilon*, aditus vero per *jota*; & hæc vox Latina est ab adeo.

ÆDITUUS, ( Magister Fabricæ hodie ) dicitur ab ædibus tuendis. Lipsius *Æditimus* dici mavult, quasi ædi intimus. vide A. Gellium L. 12. Cap. 10.

ÆGYPTUS nomen habet ab αἴγυπτός, quod est callide & astute ago; juxta Adagium antiquum  
*Nesciunt stupēdas Machinas Ægyptii.*  
 uti



uti testantur eorum hieroglyphica.

**ÆRA HISPANICA.** modus computandi annos apud antiquos Hispanos: cæpit trigesimo octavo circiter anno ante Christi Nativitatem; cum, regiminis Romani facta divisione, Hispania regenda cessit Cæsari Augusto; a quo optime gubernati Hispani, annos suos ab ejus regimine computare ceperunt: & duravit hic annorum computus usque ad annum Christi 1383. quando jussu est, ut more Christiano a Nativitate Domini annos numerarent. Nomen *Æra* ex eo venit, quod a Notariis, Tabellionibus, aliisque Scriptoribus voces sint abbreviatæ; ut quod scribendum esset ad longum: *Annus erat Augusti Cæsaris*, illi brevitate causa sic exararent; *Æ. ER. Æ. CÆS.* paulatimque omissis punctis, & ultima syllaba, remanserunt solæ istæ litteræ conjunctæ *Æ R Æ*; quod significat *Annus erat*. Modus computandi Græcorum *Epocha* dicitur ab ἐποχὴ in eo: Latinorum *Æra*, uti dictum est.

**ANNUS** nomen habet a Græco νέω, quod derivatur ad ἀναίωω, renovo, restauro. Servius ab annulo deducit (imo annulus ab anno dimi-

minutivum potius est ) quod quasi annulus in se redeat, secundum illud Virgilii:

*In sese sua per vestigia volvitur annus.*

**ANNIVERSARIUM**, subintellige Officium: quod tantum fieri debet semel, elapso primo anno, ritu duplici: reliquis annis non item, quamvis sit Anniversaria dies: sed Officium sit simplex, & Missa ut in quotidianis Defunctorum; Oratio autem *Deus Indulgentiarum* tantum dicitur semel, idque elapso primo anno, quia Rubrica missalis habet in Anniversario, non in Anniversariis Defunctorum, & Rubr. Breviarii in Anniversario die, non diebus.

**MENSIS** a metior, mensus sum deducitur, quasi mensus dierum numerus. Cicero l. 2. de natura Deorum ait: *quia mensa dierum spatia conficiunt, menses nominantur*. Macrobius a Græco *μήν* deducit, quod est Luna; nam Lunæ circulo Mensis conficitur: & quadrat vox Teutonica *Maent* quasi *Maentydt*, tempus sive spatium Lunæ.

**SEPTIMANA** Latine dicitur quasi per septem manans:

**HEBDOMAS** Græce *ἑβδομάς* est spatium septem dierum; quamvis etiam

etiam dicatur de annis , uti Hebdomades Danielis de Christo venturo . A. Gellius scribit se duodecimam annorum Hebdomadam ingressum , septuaginta quinque Librorum Hebdomadas scripsisse . Septem Miracula mundi vocantur Operum mirabilium Hebdomas . ita dicitur *Ogdoas* numerus octonarius , *Enneas* novenarius , *Decas* denarius : *Hendecas* undenarius , *Dodecas* duodenarius , & *Monas* numerus unicus , *Dias* , *Trias* , *Tetras* , *Pentas* , *Hexas* , *Heptas* ; unde Hebdomas , & Hebdomada . *Hecaton*tas est centuria , *Chilias* numerus millenarius , & *Myrias* sunt decem millia . Prisci Romani non utebantur septimanis , sed sicut annos in menses , ita menses in Kalendas , Nonas , & Idus dividebant : de quibus vide infra in voce Kalendæ . Judæi autem Hebdomadibus utebantur , quarum diem primam , quam nos Dominicam dicimus , Primam Sabbati vocabant , & sic secundam , tertiam , quartam , quintam , sextam Sabbati ( quæ sexta Parasceve dicebatur ) & ultimam five septimam Sabbatum appellabant : Septimanam itaque Judæi a prima Sabbati , Ethnici a Die Solis , Christiani

habent enim in annulo Piscatoris effigiem in navicula positi, & retia laxantis, id est Petri: nam is prius Piscator quam Episcopus fuit; imo Pontifex factus piscari non desit errantes mortalium animos. P. F. Michael Gorgeu ex Ordine Minimorum, qui edidit *Remarques au sujet de la Prophetie de S. Malachie sur les Papes*, ait: *L'eglise a si particulierement affecté le nom de Pescheur, que toutes les lettres privees des Papes adressees a qui que soit, & les graces concedees en forme de Bref, qui portent pour seel l'image de S. Pierre jettant de sa nacelle son reitz en la mer, s'appellent expediees sub Annullo Piscatoris; qui veut autant dire, que de S. Pierre, ou de son image en tel figure. habet autem Christiana Pietas, secundum Pierium in Hieroglyphicis, felicissimi successus sui signum navem cum Piscatore Petro in familiari summi Pontificis Annulo expressam. itaque Annulus Piscatoris est Annulus Pontificius, habens in pala expressam imaginem Petri Piscantis.*

AGAPE dicebatur sacrum Christianorum Epulum, quod in Sanctorum Natalitiis mutua inter se charitate solebant celebrare, cum  
pri-

pridie in eorum pervigiliis jejunia & vigiliis servassent. ἀγάπη charitas, dilectio, benevolentia: hinc ἀγαπητός dilectus. Agape nunc vocari posset epulum quod datur ex pietate alicui Cænobio, quod Itali *Pietanza* dicunt, nos corrupte *Pitance*.

AGATHA, ἀγαθή latine bona, *Pantagathus* totus bonus.

AGIOS, ἅγιος sanctus: in hymno antiquo *Adventus Te deprecamur Agie*, id est Sancte. ita in Officio *Parasceves*; *Agios o Theos*, *Agios ischyros*, *Agios athanatos*, *e-leison imas*. quod est: *Sanctus Deus*, *Sanctus fortis*, *Sanctus immortalis*, *miserere nobis*. quod non dicatur Sancte Deus, Sancte fortis &c. uti apud Latinos in vocativo, ratio est, quod secundum Dialectum Atticam, quæ apud Græcos præcipua est, nominandi & vocandica-sus sint similes.

AGNOITÆ erant hæretici, latine Ignorantes dicti, quia novissimum mundi diem Judicii Christo ignotum putabant secundum illud Marci 13. *Nemo scit, neque Angeli in Cælo, neque Filius, nisi Pater*. Quem negat se scire Christus ut homo, & ut Dei ad nos legatus: quia non ita sciebat, ut re-  
ve-

velare hominibus posset ; sive illum revelare non habebat a Patre in mandatis . γνῶω nosco ; ἀγνῶω non nosco , ἀγνοήτης ignorans , non noscens .

ALBA subintelligitur vestis , Græce ποδήρης dicitur Apocalypsis I. *vestitus Podère* , secunda producta , dicta Poderis , quasi pedalis sive talaris vestis , quia pedes tangit , πῆς , ποδός , pes pedis .

ALMUS Epithetum Dei , quod omnes alat ; sicque salutatur D. Virgo : *O Mater alma Christi charissima* ; quod Christum aluerit . sic dicitur alma parens Tellus , & alma Ceres , quod omnibus alimentum præbeat .

ALMUTIA & ALMUTIUM , Isidoro Armilauſa dicitur , quasi in armis seu humeris clausa ; quia Canonici quondam Almutias super armos sive humeros ferebant , sicut etiamnum faciunt Canonici qui se Regulares dicunt : imo etiam in capite portabant , uti adhuc fit in antiquis Gallicanis Ecclesiis , dum ad Missam solemnem Canonicus celebrans procedit : apud nos Apparitor , Virgarius dictus , Almutiam præferre solebat ; quod jam desuit . Francis dicitur *Amucia* , & secundum Bayſium de re vestiaria



*Amicium*, ab amicio, quod est te-  
go. Vox autem Almutia a Teuto-  
nibus orta videtur, quasi *abde Mus-*  
*se*, antiquum caputium; quia ca-  
put quondam tegebat: & ita De-  
canus S. Petri Lovanii, Radulphus  
Corsbaut anno 1380. legabat cui-  
dam duo *Almutia*, dicta *Bonte Mar-*  
*sen*; ea sunt verba Testamenti. A-  
liqui derivare volunt a voce Flan-  
dris usitata *Almoesse*, quia Clerici  
quondam stipe & eleemosynis pio-  
rum Fidelium alebantur, quas ac-  
cipiebant in peris sive faccis, cu-  
jusmodi formam almutium in su-  
periore parte refert; sed deriva-  
tio hæc peritioribus improbatur.

ALLELUA vox hebraica est,  
significatque *laudate Dominum*. Lo-  
co *alleluja* a Septuagesima usque ad  
Pascha, ex decreto sancti Grego-  
rii, dicitur latinum: *Laus tibi Do-*  
*mine Rex æterna Gloriæ*; quod licet  
fere idem sonet, tamen idioma  
mutatur; quia tunc humiliori lin-  
gua uti convenit, qualis est lati-  
na respectu hebraicæ; neque decet  
vox lætitiæ, quando recolitur pri-  
mi hominis lapsus in Officio Ec-  
clesiastico; nam liber Genesis Do-  
minica Septuagesimæ prælegi inci-  
pit. Hilarius ait, quod eo vocis  
signo *Alleluja* antiqui vocabantur  
ad

ad collectam, id est ad congregationem pro oratione faciendam.

ALTARE dicitur quasi altum aræ, sive alta ara, ἀράματα oro, ἀρά oratio. itaque ara est supra quam oratur & sacrificatur, altare posterior elevata pars, pictura, vel imagine adornata.

AMBROSIUS latine immortalis reddi potest, ab alpha privativo, addito μ Euphoniae gratia, & Βποτός mortalis. Ambrosia est cibus Deorum, quo qui vescuntur, immortales fiunt. Martialis lib. xi. ep. 58.

*Jupiter Ambrosia satur est, & Nectare vivit.*

Nectar est potus Deorum immortalium. Secunda syllaba in Ambrosius est natura brevis, quia per omicron scribitur; ita ut dicendum sit in vocativo: O Doctor optime Ecclesiae sanctae Lumen Beate Ambrosi (sicut Hilari, Gregori, Basili, Mercuri) non Ambrosi, Gregori, Basili, Mercuri.

AMA, & per aspirationem hama, genus est vasis, unde profluxit vox nostra teutonica een aem bier of syn: hinc amulam deduxit Columella de cultu hortorum.

*Aur habilem lymphis amulam, Bacchive lagenam.*

T 2

Amu-

Amulæ vocantur vascula , de quibus in gestis Pontificum legitur: Religiosos quosque Imperatores atque Principes tantum numerum de amulis atque patinis, seu aliis vasis , atque ornamentis ecclesiasticis ad honorem Dei obtulisse illi, atque illi Ecclesiæ, quanta possibilitas fuit unicuique pro sua devotione . & in vitis Pontificum per Bibliothecarium scriptis legitur frequenter, hamas argenteas, atq; aureas donatas esse ministerio divino . Hamulæ vocantur ab Italis vascula vitrea ad usum vini & aquæ in sacrificio Missæ , quæ & *Ampulla* dicuntur, quasi parvæ amphoræ, & *Gemelliones*, quod geminæ adhibeantur, etiam *Urceoli*, quasi parvi urcei .

AMBO, ab Ecclesiasticis usurpatur pro loco edito , in quo alta voce sacra Lectio recitatur , uti Evangelium . ambonem ascendere, idem est quod pulpitum ad concionandum : inde dictum , quod ambiat vel cingat declamantem . verius græca vox est ἀμβων genitivo ἀμβωνος, significans locum editum, ab ἀμβάλω, quod est ascendendo ; quemadmodum in antiquis Ecclesiis adhuc fit , quod cantaturus Evangelium in festis solemnibus

bus ascendat odæum: unde *Graduale* dictum est canticum, quod cantabatur dum Diaconus ascenderet gradus Ambonis, sive pulpiti: *Pulpitum* autem dicitur quasi in publico statutum. Græci *Dicafterion* vocant, quod est locus, ubi stando aliquid recitatur: *σῆμα* enim est statio, unde Monasterium, & de Regularibus flandrice dicitur: *Hy staet te Brussel, te Mechelen, &c.* *Acroaterion* ab ἀκροαῖμα ausculto, est locus ubi stando auscultatur: ἀκράμα auditio sive auscultatio.

AMICTUS ab amiciendo dicitur, aliter *Superhumernale*: græce *Anabollagium*, ab ἀναβάλλω superinji-  
cio.

ANATHEMA penultima longa per n, latine sepositum, subintelligi donarium, quod ad Dei honorem seponitur, & quod nefas inde amovere; sicut Papa Alexander 7. misit Tapetem insignibus suis contextum ad D. Virginem Aspricollensem, quod anathema inde quocumque modo amoveri vetuit. *Anathema* penultima brevi per s significat devotum, uti dicunt Poetæ: devotum diris caput, teutonice *vervloecht*, hebraice *horma*. *Anathema* derivatur ab ἀναθεματίζω devoveo, detestor: *Anathema*

ἀναθήμα, ab ἀνατίθηναι sepono, suspendo: sic Thema (ἀτίθηναι pono) positum, positio.

ANICIUS: Sanctus Gregorius, & atavus ejus Felix 3. dicuntur fuisse Anicii: Nomen hoc Aniciorum celebre fuit ob Anicium Julianum; qui, quemadmodum Flavius Constantinus primus Imperatorum, ita Anicius primus Consul Romanorum, & Pudens pater SS. Pudentianæ & Praxedis. primus Senatorum, Christianus factus fuit. de quo vide Baronium in notis ad Martyrologium 31. Maii, & Commentatores Boetii de consolatione Philosophiæ, qui vocabatur Anicius Manlius Severinus Boetius.

ANTICHRISTUS (non *Ante-christus*) id est contrarius Christo ab ἀντί contra; in fine enim mundi quidam Pseudopropheta Christum se mentietur, veroque Christo adversabitur: posset etiam dici ante Christus; quod paulo ante, quam Christus ad judicandum veniet, ipse venturus sit, sed plane erit contra Christum. sic

ANTIPAS contra omnes, *Antiphrasis* contraria locutio.

ANTIPHONA, penultima brevi, latine sonus oppositus, sive reciprocus: quia Antiphonæ in Cho-

Choro nunc ab uno , nunc ab altero latere reciproce , & ex opposito decantantur finitis Psalmis , quasi Psalmorum resonantia ; quia constant versiculis ex ipsis Psalmis , quibus interferuntur , desumptis ; & vocantur ab Asceticis Psalmorum accensoria . *Les allumettes des Psaumes.*

ANGARIARE. Angaria , dictio Persica , proprie servitus coacta . Persis moris erat , obvios homines , & equos ad cursum & onera portanda rapere persoluta mercede ; unde angariare est cogere ad currendum vel ferendum , & *Angari* nuntii erant Regii apud Persas ; apud nos *Posti* vocantur , quasi positi sive posti , collocatique in certis locis , & Angaria sumitur pro *Posterye* .

APORIARI. aporia , indigentia , facultatis inopia ; ab  $\alpha$  privativo , &  $\pi\omicron\tau\epsilon\acute{\iota}\alpha$  facultas , potentia .  $\pi\omicron\tau\epsilon\acute{\iota}\alpha$   $\zeta\omicron\mu\alpha\iota$  rem facio , facultates augeo :  $\alpha\pi\omicron\tau\epsilon\acute{\iota}\omega$  indigeo , impotens sum , consilii inops , & perple-  
xus .

APOCRISIARIUS ( latine Responsalis ) ita vocabatur antiquitus summi Pontificis Legatus , quem hodie Nuntium Apostolicum dicimus : ab  $\alpha\pi\omicron\kappa\rho\epsilon\iota\sigma\iota\nu\omicron\mu\epsilon\iota$  , quod est



eum iudicio respondeo : quia Legatus Pontificis pro ipso iudicio se respondet : ita legitur de Sabiniano Papa , quod ex more Apocrisiarios seu Responsales suos misit ad Imperatorem , cum Synodica fidei confessione , quos Imperator benigne suscepit , confirmatisque privilegiis Ecclesiæ Romanæ per eosdem misit ad Papam Evangeliorum Codicem miræ magnitudinis gemmis exornatum . item sanctus Gregorius Sabinianum Diaconem suum , qui ipsi in Papatu successit , appellat Responsalem suum , quo munere se idem Gregorius functum fatetur lib. 3. Dialogorum : & Joannes Diaconus in vita ipsius narrat , quod Gregorius pro responsis Ecclesiasticis ad urbem Constantinopolim a Pelagio Præsule destinatus fuerit : qui quanta auctoritate ministerium sui Apocrisiariatus impleverit , quantaque reverentiæ apud Augustos extiterit , vel quanta sollicitudine afflictæ per Longobardos Italiæ succurri sapius fecerit , si quis plenius nosse desiderat , Epistolas antecessoris sui Papæ Pelagii ad eum percurrat . ita Joannes Diaconus .

APOCRYPHUS latine abjudicatus , flandrice *aff-gervesen* , aff-ge-  
Kerr.

*Κεντε*. ἀπὸ ab, κρίνω judico.

APOSTOLUS latine missus, ἀποστέλλω mitto: hinc venit *Αποστολί*, id est remisso; quia libellus supplex ordinarie ad aliquem remittitur.

ANGELUS Nuntius ab ἀγγέλλω nuntio: hinc Euangelium bonum nuntium. Apostoli fuerunt missi a Christo ad prædicandum bonum nuntium, quod est Euangelium.

ANDREAS nomen Græcum, latine virilis, ab ἀνὴρ vir, genit. ἀνδρός: vir autem a virtute, unde vis & vires: hinc

ALEXANDER virilis, vel virorum auxiliator: ἀλέξειν opitulari; ἀλέξιον remedium, juvamentum.

ALEXIUS remedians, *Alexipharmacum preservatief*, Pharmacum remedium afferens.

ANTONIUS an vero *Anthoni* scribendum? utrumque bene scribi existimo, secundum sequens Epigramma:

*Contra asinum sonat Antonius;  
quod nempe subacta  
Carne, velut pressa tendat ad astra  
Asino.*

*Anthoni*us florens vult dicere, nempe quod omnes

*Virtutum flores Anthoni*us referat.

*Sive hunc Antonium, vis Antho-  
niumve vocare,*

*Conveniet vite nomen utrumque  
sue.*

ἀντί contra, ὄν & asinus: ἀνθός  
flos; Chrysanthus aureus flos.

○ APOLLO. *Ego sum Pauli, ego  
autem Apollo.* Cor. I. loco Apolli-  
nis: est genitivus Græcus quartæ  
Declinationis Atticorum propriæ,  
sicut μενέλεως, & μενέλεω, ita Α-  
πόλλως, & ἀπόλλω. Apollo dicitur  
ab ἀπαλλάττειν abigere, quia mor-  
bos abigit: hinc *Apollonia* abigens  
dolores dentium. ἀπολογέω respon-  
deo, verbis me defendo: *Apologia*:  
verbalis defensio.

APSIS ἀψις. ponitur pro forni-  
cis templi curvatura. *flandrice he-  
rveltsel vande Kerck*: est autem a-  
psis, sive absis propriæ curvatura  
rotæ, sive ligneus circulus rotam  
ambiens: ordinariæ absis per b  
scribitur euphoniæ gratia. aliud  
est.

ASPIS latine scutum: unde aspi-  
logia, sermo de scutis sive insi-  
gnibus. Hyperaspistes lat. prote-  
ctor, ab ὑπερασπίζειν scuto prote-  
gere. est etiam Aspis serpentis ge-  
nus, teutonice *Aeder*: Psalm. 90.  
*Super Aspidem & Basiliscum ambula-  
bis: & venenum Aspidum insanabile.*

ARE-

ARETAS virtuosus, ἀρετῇ virtus: secunda brevi per ε: nisi more græco, propter ultimam longam, accentus ponatur in penultima.

AREOPAGUS ἀρεῶν πᾶγος Martis Pagus. ἀρεῆς Mars, unde ἀρετῇ virtus. Areopagitæ erant severissimi Judices, qui nullo modo a virtute Justitiæ deflectebant.

ARGUMENTOSUS. Cæcilia quasi apis tibi argumentosa deservit, id est ingeniosa. argumentum operis ponitur pro opere ingenioso, flandrice *een fraey stuk vverckx*! sic in Martyrologio 16. Septem. argumenta ( id est acumina ) rotarum ponuntur. Quintilianus ait: vulgo paulo numerosius opus dicitur argumentosum, id est nimia argumentorum mole refertur. Argumentum dicitur quasi mentem arguens, sive ostendens. Virgilius *Degeneres animos timor arguit*, id est ostendit: argumentari est mentem arguere, sive monstrare, flandrice *bevvyssen*, argumentum fabulæ *corte Bevvyfinge vande Comedie*. sic argutus, qui bene argumentatur, & mentem suam arguit, sive ostendit.

ARIMINENSIS CONVENTUS, quemadmodum nostro tempore ha-

bita fuit Synodus Dordracensis à Calvinistis in Hollandia; ita tempore Liberii Papæ, & Constantii Imperatoris Ariani, Constantini Magni filii, habitus fuit Conventus sive Synodus Arimini in Italia ab Arianis, ubi multa callide disputata fuerunt: quem Ariminensem Conventum rejiciens Liberius Papa, actus est in exilium, agente præfato Imperatore Constantio: Liberique loco intrusus fuit Felix Secundus, qui Arianis adversatus, mortuo Liberio legitime a Clero Romano confirmatus, Constantium ut hæreticum damnavit: a quo ob Catholicæ fidei defensionem (uti Martyrolog. 29. Julii) e Sede sua dejectus, & Cæræ in Tuscia occulte gladio necatus, gloriose occubuit: quo tempore vixit S. Gaudentius, Ariminensis Civitatis Episcopus: quando jussu Constantii Imperatoris Ariani, in damnationem vocis *Consubstantialis*, coactum est Conciliabulum Ariminense (uti notat Baronius ad Martyrolog. 14. Octob.) cui Gaudentius pro viribus resistit, ejusque acta, soluto jam Conventu, rescidit: quam ob causam a Proconsulis Militibus trucidatus est; qui constrictus podagra incedere non

non valens, ad locum supplicii protractus fuit: hinc eum Arthritici pro Tutelari colere solent.

*Arthritis* est morbus articularis in genere, quod τὸ ἄρθρα, hoc est articulos, & juncturas infestet.

*Podagra* est infestans pedes: *Chiragra* manus: *Gynagra* genua, τὸ γόνυ genu. Felici huic Secundo successit Papa Damasus, qui Ariminensem Conventum, a Liberio ante rejectum, iterum condemnavit, uti narrat Breviar. Rom. II. Decembris.

**ASYLUM** ἄσυλον est templum, alijsve locus a direptione tutus, ab α privat. & συλαώ quod est rapio. secundum Canones etiam Sacerdotum domus sunt asyla, uti Cænobia.

**AUTHENTICUM** Græce αὐθεντικόν latine authoratum, quod certam & indubitatam habet fidem, αὐθεντία, autoritas.

**AZYMUS** ab α privat. & ζύμη fermentum. Panis azymus sine fermento. per translationem accipitur pro sincero & non elato; nam infermentata conspersio non attollitur: contra fermentati, siue in fermento dicuntur esse iracundia turgentes; uti Plautus in Mercatore: mea Uxor propter illum tota



ta in fermento jacet, id est inflata & irata est. idem in Casina: nunc in fermento tota est, ita turgent mihi; adepol ego illam mediam disruptam velim.

## B

**B**ASILICA latine Regia: Basilicæ prius vocabantur regum habitacula, unde & nomen habent ὁ Βασιλεὺς Rex (*Basiliscus* rex serpentum, latine *Regulus*): nunc vero divina templa ideo Basilicæ nominantur, quia ibi Regi omnium Deo cultus & sacrificium offertur; ubi & ipse Deus habitare censetur. primaria nunc templa ita vocantur. Basilicæ antiquitus tribus constabat partibus: 1. atrio seu vestibulo, quod arcubus seu porticibus extructum erat. 2. aula, quæ navis templi, & gremium Basilicæ. 3. sacrario, seu secretario, sive adyto, & oraculo, & sanctuario, ubi Altare, Ciborium, & Sancta Sanctorum, nunc Venerabile Sacramentum tabernaculo inclusum. Regum libro 3. cap. 7. intulerunt Sacerdotes Arcam foederis Domini in locum suum, in oraculum templi, in sanctum sanctorum subter alas Cherubim, & cap. 8. cum exist-

sent

sent Sacerdotes de sanctuario. *Navis Templi* media pars vocatur ad ostendenda pericula, ventos, & tempestates, quæ Christianos circumstant; contra quæ ut muniamur, tenenda est unio in nave Petri.

**BALDACHINUM** vox Italica, latine umbraculum: uti *Balcona*, locus in quo statur ad prospiciendum.

**BALLATIONES** latine tripudia, a Græco βαλλίζω tripudio, lascivio, gallice *bailler*, hinc *balles* & *balletes*. Zosimus Papa inter alia suppressit Ballationes ante Basilicas in festis Sanctorum exerceri solitas; quod initio simplex, & prius populus Christianus ante templa tripudiaret, exemplo Davidis ante Arcam; uti adhuc faciunt Hispani ante Venerabile Sacramentum: sed abusus postea venerunt.

**BAPTISMUS & BAPTISMA**. Βαπτίζω aquis tingo lavo. Βαπτίζω immergo. Baptisterium locus vel vas ad lavandum. Secundum antiquas Ecclesiæ constitutiones ponuntur Baptisteria ad latus dexterum in ingressu, prope navem Ecclesiæ. S. Gregorius ait: Baptisma græco eloquio dicitur, latine tinxis, quod

quod ibi homo spiritu gratiæ in melius immutetur, & longe alius quam fuit efficitur; primum enim foedi eramus deformitate peccatorum, in ipsa tinctione reddimur pulchri dealbatione virtutum.

BENEDICTUS, Zachariæ Canticum quare dicatur in Officio matutino ad laudes? ideo est, quod loquatur ipse de filio suo Joanne, qui erat aurora Solem Christum præcedens; in eoque Cantico de illuminatione fit mentio, quod est matutini temporis proprium.

BENEDICTIO petitur & datur post Absolutionem, ante lectiones Nocturnorum; estque licentia quam petit lector, ut possit bene dicere, sive pronuntiare lectionem, hisce verbis: *Jube Domne benedicere*; id est jube, sive velis, benedicere, quod est benedictionem impendere: vel potius divisim, jube me per tuam deprecationem bene dicere, sive proferre lectionem sequentem: quæ proprie legitur, non cantatur, ideoque lectio vocatur; per quam annuntiatur verbum Dei: quod quomodo prædicabunt, nisi mittantur? ideoque benedictio petitur a Lectore, ut possit bene dicere sive prædicare verbum Dei. in fine lectionis

nis dicit Lector: *Tu autem Domine*  
*miserere nobis*: quasi confitens cul-  
 pam suam in lectione commissam,  
 per distractionem, vanam gloriam,  
 omissionem, malam recitationem.  
 Chorus respondet *Deo gratias* pro  
 pabulo spirituali, quod per lectio-  
 nem accepit: quia prædicationis  
 verbum securius auditur, quam  
 dicitur, uti ait Hieronymus. per  
*Sube Domne* intelliguntur ad præ-  
 dicationem euntes, per *Tu autem*  
*Domine*, inde revertentes. Ad Pas-  
 siones quæ cantantur in hebdoma-  
 da sancta, non petitur Benedictio;  
 quia in illis narratur, quomodo  
 fons & auctor omnis Benedictio-  
 nis per ignominiosam mortem sit sub-  
 latus: & recitantur sine lumine;  
 quia Christus lux mundi in Passio-  
 ne sua quasi extinctus fuit: vide  
 infra in Cereo Paschali. Benedi-  
 ctiones hæ ad Officium Nocturnum  
 fiunt a Sacerdote manibus junctis  
 per modum deprecatorium: aliæ  
 autem ordinariæ manu dextera  
 formando Signum Crucis; idque  
 eo, quod cum Jesus Christus my-  
 sterium nostræ Redemptionis &  
 salutis per Crucem suam comple-  
 verit, omne Benedictio-  
 nis genus per eam nobis promeruerit. vide  
 Notitiam in Stephano 5.

**BOCCALE** Italicum est, Teutonice *Kruycke*, Latine Gillo. in vitis & regulis Patrum legitur: si quis Gillonem, quem Baucalem nuncupant, casu aliquo fregerit. *Barilia* sunt parva vascula.

**BOJA** est torques aut compes, quo vincti tenentur, unde Teutonicum *Boeye*. Plautus *Afinaria*: Carceres, numellas, pedicas, Bojas, tortoresque acerrimos. (Boja, inquit Isidorus, quasi boum jugum dicitur.) idem *Aulularia*: Nervos, Catenas, Numellas, Pedicas, Bojas.

**BLASPHEMIA**. *Βλασφημία*, est verbis calumniantibus dignitati honorique alicujus detraho.

**BREVIARIUM**, Græce Epitome, latine Compendium, Summarium, seu concisum opus. Breviarium Romanum definit Lessius admirabile mysteriorum sacrae Scripturae compendium; continet enim Psalmos, in quibus per modum laudis omnia mysteria clauduntur, tum selectissima antiqui & novi Testamenti arcana, tum Patrum monumenta nobiliora, & præcipua sanctorum gesta, breves denique orationes seu collectas a summis Pontificibus ut plurimum compositas, atque indicat miro ordi-

ne & varietate, quæ preces quotidie dicendæ. Romanum dicitur, quia continet preces istas juxta ritum sanctæ Romanæ Ecclesiæ. ita Lessius.

**BREVICULUM** est breve scriptum sive elogium, quocum defuncti solebant sepeliri, sive cui conssepeliebantur; ut posterius scire possent, quinam ibi essent sepulti; ita legitur in novis lectionibus Breviarii de S. Joanne Gualberto 12. Junii: *In breviculo, cui conssepeliri voluit, jussit hæc scribi: Ego Joannes credo, & confiteor fidem, quam sancti Apostoli prædicaverunt, & sancti Patres in quatuor Conciliis confirmaverunt. Concilia autem ista quatuor sunt. Nicænum, Constantinopolitanum, Ephesinum, & Chalcedonense; quibus velut quatuor Evangeliiis S. Gregorius Magnus honorem haberi voluit. nunc Brevicula vocantur elogia mortuorum quæ hinc inde mittuntur pro suffragiis & precibus ad solatium defunctorum, flandrice Doot-briefkens, a Breve (subintell. scriptum) venit Teutonicum Brief, Gallice Bref, cujus diminutivum est Breviculum, Briefken, Briefve. vide in voce Epistola.*

**BRAVIUM** *Βραβειον* secunda producta



ducta propter diphthongum, est victoriæ præmium, quod ab agonothetis sive munerariis confertur; ἀγων certamen & locus certaminis. Brabeutæ, sunt Iudices agonizantium sive certantium; & brabium non bravium dicendum.

**BIRBUS**, sive Birrum, sicut pileus & pileum. in vita sancti Augustini refertur, quod suos Clericos linea, & Birro ornaverit: id est tunica linea, & birro lacerno; quod mozzeta sive manteletum Italice dicitur. estque palliolum Prælatorum, quod supra rocchetum humeros tegit. / Augustinus sermone 2. de vita Clericorum ait: nemo det birrum vel lineam tunicam, seu aliquid, nisi in communi: &, birrum pretiosum forte decet Episcopum, quamvis non deceat Augustinum. In Passione S. Cypriani legitur, quod cum esset gladio ferendus, expoliavit se birro, & tradidit carnificibus; dalmaticam vero tradidit Diaconibus, & stetit in lineis, expectans spiculatorem. Ambrosius Coriolanus, in Defensorio cap. 5. ait: Birrum est caputium illud fœderatum, pendens a collo per humeros ad brachia, quo adhuc in Ecclesiis Cathedralibus utuntur hyeme Canonici.

nonici sæculares, pellibus fultum: Regulares autem utuntur caputio sive birro non fœderato. Festum omnium Sanctorum vocatur Romæ *Festum Capparum*, quia Canonici a festo isto usque ad Pascha ferunt cappas; quæ antiquis birri, sive birra dicebantur. Lacernos autem sive lacernas describit Juvenalis Satyra 9.

*Pingues aliquando lacernas*

*Munimenta togæ, duri crassique coloris,*

*Et male percussas textoris pectine Galli.*

BIRRETUM est diminutivum a birro quasi parvum birrum: & hoc tegumentum est capitis tantum, sicut birrum simul humerorum & brachiorum, quando Canonici portant birrum, uti in hyeme, tunc omittunt birretum: in æstate autem propter calorem, non utentes birris, sive cappis, tunc portant birretum; quod & pileum birrum dicunt, Erasmus Pyrrum, & α πῦρ, quod est ignis, deducit, quasi coloris ignei, sive rubri; hinc forsan colore rubro adhuc intus contacta sunt Birreta. Notatur in imaginibus præcedentis sæculi, quod etiam Laici portabant birreta, sed rotunda; Clerici autem qua-

quadrata, superius in formam Crucis : quod autem aliqui ea ferant cum tribus tantum cornibus sive angulis est, quia sunt birreta portatilia, quæ complicantur, ita ut unum cornu intorqueatur, ut sic plicata commodius conferantur. Reddi posset etiam ratio mystica vel moralis, quare aliqui Prælati ea portent; ut nempe impleant, quæ desunt Passionibus Christi. nonnulli ad distinctionem trigona birreta gestant, ut internoscantur; uti Jesuitæ in Francia.

BRACCÆ, potius *Brachæ*, sunt brevia pudendorum subligacula, a græco βραχὺς brevis, unde tribrachys, pes tribus brevibus constans. Braccæ dicuntur ab aliquibus quasi breves raccæ, a græco ράκη quod pannum crassum & vilem significat, Teutonice *Paye*, raccoma *Payesack*. Incongrue vocantur *Brachæ*, quas Magistri Academici in humeris portant; habent enim formam birrorum, quibus quondam caput & humeros tegebant, & birrati erant; uti apparet in antiquis Doctorum imaginibus; nunc autem birretati sunt: utque ostendant se birros quondam portasse, eos in humeris portant, uti a Canonici gestantur almutia, quondam

dam in capite portata.

BULLÆ improprie litteræ Pontificiæ dictæ, proprie *Formate* vocantur, quod certis quibusdam formis fiant: vide infra in voce *Formata*. sed Bullæ sunt ipsa Sigilla litteris Pontificiis affixa, in formam Bullarum, quæ hodie puerorum collo dependent, quas Agnos Dei vocant. dictæ sunt antiquitus puerorum bullæ a βελην Consilium, quod in tenera ætate pueri consilio seniorum indigeant: ab hac bullarum formæ similitudine, litteræ Pontificiæ, bullatæ dicuntur, non ipsæ litteræ Bullæ, nisi Synecdochice: quæ ab hæreticis per contemptum Bullæ vocantur, & æstimantur tanquam bullæ, quæ in aqua cito oriuntur & evanescent. Tempore quo Papa tantum est electus, nondum coronatus, Bullæ plumbeæ litterarum Apostolicarum (quas prius cera figillatas, Adrianus I. plumbo muniri iussit) ab una tantum parte imprimuntur Capitibus Apostolorum Petri & Pauli; ab alia parte, ubi Nomen Pontificis imprimi solet, nihil est impressum. vide Cereemoniale Roman.

BULLA CRUCIATÆ unde dicitur; vide supra in Urban. II.

BUL-

**BULLA AUREA** quondam vocatum est diploma Caroli Quarti Imperatoris, eo quod sigillo ex auro, sive bulla aurea esset roboratum: hic probus Princeps cernens superiores aliquot Imperatores propter infestationem Sedis Apostolicæ infelices fuisse, pacem cum Pontificibus Romanis perpetuam inivit, quæ Bulla aurea firmata fuit, in qua multa ad pacem publicam continentur: & nunc Imperium in ejus posteris adhuc feliciter perseverat; Deo ipsum in progenie felicitante: nam Venceslaus, deinde Sigismundus ejus filii diu imperarunt, donec Sigismundus, cum virili sobole careret, Albertum Austriæ Ducem filix maritum Imperii hæredem reliquit; a quo Imperium ad posteros derivatum per Fredericum 3. Maximilianum I. Carolum Quintum, & cæteros, in Austriacis perseverat.

## C.

**CABALISTA**. Theologia Hebraice *Cabala* dicitur a verbo *Chibbel* quod est auditu accipere, auscultare: omnes enim scientiæ, quod voce traderentur, ab  
au-

auscultando dictæ sunt . Physiologicas Aristoteles scientias libris de mirabili Auscultatione tradidit : Sanctus Benedictus ethicas traditurus scientias ita incipit suam Regulam : Ausculta fili præcepta Magistri &c. hodie Cabalistæ vocantur , qui abstrusum aliquid docent.

CALUMNIA vide Kalumnia .

CALYBITA . sicut Simeon Stylita , a σῦλ & columna , super quam stabat , ita Joannes Calybita a καλύβη tugurium , quod inhabitabat , dicitur .

CAMERA . In vitis Pontificum Rom. de Basilicarum variarum Cameris fit frequens mentio , & 11. April. Breviarium Rom. refert de S. Leone Magno , quod in tribus Basilicis Petri , Pauli , & Constantiniana Cameras extruxit , quæ sunt Sacraria , sive Sacella Basilicis adjuncta : Camerae dicuntur , quia superius camerantur sive fornicantur ; fornicis autem curvatura Græce καμάρα , Latine Fornix dicitur . & Prudentius in hymno de SS. Petro & Paulo , camuros arcus templi vocat . Camurus , latine Curvus , gall. *Camus* . sic Camera habet Camuros arcus ; & Camerati ab Italis dicuntur qui eadem Ca-



mera utuntur : hincque conjuges se invicem Cameratos vocant. de eodem S. Leone ibidem narratur, quod Sepulchris Apostolorum custodes adhibuerit, ( ad custodiendum locum, ubi corpora Apostolorum cubabant ; quia Sancti dormire in Domino dicuntur, unde Cœmeteria, latine Dormitoria dicta sunt ) quos *Cubicularios* appellavit, qui modo sunt Capellani ; quia oratoria sive sacella antiqui cubacula sive Cameras appellabant. ita Salvator Matthæi 6. v. 6. intra cubiculum tuum, & clauso ostio ora Patrem tuum. & David Psal. 5. *In Cubilibus vestris compungimini*, id est Oratoriis : vide notas Baronii ad Martyrologium 11. Julii, ad illa verba : Translatio S. Gregorii Nazianzeni in Capella &c.

CAPELLANI primitus apud Francos dicti sunt a Capa S. Martini, *la Chape de S. Martin*, quam Reges Francorum ob adjutorium victoriæ in præliis solebant secum ferre, eamque ferentes & custodientes Capellani vocati. Capa autem hæc erat pallium illud, cujus dimidiam partem gladio divisam pauperi dederat.

CAPELLA apud Gavantum deducitur a Caprarum pellibus, hi-  
sce

ſce verbis : Capella fuit apud antiquos pia domus itineraria ex Caprarum pellibus fabricata ; & a pellibus his Capellas , earumque custodes Capellanos vocabant . vide Joannem Jacobum Chiffletium in Lilio Francico capit. 13. & filium ejus Julium in Aula Sacra capite 1. Capella etiam ponitur pro ornamentis Miſſæ celebrandæ neceſſariis , uti habetur in vita S. Norberti cap. 13. quod in executione prædicandi neque peram , neque calceamenta , neque duas tunicas portaret , niſi virgam & Capellam ad Miſſam celebrandam . item cap. 10. ſola dumtaxat Capella retenta ad Miſſam celebrandam . ad quæ loca vide notas Chryſoſt. vanden Sterre editas Antv. an. 1656.

CAPPA apud nos ſumitur pro Pluviali , & vocatur *Choor-kap* . Ordo Romanus dat cappas Presbyteris aſſiſtentibus in Miſſis ſolemnibus Sacrificanti . Capa ( non Cappa quod Italicum eſt ) dici deberet ; ſicut Hiſpani *Capa* : a capiendo , quod totum hominem capiat . vide Aulam ſacram Julii Chiffletii , ubi paſſim capa , non cappa ſcribitur . Capæ vocabantur antiquitus pallia , hiſpanice *Capas* ,

flandrice *Cappen*, unde *Cap-stock*, & *Cap-dief*, Palliorum fur.

CAPUTIUM est quo caput tegitur. jam a multo tempore omissa fuerunt caputia, gall. *Chaperons*, fland. *Capruynen*, & in usu esse cœperunt primum Birreta, deinde Pilea.

CANDIDATI apud antiquos erant tyrones sive novi milites, qui cum albo sive candido scuto ad bellum procedebant. Juvenalis: *Scutoque ignobilis albo*. & hi generositate sua sperabant quod hoc scutum cum tempore *Melior fortuna notabit*, quum nempe aliquid heroicum & memoria dignum in Bello patrassent, quod in scuto isto depingi mereretur; unde picturæ insignium sive armorum originem trahunt. & ita canitur in Hymno te Deum laud. *Te Martyrum candidatus laudat Exercitus*: adeoque Martyres cœlestis gloriæ candidati heroicis suis actibus insignia, cum quibus pinguntur, promeriti sint.

CANON (latine Regula) MISSÆ, quæ & ideo dicitur ACTIO, (*infra Actionem*) quia in ea parte Missæ, quæ eadem semper est, continetur legitimus ordo, fixa regula, & quotidiana actio ad conficien-

ficiendum Eucharistiæ Sacramentum . dicitur autem submissa voce , quia iisdem quotidie verbis constat , quæ facile a circumstantibus memoriæ mandarentur ex frequenti auditione ; ac sic sacris istis verbis ad res prophanas facile abuterentur . Canon quasi centrum totius Missæ in medio libri Missalis ponitur .

CANONIZO , vox barbara , latine dicitur , in ordinem sive canonem sanctorum redigo . Petrus a Beeck in historia Aquisgranensi , cap. 5. agit de adlectu Caroli Magni in Canonem sanctorum ( quod cum contigerit per Paschalem III. Papam schismaticum , de eo Martyrologium Romanum non meminit ) . Quando autem sollemnis Apotheosis sive Canonizatio in Ecclesia Romana primum cœperit , vide Notitiam , supra in Leone III. & quomodo antiquitus fieret , Notas Baronii ad Martyrologium die 2. Aprilis .

CANONICUS vox nota , latine Regularis . Canonici Augustiniani sunt , qui addita latina interpretatione se Regulares vocant : ut ait Erasmus Roterodamus , ex quorum numero ipse aliquando fuit .

CANOR idem quod cantus , uti

in Hymnis Breviarii habetur . *Canore jubilo , Nitore perpeti . Ovid .*

*Vox est blanda canor , discant cantare puella ;*

*Multis pro forma vox sua lena fuit .*

**CANTICUM** . Distinctio inter Psalmum , Hymnum , & Canticum hæc est : Psalmus est cantus triumphalis operum Dei in generali ; Canticum alicujus Divini operis extraordinarii encomium , sicut Canticum Moyſis , Annæ , Ezechiæ , 3. Puerorum , B. Mariæ Simeonis &c. Hymnus est canticum laudis . Materia Hymni est laus Dei , vel Sancti alicujus ; Captici gratiarum actio , & gaudium spirituale : ideoque tractim , & solemniter Cantica decantantur .

**CAMPANA** idem ac *Nola* , nisi forte Campana major , & Nola minor sit : cujus auctor S. Paulinus Nolæ in Campania Episcopus fuisse dicitur .

**TINTINNABULUM** ex tinnitu , & *Clocha* , gallice *Cloche* : unde flandrice *Clock* . dicitur Æs campanum , quia æs optimum prope Nolam in Campania effoditur : etiam *Nola* substantive , *Campana* adjective sumitur . Campanæ benedicuntur , vide Notitiam in Joanne XIII. Papa 137. quod flandr. dicamus *de clo-*

*clocke kersten doen*, & gallice baptiser : quidam autor gallicus hoc ita explicat : *Il faut remarquer que nos cloches ne sont point baptisees du Baptême de remission, comme les âmes humaines, mais du Baptême de sanctification & dedication au service de Dieu.*

CAPITULUM est diminutivum a caput; ita Plautus: meum capitulum, meus ocellus! & Terentius, o lepidum capitulum! in significatione qua hodie ab Ecclesiasticis usurpatur, apud antiquos non reperitur; pro loco nempe ubi Canonici congregantur; quorum Collegium Capitulum vocatur: potius vocari posset *Capitolium*; qualis apud Romanos erat locus, sive Templum, quo Senatores solemniter conveniebant ad negotia Republicæ tractanda. Antiquitus autem apud Canonicos, & hodie adhuc apud Cœnobitas, tempus frequentandi Capitulum est sub finem Primæ, ad illam orationem: *Dirigere, sanctificare, regere &c.* qua petitur a Deo directio ad congregationem rite tenendam; quando sc. in loco capitulari conveniebant ad prædicationem sive lectionem convenientem officio festi quod celebrabatur, uti patet ex sermonibus sancti Bernardi, & aliorum



Patrum illo tempore habitis ; vice cujus hodie adhuc legitur *Leitio Brevis* , sicut fit ante Completorium : quando etiam ad hominiam sive conferentiam solebant convenire , unde intelligi potest quid sibi velit Rubrica , *Ad absolutionem Capituli* . De Capitulis autem quæ ad singulas horas canonicas in Officio Ecclesiastico dicuntur , ita scripsit Papa Vigilius ad Eucherium : *Quoties Paschatis , aut Ascensionis Domini , vel Pentecostes , vel Epiphania , Sanctorumque fueris agenda festivitas singularis , Capitula diebus apta subjungimus , quibus commemorationem sanctæ solemnitatis , aut eorum facimus , quorum natalisia celebramus : cætera vero ordine consueto prosequimur .*

CARDINALIS sive *Cardinaris* a S. Gregorio in Registro definitur : Presbyter , vel Diaconus , qui certæ alicui Ecclesiæ , vel Diaconiæ proprius , & ad certi alicujus Tituli sive Ecclesiæ ministerium ordinatus , insertus , annexus , & incardinatus est : & Cardinalem constituere , dicit idem Gregorius aliquem alicui Ecclesiæ incardinare . Cardo autem est proprie ferrum illud , circa quod fores vertuntur : sic vocantur quatuor virtutes , &

ven-

venti cardinales, id est principales. S. Cyprianus libellum de cardinalibus, id est principalibus Christi operibus conscripsit. sic Cardinales sunt viri in Ecclesia principales, circa quos totius rei christianæ cardo vertitur. Pius Secundus ad novos, quos creaverat Cardinales, ita loquitur: maxima inquit, Filii, & excellentissima dignitate donati estis; ad collegium Apostolicum vocati, consiliarii nostri & conjudices orbis terrarum eritis: inter causam & causam, inter sanguinem & sanguinem, inter lepram & lepram discernere vos oportet: successores Apostolorum circa thronum nostrum sedebitis, vos senatores urbis & orbis eritis, verique mundi cardines, super quibus militantis ostium Ecclesiæ volvendum ac regendum est; cogitate animo, quas vires, quæ ingenia, quam integritatem hæc dignitas requirat; humilitatem non superbiam, liberalitatem non avaritiam, abstinenciam non ebrietatem, continentiam non libidinem, scientiam non ignorantiam, virtutes omnes, nullum vitium hic honos exposcit. Plura qui requirit, legat Ciaconium inter Hyginum, & Pium Pontifices.

Nota quod Cardinalibus dederit Rubrum Galerum Innocentius IV. Rubram vestem Paulus II. eamque sæcularibus, non regularibus. tandem Gregorius XIV. omnes sine discrimine Purpureos fecit.

CASULA diminutivum a Casa, quasi parva casa, gallice *petite Casse*, qui *couvre tout le Prestre*. unde nostrum *Casack*. Græce cur *Planeta* dicatur? vide infra. initio Ecclesiæ etiam Diaconi cum Casulis ministrabant (sed S. Silvester illis attribuit Dalmaticam) in cuius memoriam, Ecclesiarum principum Diaconi in Adventu & Quadragesima adhuc utuntur Casulis, sed ad distinctionem Presbyterorum, a parte anteriore complicatis.

CATABULUM, καταβάλλω conjicio, locus erat subterraneus, in quem alimenta pro bestiis conjiciebantur. 16. Januarii in lectionibus Breviarii narratur, quod Maxentius Tyrannus Marcellum Papam in catabulum miserit, ut bestiarum, quæ publice alebantur, curam sustineret: ubi loci fœditate, multisque ærumnis afflictus, obdormivit in Domino.

CATACUMBÆ. loquendi usus obtinuit, (uti notat Baronius ad Mar-

Martyrologium vigesima Januarii)  
ut *catacumba* pro *catatumbis* dice-  
rentur : ex græca enim dictione  
*κατὰ* juxta, & latina *tumbas*, com-  
posita vox est : & in lectionibus  
Breviarii S. Damasi 11. Decembris,  
& S. Sebastiani 20. Januarii, ac S.  
Cornelii 16. Septembris *catacum-*  
*bæ* scribitur. apud Gregorium ve-  
ro in Registro lib. 3. cap. 20. ad  
*catatumbas* scriptum reperitur: non  
tamen errasse dixerim qui *catacum-*  
*bas* legunt, nam *κατακομβή* locus  
est cavus atque profundus, qua-  
lia Romæ cœmeteria esse solent  
in arenariis, profundis cryptis exa-  
rata.

CATHARINA vox, uti ipsa erat,  
Græca, dicitur vel a *καθαρός*, quod  
est purus, *καθαρίζω* purifico : vel  
a *καταρρέω* defluo ( unde catarrhus:  
defluxio ) nam ab ore Catharinæ  
suavis simul & fortis defluebat ora-  
tio, qua tot Philosophos & Nobi-  
les ad Christi Fidem perduxit.  
hinc Catharina non immerito Rhe-  
torum præses habetur, & Rhetorica a *ῥέω* fluo dicitur.

CATASTA dicitur a *καταστάνω*  
expono: lignea erat machina, qua  
servi vincti tenebantur, & venum  
exponebantur.

CATECHESIS. in primitiva Ec-

clesia, qui ad Baptismum admit-  
tendi erant, prins fidei Christia-  
næ mysteriis ab Apostolis viva vo-  
ce imbuebantur, quod institutionis  
genus κατήχησις dicebatur a κατή-  
χῆν viva voce instruere; quod de-  
rivatur a voce ἦχος sonus, ἦχῃ  
resonare. Pueri in catechismis,  
quod ab instructoribus audiunt, qua-  
si Echones resonant. qui ad hunc  
modum sacris mysteriis imbueban-  
tur, *Catechumeni* dicti sunt, κατὰ jux-  
ta, sive ad modum Echus, vel Echo-  
nis: itaque κατήχῳ est ad mo-  
dum quo Echo resonat, aliquem re-  
spondere doceo.

CEREUS subintelligitur funis;  
quia candelæ sunt cerati funes,  
hinc *Ceroferarii* qui cereos, sive  
candelas ferunt; *Ceroferaria* sunt  
ipsa candelabra. *Candela* dicitur a  
candore luminis, sive ceræ albe-  
dine. Sanctus Hieronymus ad Mar-  
cellam ait: qui cereos accendunt,  
secundum fidem suam habent mer-  
cedem.

CEREUS PASCHALIS. quis au-  
ctor ejus sit, vide in Zosimo Pa-  
pa 45. & adde quod Cereus iste  
referat Christum, in Passione a Ju-  
dæis quodammodo extinctum, &  
in Resurrectione refulgentem: cu-  
jus corpus per ceram, anima per  
ely-

elychnium, divinitas per flammam refertur : quinque grana incensi cereo infixæ referunt quinque Christi vulnera in corpore glorioso reservata . Accenditur cereus paschalis, cum una ex tribus candelis in summitate arundinis distinctis : eo quod , quamvis tota Trinitas Resurrectioni Christi collaboraverit, ea tamen uni personæ Christi proprie ascribatur.

**CIBORIUM** κιβωτός capsula, arca, κιβώτιον sive κιβώριον capsula, arcu-  
la : fland. *den kop*, in quo servan-  
tur parvæ hostiæ consecratæ, pas-  
sim *Ciborie*.

**CHORUS** deducitur a chorea ;  
vel chorea a choro ; a græco *χὰρὰ*  
lætitia . S. Dionysius vocat cantum  
alternum , qui observatur in Eccle-  
sia , quasi concordem & consonam  
sacrarum rerum choream . Franci  
dicunt : *Un cheur , c' est à dire une*  
*troupe des gens , qui chantent & qui*  
*danstent ensemble* : ita ut chorea sit  
actus , & chorus sit locus , ubi qua-  
si choreæ vocibus exercentur . An-  
tiquitus orabat & cantabat clerus  
circumstans altare , in modum co-  
ronæ : & antiquum est dictum : in  
choro clericus , extra chorum po-  
pulus .

**CLEPSYDRA** non significat ut  
passim



passim putatur, *Sandt-looper*, sed proprie *water-looper*: quo horologio aquatico antiqui utebantur, dicto a κλέπω furor, & ὕδωρ aqua; quasi *water-stelder*: hinc proverbium antiquum: *hæret mihi aqua*, quando alicui *V. G.* Concionatori hora longior videtur. *Sandt-looper* autem deberet vocari horologium sciotericum.

CATALOGUS sine aspiratione scribendum est, a κρτυλέγω recenséo, enumero.

CATHOLICUS cum aspiratione, a κατὰ circa, & ὅλον totum: debet hoc scribi per h. quia prima in ὅλον aspiratur, & eliditur ultima in κατὰ: uti holocaustum, id est totum combustum, & holofericum, totum fericum.

CAMERS genit. Camertis, est aliquis ex civitate, quæ Camerinum dicitur: sic Tuders genit. Tuderis, ex Tuderto; aliter Tuderinus, Camerinus.

CENODOXIA, inanis five vana gloria. κενός inanis, δόξα gloria.

CENOTAPHIUM inane sepulcrum, τάφος sepulcrum. Epitaphium est quod inscribitur sepulcro.

COENOBIUM (κοινὸς βίος communis vita) locus ubi in communi

ni vivitur : hinc *Cænobiarcha* qui præest sic viventibus, & *Cæna* ubi communitas comedit.

**COENOMYIA**, *μύια* musca, quasi communitas muscarum, latine *examen*, fland. *ghesverm van vliegen*, *muggen*.

**KENO'S** inanis, uti *cenotaphium*, *cenodoxia* sine diphthongo.

**KOINO'S** communis, promiscuus, per æ. uti *cænobium*, *epicœni* generis, idest promiscui.

**KAINO'S** novus, uti *Encenia* per Æ. festivitas dedicationis novi templi. hinc *Enceniare* dicitur, qui nova tunica induitur. Proverbum græcum ait : *Τὰ μὲν κοινὰ καὶ νῶς*, & quidem communia noviter; *Τὰ δὲ καὶ νῶς κοινῶς*, nova autem communiter.

**CLERICUS** *κληρικός*, fors five hereditas, quia clericus in sortem Domini vocatur, & dum ab Episcopo tonsuram accipit, illud ex Psalmo pronuntiat : *Dominus pars hereditatis meæ, & calicis mei: tu es qui restitues hereditatem meam mihi.*

**COEMETERIUM** *κοιμητήριον*, latine dormitorium, & *κοιμάω* dormio. cœmeteria sunt dormitoria mortuorum; qui ab Ecclesia ideo dormientes vocantur, quia exci-

tan-

tandi, & resurrecturi non dubitantur. Cretenses olim in publicis civitatibus habebant ædes publicas ad excipiendos peregrinos, quæ appellabantur cæmeteria, sicut Bruxellæ sunt hospitalia SS. Juliani, Jacobi, Laurentii, Cornelii, quæ sunt dormitoria.

CHRISTUS, latine unctus, χρίω ungo; chrisis unctio; chrisma unguen sive unguentum. Sanctum Chrisma ex balsamo & oleo ab Episcopo consecratum adhibetur ad sacramenta Baptismi, & Confirmationis; sanctum Oleum consecratum sine balsamo ad extremam Unctionem.

CÆREMONIÆ, vox antiqua, Romanis usitata, cum Urbe a Gallis capta, Vestales Virgines simulacra Deorum hostibus erepta, transtulissent in oppidum Cære; ubi benigno hospitio, & multo honore ac reverentia a Cæritibus susceptæ fuerunt, donec a Gallis Urbs per Camillum liberata fuit: in cujus beneficii memoriam Romani omnem Divinum cultum, & quem potissimum a Cæritibus acceperant, Cæremonias vocarunt. Dicuntur cæremonix sive cærenomix quasi leges (νόμος lex) urbis Cæræ; unde Cærites cives hujus urbis,

bis , & proverbium : *Carite cera dignus* .

**COLOBIUM** ( κολοβός mutilus ) est tunica sine manicis , five mutilata . legitur de Eutychiano Papa , quod vetuerit , ne Martyres sine Dalmatica , aut colobio purpurato sepelirentur . Dalmatica est vestis Diaconalis apertis manicis , colobium est vestis similis , sed angustior , sine manicis . colobium bubalinum teutonice *Buffelsche kuelder* : colobium lineum , vestis lineae sine manicis , quæ *subtilis* dicitur : in liturgia S. Jacobi ponitur colobium pro casula , quia est vestis sine manicis , quasi mutila , a κολοβώ mutilo .

**COLLECTA** adjectivum substantivatum , est oratio communitatis in unum collectæ , quæ a Græcis synaxis dicitur . Oratio Sacerdotis in Missa ideo collecta vocatur , quod ipse qui legatione fungitur pro populo ad Deum tanquam syndicus , omnium petitiones ea oratione colligat , atque in unum concludat . Surius in vita S. Paulini 22. Junii narrat : *Quod Sabbato laicus ad Ecclesiam processit , & ascenso tribunali , ex more populum salutavit , resalutatusque a populo orationem dedit , & collecta oratione , spiritum*

ritum exhalavit, quorum verborum hic notatur a Baronio sensus : *ex more populum salutavit*, indicat illud, cum Episcopus ante orationem dicere consuevit *Pax vobis*, cum subdit *resalutatus a populo*, significat quod populus respondere solet & cum spiritu tuo. cum addit *orationem dedit*, est illud quod ante orationem præmittitur *Oremus*. & quod sequitur *collecta oratione*, id est *recitata*, spiritum exhalavit. collectam hanc, Græci Synaxim vocant, quasi simul coactam a συνάγειν cogere, congregare. Aliqui orationes & collectas ita distinguunt, ubi plures in Missa orationes dicuntur; quod primam vocent Orationem, reliquas, quæ sub uno *Oremus*, & unico *Amen* includuntur, collectas appellent. Collecta etiam ipsa congregatio populi, Græcis Synaxis dicitur, Alcuinus ait : illæ orationes speciatim collectæ vocantur, quæ super collectam populi fiunt : & sanctus Hilarius : dicto *Alleluja*, eo signo vocabantur ad collectam, id est ad concionem; uti legitur de S. Joanne Evangelista, quod per singulas collectas nihil aliud proferre solebat, nisi Filioli diligite alterutrum. collecta etiam ponitur

tur pro collectione eleemosynarum, uti ad Corinthios primæ cap. 17. hinc collectores qui eas pro pauperibus colligunt.

COMMUNIO ideo ab antiquis dicta fuit, quia initio Ecclesiæ omnes in Missa præsentés de corpore Christi participabant, quod communicare dicitur: nec proprie communio dici potest, nisi plures de eodem sacrificio communicent. vide infra: *Oratio super populum*. hæc communio Græcis Synaxis dicitur.

COMMENTARIENSIS est custos carceris, sive carcerarius, qui captivos in cippis detentos custodit (unde vox flandrica *Cippier*) & eorum nomina in commentariis descripta habet.

CONCILIA MARTYRUM loca sunt ubi multa sanctorum Martyrum corpora collecta continentur, qui Deum nobis suis meritis & precibus conciliant. & sicuti Episcoporum concilia dicuntur, ubi multi congregati sunt Episcopi; ita locus, ubi plura Martyrum corpora, concilium Martyrum dicitur.

CONFESSIO est locus ubi corpus S. Petri, vel alterius Sancti conditum est. Breviarium Romanum



num 18. Novembris, in lectionibus secundi nocturni vocat Confessionem sancti Petri, locum Principis Apostolorum sepulcro destinatum. Idem Martyrium græce, latine confessio dicitur: Legitur de Pelagio Secundo quod corpus Sancti Petri ( confessionem videlicet, ubi corpus ejus jacet ) tabulis argenteis deauratis vestiverit. vide infra in verbo *Memoria*. Aliud est confessio peccatorum, quæ græcis *Exomologesis* dicitur, ab ἐξομολογῆν, ingenue eloqui, ἐμολογία confessio: qui confitetur, ingenue loquitur.

CONFESSOR latine, græce Martyr. Henricus Colterus in notis ad Vincentium Lirinensem ait: Confessoris nomen olim non nisi iis dabatur, qui ob Christi testimonium publicitus datum, publica aliqua pœna vel calamitate, non tamen morte, erant affecti: hinc apud Eusebium & alios legimus, nonnullos fuisse secundo, tertio, & quarto confessores: & in Martyrologio 13. Julii. *Qui tertio confessores effecti, gloriosæ in Christo perseverantiæ titulo illustrati sunt.* & aliqui vocantur Episcopi & Confessores, aliqui tantum Episcopi; de quo vide notas Baronii die 2. Januarii  
ad

ad illa verba : *B. Isidori Episcopi & Confessoris* , & eodem die *B. Isidori Episcopi* . item 17. Novembris : *Alexandria S. Dionysii Episcopi summae eruditionis viri , qui multis confessionibus clarus , & pro passionum tormentorumque diversitate magnificus , plenus dierum confessor quievit .* Item 27. Decembris : *Alexandria S. Maximi Episcopi , qui satis clarus & insignis titulo Confessoris effectus est .* Invitatorium festi *S. Martini* 11. Novembris : *Laudemus Deum nostrum in Confessione Beati Martini . & in secundis Vesperis , Antiphona ad Magnificat : O sanctissima anima , quam etsi gladius persecutionis non abstulit , palmam tamen Martyrii non amisit .* Et ita Onuph. Panvinus sentit, Pontifices aliquot Martyres dici , quod etsi violenta morte non decesserint ( uti Eleutherius , & Melchiades , & alii ) multa tamen pro Christi confessione passi sint ; licet martyrium non consummarunt : hos tamen confessores Cyprianus vocat , qui græce Martyres dicuntur , uti etiam *S. Felix Presbyter* 14. Januarii pro Martyre colitur ; qui , cum Ecclesia Dei requiescere cœpisset , obdormivit in Domino . Hodie ( licet Martyr idem significet quod confessor )

Mar-

Martyres per antonomasiam soli dicuntur, qui pro confessione Christi animas suas tradiderunt.

COMMEMORATIO S. PAULI APOSTOLI, 30. Junii. licet pridie hujus diei tam Petri quam Pauli acta sit solemnis celebritas, tamen hac potissimum die solius Pauli commemorationem fieri debere ex sancti Gregorii institutione, docet Micrologus, cap. 42. cujus rei gerendæ causa probatur ex hymno 12. Prudentii de SS. Petro & Paulo Apostolis, sub finem: consuevisse nimirum Romanum Pontificem una eademque die Pontificias functiones in utraque Basilica exercere: cum autem hoc propter nimiam locorum inter se distantiam, non sine nimio ac intolerabili labore perfici posse videretur, consultius visum est, sequenti die in Basilica S. Pauli sacra peragere, uberiusque persolvere quod pridie ea de causa ibidem loci fuisset omissum.

CORNICULARIUS. de Anastasio Corniculario Martyrologium 21. Augusti. corniculum (diminutivum a cornu) erat ornamenti genus, quo donabantur milites ab Imperatoribus pro re in bello bene gesta. Livius lib. 10. scribit,  
Pa-

Papyrium consulem equites omnes ob insignem pluribus locis operam navatam, donasse corniculis armillisque argenteis. apud Valerium Maximum cornicularius idem est quod cornicen: inter hodiernos milites est idem quod *Adjuvant*.

COPRONYMUS. Leoni Isaurico Imperatori anno 719. natus est filius Constantinus; is cum sacro lavacro ablueretur, aquam stercore forte infecit; qua re animadversa, Patriarcha Constantino-politanus illum baptizans oraculum dedit, fore ut is aliquando sacra omnia pollueret; unde illi Copronymi nomen est additum (κόπρη stercus) quod impietate sua deinde ostendit. Filiam hic habuit piam & sanctam, Anthusam nomine. ipse adulatorie vocabatur Flavius Constantinus Porphyrogenitus, id est purpura natus.

CREDENCIA, Italice *Credenza*, *riposto*, dove si servono li vasi, e altre cose appartenenti alla tavola. Gallice *Credence*, *cabinet aux vases d'argent*. Græce ἄβαξ, latine vasarium, abacus. Credencia ad sacrificium posita dicitur ex eo quod vasa sacra Missæ in abaco isto collocata, ibi credantur, id est in tuto

auto ponantur; hujus custos, cujus fidei concredita sunt. *Credenciarius* (italice *Credenziero*) ponitur pro Magnatum cibi & potus prægustatore, & prægustatio *credencia* barbare dicitur.

CRYPTÆ sunt loca subterranea, in quibus absconsa jacebant Martyrum corpora, & ubi tempore persecutionis Pontifices Missas celebrabant: α κρύπτω abscondo. *Crypto porticus* (vox hybrida grecolatina) absconsa sive subterranea porticus. qualis est PP. Oratorii in Monte Acuto.

CUPA, κύπη, gal. *coupe*, fland. *Kop*, ponitur pro superiore parte calicis. Rub. dicit: *Sacerdos teneat nodum infra cuppam*. dicitur cuppa loco cupæ, sicut cappa loco capæ.

CYCLUS, κύκλος latine circus, cujus diminutivum circulus, sicut ab *annus* annulus.

CYRIACUS, idem quod latine Dominicus. κύριος dominus, Kyriacum Græci templum vocant, latini Dominicum; vide Martyrolog. 27. Decemb.

D

**D**IACON, ita græce, latine Diaconus, quod est Minister: hac voce græca utimur die Parasceves: Oremus pro Diaconibus &c. αὐτοῦ ministro.

: DIACONIUM idem est quod saccrarium, sive secretarium. distinct. 23. cap. non oportet: *Non oportet subdiaconos licentiam habere in saccrarium, quod Græci Diaconium appellant, ingredi, & contingere vasa dominica.* Secretarium, inquit Glossa, est locus, ubi vasa sacra ponuntur: ubi eadem Glossa nomine secretarii etiam voluit significari altare.

DIACONISSA. S. Ignatius Martyr facit mentionem Diaconissarum in Epistolis scribens: *Saluto custodes sacrorum vestibulorum Diaconissas.* hæ custodiebant locum ubi foeminae separatim a viris orabant: item quando illæ baptizabantur, Diaconissæ adhibebantur, ne viri foeminarum nuditate offenderentur, quia antiqui depositis vestibus baptismum accipiebant.

DIACONIA est locus ubi diaconi pauperum curam habentes habitabant; uti legimus in Fabiano



Papa. Baronius ait , quod Diaconia erant loca sacra , ubi diaconi regionarii per singulas urbis regiones residentes stipem erogabant egentibus , & viduarum , ac pupillorum , aliarumque miserabilium personarum necessitatibus consulebant : erantque velut quaedam eleemosynarum promptuaria ; sicut hodie mensæ S. Spiritus in Parochiis.

DALMATICA est vestis Diaconi , ita dicta , quod a Dalmatis primum reperta feratur . *Tunicella* est vestis subdiaconi , ejusdem formæ , sed paulo minor , uti patet , quando induit eam sub dalmatica Prælati in Pontificalibus celebrans . Dalmaticæ debent esse laxis & apertis manicis : quia diaconi ad hoc primo instituti sunt , ut pauperum curam haberent ; & liberalitatis symbolum est larga manica . Innocentius 3. ait : *Manicarum latitudo largitatem datoris demonstrat* . imo fere manicas non habent , ad liberius Sacerdoti inserviendum ; & quamvis habeant tænias , non constringuntur .

DAMASUS latine domans , vel domitus , *δαμάζω* domo ; hinc *adamas* indomabilis ; quia durissimus .

DEUS dicitur græce *θεός* , quasi *θεός*

Δέος timor : nam *Primus in orbe Deos fecit timor*, ait Papinius Statius.

DÆMON δαίμων latine sciens, a δαίειν scire. Dæmones dicuntur ob summam scientiam. Dæmon non semper in malam partem accipitur. *Διδαίμων* bonus, *κακοδαίμων* est malus dæmon. *ἄνθρωπος ἀνθρώπου δαμόνιον* Homo homini Deus. & *Dæmonium hominis*, cum aliqujus ingenium laudamus.

DIABOLUS latine calumniator, *Ἀγβολή* calumnia, *ἀγβάλλω* infidior, criminor.

SATANAS hebraicum est, latine adversarius, quo nomine appellatur Diabolus, quod Christo & Christianis adversetur.

DOMA domatis, superior pars domus, sive tectum: dogmata Græci tecta dicunt a δέμω extruo, ædifico: est autem Domus unius familiæ habitatio, sicut Urbs unius populi, & Orbis totius generis humani.

DOMINUS VOBISCUM, salutationis hujus divinissimæ efficacia est ab ipso Christo Domino, qui dixit Matthæi ultimo: *Ecce ego vobiscum sum usque ad consummationem sæculi.* cui subditur statim a circumstantibus: *Et cum spiritu tuo.* quasi

hi optent Sacerdoti quod ipse illis optavit. neque dicitur tecum, sed cum spiritu tuo, quia spiritualiter Officia Ecclesiastica fieri debent; nam Deus in spiritu & veritate adoratur. Petrus Damiani opusculum scripsit de *Dominus vobiscum*. Prohibetur a fœminis dici, quia vox Christi est, qui erat vir, & Sacerdos Sacerdotum: hinc tantum Sacerdotibus, & ad summum Diaconis ad Christi Euangelium enuntiandum permittitur.

DOMINICA, subintelligitur dies. sicut in mundi creatione, sexto die, homine jam plasmato, die 7. sabbato dicto ab omni opere quod patrarat, Deus requievit; ita in hominis refectione, Dominus noster Dei filius a passione sua quiescens, die propter hoc Dominica vocata, victor triumphans surrexit a mortuis; de qua propheta-verat David, & canit Ecclesia: *Hæc dies quam fecit Dominus, exultemus, & letemur in ea*. ideoque omnes Dominicæ sunt quasi commemorationes Resurrectionis Domini, in quarum Officio, uti fit toto tempore Paschali, a primis Vesperis non flectuntur genua. quomodo autem dies Jovis, five feria quinta sit cognata Dominicæ,

cx, vide Notitiam in Melchiade ;  
& Agapeto .

DOMINICA IN ALBIS. Bellarminus de Baptismo , lib. 1. cap. 27. ait : solebant Neophyti a die Sabbati sancti, quo erant baptizati, usque ad Dominicam in albis, manere in albis suis vestibus, & post dominicam in albis ordinarias vestes resumebant. tamen ex lectione Augustini, quæ Dominica ipsa in albis legitur in Breviario, vocanda potius esset Dominica sine albis, quia constat quod Neophyti per octo tantum dies in albis vestibus manebant : nam baptizabantur Sabbato sancto ( quod ideo sanctum dicebatur, quod tunc per baptismum sanctificarentur ) & per octo dies albas vestes portabant, quas deponebant sabbato in albis vespere, & sequenti Dominica Neophytorum habitus commutabantur, ut ait Augustinus ; itaque sabbatum in albis dicitur, quia erat ultima dies albarum vestium : Dominica in albis subintelligi debet quasi diceretur *Dominica post Sabbatum in albis*. Quare Sabbatum post Pentecosten non vocatur in albis ? ideo est, quod primitus tantum in Paschate baptizarentur, & nomen *in albis* tunc

ortum est : cum autem etiam in Pentecoste id fieret, nomen in albis translatum non fuit, quia in Pentecoste propter ignem Spiritus sancti, omnia in rubris sunt.

DOMINICUM, græce Κυριακόν, Κύριος Dominus : hinc Germanicum *Kirch* ; & flandricum *Kerck*. Ad Dominicum convenire, subintellige Templum : vide notas Baronii ad Martyrologium 25. Decembris. intelligunt etiam aliqui, ad diem Dominicum celebrandum, uti 11. Februarii Martyrol. cum ad Dominicum celebrandum ex more convenissent ; ubi flandricus interpres habet : *Om den Sondagh te viëren*. a Dominico venit vox teutonica *Dom* quod est templum Cathedralē, hinc *Bisdom*, id est *Bischofs Dom*, Episcopale Dominicum, si-  
ve Dominium.

DOMNUS. Lector in Choro dicit *Jube Domne* ( non *Domine* ) benedicere, alloquens officium facientem, quia Dominus per antonomasiam solius Dei est titulus, præsertim in templo si-  
ve Dominico ; uti in scripturis : *Hæc dicit Dominus. Tu solus Dominus*. Domnus est titulus viri præclari, sicut hodie vocantur cives qui sunt de Magistratu, *Her Ian*, *Her Peeter*, una  
lit-

littera detracta , non *Heer Peeter* ,  
*Heer Ian* , quemadmodum in voce  
 Dominus littera una demitur , Do-  
 minus , non Dominus . Papa ipse  
 respectu Dei , vocatur *Domnus A-*  
*postolicus* , solus autem Deus verus  
 est Dominus : hinc Episcopus die-  
 bus solemnibus ultimam matutini  
 Lectionem in Choro incipiens ait :  
*Tube Domine benedicere* ; nullusque  
 ei de Choro respondet ; a Deo  
 ipso non ab homine benedictio-  
 nem petens ; quam inclinato ca-  
 pite aliquandiu tacitus expectat .  
 antiquus est versus :

*Caelestem Dominum , terrestrem dici-*  
*to Domnum .*

Tempore Sancti Hieronymi excel-  
 lentiores vocabantur Domni , so-  
 lus autem Deus Dominus .

DEO GRATIAS . Augustini sa-  
 culo solebant Monachi cum ho-  
 minibus occurrerent , eos ad gra-  
 tias pro beneficiis a Deo acceptis  
 agendas excitare , dicendo *Deo*  
*Gratias* .

DEVOTUS FOEMINEUS SE-  
 XUS . Ecclesia oratione hac : *San-*  
*cta Maria succurre miseris &c.* orat  
 primum pro afflictis in populo ,  
 quo utrumque sexum contineri  
 nullus dubitat : deinde pro Clero ,  
 quo viri in sortem Domini voca-



ti : postremum pro devoto fœmineo sexu , quo fœminæ per vota Deo devotæ continentur : extat hoc sensu Ambrosii libellus *Ad Virginem Devotam* , & Ausonius Poeta Christianus de Amita sua virgine Devota sic canit Parentali sept.

*Feminei sexus odium tibi semper ;  
& inde*

*Crevit devotæ virginitatis amor .*

Idem Parentali 27. de Matertera :

*Innuba devotæ quæ virginitatis amorem*

*Parcaque anus coluit .*

Et in Officio de S. Lucia habet Breviarium :

*Soror mea Lucia Virgo Deo devota : male itaque hoc flandrice translatum est : pro devoto fœmineo sexu : Voor het devoot vrouwen geslachte .*

DIOECESIS Διοίκησις, latine gubernatio , administratio , jurisdictio . Διομέω gubernare . quemadmodum territorium est Præsidis , ita diœcesis est Episcopi , quatenus administrandi sacra jus habet .

DIÆTA venit a Græco διατροφή quod est victus ratione utor : hinc tenere bonam dietam , idest victus rationem . barbare ponitur pro itinere unius diei ; nisi forte sine diph-

diphthongo scribatur, ut a die dicatur: sed apud bonos auctores non reperitur.

DIONYSIUS latine Bacchicus, *Διονύσιος* bacchica hedera. *Διόνυσος* Bacchus, Dionysia sacra Bacchi, five Bacchanalia, quæ celebrabantur apud antiquos, uti apud nos Antecineralia, desinente hyeme.

DIPLOMA *δίπλωμα* duplum. diplomata dicuntur literæ Principum sigillis obsignatæ, quas literas Patentes aut Bullas Pontificias vulgus vocat: ita dictæ, quia erant literæ complicatæ, & lino trajecto obsignatæ. diplomata etiam vocari possent, quæ a Notariis siue tabellionibus vocantur duplæ; quarum literarum ipsi tenentes minutam, ut vocant, contracte scriptam, tradunt duplam largius descriptam illis qui petunt & indigent. Diplomata etiam dicuntur duplicia opera vel itinera, quando quis uno die tantum operis vel itineris facit quantum alius duobus diebus.

DIPLOIS. *induantur Diploide*, id est veste duplici, siue suffulta; quod latini duplum, græci *διπλόον* dicunt.

DIPTYCHA sunt duplicis plicæ  
X 5 folia,

folia , πτυχῆς , & πτυχῆ plica , ita triptycha , pentaptycha trium vel quinque plicarum . Diptycha erant complicati pugillares , five tabulæ duplicatæ , una continebat vivorum , altera mortuorum nomina , translatione sumpta ab ostreorum diptychis five duplicatis testulis . Heribertus Rosveydus in Onomastico ad vitas Patrum ait : Diptycha nomen plurale neutrum , fit a masculino singulari διπλῆς a verbo διπλώω plico : erant sacra diptycha duplices tabulæ , quarum uni inscribebantur nomina Episcoporum pie defunctorum , alteri vivorum ; vide Notitiam in Joanne 19. In Sacramentali Gregoriano habetur hæc oratio super diptycha : Memento etiam Domine famulorum tuorum , qui nos præcesferunt , & dormiunt in somno pacis . Et in Liturgia S. Marci Diaconus legit Diptycha defunctorum . permanfit hujus rei tam pro vivis , quam pro mortuis orandi consuetudo in Canone Missæ per duplex *Memento* .

DRAMA latine actio , rei alicujus repræsentatio : δράω facio , ago , repræsentō . Cantica dramatis sunt interludia comædiarum five actionum , stylus Poetarum ( qui

a ποιέω facio nomen habent ) dicitur dramaticus; quia verus poeta non de se, nec pro se loquitur, sed repræsentat graphice quod ab aliis dictum & factum est.

DECANUS, græce Decarchus, quasi primus inter decem. δέκα decem, ἀρχὴ primus. in capitulis sive collegiis, cum numerus capitum sit diversus, & a numero subditorum denominari deberet qui præsidet; sumptum est certum nomen Decimi sive Decani, quamvis sint plures quam decem, tamquam primarium: nam numerus decem omnes numeros comprehendit. *Decurio* inter milites dicitur, qui corpori decem militum præest, vulgo *Caporale*; sic *Centurio* qui centum, *Capitaneus* dictus quasi caput totius corporis, & *Dux*, qui omnes præcedens ducit.

E.

**E**CCLESIA latine convocatio, concio, cætus, ἐκκλησιάζω cætum congreco. *Ecclesiastes*, est Concionator, qui ad cætum, sive concionem (a concieo) sermonem habet: etiam ponitur pro eo qui sermonem audit. Ecclesiæ nomen, quod sui natura importat conven-

cum fidelium, pro loco ipso, quo iidem conveniunt, accipi consuevit. quid distet inter Ecclesiam & Synagogam, vide in voce Synagoga.

ELENCHUS ab ἐλέγχω investi-  
go; quia indicis adminiculo inve-  
stigatur quidquid toto opere con-  
tinetur.

ENCÆNIA Festivitas est dedi-  
cationis novi Templi. ἐγκαινίζω  
renovo; quia hæc Festivitas singu-  
lis annis renovatur. vide hoc la-  
tius explicatum supra in voce KAI-  
NOS.

EMBOLIS sive EMBOLISMUS,  
latine intercalatio sive insertio.  
Februarius mensis Embolisinalis di-  
citur; quod huic mensi singulis  
quadrienniis dies inseratur: sic an-  
nus embolisinalis dicitur, quando  
completis 30. Epactarum diebus  
mensis unus post tres annos sub-  
trahitur. & ut Joannes a Sacrobos-  
co ait: est spatium decimum ter-  
tium lunationum constans ex 384.  
diebus, excedens annum lunarem  
commun. 30. diebus: Embolisma-  
ta sunt diversi panni hinc inde con-  
futi. huic fere simile est quod se-  
quitur.

EPACTA, subauditur dies. ἐπακ-  
τῆς aliunde adscitus, adventitius,  
ἐπακ-

ἐπακταὶ ἡμέραι intercalati dies.

EPACTÆ vocantur undecim illi dies, qui singulis annis adjiciuntur anno lunari, ut cum solari conveniat. vide præludia Breviarii de Epactis & Noviluniis.

EPOCHÆ est relatio annorum ad certum aliquem numerum, a quo anni numerari incipiunt, ab ἐποχῆν inire, coire: quod principium latine *æra* dicitur, de quo vide supra in voce ÆRA.

ELEEMOSYNA, ἐλεημοσύνη, est quod alicui ex commiseratione datur, ἐλεέω misereor: hinc Elegia miserabilis cantus.

EPICIDIUM (ἐπικήδειον cantus lugubris) quod ad funus, cadavere nondum humato, a Præficis lugubri voce canebatur.

EPINICIUM (νίκη victoria) cantus sive carmen pro victoria obtenta. de utroque hoc cantu P. Guil. Stanihurstus in Tessera quotidiana Militis Christiani 10. Maji sic ait: Si tanta tibi est libido canendi, hic potius Præficarum instar flebili lesu in valle lacrymarum, velut exul funebria cane *Epicedia*, ut postea in cælis velut victor jucunda canas *Epinicia*.

EPIPHANIA, dies Apparitionis Christi: antiquitus dies Epipha-



phaniarum appellabatur, propter triplicem Christi apparitionem, de qua hoc die fit mentio: *Epiphania* dicitur ab ἑπι supra, & φάνεια apparitio: quia scriptum est de stella quæ Magis apparuit, usque dum veniens staret supra ubi erat puer. *Theophania*, id est Dei apparitio, quia in Baptismo Christi Deus trinus apparuit, Pater in voce, Filius in amne, Spiritus S. in columba. *Betphania*. Bet, hebraice dicitur domus: quia primum Christi miraculum apparuit in domo nuptiarum in Cana Galilææ. de quibus tribus apparitionibus in hac Festivitate canit Ecclesia, in 2. Vesperis ad Magnificat. *Tribus miraculis ornatum diem colimus: hodie stella Magos duxit ad præsepium: hodie vinum factum est ad nuptias: hodie in Jordane a Joanne Christus baptizari voluit, ut salvaret nos. quas apparitiones tribus versibus leoninis expressas habe:*

*Stella Magis luxit, quos ad Cunabula duxit.*

*Mundus pro immundis modo Baptizatur in undis.*

*Nunc aqua divinum dedit ad Connubia vinum.*

& quia uno die tot grandia mysteria pro dignitate recoli non possunt,

sunt, ecclesia ea celebrat quam primum potest; in Octava Epiphaniæ Christi Baptisma, & Dominica sequenti primum Christi aquam in vinum convertentis miraculum..

EPISCOPUS latine inspector ὁπισκοπεῖν inspicere. J. de Glen, en l'histoire Pontificale in Papa Dionysio ait: *Episcopus signifie autant, que Surveillant, Garde, Superintendant: & Arcadius Jurisconsulte dit, que ceux qui sont commis sur le pain & autres choses qui se vendent pour le vivre nécessaire du peuple en chacune cité, se nomment Episcopi; pour denoter, que tout ainsique ces pourvoyeurs prenoient egard sur ce qui seroit pour le sustien de la vie corporelle, ainsi la charge Episcopale est de procurer ce qui partient à la salut des âmes. & Sanctus Petrus vocat Christum Episcopum animarum nostrarum: uti Hispani dicunt Veedor, Franci Superintendant, Survoyant. hinc Episcoporum cathedræ sunt altiores cæteris, ut melius speculantur. Episcopi plus non habent Sacerdotibus, quam potestatem Hierarchicam in ecclesia necessariam: ne si eadem potestas passim penes omnes esset, obedientia solveretur; quod ostenditur quando*  
Episco-

Episcopus a se ordinatum Sacerdotem ad æqualitatem ordinis, non potestatis, recipit per Sacramentum amoris, oris ad os osculum: Diaconi tantum admittuntur ad osculum manus Episcopi, non faciei: quia non recipiuntur ad æqualitatem Ordinis, sed imitationem bonæ operationis, quæ per manus significatur. In lectionibus Breviarii de Summis Pontificibus legitur plerumque, quod plures Episcopos, quam Presbyteros & Diaconos consecrarint: quod idcirco est, quia Episcopos per diversa loca mittebant, qui illic poterant Presbyteros & Diaconos ordinare; Episcopi autem a solo Summo Pontifice, uti hodie adhuc Sedis Apostolicæ gratia ordinauntur.

CHOREPISCOPUS. Idem de Glen in Damaso ait: *Chorepiscopus veult autant dire que Evêque de Village*, ( *Χώρα* regio, unde *Chorographia*, i. Regionis alicujus descriptio ) & *qui n' a point d' Eglise se prope, comme sont aujourd'hui les Evêques Titulaires nommez Suffragans*. inter Chorepiscopos erant etiam aliqui non habentes Ordinem sive Gradum Episcopalem, constituti in adjutorium Episcopo-

porum, & omnia faciebant, præter ordinationem : erantque tantum Presbyteri, sicuti Valerianus Episcopus Hipponensis S. Augustinum adiutorem adhibuit Episcopalis officii ; quales modo sunt Episcoporum Vicarii : qui Chorepiscopi, cum se Episcopis comparare vellent, ob inflationem depositi sunt a S. Damaso. *Coepiscopi* vocantur a Ciaconio Linus & Cletus, id est simul Episcopi. *Corepiscopi* etiam aliqui scribunt sine aspiratione, ( *νόρος* latine novellus, juvenis masculus ) quasi juvenes sive novelli Episcopi.

EPISCOPIUM est Palatium Episcopale. sicut *Patriarchium* Palatium Summi Pontificis. legitur in Joanne Papa Nono, quod prohibuerit, ne decedente Papa ( quæ mala consuetudo irrepserrat ) Patriarchium, quod est Papæ Palatium, expilaretur ; etiam Episcopium Lateranense vocatur. *Presbyterium* ( hodie pro choro ponitur ) antiquitus erat locus ubi Sacerdotes tenebant sua comitia. legitur apud Cyprianum de Cornelio Papa, quod coacto Presbyterio ( hoc enim nomine sacra illa comitia dicebantur ) electus fuerit.

EPI-

EPIGRAPHE, latine subscriptio: *Epiconographia* imaginū subscriptio.

EPISTOLA, diminut. Epistolum ἐπιστέλλω mitto, latine Missiva, subintelligitur Charta. Pontifex Romanus vocat suas epistolas *Brevia*. *Breve Apostolicum*, subintelligitur scriptum, gall. *Bref*, fland. *Brief*: a Breve fit diminutivum Breviculum, *Briefken*, *Briefve*, etiam fam. gen. *Brevis* dicitur, subintell. scriptura.

ERASMUS, ἐράω amo, cupio, ἔρως amor, ἐράσμιος amabilis, desiderabilis; *Desiderius* lat. *Geraerdts* teutonice, quasi *Begeraerdt*, *van begeren* desiderare.

ERGASTULUM, locus ubi a discipulis coacte laboratur, flandr. *merk-huys*, *Tucht-huys*, *Rasp-huys*. ab ἔργον opus, ἐργάζομαι operor.

EQUULEUS diminutivum ab equo, et *hontepeerdt*, cui milites discipuli imponuntur; in Martyrologio ordinarie ponitur pro tortura, quam flandrice *Pyn-banck* dicimus, in qua corpora extenduntur. Ammianus Marcell. l. 7. *intendebantur equulei*, uncosque parabat Carnifex.

ETHNICUS, id est gentilis, ab ἔθνος gens, vide infra in voce *Paganus*.

EUAN-

**EUANGELIUM** latine Bonum nuntium, ἄγγελος ( γ ante γ sonat ut γ ) angelus idem quod nuntius. Euangelizo vobis gaudium magnum, id est annuntio. nota quod debeat scribi prima syllaba per u vocalem, & dici Euangelium, non Evangelium, uti per abusum male pronuntiatur, & passim bene scribitur. sicut Euaristus, non Evaristus. & bene, ἀριστος optimus, Evan Evoc per v consonantem sunt nomina profana Bacchi, uti apud Ovid. Metamorphos. 4.

*Nisteleusque, Elaleusque parens,  
& Iacchus, & Evan,*

*Evoc Bacche sonant.*

**EVOVAE.** de hoc vide infra in voce *Pneuma*.

**EUCHARISTIA**, latine bona gratiarum actio, εὐχαριστία gratias agere: ab ecclesia sic vocatur Venerabile Sacramentum, quod conficitur & offertur a Sacerdotibus in Sacrificio Missæ Patri æterno, in gratiarum actionem pro Filio suo ad nos misso: qui Sacramentum istud Deo Patri suo gratias agens instituit.

**EUSTACHIUS.** S. Bonaventura, vocatus in Baptismo Joannes, postea in Concilio Lugdunensi a Græcis



cis Eustachius vocatus fuit : eo quod in omni disputatione, quam ibidem cum illis habuit, doctrinæ veritatem ac disciplinæ gravitatem perpetua constantia ac felicitate conservaverat : a Latinis vero Bonaventura dictus, ob eventus bonos : vide caput primum vitæ ejusdem, in historia Seraphica Henr. Sedulii.

EULOGIA vocabantur olim cibaria benedicta (vide supra in Melchiade) ea post Missæ sacrificium alicui dare vel transmittere, erat signum communionis & charitatis Christianæ. vide Joannem Molanum de Agnis Dei cap. 2. Eulogius, latine Benedictus, & bene, λόγος sermo, dictio; hinc *elogia* clarorum Virorum, potius *enlogia* dicenda sunt.

EUPHEMIA, latine Bonæ Famæ, φήμη, fama sicut *Polyphemus* multæ famæ, sive rumoris, famosus. *Eunimius* bene honorandus, honorabilis: *Eugenius* boni genii, van goe-de imborst.

EUTICHES sive *Eutichius*, latine bene munitus, bonis vallatus; τεῖχος munio, muro cingo, τείχος murus: ponitur pro fortunato, qualis erat Job ante tentationem; uti Satan de ipso agebat, Cap.

Cap. I. *Nonne tu vallaſti eum, ac domum ejus, univerſamque ſubſtantiam per circuitum?*

EXARCHUS. tempore Joannis Tertii Papæ anno Chriſti 562. venit in Italiam Longinus cum titulo Exarchi, qui ſuſtulit Conſules Romanos: de quo narrat Onuph. Panviniuſ, quod mortuo Narſete Longinus Patriciuſ reliquum Italiæ, quod Longobardi non occupaverant, Imperatoris Conſtantinopolitani nomine, Exarchi titulo, Ravennæ Sede locata, annis 15. obtinuerit. Diſtionarium Hiſtoricum ait: Longinus ſucceſſit Narſeti Italiæ Principi; & novum Magiſtratum, Exarchatum in Italiam introduxit, & ſic novo modo præſſe cœpit; ac titulum ex re, quam aggrediebatur ſumpſit: nam Exarchuſ ab ἐξάρχω incipio præſſe, ſonat. etiam Exarcha ſcribitur, uti Tetrarcha, & Tetrarchuſ, qui quatuor Provinciis præeſt.

EXEQUIÆ ab exequendo dictæ ſunt, quia executioni mandanda eſt defuncti voluntas: initio enim ſui teſtamenti, ante alia ipſe ſibi proſpiciens mandat, quomodo velit ſepeliri: poſt alia narrat exequenda. ſic exequiæ, quaſi per  
an-

anonomasiam dicuntur primarium Testatoris mandatum, quod ante omnia hæredes exequi debent.

EXORCIZO, latine adjuro, (flandr. *uytmanen*) aliquem religione obstringo, sive alicujus animo religionem injicio; & metu religionis percello. *ἑρκω* juramentum; hinc Orcus, per quem jurabant Dii antiqui, apud quos nullum juramentum firmitus tenebatur, quam quod juraverant per Stygiam Paludem, aut per Orcum fluvium e Styge profluentem.

EXTASIS scribendum non Exstasis: quia litera X. una ex duplicibus pro duabus c. & s. servit; *Exstasis* autem optime scribitur, uti græce *ἐκστασις*, quod qui hanc patitur, quasi extra se stet.

## F

**F**ALDISTORIUM. Italicum *Falda*, idem est quod latine *plica*, *distornar* est explicare: sic Faldistorium ponitur pro sede portatili complicata, quæ disjungitur, sive explicatur, & distenditur, dum usui servit: etiam pro tapeete suppedaneo sumitur: nam tapetes complicantur, & explicantur: ita legitur apud Ciaconium in addi-

ditionibus ad Paulum 3. de Imperatore Carolo 5. ab ipso Maximo vocato : *Pontifex missali cultu indutus Casarem expectavit , qui cum venisset coram illo prope altare , detracta Corona , reverentiam flexo poplite exhibuit , tum in faldistorio ante Aram in genua procubuit , oravitque ; & deinde post preces fusas ad paratam sedem accessit .*

FANONES vocantur ab Italis vexilla quæ in supplicationibus præferuntur , a Græco φανός laterana , fax ; unde Epiphania apparitio , & vox teutonica *Vaenen* , dicuntur græce λάβαρα , latine vexilla quasi parva vela . a φαίνω , appareo venit *fanum* , quia fana sive templa supra alias domos apparent . hinc profanus , quasi procul a fano : sunt qui more græco prophanus , & phanum scribant .

FATUM, secundum Isidorum , dicitur esse quidquid Dii fantur , quasi Deorum effatum ; quod mutari non potest . Priscianus fatum nihil aliud esse dicit , quam dictum & jussum divinum : hinc fatum pro morte ponitur ; nam credebant veteres , quo temporis puncto quis nasceretur , eo ipso fataliter , sive per effatum Divinum constitui de morte atque interitu ipsius , juxta illud

In Job 15 : *Breves dies hominis sunt, numerus mensium ejus apud te est ; & posuisti terminos ejus qui præteriri non poterunt : ac juxta Manilii versiculum*

*Nascentes morimur, finisque ab origine pender.*

Et illud Senece ;

*Primus dies dedit novissimum.*

FERIA. feriari idem est quod ab opere vacare. in Officio Ecclesiastico dictæ sunt feriæ, quod vacantibus diebus ab aliis Sanctorum festis, officium fiat feriale, quod est de Deo : ut Clerici intelligant, se Deo deditos nulli rei nisi Deo vacare debere. hinc feriæ Quadragesimæ, quando paucissima sunt Officia de Sanctis, & nullæ Octavæ. cum horrerent fideles Christiani nominare dies a Diis gentium, uti Solis, Lunæ, Martis &c. ; vel a Sabbato, more Judaico, dicendo primam, secundam, tertiam Sabbati ; diem Dominicam quasi feriam primam supponendo, appellarunt sequentes dies feriam secundam, tertiam &c. retento tantum sabbato, ob reverentiam ejus diei, quem Deus ipse sub initium Mundi conditi instituit. in Lectionibus Breviarii de Sancto Silvestro habemus quod Sabbati & Domini

ci diei nomine retento, reliquos hebdomadæ dies feriarum nomine distinctos appellari voluit, quo significaretur quotidie Clericos ab. jectâ cæterarum rerum cura uni Deo prorsus vacare debere.

FESTUM, Græce *ἐορτή*, hinc Heortologia sermo de festis. Festa, Solemnitates, Celebritates, & Natalitia Sanctorum eadem fere sunt: Festum dicitur, quod est gallice *Plaisant, joyeux, recreatif*, hinc *Festin* dies lætitiæ. Solemnitates ex eo dicuntur, quia solent singulis annis celebrari. Celebritates, quasi crebritates, quo crebri homines conveniunt. Natalitia, vide infra in lit. N. In majoribus festivitibus antiqui precabantur invicem, uti adhuc hodie fit, felicia festa Paschalia, Natalitia &c. & vocabantur hæ festivæ preces; & ad absentes per literas ejusmodi preces mittebant, quales Theodoretus multas scripsit, & literæ festivæ vocabantur.

FORMATÆ, Apostolicæ, seu Pontificiæ sunt litteræ, quæ improprie passim Bullæ vocantur, de quibus vide in litera B. Formatæ autem dicuntur, quod certis quibusdam formis expediantur, mutatis tantum nominibus; hinc ex-

Y

pedi-



pediri dicuntur tali vel tali forma: *Dignum est, Rationi congruit &c.* secundum initia literarum.

FORNICATIO. Fornix græce camera dicitur: turpitudines carnales exercentur passim in locis tectis, fornicatis, sive cameratis, sub fornicibus in cameris.

## G

**G**ALILÆI, ita olim dicti per contemptum Christiani; quod nomen Christianum Juliano Apostatæ adeo erat exosum, ut Edicto sanciverit, nequis Christi sectatores Christianos, sed Galilæos nuncuparet. Hinc ipse moriens, ex inflicto vulnere sanguinem in auras spargens, blasphemando clamabat: *Vicisti Galilæe vicisti*: ita vocans Christum per contemptum, quia ex Galilææ civitate Nazareth secundum carnem oriundus erat.

GENTILES, idem quod Ethnici: *ἔθνη* gens, vide infra in voce Paganus.

GLORIA PATRI, ET FILIO &c. dicitur Papa Damasus, rogatu S. Hieronymi intercalarem hunc versiculum post singulos Psalmos ordinasse; ut si phantasia nostra inter

ter psallendum vagata fuerit, saltem in fine singulorum Psalmorum ad Deum convertatur, Incipit omitti Dominica Passionis *Gloria Patri* in Responsoris; quia Judæi adhuc tantum voluntate, & lingua Christum occiderunt; sed in tribus ultimis diebus hebdomadæ sanctæ illum ipso facto pati fecerunt; & tunc omittitur in toto officio, quia SS. Trinitas patiente Christo dedecorata fuit: & fiunt istis diebus quasi exequiæ Christi pro nobis mortui, uti fit in Officio defunctorum, sine Gloria Patri, ad luctum testandum.

GRADUALE, subintellige Canticum, ita dictum quia cantabatur in Choro, dum Diaconus ad recitandum Evangelium ascenderet gradus ambonis sive pulpiti; quod adhuc fit secundum antiquas rubricas, in aliquibus Ecclesiis, ubi cantatur Evangelium in Odæo. Vide supra in voce Ambo.

GREGORIUS, latine Vigilius: γρηγορέω. vigilo.

GUELPHI & GIBELLINI. Fredericus II. Imperator in Concilio Lugdunensi omni dignitate Imperiali privatus, post depositionem suam, se adhuc Imperatorem gerens, tantis malis Papam Inno-

centium IV. subiectosque illi populos afflixit, ut Pontificem vivere tæderet : maxima enim partialitas populorum in Italia subsequuta est Guelphorum & Gibellinorum, ad exterminium se prosequentium ; quæ per annos 260. non sine multi sanguinis effusione duravit . Ita Tritemius . Nomina autem hæc originem caperunt anno 1139. tempore Conradi III. Imperatoris ob differentiam inter Henricum ejus filium Gibellum dictum a loco Gibel, ubi natus erat ; & VVelphum, sive VVelphonem, ab Italis ( qui teutonicam litteram VV. pronuntiare non possunt ) Guelphum dictum, Bavarie Ducem : cumque hic obsidione cingeret Urbem Imperatoriam Vvirtsburgum, qui foris erant clamabant : *vivant Guelphi*, & qui intus : *vivant Gibellini* : unde postea ortum est, quod Itali qui erant a parte Imperatoris vocarentur Gibellini, qui a parte Papæ, Guelphi ; nam prædictus Guelphus bellabat sumptibus Papæ : quæ duæ factiones ita dein tempore Frederici II. Imperatoris invaluerunt, ut Italiam pessumdandam omnes timerent ; nam una & altera factio diversis vestibus & linguis utebantur, &

fin-

singuli norant qui erant sui : qui vero cum neutra parte se tenebant, hinc ab una, inde ab altera occidebantur. Similes in Hollandia a duobus sæculis erant factiones duæ: *de Cabeljansche*, ita dicti ab *Asellis* magnis piscibus parvos vorantibus, qui teutonice *Cabeljan* dicuntur: & *Haeckesche* (non *Hoexksche*) ab uncis *Haecken*, qui licet parvi magnos pisces capiunt. quæ duæ Italicæ factiones nomina postea mutarunt, Guelphi dicti sunt *Ursini*, & *Nigri*: *Gibellini*, *Columnenses*, & *Albi*: idque eo tempore, quo *Sedes Avenionem* translata erat: quas factiones *S. Bernardinus Senensis*, circa annum 1440. prædicationibus, & miraculis suis tandem compressit.

## H

**H**ÆRESIS ab αἰρέω eligo, selector, αἰρεῖσθαι quod elegi, pertinaciter teneo. Cicero: in ea est hæres, id est mentis electione. *Seçta*, latinum est a sectando. *Schisma*, σχίσμα scindo. *Superstitio*, latinum a superstituendo; quod quis ab Ecclesia rite statutis velit aliquid superstatuere. A. Gellius lib. 10. vocat superstitionem, im-

portunam & ineptam religionem.  
Virgilius lib. 12.

*Vana superstitio superis quæ reddita*

*Divis.*

Ad quod Servius, dum volunt videri nimis religiosi, fiunt superstitiosi, & ita delirant. Quomodo sit intelligendum quod de B. Virgine cantet Ecclesia: *Gaude Maria Virgo, cunctas hæreses sola interemisti in universo mundo*, cum adhuc pululent infinitæ hæreses? ad hoc respondet G. Durandus, in Rationali lib. 7. cap. 7. quod diva Virgo hoc fecit, quantum in se fuit; quia ostendit eum visibilem, qui invisibilis erat: primo enim Deus non poterat inveniri, quia quidam ipsum quærebant in deliciis carnis, quidam in divitiis, quidam in libris Philosophorum, quæ erant varix hæreses; & non erat ibi. unde Canticorum 4. *Quæsi vi eum, & non inveni*. modo autem non potest aliquis errare in via nisi velit: nam manifeste habetur in Isaia cap. 30. *Hæc erit via recta, ut etiam stultus non erret per viam. quærat illa via? Dabo in Sion salutem, & in Hierusalem gloriam meam*, Isaia 46. Vita Jesu Christi omnem spiritum ab Ecclesia segregatum confundit, ostenditque clare, quod  
sint

sint male consulti, & pertinaces omnes qui eum non sequuntur. ita Durandus; cui adde illud Cyrilli Alexandrini; ex lectionibus in die octava Nativitatis B. Mariae: per te unigenitus Dei filius vera illa lux effulsit sedentibus in umbra mortis, per te omnis creatura Idolorum errore detecta, conversa est ad agnitionem veritatis.

**HIEROSOLYMA** Urbs quondam Solyma dicta, hebraice Salem, hinc Hierusalem, id est sacra Salem, *ἱερός* sacer; sacra Solyma, five Hierosolyma. ita dicitur *Hierarchia* sacer Principatus, sic *Hieronymus* sacrum nomen *ἱερὸν ὄνομα*, alii sacra lex interpretantur, *νόμος* lex.

**HISTORIA** proprie est rerum narratio, quas qui narrat, spectavit & cognovit ab *ἰσπεῖω* specto, cognosco; unde *Polyhistor* latine multiscius, qui multa spectavit & cognovit.

**HIPPOLYTUS**, *ἵππος* equus, *λυτός* solutus, liber, indomitus: unde lytrum, pretium quod pro libertate datur. S. Hippolytus Martyr, 13. Augusti indomitis equis raptatus, per loca tribulis & carduis confita, lacerato corpore spiritum Deo reddidit.



**HOMILIA**, latine colloquium; confabulatio, collatio: est proprie sermo qui in cætu habetur: ὁμιλᾶς cætus, sicuti nonnulli Regulares post refectiorem convenientes ad colloquium, inter se aliquem casum vel quæstionem proponunt, ad dissolvendum; quod ipsi vocant ad conversationem venire: & quod alii dicunt ad collationem, ubi tractantur controversiæ contra hæreticos, non improprie dici possent hi cætus, homiliae. & notandum quod ad Evangelium in tertio Nocturno dicatur *Homilia*; quia est collatio alicujus sancti Patris ad explicandum Evangelium; *Sermo* autem dicitur in secundo nocturno: quia nihil ibi Evangelio explicatur, sed sermo temporari conveniens proferatur. Genebrardus colligit ex homiliis Græcorum, quod antequam inciperent tractare materiam Concionis, solerent Dei gratiam invocare, per intercessionem Divi cuius festum colebant: idemque credit instituisse Urbanum Secundum, ut semper per intercessionem Dei-  
paræ dicendo *Ave Maria* auxilium divinum invocaretur; quia hic Pontifex addictissimus erat cultui Beatae Mariæ, cujus Officium indi-  
xit.

xit. Vide de ipso Notitiam.

HOMOUSIOS ( Martyrologium  
15. Julii ) latine consubstantialis .  
ὁμὸς unus, idem . ὁσίᾱ substantia,  
quasi unius substantiæ : sed addita  
litterula i. ὁμοιῶ similis. quemad-  
modum Ariani Christum volebant,  
non unius & ejusdem , sed similis  
substantiæ homiouseion , Catholici  
autem homouseion dicebant: sic una  
litterula tantum turbarum in Ec-  
clesiam invexit.

HORA, Græce ὥρα terminus, ὠ-  
ρίζω termino ; unde horizon ter-  
minator ; & ora maritima , ora ve-  
stimenti , terminus maris , termi-  
nus vestimenti.

HORÆ sacri officii dicuntur,  
quia terminatis & distinctis inter-  
vallis , ex instituto Ecclesiæ reci-  
tantur.

CANONICÆ, id est regulares,  
quia juxta regulas ab Ecclesia præ-  
scriptas cantari debent : & proprie  
Canonicorum Choro addictorum  
sunt preces.

PRIMA cantatur *fam lucis orto  
fidere*, prima diei, sive lucis hora.

TERTIA in memoriam Aposto-  
lorum , qui hora diei tertia oran-  
tes acceperunt Spiritum sanctum.  
Hymnus Pentecostes: *Hora diei ter-  
tia repente mundus insonat.* & Hym-  
nus

nus quotidianus ad Tertiam, *Nunc Sancte nobis Spiritus.*

SEXTA, Actor. 10. hora sexta Petrus orabat.

NONA. Petrus & Joannes ascenderunt in Templum ad horam orationis nonam, Actorum 8. Hæ tres horæ notissimæ erant Apostolorum tempore ad preces fundendas. Septem autem horæ Canonicæ ab Ecclesia tam græca quam latina ad orandum quotidie observabantur: uti græcus Pater S. Basilii in Regulis suis ait: *Nobis hæc formula sit, septies per singulas dierum conversiones, laudes celebrare.* & latinus Pater Hieronymus in Psalmum 118. eas distincte nominat: *Videte quid dicat hora tertia, sexta, nona, lucernarium, media nocte, Gallicinium, mane primo.* cur autem septem precise horæ observentur idem docet, Comment. in Job: *Hostis ille antiquus septem spiritus assumit nequiores se, adversus quos prævalere non possumus, nisi septiformis sancti Spiritus gratia adjuti: itaque ad impetrandam septiformem gratiam, septies Deo sacrificium laudis offerri mandavit Ecclesia.* secundum illud David: *Septies in die laudem dixi tibi.* Hora ab aliquibus deducitur ab orando, nam horare cum aspiratione

ne idem est, quod orare; unde quidam Breviarium Horarium, si-  
ve Orarium vocaverunt, id est  
orationum librum.

HOSTIÆ dicebantur apud vete-  
res sacrificia, quæ fiebant dum  
contra hostem pergerent: ita no-  
stræ Hostiæ sacræ contra Diabolum  
humani generis hostem nos ar-  
mant. *Victimæ* erant quæ post vi-  
ctoriam victis hostibus immola-  
bantur. Hinc hymnus Ecclesiæ de  
Christo per Resurrectionem victo-  
re: *Victimæ Paschali laudes immolent  
Christiani.* & Ovidius:

*Hostibus a victis Hostia nomen ha-  
bet.*

HOOGH-MISSE, ita Missa Con-  
ventualis sive summum sacrum a  
nobis vocatur, quia alte cantatur:  
potius secundum Kilianum in Ety-  
mologico *Heugh-misse*, quia canta-  
tur cum musica & lætitia; præser-  
tim in festivitibus, quæ potius  
*Heugh-tyt*, quam *Hoogh-tyt* vocandæ  
essent, a teutonico *heughen*, quod  
est lætari: in talibus festis datur  
Regularibus lautior refectio, ut  
non tantum spiritu, sed corpore  
recreentur: ergo *Heugh-tyt* tempus  
lætitiae.

HYMNUS apud Græcos sumitur  
pro carmine, aliave metrica ora-

tionem in honorem & laudem Dei composita : qui talia scribunt Hymnographi vocantur ; Gregorio laus Dei modulata dicitur ; Augustinus in Psalm. 72. ait : *Si sit laus, & non sit Dei laus, non est hymnus : si sit & laus, & Dei laus, & non cantetur, non est hymnus ; Oportet ergo ut sit hymnus, habeat hæc tria, & laudem, & Dei laudem, & cantum.*

**HYMNODIA** est Laudatio Dei, quæ fit cantu. Distinctio inter Hymnum & Psalmum ea fere est, quod Psalmi vocentur, quos a Davide compositos accepimus, & nullo metro latino (uti nos cantamus) constant : Hymni vero a diversis sanctis Patribus compositi, suis metris includuntur : quod autem Psalmi fuerint metro hebræo a Davide quondam compositi, omnium Doctorum est sententia ; unde S. Hieronymus ad Paulinum ait. *David noster Simonides, Pindarus, Alcaeus ; Flaccus quoque, Catullus, & Serenus, Christum lyra personat. David simul & ludebat Cythara, & canebat in voce Psalmi, imo & saltabat, prout fecit ante Arcam ; & adhuc Hispani faciunt coram Venerabili Sacramento.*

**HYPAPANTE** vocatur a Græcis  
Fe-

Festum Purificationis B. Mariæ. ἁπαντᾶν est obviam alicui ire officii gratia, ὑπαπαντᾶν est cum submissione obviare, ὑπὸ sub, uti Hypodiaconus Subdiaconus, Hypomagus subcoquus, Archimagirus primus coquus, Archidiaconus primus Diaconus.

HYPOCRITA latine simulator, a Græco ὑποκρίναι simulare, hypocrisis, simulatio, ὑπὸ sub, κρίσις judicium, quasi falsum sive subreptitium judicium; quia Hypocritæ falsum aliorum de se judicium aucupantur.

I

**I**DIOTA. ἰδιωτᾶν sibi vivere, privatam vitam agere: quia Idiotæ nullam rerum experientiam habentes, nihil fere norunt, præter maternum idioma. latini Idiotam vocant hominem illiteratum & imperitum, qualem describit I. Cats in Speculo antiqui, & novi temporis:

*Die t'huys sijn jonckheyt heeft versleten,*

*En by den Brey-pot vast gheseten,*

*En daer geen letters heeft ghegeten:*

*Vrat kan de goede slocker vreten?*

IDUS. vide sequentem literam in voce Kalendæ.



**JESUITA** . de hac voce Ludolphus de Saxonia Carthusianus circa annum 1333. *Nomen Christus est nomen gratiæ, sed nomen Jesus est nomen gloriæ . sicut enim per gratiam baptismalem a Christo dicimur Christiani, sic in cælesti gloriâ a Jesu dicemur Jesuitæ, id est a Salvatore salvati: quo nomine in hoc seculo vocari nemo potest, quamdiu nondum est salvatus.*

**INDICTIO** . sicut Græci per *Olympiades*, quæ dicebantur a ludis in honorem Jovis Olympii institutis, quos quinto quoque anno prope urbem in Achaia Olympiam, totius Græciæ concursu celebrabant; & Romani per *Lustra* (a lustrando, sive expiando dicta, unde apud nos aqua lustralis) qui singulis quinquenniis per certum sacrificium Urbem lustrabant, & expiabant: ita Christiani per Indictiones computabant, quæ ter quinque, vel 15. annis constant. Cœperunt autem Indictiones a tempore Constantini Magni, anno Christi 333. quum victo Maxentio, Religio Christiana in libertatem vindicata fuit; & Nicæni Concilii auctoritate institutum est, ut sublati Olympiadibus, & lustris, annorum ratio ab eo tempore, per  
In-

Indictiones iniretur. antiquam autem & primam Indictionum periodum Cæsar Augustus primus exco-  
gitavit; nimirum ut subditis indi-  
cium esset, quando tributa, &  
qualia ab ipsis essent solvenda:  
nam primo quinquennio aurum,  
secundo argentum, tertio ferrum,  
ad reparanda arma solvebatur. ita  
quinque anni ter repetiti Indictio  
appellabatur: hinc apud Politicos  
Indictio est tributi vel exactionis  
genus, quod populo a Principibus  
indicitur.

INFRUNITUS. *animo irreveren-  
ti & infrunito ne tradas me.* ab an-  
tiquo fruniscor (id est perfruor)  
fit frunitus: sic homo frunitus,  
quo uti & perfrui licet: homo in-  
frunitus, quo uti non possumus;  
fland. *Daer niet mede te doen en is.*

INTERPONTIFICIUM est, quan-  
do Sedes Apostolica vacat, & Pa-  
pa non est: sicuti dicitur interre-  
gnum, quando Rex non est.

INVESTITURA est in possessio-  
nem inductio; ita dicimus aliquem  
tali officio, vel beneficio inve-  
stire.

INCLYTUS, vide infra in voce  
Paracletus.

INTROITUS Principium Missæ  
dicitur, quando Sacerdos ad Alta-  
re

re accedit; paulo ante enim dixerat: *Introibo ad Altare Dei*. ab Ambrosianis vocatur *Ingressa*.

**JUBILÆUS** annus est remissionis, qui septenis annorum hebdomadibus, id est quadraginta novem annis textitur: in quo buccinatur tubis in signum lætitiæ. Dicitur ab hebræo *Jobel*, quod est buccina, (quæ per buccam inflatur) uti *Josue* cap. 6. *Sacerdotes tollent septem buccinas, quarum usus est in Jubileo*. Et recte annus ille *Jubilæus* dicebatur: erat enim maximæ *Jubilationis* & lætitiæ, quem multi præsertim miseri vehementi desiderio expectabant: nam servi omnes eo anno libertate donabantur, debitores ad solvendum constringi non poterant, exules omnes ad patrium solum poterant redire. *Jubilæum* Christianorum ante annum 1300. nullum erat, donec *Bonifacius Octavus* illud centesimo quoque anno celebrandum indixit; quod & insculpsit tabulæ marmoreæ ad fores Vaticanas: sed mortalium commodo contrahere spatium hoc; vitæ brevitæ suavit. itaque, quod mirere, ter uno sæculo *Jubilæum* variatum fuit: annus centesimus placuit *Bonifacio* more antiquo Romano,  
cum

cum fierent ludi , *Quos ætas aspiciit una semel* . quinquagesimus Clementi Sexto , veteris legis exemplo , ut vere esset re ac nomine Annus Jubilæus . Urbano Sexto trigessimustertius , ob mysterium annorum vitæ Christi , qui omnis lætitiæ , ac Jubili nobis origo est . cæteris dein Pontificibus hi anni minus probati ; donec tandem Xystus Quartus , ex decreto Pauli II. prædecessoris sui ( qui annum 1475. ordinarat , sed morte præventus non celebravit ) vigintiquinque annorum spatio illud definivit , & primus celebravit : ut sic nulla ætas expers foret ; imo & unius hominis vita eo frui posset sapius ; isque numerus communi dein approbatione receptus , etiamnum obtinet : & hoc anno 1724. ducenti & 49. sunt anni , ex quo singulis vigintiquinque annis celebrari cœptum est Jubilæum .

ITE MISSA EST quid significet , vide infra in voce Missa .

INFANTULI . die 13. Julii in Martyrologio narrantur Lectores & Infantuli cum universo Clero Carthaginensi martyrio affecti . ad quem locum notat Baronius : *Dum infantulos puerulos legis , non eo sensu accipias , ut loqui nescirent ; sed*

sed iidem ad canendos modos Ecclesiasticos erant instructi: vetus enim mos fuit, & in præsens viget usus, ut impuberes pueri ob vocis elegantiam ad canendas res Ecclesiasticas modulis musicis imbuerentur, quos Galli vocant *Enfans du Chœur*. Cantus choralis concordem discordiam describit Venantius Fortunatus lib. 2. Carminum ad Clerum Parisiacum:

*Hinc puer exiguis attemperat organa cannis,*

*Inde senex longam ructat ab ore tubam:*

*Cymbalicae voces calamis miscentur acutis,*

*Disparibusque tropis fistula dulcesonat:*

*Tympana rauca senum puerilis fistula mulcet,*

*Atque hominum reparant verba canora lyram.*

Et sub finem:

*Pontificis monitu, Clerus, Plebs, psallit & Infans.*

## K

**K**ALENDÆ sunt singulorum mensium primi dies, a *Kalæō* voco. solebat enim Pontifex apud antiquos Romanos, Kalato sive vocato populo, quæ sequenti

ti mense agenda essent, eo die indicare; uti jam Christianis singulis diebus Dominicis a Parochis indicantur festa, jejunia, & cætera sequenti septimana observanda. hinc *Kalendarium*, liber qui continet ea quæ per singulos anni dies debent ab omnibus observari, Teutonice *Almanach*, quasi *alle mansch*, uniuscujusque reflectio: alii interpretantur *allemaen-acht*, quasi omnis lunæ observatio; quia lunationes singulæ in eo annotantur.

NONÆ dictæ sunt, quia novem diebus ab Idibus sequentibus distant.

IDUS dicuntur ab antiquo verbo *idnare*, quod est dividere, quasi in duo dare; quia ipso die Iduum mensis dividitur, & incipit computatio a Kalendis mensis sequentis. A. Gellius viduam dictam putat, quasi iduatam, id est in duo datam. Kalendas, Nonas, & Idus Romani propter dies festos instituerunt, & propter officia Magistratum; in iis enim diebus conveniebant in Urbibus, & de rebus publicis tractabant: & ipsi non utentes septimanis, annum in menses, & menses in Kalendas, Nonas, & Idus dividebant.



bant. S. Antoninus narrat, quod Romani ter in mense celebrabant suas nundinas, nimirum Kalendis, Nonis, & Idibus; a quibus diebus, utpote celebrioribus, reliqui dies denominationem sumebant: hinc dies post Kalendas, qui præcedebant Nonas, a Nonis numerabantur; similiter dies post Nonas ab Idibus; & post Idus a Kalendis. Quod aliqui menses habebant tantum quatuor dies ante Nonas, aliqui 6. dies; factum est quod dies isti essent aliquo festo impediti, quo non poterant fieri nundinae.

KYRIE ELEISON Græcum latine sonat *Domine miserere*. Κύριε Dominus, ἐλεέω misereor. post Apostolos Hebræos Hierosolymæ, cœperunt Græci Missam celebrare Antiochiæ, deinde Latini Romæ: tres autem linguas nos latini in Missa adhibemus, ad honorandum Titulum Crucis Christi, hebraice, græce, & latine scriptum. Hebraicæ voces sunt: *Alleluja, Hosanna, Sabaoth, Amen*. Græcæ: *Kyrie Eleison, Evangelium, Epistola, Canon*. Latina lingua est postrema & humillima trium linguarum: sed quamvis ultima, proxima tamen fuit Christo in Cruce pendentī.

KY-

KYRIACUS, latine Dominicus, Κυριακὸν Dominicum, idem quod Templum.

KALUMNIA, græce ἀλβελή, falsa accusatio, Diabolus calumniator, ἀλβάλλω calumnior. Lex 12. Tabul: *Kalumniator si convictus fuerit, idem patiatur quod reus*: apud Romanos qui Kalumniæ damnati erant, eorum fronti littera K. inurebatur: quoniam a priscis more græco Kalumnia scribebatur, præsertim dum A. sequeretur, uti in lapidibus antiquis: Kaput, Kalumnia, Karus, Kastitas, Parkarum, Evokatus, dedikavit. vide Lipsium de recta pronunt. ling. lat. cap. 13.

L

L AICUS (λαὸς Populus) latine popularis: ab hoc diversus est Clericus, ἀκλήρⓄ sors; quasi sorte electus, & in sortem Domini vocatus.

LAMIÆ *Nudarunt Mammās suas.* in infima Africa feras quasdam esse scribunt, muliebri facie, uberibus, totoque pectore adeo specioso, ut nullo Pictoris ingenio similes effingi queant; quibus relictis homines in fraudem alliciant, raptosque laniant, ac devorent:  
sic

fic Lamiæ quasi Laniæ a laniando dictæ.

LAUDES dicuntur, quod laudem aperte resonent divinam, uti in Psalmo *Jubilate*, & in Cantico trium puerorum, & sequentibus tribus psalmis: *Laudate Dominum de Cælis*, *Cantate Domino Canticum novum*, *Laudate Dominum in Sanctis ejus*, & in Cantico *Benedictus*. Nota, quando Laudes dividuntur a Matutino, præmittendum iis esse *Pater noster*, uti fit in aliis horis: & scito initium illud *Deus in adjutorium* ideo laudibus datum esse, ut ex justa causa Matutinum a Laudibus dividi posset: secus fit in Completorio, ubi nihil præmittitur, quia sufficit post lectionem brevem, *Fratres sobrii estote*, ante Confessionem, dici *Pater noster*. Laudes vocabantur quondam Matutinum Officium, quando, quod jam vocamus Matutinum, dicebatur Nocturnum Officium.

LEVITA sive Levites significat aliquem de Tribu Levi, unde solummodo antiquitus sumebantur Sacerdotes: hodie pro clerico Ordinibus initiato ponitur.

LEVIATHAN hebraicum, latine sua societas, vel sibi commissus. *Beelzebub* Deus muscarum, nomen Prin-

Principis Dæmoniorum. *Behemoth* animal. *Belial* sine iugo. *Beelphegor* idolum montis Phegor. *Bel* idolum: hebraica sunt nomina malorum Dæmoniorum.

LINOSTIMA PALLA. *λίνοῦ* linum, *σόμα* os, linum ad os tergendum, quo ad lavam utebantur mystæ ad sacrificium, nunc Manipulus dicitur: statius explicatur littera M sequenti, in voce *Manipulus*.

LIMINA APOSTOLORUM. obtinuit usus antiquus, ut præ reverentia ac religiosa quadam observantia, ipsæ Basilicæ Apostolorum Limina vocarentur: moris enim erat eas adeuntibus, ante ingressum ad limina procumbere, postea deosculari, ac preces fundere: uti hodie adhuc fit a plebeiis, quando manibus ad altaria vel imagines admotis, eas deinde osculantur. Fortunatus Poeta Christianus:

*Fusus humi supplex Sanctorum limina lambe.*

Et Claudianus:

*Per Cineres Pauli, per cani Limina Petri.*

Chrysostomus Homilia 30. in Epist. 2. ad Corinthios: *An non cernis quot homines Templi vestibulis osculum figunt, partim inclinato capite, partim*

*vim manutinentes, atque ori manum  
admoventes?*

LIMNIOTA. Martyrol. 23. Augusti, λίμνη lacus, stagnum: Limniotæ vocari possent hæretici Genevenses, habitantes ad Lacum Lemanium.

LITANIÆ vox græca, latine Rogationes: *Majores* dicuntur in festo S. Marci, quia in Urbe Roma, & a Papa Gregorio Magno institutæ. quare autem isto festo sint institutæ, ratio est quod Papa Pelagius ejus Prædecessor, cum mense Aprili pestis valde grassaretur, Litantias sive Rogationes ordinavit fieri isto die, per quas pestis minuebatur per aliquod tempus: sed postea ea aucta, ipse Papa pestilentia sublatuſ est; successor dein Gregorius eas singulis annis eo festo fieri decrevit. *Minores* ante Ascensionem, a S. Marmerto Episcopo, in urbe Galliæ Vienna inceptæ, & sub Hilario Primo ab universali Ecclesia receptæ sunt: hæ Rogationes tantum dictæ voce latina, quæ minor est lingua græca, λιτανείαι dicuntur a precibus quas Græci λῑτὰς vocant: unde *Litare*, quod est rogando impetrare; de quo Plautus in Pænulo: *Si hercule istud unquam factum est,*

est, tum me Jupiter faciat, ut semper sacrificem, neque unquam litem. hinc

LITURGIA quasi precationis opus, λῑτὴ precatio, τὸ ἔργον opus.

LATRIA cultus, qui Deo debetur, λατρεύω Deum colo, & cum tremore ei servio; τρέω tremo.

Dulia cultus communis Sanctorum, Hyperdulia cultus, qui exhibetur Deiparæ, quasi plus quam dulia, supra communem cultum.

LIPARITANUS IGNIS, aliter dictus Olla, sive Officina Vulcani, quæ est in Insula Lipari Vulcano sacra, propter igneam soli naturam, ubi cadere fulmina cum Cyclopius refertur. Juvenalis Satyra 13. *Tergens brachia Vulcanus Liparea nigra taberna.*

M.

**M**ARTYROLOGIUM latine reddi posset sermo de testibus: μάρτυρ enim significat testem, quia Martyres Christi Fidem sanguine suo testati sunt; quod & confessione sua alii Sancti fecerunt, quorum in Martyrologio etiam habetur memoria. sed a potiori parte sumitur denominatio Martyrologii, a Martyribus nempe, qui pro Christi Nomine passi sunt.

Z.



sunt. Prætereundum non est, quod  
 ex S. Hieronymo habetur in Bre-  
 viario sexta Maii in Lectionibus se-  
 cundi Nocturni, quod S. Joannes  
 Euangelista fuerit ob *Domini Mar-*  
*tyrium* relegatus; & in tertio No-  
 cturno, *Queritur quomodo Calicem*  
*Martyrii Filii Zebedæi, Jacobus vide-*  
*licet, & Joannes biberint, cum Scri-*  
*pura narret Jacobum tantum Apo-*  
*stolum ab Herode capite truncatum;*  
*Joannes autem propria morte vitam*  
*finierit.* & post pauca: *Videmus Mar-*  
*tyrio animum non defuisse, & bibisse*  
*Joannem calicem confessionis, quem &*  
*tres pueri in camino ignis biberunt,*  
*licet persecutor non fuderit sanguinem.*  
 notandumque est, quod sit triplex  
 genus Martyrii: primum volunta-  
 tis & effectus, quale fuit S. Ste-  
 phani; secundum voluntatis, quan-  
 do effectus mortis secutus non est,  
 quale fuit S. Joannis Euangelistæ;  
 tertium solius effectus, non volun-  
 tatis, quale fuit SS. Innocentium,  
 qui voluntate caruerunt. Initio  
 Ecclesiæ tantum pro Christo passor-  
 um acta in Martyrologium refere-  
 bantur, & festum omnium Sancto-  
 rum erat primo omnium Marty-  
 rum, ac Templum, Pantheon di-  
 ctum, vocatum fuit ad Martyres:  
 atque in nonnullis antiquis Eccle-  
 siis

fiis celebratur hoc festum cum paramentis rubris, quasi adhuc in honorem omnium Martyrum, sicut Bonifacius Quartus illud primo instituerat: post vero Gregorius item Quartus in honorem omnium Sanctorum celebrari voluit; & hinc paramenta alba eo festo passim adhibentur, quod sint jam omnes gloriosi; sed Officium adhuc fit quasi de Martyribus, quod patet ex secundis Vesperis, in quibus ultimus Psalmus est *Credidi*, uti cantatur pro Martyribus, & Responsoria brevia, ac Versus sunt de Martyribus. Triduo Hebdomadæ sanctæ omittitur lectio Martyrologii, quia Christi Passioni jam nimis sumus intenti, de Passione aliorum Sanctorum nihil cogitantes.

MENOLOGIUM (sic Græci vocant suum Martyrologium) est sermo mensium, sive de Sanctis qui singulis mensibus recensentur, *μην* mensis; sic Chrysostomus Henriques edidit Menologium Cisterciense, & Necrologium Viridis Vallis Marcus Mastellyn, quod est sermo de mortuis. *νεκρός* mortuus, *νεκρώω* neco, occido: Hagiologium sermo de Sanctis.

MAJOR DOMUS. Apud antiquos

Z 2

Fran.

Franciæ Reges absoluta fortitudine & scientia de Regni potentia disponebatur per Majores domus; Regibus solo nomine regnantibus: quibus moris erat principari quidem secundum genus suum, sed nihil agere vel disponere, quam irrationabiliter edere, bibere, ludere, & semel in anno Kalendis Maii præsidere coram tota gente, & salutare ac salutari, obsequia & dona recipere ac rependere: ita Martinus Polonus in Adeodato Papa. Hinc non mirum quod Carolus Martellus sive Tudes, existens Major domus Regni Francici maluit Regibus dominari, quam Rex esse.

MAGUS μάγος: Isidorus a magnitudine scientiæ derivat. Persæ Magos vocant, quos Græci Philosophos, Latini Sapientes, Galli Druydæ, Indi Gymnosophistas &c. Magi in Evangelio dicuntur fandr. *Weyßen* (secundum Prophetiam Regiam) Reges: *Tibi offerent Reges munera.*

MANIPULUS proprie est manualis herbarum fasciculus quantum quis manu apprehendit, & decerpit. sic pauci milites manipulus dicuntur, *Een handt. vol volckx.* In ritibus Ecclesiasticis ponitur pro  
stro-

strophiole brachio sinistro sacrificantis Sacerdotis appendente, a Græcis dicto *Palla Linoftima*, quasi linum oris. Breviarium habet *Linoftima*; de quo ita Gavantus: *Linoftima*, quasi *Linoftoma*, constat ex duabus vocibus græcis, altera significante linum, altera os. usus Manipuli erat ad tergendum os, & oris pituitam: quo in primitiva Ecclesia utebantur Sacerdotes ad siccandas lacrymas, quas tempore sacrificii ex devotione fundebant; quod, quia brachio prope manum sinistram dependebat, manipulus dicebatur, quasi manui applicatus; qualia Minoritarum sudariola sunt. vocatur diversis nominibus: *Orarium*, *Mapula*, *Sudarium*, *Cingulum*, *Brachiale*, *Mantile*, *Linteam*, *Cincticulum*. antiquitus fiebat ex lino ad necessitatem, nunc fit ex eodem panno, unde constat *Casula*; estque insigne Subdiaconi, sicut *Stola* Diaconi, & *Casula* Sacerdotis.

MANUUM IMPOSITIO. meminerit Sacerdos quod potestatem quam habet, acceperit ab Episcopi manuum super caput impositione; quam in Sacrificio Missæ adhibet, manus extendens super oblata, dicens *extensis manibus*:

*Hanc igitur oblationem servitutis nostre &c.* ut ostendat intendere se exercere suam potestatem super oblata, eam eodem gestu quo accepit adhibens.

**MANSIONARIUS** idem est quod Custos Templi, quia Custodes prope, vel in Ecclesiis manere semper debent: græce dicitur Naophylax, custos navis templi. Aliud est *Sacrista*, Sacristiam, sive Sacrarium custodiens, græce Mystagogus, & Hierophylax.

**MANDATUM.** Feria 5. in cœna Domini dicit Rubrica: post denu- dationem Altarium, hora compe- tenti conveniunt Clerici ad facien- dum Mandatum; quod est lotio pedum, & inde habet nomen quod Officium hoc incipiat a verbo hoc: *Mandatum novum do vobis &c.*

**MARCUS** latine limatus, frica- tus, expolitus, *μαρμαίρω* rutilo resplendo; unde Marmor, quod fricatum & expolitum resplendet.

**MARTHA.** sic vocatur flandrice Ancilla *Maerte* a Beata Martha se- dula Christi ministra: sic strenuus, teutonice *Kaerel* a Carolo Magno; sic leprosus *Lazarus* ab Evangelico Lazaro ulceribus pleno: sic ne- quam *Radbaude*, a quodam Frisix Principe Radboldo, Christum ne- gan-

gante, qui cū jam esset baptizandus, & peteret ubi Majores sui modo essent, ac responderet Episcopus, omnes, utpote infideles esse in inferno damnatos; respondit se male cum pluribus damnari, quam solum salvari. Ita denominationes istæ per Antonomasiā ab ejusmodi virtuosīs vel vitiosīs originem trahunt.

MANE a mano Varro deducit, quia cum sole dies ab Oriente manat. Mane ordinarie adverbialiter sumitur; Cicero ad Atticum: bene mane hæc scripsi. etiam substantivaliter: Persius satyra 3. *clarum jam mane fenestras intrat*. Martialis lib. I. Epig. 50. & *mane totum dormies*. Sic etiam *Vespere* sumitur; Hymnus ad Nonam: *Largire lumen vespere*.

MATUTINUM est adjectivum substantivatum, subaudi Officium, a Matuta Dea, alias Aurora dicta. Matutinum autem Officium proprie sunt laudes; quod præcedit, Nocturnum Officium dicitur, quia de nocte cantabatur per tres distinctos Nocturnos cantus; laudes autem sub tempus Matutinum. & observa quod omnes hymni Matutinales, Nocturnales potius, per omnes ferias faciant mentionem



noctis: hymni autem laudum auroræ, vel lucis orientis. nunc quia Officium utrumque consequenter passim mane cantatur, totum Matutinum Officium dicitur. vide sequentem litteram in voce *Nocturnus*. Quare Officium trium ultimorum dierum hebdomadæ sanctæ dicatur flandr. *Donckere Mettenen*? ratio est quia alias Officium Matutinum desinit adveniente luce diurna, tunc vero extinctis paulatim luminaribus, & ingruentibus noctis tenebris finitur.

MELODIS vocibus, id est dulcibus; μέλι græce idem quod mel latine: ὠδή cantus, quasi melleus sive dulcis cantus. Melodia suavis cantus, Melodæ voces per ω; Exodus autem per ο; egressio.

MELOTE μηλωτή pellis ovina cum lana, gallice *Toison*, teutonice *Vlies*, latine vellus a vellendo, quia ab ovis corpore pellis cum lana vellitur: & nos quondam in Choro in melotis & pellibus ambulavimus, dum superpelliceis indueremur, quæ antiquitus erant ex pellibus. vide infra *Superpelliceum*.

MEMORIA V.G. Beati Petri, Pauli, &c. uti legitur de sancto N. cum oraret ad memoriam B. Petri: id est ubi S. Petrus sepultus est. Memo-

morias has primus instituit S. Anacletus . Memoria , Martyrium , Confessio , synonyma sunt .

MESSIAS hebraice : Christus græce : Unctus latine .

METROPOLIS est Matrix civitas , sive primaria urbs : flandrice reddi posset *Moeder-stadt* ; πόλις civitas , sive multitudo , μήτηρ mater per η : per ε autem scribitur τὸ μέτρον . unde

METRUM latine mensura : hinc carmen Pentametrum , & Hexametrum , quod est quinque & sex mensurarum .

MISSA : ab hebræo *Missah* aliqui derivant , quod est spontanea oblatio : quasi sit missio sive oblatio tum precum populi per Sacerdotem ad Deum , tum victimæ Christi , qui missus est a Patre ad nos , tum ejusdem Christi a nobis ad Deum Patrem pro placatione , & solutione inimicitiarum inter Deum & hominem . Sed vere vox *Missæ* latina est , non hebræa , a vulgo introducta , & ab Ecclesia usu recepta , sumpto vocabulo a publicis illis verbis , quæ in fine dicuntur : *Ite Missæ est* . ad similitudinem antiquorum ex Apuleio lib. 11. Metam. sic scribente : Sacerdos Ethnicus , aut scriba , quem Grammatea

dicebant, peracto sacrificio conversus ad populum dicebat: λαοῖς ἀπεστ, Latine populis missio, scilicet est, vel datur; ut tunc deum omnibus abire fas sit. uti Remissa peccatorum apud Tertullianum & Cyprianum pro remissione, sic Missa hic pro missione ponitur. hinc Missa Catechumenorum, qui post Euangelium a Diacono dimittebantur, & Missa Fidelium qui toti sacrificio intererant, & in fine tantum dimittebantur. Baronius ad Martyrologium primæ Octobris notat, apud Francos significare Missam festivitatem ipsam, de qua fit Missa: sicuti a nobis adhuc dicitur: *Bamisse, Kersmis, Lichtmisse, Sint fansmis*. Vox hæc Missa sive Missah a Græcis nunquam usurpatur, sed *Liturgia* (publicum opus) *Hierurgia* (sacrum opus) *Mystagogia* (summum Mysterium). Peti posset quare in aliquibus Missis dicatur *Ite Missa est*, in aliis *Benedicamus Domino*? ad hoc respondetur: cum in festis dicimus *Ite Missa est*, ad populum convertimur, quem peracto Sacrificio discedere permittimus; utpote qui negotiis sæcularibus implicatus tantum diebus festis adesse solet: *Benedicamus Domino* non ad populum,

lum, sed versus altare quasi ad Dominum conversi dicimus, ut nos ipsos, qui in sortem Domini vocati sumus, non ad discedendum, sed perseverandum in Officio Divino excitemus, qui quotidie Ecclesiam frequentare solemus. *Requiescant in Pace* non ad præsentes dicimus, sed sermo est de absentibus; ideo a præsentibus avertimur. *Missæ Catechumenorum* durabat usque post Euangelium: eo enim recitato, Catechumeni dimittebantur solemnibus verbis a Diacono prolatis: *Si quis Catechumenus est, procedat foras*. quoniam post Euangelium oblatio fit Sacrificii, & sacra Mysteria incipiunt, quibus non nisi baptizatis interesse licet: nam non nisi baptizati de illis participant.

MISSA AUREA est missa votiva de Beata Maria tempore Adventus solemniter cantata. In Missali vel Breviario nulla Missæ aureæ fit mentio. Micrologus antiquus auctor de observationibus Ecclesiasticis cap. 48. hujus meminisse videtur dum ait: *Sancti Patres in Concilio Toletano de Annuntiatione S. Mariæ constituerunt, ut de Quadragesima, in 15. Kalendas Januarii (quod est 18. Decembris) transfer-*

tetur, ubi annuatim celebriter, & con-  
 venienter ante Natale Domini posset  
 celebrari: ut puta, cum omnia istius  
 temporis Officia de eadem resonant An-  
 nuntiatione. Sed quia dies illa de-  
 cima octava Decembris interdum  
 Dominica Adventus, vel alio mo-  
 do impeditur, ideo certa dies,  
 nempe feria quarta quatuor tem-  
 porum Adventus assignata postmo-  
 dum fuit, quando nimirum Romæ  
 statio est ad S. Mariam Majorem.  
 celebratur autem hæc Missa summo  
 mane, ante omnes alias Missas,  
 ob excellentiam primi mysterii no-  
 stræ Redemptionis, quod est In-  
 carnatio Filii Dei: ideoque in  
 Symbolo ad illa verba *Et incarna-  
 tus est* genuflectitur etiam a cele-  
 brante & Ministris, qui alias tan-  
 tum caput inclinant: & cantatur  
 hæc Missa in Ecclesiis Cathedrali-  
 bus ab Archidiacono sive primo  
 Episcopi Ministro, quia Archan-  
 gelus sive primarius Nuntius a  
 Deo ad hoc ad Mariam missus fuit.  
 & hæc Missa non immerito voca-  
 tur *Aurea*, eo quod, sicut aurum  
 inter metalla est præcipuum, ita  
 Incarnatio Domini inter religio-  
 nis nostræ solemnitates est prima,  
 secundum hæc verba Athanasii:  
*Primum hoc memoria subiiciendum est,*  
*festum*

festum hoc esse unum ex Dominicis festis, atque adeo primum & prorsus venerandum; utpote quod pro ordine & digestionem rerum, quæ in Evangeliiis de Christo prædicantur, primum ac sacrosanctum habeatur; quippe in quo de Filii Dei de Cælis descensu agitur. Ita Athanasius, vel ut Baronius vult, Cyrillus. & quemadmodum revolutio, seu cyclus lunaris novemdecim annorum appellatur Numerus aureus propter excellentem, seu quasi auream, quam continet utilitatem in elongationibus & conjunctionibus lunæ cum sole cognoscendis, quem numerum a Chaldæis accipientes Romani, propter ejus utilitatem & facilitatem in Calendario suo aureis literis descripserunt; unde adhuc Aureus appellatur Numerus: ita hæc Missa dicitur Aurea propter summam utilitatem, quam genus humanum ex mysterio Incarnationis accepit: utque læta nuntia charta deaurata conscribuntur, ita Evangelium (quod lætum nuntium latine sonat) hujus missæ aureum vocari cum primis potest, per quod nobis Filii Dei Incarnatio a tot sæculis expectata denuntiatur. cur autem mense Decembri, cum Martio con-  
tulerit, de ea agatur, responderi pot-



potest, præter ea quæ superius ex Micrologo allata sunt, uti sanctus Thomas de Sacramento corporis Christi; quod etsi die Cœnæ Domini noscatur institutum, tamen quia circa Passionem Domini Ecclesia illo tempore occupatur, institutionis hujus memoria prima quinta feria post octavam Pentecostes celebratur, quando Spiritus sanctus corda Discipulorum edocuit ad plene cognoscenda hujus mysteria Sacramenti: ita licet Christi Incarnatio mense Martio, in quem Quadragesima incidit, contigisse noscatur; ejus tamen memoria mense Decembri, feria quarta quatuor temporum Adventus, quando in Officio Evangelium hoc *Missus est* proponitur, non incongrue agitur; ad missam hanc concurrente passim populo, eamque ita non negligente, ut totius annitum corporis tum animæ prosperitas hujus missæ auditioni accepta referatur: quod & confirmat Collecta Officii hujus diei rogans, *Ut Redemptionis nostræ solemnitas & præsentis nobis vitæ subsidia conferat, & æternæ beatitudinis præmia largiatur.*

MIGMA ( legitur in lectionibus Breviarii hebdomada tertia Adventus, ex Isaia cap. 3. *commistum mig-*  
*ma*

*ma comedent* ) versio flandrica habet *mengh-voeder* : *μῆγμα* latine *mitura* . aliud est *smegma* *σμήγμα* ; latine *sapo* , fland. *Seepe* , sordes abstergens .

MITRA a græco *μίτρα* licium filum ( unde tunica *polymita* Joseph, quæ erat variis filis contexta ) est proprie mitra capitis tegmen , ex filis contextum , cui fæminæ capillos colligatos innectunt , fland. *Huyve*, *Nette* ; cuius diminutivum est *Mitella*, *Huyfken*, *netteken* . Judith cap. 10. *Imposuit mitram super caput suum* . Sanctus Augustinus in regulis Monialium n. 6. retiolum vocat . paulatim Mitræ pretiosiores redditæ sunt , auro gemmisque ornata . Græci Sacerdotum ac Regum Diademata Mitras vocant . hodie *Mitra* , & *Mantus* , sive *Manteletum* & *Mozetta* sunt insignia Pontificalia . vide supra in voce *Birrus* . *Aurophrygiata Mitra* , fland. *met gout gheborduert* a Phrygio *Borduer vvercker* , quia Phryges eam artem primi invenerunt . primus Pontificum mitra usus est S. Silvester , simplici corona cincta , duas coronas adhibuit Bonifacius Octavus , tres Urbanus Quintus . Mitra Pontificia est rotunda instar galeæ sive *me-  
ta* ,

ta, cui coronæ optime connectuntur. Episcoporum reliquorum bicornes sunt mitræ, quæ referunt duo cornua Moyſi, quæ retulerat ex colloquio Dei. Variis nominibus vocatur Mitra, Apex, Serum, Corona gloriæ, Galea, Tiara, Cidaris, Infula (quasi inflata) Vittæ sunt ligamina quæ ex mitra dependent. *Regnum* insuper vocatur mitra Romani Pontificis, de quo infra in ea voce. *Mitra phrygiata* utitur Episcopus in Officio solemnī; *Mitra simplici* in Officio simplici, uti in Ordinationibus, Officio Defunctorum &c.

MONACHUS a Græco μοναχὸς solitarius, Cœnobita, Cœnobium, κοινὸς βίος communis vita. Cœnobiarcha prior in communi viventium. *Anachoreta* est qui post Cœnobialem sive communem vitam desertum petit, ab ἀναχωρῶ secedo. Anachoretæ Eliam & Joannem Baptistam, Cœnobitæ Apostolos imitantur. *Eremita* dicitur qui in loco deserto habitat, ἐρημὸς desertum.

MONASTERIUM (σὺν πρὸν statio) Monachorum statio: unde flandrice dicitur de Regulari, *Hy staet te Brussel*, & *Antwerpen* &c. male hodie Religiosi sive Regulares.

res vocantur Monachi, quia soli non agunt, sed in communi vivunt: itaque Cœnobitæ potius vocentur, uti Canonici quondam omnes erant, ita dicti, quod sub certo Canone, sive Regula in communi viverent.

MONOTHELITÆ erant Hæretici unam tantum in Christo voluntatem prædicantes, a græco τὸ μόνον θέλημα, una voluntas: contra illos habitum fuit sextum Concilium œcumenicum, quod fuit Constantinopolitanum tertium, sub Agathone Papa anno 681.

MYSTERIUM venit a μῦς latine mus, & τηρέω abscondo; quia mus secreto se abscondit: melius a μνέω instituo in sacris: hinc *Mystra* Mysteriorum sive absconditorum peritus, & eorum custos *Mystagogus*, sicut *Padagogus* puerorum dux sive custos, *Symmystæ* confacerdotes iisdem mysteriis initiati, *Mysticus* (barbare Mystoriosus) secreta continens. Mysteria interpretantur Hispani *Secretos del Sacrificio*: & nota hic aliquid mysterii quoad pronuntiationem huius vocis; nonnulli enim μυστήριος græce pronuntiant *Mistiria*, cum mysteria, prout latine dicimus, sit.

fit dicendum: nam prima syllaba scribitur per *υ*, secunda per *η*, & tertia per *ι*. sic tres diversas literas eodem sono exprimunt: quo etiam modo enuntiant κοιμητήριον cimitirion, cum koimete-  
rion sit dicendum. emendemus, aut vapulemus, ait Lipsius.

MUSIVUM opus, vox Italica, latine *Vermiculatum* dicitur, flandrice *ingeleyt vverck*, a verminibus quibusdam coloris varii: aliud est *encausticum*, flandr. *ghemailleert*. Encaustice est ars igne pingendi. aliud est *Tesselatum*, quod variis tessulis distinguitur. Aliqui Musivum & Musaicum a Musis dici putant, quod varia arte & coloribus, uti novem Musæ vario habitu, distinctum sit. vide Ludovicum Vivem ad lib. 16. cap. 8. August. de Civitate Dei.

## N

**N**ATHANAEL nomen hebraicum, latine donum Dei, græce Theodorus; prænomen Bartholomæi Apostoli, uti probat B. Gavantus in Com. ad Rubricas.

NATALE, NATALITIA, sic appellatur Sancti alicujus ex hac  
vita

vita migrationis dies, quo nascitur cœlo, & ex hujus sæculi tenebris ad lucem venit viventium, victurus æternum.

NAZARÆUS & NAZARENUS vox hebraica, latine separatus, sanctificatus, floridus, coronatus. item Nazar hebræis oleum sonat, unde eorum Sacerdotes dicti Nazaræi, quod essent uncti sacro oleo.

NECROMANTIA est divinatio quæ fit per mortuos, evocatis ad cadavera eorum malis spiritibus: *α νεκρός* mortuus, *μαντεία* divinatio.

NEOPHYTUS, latine Novitius, *νέον φυτὸν* novum germen. S. Augustinus in Octava Paschatis ad Neophytos: *Ἔως alloquor novella germina sanctitatis.*

NEOMENIA, id est Novilunia, tuba. Judæi ad singula novilunia tubis buccinabant. *μήνη* luna.

NICODEMUS idem quod *Nicolaus*, latine victor populi: *νικάω* vinco, *λαός* & *δῆμος* populus.

NOCTURNUS, subauditur Cantus, *Nocturnum* subaudi Officium: Nocturni tres in Festis dicuntur ad ritum trium primarum noctis vigiliarum. Hieronymus ad Eustochium: *Noctibus his serve*  
*sur-*



*furgendum*. antiqui Christiani ter singulis noctibus ad canendum Deo surgebant: Laudes vero quartæ Vigiliæ reservabantur. hodie non dividuntur Nocturni; imo & Laudes iis junguntur, consuetudine vim legis habente: & significatur una Ecclesia justorum omnium, qui ante legem, sub lege, & post legem. etiam hodie antiquæ vigiliæ observantur a diversis Regularibus; nam nonnulli ad Officium surgunt sub initium noctis, uti Carmelitissæ Tereſianæ hora nona: Carthusiani hora decima: media nocte plerique Ordines mendicantes: post mediam noctem Benedictini & Cistercienses: hora 4. Canonici Regulares: summo mane Canonici sæculares: ita ut Officium Divinum fiat tota nocte in illuminatione ignis. in feriis autem tantum est unum nocturnum, quia Officium fit cum minori solemnitate.

NONNA & NONNUS, per crasim, quasi non nuptus, non nupta. Hieron. ad Eustoch. Castæ vocantur, & Nonnæ, id est non nuptæ. ita passim Monachi & Moniales prænominantur.

NOSOCOMIUM, vide Xenodochium.

NO-

NONÆ, vide Kalendæ. NUME-  
RUS AUREUS, vide Missa aurea.

O

**O**CTAVA. Radulphus propo-  
sitione 19. ait: *Magnitudo  
festi a nobis exigit, ut & prius illud  
incipiamus, & tardius terminemus:  
prius autem dicimur incipere, quan-  
do vigiliæ officio festum prævenimus;  
tardiusque terminamus, cum ad O-  
ctavam diem festum protendimus. Quis  
autem digne satis unquam colat cele-  
bretque institutas pro meritis sancto-  
rum Octavas? si non valemus eorum  
Natalitia digne venerari, quanto mi-  
nus Octavas? præveniamus ergo &  
prorogemus, ut ardentius, quos debe-  
mus, recolamus; quæque uno die mi-  
nus possumus, seu quem ipso die heu!  
negligimus, reliquis diebus compense-  
mus. Septem autem dies octavæ  
significant tempus hujus vitæ,  
quod septem quasi diebus constat,  
quæ resumuntur singulis septima-  
nis; estq; continua septem dierum  
vita: Octava autem dies clarifica-  
bit nos in vita, & beatitudine æ-  
terna; quæ etiam clarificat Inno-  
centes, quorum dies octava est  
lætitix, cum prima fuisset tristi-  
tiæ: nam *Te Deum* prima die non  
can-*

cantatur, sed in octava. Cum infra octavas Paschatis, Pentecostes, &c. quæ sunt ipsius Dei ac Domini nostri festivitates, nullum celebretur sancti alicujus festum, cur infra octavam Nativitatis Christi tot sanctorum festa celebrentur, ratio est, quia Deus homo factus incœpit conversari cum hominibus, & docuit nos humilitatem. Quod octavæ sacram habeant originem, constat cum ex Testamento veteri de dedicatione Templi Salomonis, Paralipom. 2. capite septimo; tum ex novo Joannis 10. cum Filius Dei ad Encœnia, & Scenopebias ascendit, iis immorans usque ad novissimum, id est octavum diem: in novissimo quippe die magno festivitatis stabat Jesus & clamabat. *Novena* unde originem ducat nescio; nisi forte origo profana sit, & deducatur a novendio, sive novem dierum spatio; a quo Novendiale sacrum dicebatur, quod novem diebus continuis ad expiationem prodigiorum fieri solebat, secundum illud Livii, 1. ab urb. cond. *Romanis a quodam prodigio Novendiale sacrum publice susceptum est, seu voce cœlesti, ex Albano monte missa (nam id quoque traditur) seu Aruspici*

*ruspicum monitu : mansit certe sole-  
 mne , ut quodcumque prodigiosum  
 nunciaretur , feriæ novem dies age-  
 rentur . ita Livius . hodie in obitu  
 summorum Pontificum fiunt No-  
 vendialia , hoc est per novem dies  
 exequiæ . Et notandum quod fe-  
 stum Pentecostes non habeat octa-  
 vam diem ; sed tota hæc Penteco-  
 stalis hebdomada est Octava Pa-  
 schatis , quod non tantum per dies  
 octo , sed & per octo septimanas  
 celebratur ; ita ut Pentecoste sit  
 Octava solemnitatis Paschalis , non  
 per octo dies , sed per octo septi-  
 manas celebratæ ; nam in sabbato  
 post Pentecosten , post Nonam ce-  
 lebrata Missa terminatur tempus  
 Pasche , ut ait Rubrica . cur qui-  
 busdam Psalmis *Pro Octava* titulus  
 datur ? si Ruperto credimus , Psal-  
 modica hæc modulatio præcepta  
 est ab eo ( Davide ) qui inter filios  
 Isai octavus fuit ; ab homine ne-  
 glectus , a Deo , quia octavus , ele-  
 ctus ; & a Salomone , Eccles. II.  
*Mandatum accipis , dare partem se-  
 ptem , nec non & octo .* Quibusnam ?  
 difficilis plane locus . Ambrosius  
 dixit ; *Fortasse Benedictionibus* , seu  
 quod idem est , octo Beatitudinibus :  
 ut scilicet partem demus vitæ no-  
 stræ Paupertati exercendæ , quæ  
 est*

est prima beatitudo : partem Mansuetudini , quæ est secunda beatitudo : Luctui , quæ est tertia , & pro octava , quæ est æterna beatitudo , multi sunt scripti psalmi : per septem autem dies præcedentes hæc vita designatur . de septenario numero septies multiplicato , qui est quadraginta novem , cui additur Octavus , ut quinquaginta compleantur , quod est Pentecoste ; & de octo hisce beatitudinibus vide in Breviario nonam sive ultimam Lectionem S. Augustini 7. die Novembris .

ODÆUM ὁδῶν locus cantorum . ὁδὴ cantus ; sed Exodium post-cantus , *Naer-sanck* , per o ab ἔξοδος Exitus , secunda brevis . Juvenalis Satyra 6. *Urbicus exodio risum movet . idem , redit ad pulpita notum exodium .* exodium vocari potest , quod vesperi post solemnes laudes , dum homines templo egrediuntur , luditur , vel cantatur . *Exodus* liber Exitus Israel de Ægypto . Odæum Barbare *Ocsale* dicitur a teutonico *Hooghfaele* , quod proprie

ORCHESTRA est locus Optimatibus ad spectandum destinatus : cantorum autem locus Odæum est .

OB-

**OBLATIONARIUS** est, qui oblationes populi recipit, *fland. Die ten aport sitt.*

**OFFICIUM** quasi *Efficium*; quia convenit unicuique suum efficere officium; *Divinum* dicitur, quia Deo fit: & est proprius actus eorum qui Deo sunt dicati, sive devoti. *Ambrosianum*, S. Ambrosius plura in Officio Divino constituit secundum usum Græcorum, quæ a Romanis abrogata sunt, & solis Ambrosianis, sive Mediolanensibus permessa. *Gregorianum* ab Ecclesia Romana usitatum, & omnibus permissum, imo mandatum. S. Gregorius Magnus Ecclesiam ornavit sanctissimis institutis & legibus (ut ait Breviarium 12. Martii)

**ONAGER** in deserto: asinus silvestris, ὄντ asinus, ἄγρτ silvestris; hinc fit una vox Onager.

**ORATIO** ab ore dicitur; quia exterius fit ore quod apparet hominibus; interius autem fit corde, quod soli Deo paret.

**ORATIO SUPER POPULUM** in Quadragesima ideo frequentatur (ait Micrologus) quia cum majorem conflictum in jejuniis & orationibus contra spirituales nequitias sumamus, necessario nos instantius Deo commendare debe-

A a

mus;



mus: nam oratio quæ *PostCommunionis* dicitur, pro solis Communicantibus solet deprecari. Populus autem etsi quotidie in Quadragesima conveniat ( tempore Micrologi ante sexcentos annos ) non tamen quotidie uti deberet communicat: ne ergo populus ita oratione, ut communione careret, adjecta est Oratio super Populum; in qua non de Communionis, sed pro populi protectione specialiter oratur: sic in locum Communionis hæc oratio super populum subrogata est. in Dominicis tamen diebus non dicitur, quia genuflexio vitatur, quæ ad hanc orationem a populo exigitur, dum proclamatur a Diacono: *Humiliate capita vestra Deo*; ut dum populus tempore tam sancto, quale est Quadragesima, non communicat, Benedictione superaddita non careat. hæc fere, & plura Micrologus, cap. 51. de observationibus Ecclesiasticis.

OREMUS vocatur indictio orationis. Sanctus Augustinus Epistola 106. ad Vitalem: *Oremus dicitur ante publicam orationem; ut invitentur omnes ad orandum.*

ORATORIUM substantive apud bonos latinos auctores non reperitur,

ritur, sed adjective; uti digressio oratoria, pulpitum oratorium, quod est concionatoris suggestus.

ORACULUM autem pro loco orationis reperitur. Anastasius bibliothecarius in Paulo I. *Noviter Oraculum in honorem Sanctæ Dei Genitricis construxit*. ubi additio habet: Oraculum, id est Oratorium. Apud Ethnicos oracula ponebantur pro Deorum responsis. Virgil. lib. 2. *Æneidos*:

*Suspensi Eurypylum scitatum Oracula Phæbi*

*Mittimus.*

Quia his inesse putabant Deorum orationem sive sermonem.

ORARIUM antiquitus idem erat quod stola, (de qua vide in litera S.) absque stola autem, sive oratio non oratur, id est prædicatur, quod ore fit; hinc orator idem & prædicator: nec sine stola sacrificatur, quod fit orando, sive os movendo. *Adorare* est manum ad os movere, quod orantes & rogantes faciunt.

ORGANUM ὄργανον, quasi ἔργον quodlibet instrumentum; τὸ ἔργον opus: quia per instrumenta fiunt opera. Vitruv. lib. 10. cap. 1. inter machinas & organa id videtur esse discrimen quod machi-

næ pluribus operibus in majores coguntur effectus, ut ballistæ, torculariumque præla; organa autem unius operæ prudenti tractu & tactu perficiunt quod propositum est: per excellentiam autem organa dicuntur quævis musicorum instrumenta. De inventione Organorum vide Notitiam in Vitaliano Papa 78. Historia tripartita ait, quod Dæmon Arium organum suæ machinationis habuit.

ORTHODOXUS est qui recte opinatur: *Orthodoxia* recta opinio, *Cenodoxia* vana opinio, *orthographia* recta scriptio: ὀρθός rectus. *Heterodoxus* alterius sive alteratæ opinionis, ἑτερόω altero, turbo. *Paradoxon* præter opinionem: δόξα opinio, δοξάζω opinor.

OBRYZUM aurum, ὀβρυζέω, hoc est sincerum purum, quod multipliciter igne probatum & excoctum non minuitur. Hieronymus Ophiricum dictum putat ab Insula Ophir, unde præstantissimum proveniebat aurum.

P

PAGANUS unde dicatur, vide notas Baronii ad Martyrologium 23. Januarii. Perottus autem

tem ita explicat : fons , græce πηγή dicitur , & plures domus rusticæ five villæ Pagus vocantur , quia circa fontes five puteos condi consueverunt : hinc Pagani dicti , quasi de eodem fonte potantes . metaphorice , ait Beda , Pagani a Pagis dicti sunt , eo quod longe absint a supernæ civitatis habitatione . & Paulus Orosius Præfatione in suam Historiam ad Aurel. Augustinum : alieni a Civitate Dei ex locorum agrestium compitis & pagis , *Pagani* vocantur , five *Gentiles* , græce ἔθνη *Ethnici* : utque Judæi omnes vocabant *Gentes* qui verum Deum non agnoscebant , ita Christianis , qui eundem Deum non norunt , *Gentiles* , *Ethnici* , & *Pagani* dicuntur . ἔθνη *Gens* ; *Gentiles* : ita viventes ut sunt geniti utque Pagani antiquitus a Romanis dicebantur , qui non erant eorum militiæ ascripti ; ita a Christianis dicti sunt Pagani , qui milites Christi non erant ; quia vita Christiana est militia super terram .

**PALLIUM** sunt qui a pellibus deducant , quasi Pellium ; quia pel-  
lis est supremum animalis teg-  
mentum . Fuerunt ex pellibus olim  
pallia confecta , uti pingitur Elias

pelle palliatus . hinc nostrum superpelliceum ( subaudi vestimentum ) quasi superpellium : quia primis vestibus homines tunicis pelliceis a Deo induti sunt , pellibus etiam antiquitus Canonici , non lineis vestiebantur : quo schemate majores nostri repræsentare voluerunt summam miseriam in quam per peccatum parentum primorum incidimus , propter quod ipsi , perdita innocentia , a Deo vestiti sunt tunicis pelliceis . vide infra *Superpelliceum* .

PALLIUM ARCHIEPISCOPALE , alias Stola Archiepiscopalis . Pallium vocatur , eo quod alia ornamenta Episcopalia palliat , id est tegit , non quidem integro pallio , sed signo sive parte aliqua pallii ; sicut Stola Sacerdotis non est integra Stola , sive vestis , sed tantum pars aliqua utrinque dependens : prout etiam scapulare parvum lineum a Canonicis quibusdam Augustinianis adhibetur loco vestis lineæ integræ . Solus Papa in Missarum solemnibus semper & ubique Pallio utitur ob plenitudinem universalis Ecclesiæ potestatis , quæ per Pallium significatur : alii vero Archiepiscopi nec semper , nec ubique ; quoniam  
vo-

vocati sunt in partem sollicitudinis, non in plenitudinem potestatis universalis. De Pallio vide curiosa in Marco Papa 35.

PALLIA proprie vocantur, quæ barbare *Antependia* altarium dicimus; eo quod altaria ab anteriori parte pallient sive tegant, dicta quasi ante Altare pendentia; non enim antiquitus ita erant, ut modo compagibus extensa, sed laxius dependebant, uti in antiquis Ecclesiis, præsertim ruralibus, adhuc videre est. *Palla* Calicis hinc etiam dicitur, quod calicem tegat sive palliet: & sicut Corporale lineum, ita Palla debet esse lineæ; vel si sit serica, lino a parte calicem tangente obduci, & a Laicis non tangi: unde perperam faciunt, qui Pallam præbent Ministro ad quærendam hostiam; vel si loco Tabellæ Pacis a Ministro accipiat, ut eam porrigat Sacerdoti osculandam; quæ & parva Palla dicitur respectu Corporalis, quæ magna Palla est, quia ante usum hujus Pallæ, ipsum Corporale etiam Calicem palliabat.

PAPA quasi PATER PATRUM, vel PASTOR PASTORUM: unde primam syllabam in *Papa* comment esse arbitror. Alii singulas literas hu-



jus vocis sic explicant , *P.* Petri ;  
*A.* Apostoli , *P.* Potestatem , *A.*  
 Accipiens . Pater & Pastor dicitur ,  
 quia verbo Evangelii in Christo  
 Jesu ipse pater per suos nos genu-  
 it , & verbo pascit . hinc etiam Pa-  
 tres & Pastores dicuntur Sacerdo-  
 tes curam ovium sive animarum  
 habentes . Tempore Gregorii Pa-  
 pæ 7. anno 1073. collecta Romæ  
 Synodo , constitutum fuit ut Papæ  
 nomen soli Romano Pontifici tri-  
 bueretur , cum antea Episcopi sic  
 vocarentur , imo passim Sacerdo-  
 tes ; quo nomine οἱ Πάππαι adhuc  
 a Græcis vocantur Presbyteri ;  
 hincque profluxit quod Sacerdotes  
 Regulares passim Patres audiant ,  
 uti etiam more antiquo in *Confes-  
 sionibus* adhuc dicitur Sacerdoti cui-  
 que , *Et tibi Pater* , καὶ σοὶ Πάππαι  
 jam per Antonomasiā hoc nomi-  
 ne *Papa* designatur solus Summus  
 Pontifex , sicut apud Græcos Ho-  
 merus , & apud Latinos Virgilius  
*Poeta* per excellentiam dicitur . I-  
 mo Scythæ & Bithynii Jovem Πάπ-  
 παιν vocabant , & Deus ipse nomi-  
 ne Patris vocari gaudet , uti Chri-  
 stus in Oratione Dominica nos do-  
 cuit : *Pater noster qui es in cælis* .

PAPISTA , quo nomine Catholi-  
 cos Hæretici per contemptum vo-  
 cant ,

cant: quam sit titulus honorabilis, vide Notas Baronii ad 16. Octobris. Et l' *Auteur des Questions curieuses* pag. 588. ait: Le Pontifice Romain est appellè Pape, parce qu'il est Pere des Peres; & Pere universel, parce qu'il preside à l'Eglise universel & Apostolique; d'autant qu'il tient la place de Prince des Apostres: les heritiques ne peuvent souffrir ce nom de Pape; & comme il faut bien qu'ils en ont patience, ils le pensent tourner a confusion aux fideles Catholiques, les appellant Papistes: mais nous ne nous offensois pas, ainsi avoions hardiment, que nous les sommes, & bienheureux de l'estre, puis que cela ne veut dire autre chose, que enfans spirituels du souverain Pere.

PARACLETUS. Græci rationem habentes accentus, non quantitatis, dicunt in Nominativo παράκλητος, genitivo παρακλήτης. latine pronuntiari debet Paracletus secunda longa, quia scribitur per u vocalem longam: quod aliqui Paracletus scribant per i vocalem brevem, fit ab illis, qui perperam Ita loco Eta, & Vita loco Beta pronuntiant. Paracletus latine Advocatus, a καλέω voco, unde Kalendæ: sic Cletus vocatus, Anacletus revocatus. quod in

Hymno correcto de S. Spiritu positum sit, *Qui diceris Paraclitus*, necessitate metri factum puto: pejus faciunt qui Paraclytus scribunt, quod latine infamis & male audiens sonat; nam *παρά* in hujusmodi compositione præter, vel diminutionem significat, *κλυτός* vero celebris est: Inclytus autem pro famoso in bonam partem, Paraclytus, pro infami sumitur.

PARÆNESIS, penultima brevis, latine adhortatio, *παραινέω* adhortor. *Paraphrasis* est ejusdem sententiæ per alium sermonem explicatio, *παραφράζω* uberius explico, *παραφράσις* penultima correpta.

PROSPHONESIS penultima longa ( licet a Græcis correpte pronuntiatur *προσφωνήσις*, propter accentum ) latine præfatio: ponitur pro libri alicujus inscriptione, quia in ea auctor facit prælocutionem, *προσφωνέω* præloquor: ita E. Puteanus edidit Pompam Prosphonicam, in qua colligit omnium suorum librorum inscriptiones, siue præfationes.

PARASCEVE latine præparatio, *παρασκεύαζω* præparo; Judæi pridie Sabbati omnia præparabant, quibus in sabbato opus erat. Exod. cap. 17. *Die autem sexto parent quod*  
in-

*inferant, & sit duplum quam colligere solebant per singulos dies. dies autem, quo Salvator noster pro salute generis humani mortem passus est, per Antonomasiā Feria sexta in Parasceve vocatur; eo die non sacrificamus ( ut ait Rupertus ) dum nobis Hostia tollitur de manibus: non sacrificant amici, dum trucidant inimici.*

PASCHA, τὸ Πάσχα, hebr. *Phase*; quod est Transitus: hinc nomen accepit, quod exterminator Angelus videns postes Israelitarum sanguine Agni Paschalis tinctos, eos pertransiens non percussit: Christianum autem Pascha est Christi Resurrectio, qui postquam per mare rubrum sanguinis sui transivit, mortem nostram moriendo destruxit, & sic per hoc novum Pascha novæ legis, Phase vetus terminat. Pascha Hebræorum in ipso semper plenilunio Martiali, Nostrum autem, ne cum Judæis conveniamus, Dominica sequenti celebratur; & propter ejus lunæ instabilitatem, per dies 35. differri potest, juxta hunc versiculum:

*Non sequitur Marcum, nec pervenit ad Benedictum.*

Pascha nempe in descensu non

pervenit ad Benedictum, cujus festum colitur 21. Martii; quo die nunquam celebratur, sed descendere ad imum potest usque ad 22. Martii, & ad summum ascendere usque ad 25. Aprilis, quod est festum S. Marci: Judæorum autem in 21. Martii incidere potest, quando tunc est plenilunium.

PENTECOSTE, πεντηκστή ἡμέρα est quinquagesimus dies a Paschate: Augustinus ait: *Septenario numero septies multiplicato fiunt quadraginta novem, cui quasi octavus additur, ut quinquaginta compleantur, & tamquam ad caput redeatur, quo die missus est Spiritus sanctus; utque Judæi quinquagesimo die postquam egressi sunt de Ægypto acceperunt Legem in fulgure & tonitru; ita Apostoli Spiritum sanctum in sono tamquam advenientis spiritus vehementis, quinquagesimo post Christi Resurrectionem die.*

PARADISUS, Παράδεισος hortus, viridarium, pomarium; aliqui a voce Chaldaica *Pardes* hortus deflectunt: hebraice *Eden* dicitur, quod est voluptas, delicia, locus voluptatis.

PARALIPOMENA, παραλειπόμενα latine prætermissa, sed in genitivo παραλειπομένων Paralipomenon,

non , propter ultimam longam : Liber Paralipomènon continet ea , quæ in libris Regum prætermiffa sunt , quasi liber prætermifforum .

PARANYMPHUS qui nuptiis præest : ita Gabriel Angelus Redemptionis nostræ ( Desponsationis Dei cum natura humana ) Paranympus dicitur .

PAROCHUS dicitur a παρῆχεν , id est præbere . l' *Histoire Pontificale De Glen* in Dionysio Papa ait : Parochus c' est le non d' un certain Office entre les anciens Romains , lequel fournissoit aux Ambassadeurs venans du pais estangeres du bois & du sel , ainsi que Horace dit lib. 1. Satyr. 5.

villula tectum

Præbuit , & Parochi quæ debent ligna salemque .

Et pourtant que les Hebreux ne presentoiènt aucun sacrifice , qui n' y eut du sel & du feu ; par une certaine Analogie on a ordonné à ceux qui ont charge des ames , & pourroyent ce qui est necessaire au salut , le nom de Parochi , & aux subjects le nom de Parochiani .

PAROECIA , παρῖκῆν accolere , vel juxta habitare , Parœci dicuntur ipsi accolæ : quare qui Ecclesiam aliquam accolunt , vel juxta ha-



habitantes sic vocantur, & Parœcia ipsa sacra vicinia: hinc Parochia & Parœcia utrumque suo sensu dicitur.

PASTOPHORIA *diruta*, Breviarium mense Octobri ex lib. 1. Machabæorum: interpretatio flandrica habet *Eet-kameren der Priesteren*, latine cœnacula sacerdotum. παστοφῳρειον interpretatur Hieronymus Tabernaculum sive thalamum, in quo habitat Templi Præpositus. πασας πασας cœnaculum, & locus ad aliquem pascendum sive tractandum. Pastophorium appellatur a S. Clemente lib. 8. constit. Apostolicarum Tabernaculum sanctissimi Sacramenti, quasi thalamus comessionis sacre, sive Cœnæ Dominicæ.

PATENA seu Patina, diminutive Patella, a pateo dicta; in Liturgia S. Jacobi *Discus* appellatur: forma nunc multo minor est quam antiquitus erat, cum omnes in Missa communicarent, ampla patena tunc adhibebatur pro Pixide, quæ nunc Ciborium vulgo dicitur: & hodie ubi pauci sunt communicandi patena rite adhibetur.

PATRIARCHA, latine Patrum primus. quatuor in Christianitate sunt Patriarchæ præter Papam qui  
ακυ

œcumenicus, id est universalis Pater & Pastor est: primus Constantinopolitanus, 2. Alexandrinus, 3. Antiochenus, 4. Hierosolymitanus. Tandem cum Constantinopolitanus œcumenici titulum ambire non desisteret, ordinatum fuit, ut Episcopus Romanus esset œcumenicus Papa, iste vero œcumenicus Patriarcha. Vide Platinam in Bonifacio 3. & ad illum notas Panvini.

PATRICIUS. constat ex Titi Livii libro 1. a Romulo creatos esse centum Senatores, quasi Seniores. Ovidius:

*A Senibus nomen mite Senatus habet.*

Et eosdem honoris gratia Patres esse appellatos, omnesque subinde qui ex illorum progenie orti essent, Patricios esse nuncupatos: hinc lunatos ferre calceos insigne hujus nobilitatis erat, quod semilunula C. centum designet. Erant autem Patricii originarii dicti, qui ab his centum originem trahebant, iidemque Patricii majorum Gentium dicebantur; alii autem minorum Gentium, iidemque Adlecti & Conscripti, qui ex Plebe in Senatum transferant.

PATRONUS est cujus patrocinio

nio & tutelæ aliquis committitur; unde etiam *Tutelaris* dicitur. Patronus sive Tutelaris Mechliniensium est D. Rumoldus; *Titularis* autem D. M. Magdalena, sub cuius titulo sive nomine Basilica Mechliniensis dedicata est: uti Bruxellæ D. Michael Titularis, D. Guldula Tutelaris. Patronus etiam dicitur qui Ecclesiam aliquam vel Sacerdotium fundavit; cui ideo *Jus Patronatus* competit, quod est jus nominandi & præsentandi aliquem clericum ad talem Ecclesiam seu beneficium. *Titulus* secundum Varronem a tueor dicitur, quasi Tutelus (euphoniæ gratia Titulus) unde Tutela: hinc Titulus etiam significat quam Franci *Sareguardiam* vocant, quæ confertur a Principe alicui loco aut personæ contra incursus militares. D. Augustinus in Psalmum 21. *Ne domum ipseus invadat aliquis potens, ponit ibi Titulum Potentioris; ut cum Titulus fuerit letus, conterritus quis potentia nominis abstineat ab invasione.*

PÆDAGOGUS,  $\tau$  παιδὸς ἀγωγός, id est puerorum ductor, custos, & instructor; ἀγω instruo, duco, *Isagoge* inductio, instructio: *Padagogium* locus ubi pueri instruuntur; sic *Mystagogus* secretorum,

rum , five sacrorum custos.

PAULUS , inquit S. Augustinus in Psalmum 72. *Primo Saulus , postea Paulus ; id est primo superbus , postea humilis : Saul enim , unde dictum est nomen Sauli , nostis quia Rex superbus & infrænis fuit . Non aliqua jactantia nomen sibi mutaverit Apostolus ; sed ex Saulo factus est Paulus , ex superbo modicus ; paulum enim modicum est ; derivatur a παύμαι quod est modico contentus sum . Et S. Hieronymus : Uti Scipio subjecta Africa , Africani sibi nomen assumpsit , & Metellus Creta subjugata , Cretici cognomentum reportavit : ita & Saulus ad prædicationem gentium missus , a primo Ecclesiæ spolio Proconsule Sergio Paulo , victoriæ suæ trophæum retulit , erexitque vexillum , ut Paulus diceretur e Saulo .*

PHARISÆI dicti sunt quasi separati , ab hebraico *Pharas* , latine *separo* ; quia non erant sicut cæteri hominum .

PHYLACTERIA ( in flandrica Evangelii translatione habetur *Memorie-brieven* ) erant membranæ , in quibus descripta erat Lex Divina ; quas Pharisei in capite & brachio portabant , ut Legem Dei custodire & in oculis habere viderentur , a φυλάττω custodio : chartæ  
qui-

quibus utuntur Libitinarii dum ad funus comitandum invitant, Phylacteria vocari possunt, quia illis serviunt pro memoria. Phylacteria etiam sunt chartulæ incantationum diabolicarum, quibus tutos sive duos, ut vocant, se homines perversi putant contra ictus hostiles. in decretis Gregorii II. inter alia habetur: *Si quis Ariolos, Auspices, vel incantatores observaverit, aut phylacteriis usus fuerit, anathema sit.*

PERIODUS, latine circuitus. Periodi Pauli & Theclæ inter apocrypha scripta numerantur, in quibus narratur quomodo illa cum Apostolo itinerata sit, docuerit, & baptizaverit, quod fœminis permissum non est.

PITANCIA, vide supra in voce *Agape*. Itali *Pietanza* dicunt, quia ex pietate datur.

PINNACULUM, est locus frequentibus pinnis circumseptus: Templum Hierosolymitanum erat superius planum, & circumquaque pinnis septum; pinnæ autem sunt dentes in superioribus murorum partibus eminentes; quos & flandrice *Tanden* dicimus, gallice *Palisades*.

PLANETA Astrologis est stella erra-

erratica, Ecclesiasticis vero vestis Presbyteri sacrificantis, quæ hodie Casula dicitur, ἀπὸ τῆς πλανᾶν errare, quia quondam erat laxior, quam modo est, & errabat canalibus sive plicis suis per totum Sacerdotis corpus; uti apparet in antiquis picturis S. Gregorium, & alios Pontifices sacrificantes exprimentibus; ideoque Diaconus debebat Sacerdotem juvare, Planetam levando præsertim dum elevaret sacram hostiam; unde mos inolevit levandi Casulam ad Elevationem: quæ vestis jam contrarior est, & *Casula* dicitur, quasi parva casa, quæ quod cava sit, nomen accepisse videtur.

PLUVIALE (subaudi vestimentum) est capa pluvialis totum hominem capiens, contra pluviam ab antiquis viatoribus ad necessitatem adhibita, sed jam in Officio Divino ad ornatum & splendorem adhibetur, a tergo habens adhuc formam amiculi antiqui pallii, quod *Schoef* flandrice dicitur a *schuyven*, quia contra tempestates poterat super caput attolli, & inde removeri, atque *Caputium* dicebatur, quod caperet, sive regeret caput.

PLATONIA. Anastasius Bibliotheca



thecarius in vita S. Damasi Papæ ait : *Hic dedicavit Platoniam in Catatumbis, ubi Corpora sanctorum Apostolorum Petri & Pauli jacuerunt, & versibus exornavit.* Et Damasus ipse ( quisquis hic fuit ) in Vitis Pontificum : *Liberius Papa ornavit de platoniiis marmoreis sanctæ Agnæ sepulchrum :* Hinc saxa sive laminæ marmoreæ antiquas inscriptiones continentes Platoniam vocantur, & locus ipse marmoreis laminis contectus Platoniam dicitur. Beda in ratione temporum scribit, quod *Xystus Tertius fecit Platoniam in Cæmeterio Callisti via Appia, ubi nomina Episcoporum & Martyrum scripsit.* & in Historia Tripartita Socrates : *Pax ipsa in marmorea Platoniam cognoscitur esse conscripta.* πλάτος latine latitudo, unde platea, flandr. *Pleyte.* & vox teutonica *Plaets.* Philosophus Plato ab humerorum planitie, sive latitudine nomen habuit : & *Platanus* arbor late spargens ramos, umbræ tantum gratia expetita, ἀπὸ τοῦ πλάτους, hoc est a latitudine dicta fuit.

PLUMBATIS cædi, subaudi flagellis, Teutonice *Ghelode vveepen;* & hæc dicuntur Plumbata: Plumbatæ autem sunt pilæ plumbeæ *loode kogels,* quæ bombardis inferuntur.

tuntur : hujusmodi pilis flagellorum extremitatibus affixis cædebantur Martyres :

PLUMBETA, quæ distribuuntur in Choro, Plumbei latine dicendi essent, sicut Aurei, & Argentei passim dicuntur, & subintelliguntur nummi. Martialis libr. 10. Epig. 74.

*Centum merebor plumbeos die toto.* ita in Choro Mechliniensi nos tres meremur Plumbeos die toto.

PNEUMA (latine spiritus, flatus, ventus) vox hæc ponitur in cantu Gregoriano, & exprimitur per hæc literas : EVOVAE, superscriptis Notis Musicis, ad sciendum quo spiritu seu pneumate, & quo tono (octo autem sunt toni) cantus debeat pausari.

PODERIS, ποδῆρης vestis talaris : πῆς ποδὸς pes pedis ; apud Ecclesiasticos pro Alba ponitur, quæ ad pedes usque dependet. penultima producta.

POLYCARPUS, latine fructuosus ; πολὺς multus, καρπὸς fructus. *Polypus* multipes. *Carpophorus* fructum ferens.

PONTIFEX dicitur a posse, & facere, quasi potens ad faciendum : facere autem etiam sacrificare significat.

POS.

**POSSESSIO** dicitur quasi pedum positio, quæ est rerum immobili-  
lium; quia ad immobilia pedibus  
itur: mobilium vero dicitur *Man-*  
*cupium*, quia res mobiles manu  
capiuntur.

**POSTCOMMUNIO** vide *Supra*  
in voce *Oratio*.

**PRÆFATIO** sive prælocutio fit  
ante Actionem & Canonem seu  
Regulam Missæ; & secundum tem-  
pora & officia præfationes varian-  
tur, quarum decem priorum au-  
ctor est Gelasius I. Papa circa an-  
num Christi 508. undecimam præ-  
fationem de B. Virgine Maria, ejus-  
demque Officium edidit Urbanus  
II. circa annum millesimum. Ca-  
non vero semper est idem, nisi  
quod in sex festivitatis Domini,  
Nativitate, Epiphania, Cœna,  
Paschate, Ascensione, & Penteco-  
ste, aliquot verba festo cuique  
congrua inferantur. Micrologus  
cap. II. ait: *Presbyter post finitam*  
*Secretam orditur Præfationem in Ca-*  
*nonem, in qua Supernorum Civium*  
*Ordines merito connumerantur, quia*  
*iisdem mysteriis, quæ ibi consciuntur,*  
*juxta attestationem Sanctorum Patrum*  
*interesse creduntur: unde & Angeli-*  
*cum Trisagium Sanctus, Sanctus, San-*  
*ctus subjungitur, uti S. Xystus in ordi-*

*ne quondam octavus Papa instituit .  
ita Micrologus , qui vivebat circa  
annum 1085 .*

PRÆPUTIUM a præputando di-  
citur : glans est summa pars co-  
lis , sive membri virilis , præpu-  
tium est pellis glandem tegens ,  
quæ Judæis in Circumcisione præ-  
putatur . Paulus ad Rom. 4. *Non  
in Circumcisione tantum ( id est in  
Judæis qui circumcisi sunt ) sed in  
præputio ( id est non Judæis , sive  
gentilibus , qui præputium habent ) :  
Circumcisio dicitur , quia pellis  
circum glandem cæditur sive scin-  
ditur , & præputatur .*

PRESBYTERI vocantur Sacerdo-  
tes ( vide Notitiam in Cleto ) id  
est Seniores , non propter decre-  
pitam ætatem , sed ob sapientiam ,  
quæ in senioribus plus quam in  
junioribus exigitur , & esse suppo-  
nitur . S. Augustinus ait : *Sane et-  
iam grandioris ætatis ( & sicut Scri-  
ptura loquitur ) plenum dierum posse dici  
Seniorem , hoc est Presbyterum : pro-  
inde omnis senex etiam presbyter ; non  
omnis presbyter etiam senex . Episco-  
pi superiores Sacerdotibus loco  
Apostolorum successerunt , Presby-  
teri vero 72 . Discipulorum locum  
tenent . πρεσβυς etiam significat le-  
gatum ; quasi presbyteri legatione  
pro*

pro nobis apud Deum fungantur.

PRESBYTERIUM late sumptum, est chorus sive locus ubi presbyteri quotidie ad Officium Divinum conveniunt: sumptum stricte est locus Chori summo Altari proximus, uti patet ex consecratione Chrismatis in Cœna Domini, quando presbyteri cum Episcopo sedent in presbyterio. Olim locus erat in Patriarchio Lateranensi, in quo Pontifex Romanus prisco instituto *Presbyterium* elargiebatur: Presbyterium autem hoc, si Panvinium audias, est quædam pecuniæ summa, quam Papa diebus quibusdam festis præcipuis Cardinalibus, Clero, Senatui, Populoque Romano dare consueverat: hujus doni non semel in Anastasio Bibliothecario fit mentio: inter alia de Bonifacio V. *Hic*, ait, *Clerum amavit*, & *Rogam integram eidem dedit*. in Eugenio I. *Rogam solitam Clero tribuit* ( *Rogam Longobardicam vocem existimat Sigonius, & stipendium significare* ) & in Zacharia: *Clerum suum dilexit*, & *presbyteria annua in duplo*, & *amplius omnibus tribuit*. & Ciacconius in Clemente Tertio: *Romanus Pontifex Senatoribus, Judicibus, Advocatis, Scriniariis, & Senatus mini-*

*ministris consuetas largitiones , & donativa , quæ presbyteria vocantur , statis temporibus tribuit.*

**PRÆBENDA** ( adjectivum substantivatum ) est quæ alicui præbetur in beneficium , quod illi præbet unde sustentetur , & sibi benefacere possit ; proprie Sacerdotium dicitur .

**PROTOCOLON**, latine primum membrum , est prima charta sive membrana , in quam tabelliones & scribæ acta breviter referunt , accuratius & nitidius ea , ubi opus erit , descripturi , *Minuta* passim dicitur .

**PRÆSIDES** dicuntur qui maximum in Provincia ipsis commissa post Principem habent imperium ; quales hodie Gubernatores dicimus : ita Præses sive Gubernator Judææ erat Pontius Pilatus , & in Martyrologio frequens fit mentio ; sub Præsede Maximo , Rictovaro &c. hoc est Gubernatore .

**PRIMAS** est qui habet Archiepiscopos sub se , uti Archiepiscopus Episcopos : huic præfertur crux simplex , illi duplex , uti Papæ triplex ; qui est Primas Italiæ , & totius Christianitatis : Hispaniæ Primas est Toletanus , Galliæ Lugdunensis , Germaniæ Magdeburgensis ,



sis, Cantuariensis Angliæ.

. PRIMICERIUS est primus in ordine sive catalogo, quasi primus in cera: antiqui enim in ceratis tabulis stylo ferreo aut ligneo litteras pingebant. *Secundicerius* etiam dicitur. Benedictus Tertius, in Epistola de rebus Corbejensis Abbatix in fine: *Actum per manum Theophilacti Secundicerii Sanctæ Sedis Apostolicæ.*

. PRIMISCRINIUS primus custos Scriniorum, quod est primus Secretarius; quia secreta in scriniis custodiuntur. in Epistola ejusdem Benedicti: *Scriptum per manum Theodoric Notarii & Scriniarii S. R. E. Protoscriniarius* etiam dicitur.

. PROTONOTARIUS. legitur in Papa Julio I. quod mandavit omnia ad Ecclesiam pertinentia per Notarios, qui post Protonotarii dicti fuerunt, exacte conscribi. Clemens quidem primum septem instituerat, qui gesta Martyrum litteris commendarent, sed Julius plures instituit. Inter Protonotarios, prius septem, nunc duodecim, sunt qui Participantes vocantur, eo quod de redditibus assignatis participant: reliqui titulares tantum, facile creantur.

. PISCINA est proprie lacus pisces

fces continens, quod vivarium dicimus. *Probatica*, id est ovilis, *περόβατον* ovis. in hac Piscina probatica siue ovili lavabantur oves quæ ad sacrificium offerebantur. In Lectione 4. festo Præsentationis B. Mariæ 21. Novembris habetur: *In Domo Probaticæ Joachim*, antiqua lectio habet, *In Domo Ovilis Joachim*; quod ipse abundaret ovibus & dives esset: nam antiquorum divitiæ in pecudibus præcipue consistebant; unde & pecunia nomen habet.

PROPHETA. quos Gentiles Vates, eos Prophetas nos vocamus, quasi præfatores, quia porro fantur, & futura prædicant siue prædicunt: *προφητεύω* prædico. *Prophe-tia* in nocte Nativitatis Domini legitur sine titulo, quia non amplius prophetæ, sed ipse Dominus, qui jam venit, nobis loquitur: & ideo ad primum responsorium canitur Gloria Patri, ut Deo dicamus gratias pro filio nobis dato.

PROSELYTI, latine advenæ a *προσελῆθω* advenio: ita vocabantur qui ex gentilitate ad Iudaismum accesserant.

PROSEUCHA locus ubi mendici ad stipem rogandam confident.

*ἀπορροχέσθαι* est contentiose orare.  
 Juvenalis Satyra 3. *Ede ubi confis-  
 tas, in qua te quero profencha.* id  
 est in quo ponte, vel atrio stipem  
 roges.

PSALLERE *ψάλλειν* est canere &  
 simul instrumentis ludere, imo &  
 saltare, uti quondam David ante  
 Arcam, & etiamnum Hispani an-  
 te Venerabile Sacramentum ca-  
 nunt, ludunt, & saltant. vide su-  
 pra in voce *Hymnus*.

PSALMI GRADUALES sic dicti,  
 quod in Arcæ delatione, in singulis  
 Templi gradibus illa subsistente,  
 decantarentur singuli: erant enim  
 quindecim Templi gradus, quot  
 sunt *Psalmi graduales*: jam ab Ec-  
 clesia ita ordinati sunt, ut canten-  
 tur quinque primi pro defunctis, u-  
 ti patet ex conclusione, *Requiem  
 æternam dona eis Domine*: medii pro  
 nobis ipsis, & amicis: quinque po-  
 stremi pro omnibus fidelibus tam  
 vivis, quam defunctis.

PSALMI POENITENTIALES,  
 quod scilicet ad pœnitentiam nos  
 excitent, numero septem contra  
 septem peccata capitalia, ex qui-  
 bus veluti capitibus ac fontibus o-  
 mnia alia peccata proficiscuntur:  
 quos S. Augustinus, cum disces-  
 sum sibi e vita instare intellige-  
 ret,

ret, in conspectu positos profusis lacrymis legebat; unde antiquitas & utilitas horum psalmorum apparet.

PURPURA, quasi pura puta, si-  
ve bis pura, imo ignea. πῦρ enim  
idem quod ignis, qui est purus &  
omnia purificans. Argentum igne  
examinatum, id est purissimum.  
vide Ericium Puteanum in Purpu-  
ra Austriaca, pag. 7. & CL. Para-  
dinum Symbolo Heroico III.

PORPHYROGENITI sunt Re-  
gum siue Magnatum filii in purpu-  
ra nati.

PSEUDOPROPHETA, Pseudo-  
pontifex, est falsus Propheta, & fal-  
sus Pontifex. ψευδολογία falsa lo-  
quens, πῶ ψεῦδος mendacium.  
Pseudolus falsus servus.

PROCESSIO a procedendo, la-  
tine Supplicatio dicitur. Agapetus  
Primus instituit fieri processiones  
singulis diebus Dominicis; quod &  
hodie servatur.

Q.

**Q**UADRAGESIMA, *Quinquage-  
sima, Sexagesima, & Septua-  
gesima*, sunt adjectiva substantiva-  
ta, qualia multa sunt in usu Eccle-  
siastico: & subintelligitur dies se-

B b 3

ptua-

ptuagesima, sexagesima, vel quinquagesima ante Pascha. Septuagesima instituta est in similitudinem septuaginta annorum Babylonice captivitatis Judæorum. Dominica Sept. incipit prælegi in officio Ecclesiastico historia captivitatis generis humani, ex initio libri Genesim. Notandum est autem quod Dominica Septuagesimæ, vel in Septuagesima, non sit proprie septuagesima ante pascha dies, sed feria secunda præcedens, & ipsa est tantum dies sexagesima quarta: nec Dominica in Sexagesima est dies sexagesima, sed feria quarta præcedens, & ipsa est dies quinquagesima sexta: neque Dominica in Quinquagesima est dies quinquagesima, sed sabbatum præcedens, & ipsa est quadragesima nona ante pascha dies. sicut Dominica prima post Pascha, Dominica in Albis proprie non est, sed Dominica post Sabbatum in Albis; quia albæ vestes pridie deponebantur. *Quadragesima* vero vocatur antonomastice jejunium quadraginta dierum, quod incipit quatrinduo ante Dominicam primam Quadragesimæ, cujus sequentes Dominicæ dicuntur secunda, tertia, & quarta Quadragesimæ sive in Quadragesima:

ma: quia inhæremus numero quadragenario, quem Salvator noster suo jejunio sanctificavit; ut per totidem dies a nobis observatos, mente & corpore per jejunium purificati ad diem Paschæ, quæ est solemnitas solemnitatum, pervenire mereamur. Sic *Dominica in Septuagesima* intelligi debet, quod sit Dominica infra septuagesimam diem ante pascha: & eadem *Dominica Septuagesimæ* vocata, quasi sit Dominica septuagesimæ ante pascha diei. Solemne quadraginta dierum jejunium incipiebat antiquitus a Septuagesima; neque erat continuum, sed interpolabatur tribus per hebdomadam diebus, feria quinta, Sabbato, & die Dominica, quæ non jejunabantur; quibus sublatis, incipiendo a die septuagesima ante Pascha, non a Dominica ipsa Septuagesimæ, numerus quadragenarius recte superat: & quemadmodum quadragesimale jejunium continuum jam non incipit a Dominica Quadragesimæ, sed feria quarta præcedente, sic tunc feria secunda ante Dominicam Septuagesimæ incipiebat: qui quadraginta dies ut consequenter ab omnibus jejunarentur ordinavit S. Gregorius Magnus.



QUATUOR TEMPORA unde nominentur satis liquet: vide Notitiam in Callisto Primo. Quando observanda sint, Distichon hoc secundum ordinem indicat.

*Post Luciam, Cineres, post sanctum  
Pneuma, Crucemque,  
Tempora dat quatuor feria quarta  
sequens.*

## R

**R**EGNUM ponitur pro Mitra summi Pontificis; ita narratur de Paulo Secundo, quod Regnum seu Mitram Pontificiâ geminis preciosissimis exornaverit: Regnum vocatur, quia Regale Sacerdotium, & Papa non tantum sedere, sed etiam regnare dicitur, cujus insigne est Mitra sive Regnum. Notandum est quod Cæremoniale Romanum dicat: Diaconus a sinistris deponit Mitram consuetam (bicornem nempe) ex capite Pontificis, & Diaconus a dexteris Tiarâ unicornem, quæ Regnum appellatur, triplici corona ornatam Pontificis capiti imponit. Innocentius Tertius sermone de S. Silvestro: *Romanus*, inquit, *Pontifex in signum Imperii utitur Regno, id est corona, & in signum Pontificii utitur*

*Mit.*

*Mitra*. Idem alibi de se: *Ecclesia in signum spiritualium contulit mihi mitram, in signum temporalium dedit mihi coronam: Mitram pro Sacerdotio, Coronam pro Regno: illius me constituens Vicarium, qui habet in vestimento & femore scriptum, Rex Regum & Dominus Dominantium*. Primus Pontificum usus est *Mitra* cum simplici corona S. Silvester, duplici Bonifacius Octavus, triplici Urbanus Quartus.

**RESPONSORIUM**, subintellige Canticum. Responsoria in Officio Nocturno ita vocantur, quia respondent lectionibus singulorum Nocturnorum, tristia tristibus, læta lætis: seu quia uno vel duobus cantoribus incipientibus, chorus concinens respondet.

*Responsoria brevia* dicuntur quia breviora sunt prioribus, & post lectiones breves in minoribus horis alternatim canuntur. Responsorii pars repetitur ad fatendam nostram imperfectionem: in aliquibus festis majoribus totum repetitur, ad ostendendum desiderium, quod habemus ad celebrandum illud in cælo, quod hic celebratur in terra.

**ROCHETUM** latine supparus dicitur, quod super alias vestes ab

Episcopis , & Prælatiſ portetur : uti ſubucula , quod ſubtus induatur . aliqui putant quod hæc vox Gallica *Rocquet* , Avenione , dum degerent ibi Summi Pontifices , introducta fuerit . Nonnulli a græco *ῥῶ* & *χίτων* deducunt : particula *ῥῶ* molle & delicatium ſignificat , *χίτων* tunicam ; ita ut Rochetum ſit tunica mollis & delicata .

ROGATIONES Majores & Minores , vide ſupra in voce *Litania* .

RUBRICA ſecunda producta , Perſius Satyr. i.

*Non ſecus ac ſi oculo Rubricam dirigat uno ,*

eſt ſpecies quædam terræ rubri coloris , fland. *Root kreyt* . hac librorum tituli , & legum capita prænotabantur ; Juvenalis Satyra 5.

*Perlege rubras Majorum leges .*

Prudentius libro ſecundo contra Symmachum :

*Dicant cur condita lex ſi*

*Biſſex in Tabulis , aut cur Rubrica minetur ,*

*Quæ prohibet peccare reos ?*

Omnia fere Legum capita minio ſcripta erant ; unde Rubricæ dictæ ; id quod tum Majestatis tum terroris cauſa factum eſſe ait Herm. Hugo de Orig. ſcribend.

ROTÆ AUDITORES inde dicti

ſi ſunt , quod in circulo circumſedentes , controverſias audiant : prout practici noſtri vocant ſedere in *Rolla* .

S

**S**ABAOTH , Hebraice , latine Deus Exercituum habens Angelos , Archangelos , Principatus , Potestates , variosque cœlestis militiæ ordines . Teutonice *Godt der Heyr-crachten* .

SABBATUM est hebraicum , latinum requies , sabbatizare requiescere . Deus septimo die post mundi creationem quievit , & illum diem Sabbatum vocavit , ita & nos die Dominico cessantes ab omni opere sabbatizamus . Sabbato tantum conferuntur Ordines sacri , quia a Deo illud est sanctificatum , & præcipitur a Deo : *Memento ut diem Sabbati sanctifices* . Sabbatum sanctum vocatur a nobis Vigilia Paschæ , quia eo die Catechumeni solemniter baptizati sanctificabantur . apud Judæos omnes dies a Sabbato numerabantur : hinc prima , secunda , tertia sabbati , erat prima , secunda , tertia dies octavæ sabbati .

SACRUM, subintellige Templum

B b 6 vel

vel Altare : D. O. M. S. id est Deo Optimo Maximo Sacrum , vel sacratum . Ovid. Fastorum 1.

*Sacra vocant Augusta Patres , &  
Sacra vocantur*

*Templa Sacerdotum rite dicata manu.*

**SACELLUM** diminutivum a Sacrum , uti scabellum a scamno . *Sacellanus* , qui Sacello præest : *Sacellarius* autem sive *Sacularius* est Ecclesiæ alicujus Thesaurarius a sacco dictus , unde sacculus , & sacculus diminutiva : quia thesauri in saccis custodiuntur . vide Notitiam in Leone Tertio de Paschali Primicerio , & Campulo Sacellario .

**SACERDOS** vox profana , & odiosa primis Christianis , cujus loco dicebatur Presbyter : nam inter Judæos erant Sacerdotes , & Principes Sacerdotum , & inter Ethnicos Idolorum Sacerdotes , imo etiam fœminæ erant Sacerdotes . hinc in Martyrologio nunquam reperitur v. g. sancti Valentini Sacerdotis , sed Presbyteri , vide plura in voce Presbyter . Etymologia vocis *Sacerdos* secundum S. Antoninum hæc est :

*Dans sacra , sacra docens , sacerdos , sacer esto Sacerdos .*

SAL-

**SALVATOR.** de hac voce S. Augustinus lib. 3. cap. 10. de Trinitate hæc habet: *Quod hebraice Iesus, Græce Soter, nostra locutione Salvator est; quod verbum latina lingua antea non habebat, sed habere poterat, sicut potuit quando voluit: aliqui vocem hanc non tam probe latinam putant, quia Cicero actione 4. in Verrem ita dixit: Non solum Patronum istius insula, sed etiam Sotera inscriptum vidi; hoc quantum est, ita magnum est, ut latine uno verbo exprimi non possit: is est nimirum Soter, qui salutem dedit.* Henricus Stephanus in Dictionario suo dicit: *Salvatoris vocem tanquam parum probam eruditiores religiose fugiunt, quemadmodum & verbum salvo, quod nec ipsum satis latinum judicant. Sed acceptis ab Ecclesia Catholica vocibus uti non erubescamus.*

**SARCOPHAGUS** & Sarcophagum, σαρκὸς σαρφός caro, φάγω comedo. Plinius libro 13. cap. 17. *Sarcophagus lapis fissili vena scinditur, corpora defunctorum condita in eo absumi constat intra quadragesimum diem.* Sanctus Augustinus de Civitate Dei lib. 18. *Arcam in qua mortuus ponitur, omnes jam Sarcophagum vocant. convenienter pro sepulcro ponitur.* Juvenalis satyr. 10.

Sar-



*Sarcophago contentus erit.*

**SALARIUM** . quemadmodum nullum olim sacrificium sine mola falsa , ita etiam nullum munus probe administrari potest, nisi aliquid salis admisceatur: hoc est nisi spes salarii laboris amaritiem temperet; hinc a sale salarium dicitur .

**SALICA LEX.** antiqui Franci in Germania habitabant juxta fluvium qui dicebatur Sala: unde Salici vocati, & eorum leges Salicæ dictæ; ipsi autem se Francos vocabant, id est liberos.

**SCHISMA**, τὸ σχίσμα, a χίζω, quod est scindo . divisionem Ecclesiæ schisma dicimus, cum ejus membra divisa diversa sequuntur capita . *Schisma Meletianum* Breviar. 26. Novembris, festo S. Petri Alexandrini . Meletius Episcopus Ægyptius, Arianae hæresis sectator, qui sub Diocletiano in exilium pulsus est, quod præter opinionem, fidem Catholicam defendisset, cum tamen Arianam vellet tutari; fuerat primo orthodoxus, & in opinione maximæ sanctitatis, dein factus Arianus schismatis in Ecclesia Alexandrina auctor fuit. vide Hist. Tripartitam.

**SCHOLA.** Diogenes Cynicus Eucli-

elidis schola , quod arguta quidem , sed ad recte vivendum parum utilia doceret , argute dicebat quod esset *χολή* , id est bilis ac molestia ; cum *σχολή* schola Græcis sonet otium , *σχολάζω* vaco ; quod cæteris rebus omissis , hic solis studiis vacemus ; quodque vacationes & laxamenta interdum pueris danda sint a laboriferis Musis . ita explicat Ausonius Burdigalensis :

*Grato schola est nomine dicta,  
Juxta laboriferis tribuantur ut otia  
Musis.*

SCHOLASTICUS . hujusmodi nomine dicti sunt declamatores litium fictarum in scholis , qui deinde transibant in forum ad lites veras tractandas . In Martyrio S. Dorotheæ fit mentio Theophili Scholastici , qui erat Præsidis Advocatus . scholastice dicere , est remper controversiam disputare , unde & *Theologi scholastici* dicti sunt , qui res divinas logice disputando perquirunt . Scholasticus inter Canonicos dignitatis nomen fuit ; ita vocabatur Canonicus qui aliis Theologiam prælegebat , hodie dicitur Canonicus Theologus , absque dignitate tamen apud nos . Et Scholasticus sive Scholaster vocatur ,

tur, qui trivialibus puerorum scholis præest.

SEBASTIANUS, σεβαστός venerabilis, σεβάζομαι veneror. Græci Sebastos vocant Imperatores, quos latine Augustos dicimus.

SECRETARIUM idem quod *Sacrarium*, & *Sanctuarium*, locus in quo SS. Eucharistię Sacramentum servabatur, etiam Adytum dictum. vide supra in vocibus Basilica, & Diaconium. Sanctuaria sunt etiam Regum & Principum secretaria. Plinius lib. 3. cap. 8. *In sanctuariis Mithridatis repertum est Antidotum*. quę etiam *scrinia* a secernendo dicuntur; nam *scrinium* est arca qua servantur pretiosa & secreta: unde lignum *scriniarium* quod talibus arcis secernitur. hinc *Scriniarius* custos scriniorum sive secretarius, qui & *Silentiarius*, & *Chartularius*, gręce *Chartophylax* a chartis custodiendis, φυλάττω cultodio. Concilium Laodicense capite 21. *Non oportet Subdiaconos licentiam habere in sanctuarium seu sacrarium, quod Græci Diaconium vocant, ingredi, & contingere vasa Dominica. ιερετῶν* latine *Sacrarium*. Secretarium a Francis pro sacrario sive sacrificia sumitur. unde *Secreta* *Sacrista*. Eusebius lib. 3. cap. 4. ita de scri-

scribit Sanctuarium sive chorum: Sanctuario hoc modo absoluto & perfecto, stellisque quibusdam in altissimo loco, ad Præsidum Ecclesiæ honorem collocatis, & subselliis præterea undique ordine dispositis, decore eximieque ornato, Altarique tanquam Sancto Sanctorum in medio sanctuarii sito, ista rursum, ut a Plebe & multitudine non posset accedi, cancellis circumdedit. Etiam Secretarium a S. Gregorio pro choro ponitur, dum ait: In Secretario, loco nimirum consueto, ubi in suo throno, sub aspidē collocato, sedere solet Episcopus, & cum eo Presbyteri, Diaconi nunquam; nam Diaconis inter Presbyteros sedere non licet.

SEQUENTIA, Secreta, Collecta, Offerenda pro oblatione, & similia, sunt adjectiva quæ longo usu pro substantivis sumuntur. Sequentia dicitur quia sequitur post Graduale: Prosa etiam vocatur, quia syllabæ non astringuntur ad metrorum pedes, quamvis plerumque sit Rhythmus. antiquitus sumebantur hæc nomina plurali numero, nunc singulari; ita ut passim dicatur: cane istam Sequentiam, ista ad Offerendam; loco horum: ista ad offerenda, cane sequentia. Sic Libri sacri, qui per

per excellentiam græce dicuntur Biblia numero neutro plurali, ab aliquibus numero singulari fœminino efferuntur: uti Thomas a Kempis lib. 1. de Imit. Christi cap. 1. *Si scires totam Bibliam exterius.*

SERVILIBUS NOTIS COM-  
PUNGI, uti habetur in lect. de S. Bibiana 2. Decemb. tales notæ Inscriptiones frontis, & qui portabant Stigmatici, Literati, & Inusti dicebantur: stigmata enim, quæ hodie malefactorum tergo, tunc faciei inurebantur. vide Lipsium Elect. cap. 15. & Baronium ad Martyrologium 22. Decembris de sancto Flaviano Patre S. Bibianæ Inscriptione damnato.

SPADO, a *σπάω* evello, cui testes evulsi; *Eunuchus*, *ὄνη* cubile, & *ἐχω* custodio; hic ita natus, ille sic factus: adhibebantur Eunuchi ad custodiendas Virgines Magnatum Filias, ipsisque erant acubilibus. *Castratus* dicitur ab animali Castore, qui ne a venatoribus ob medicatos testiculos capiatur, eos sibi demordet: hinc vox castus, quasi castratus, per syncopen. Juvenal. satyra 12.

*Imitatus Castora, qui se  
Eunuchum ipse facit, cupiens eva-  
dere damno*

*Te-*

*Testiculorum: adeo medicatum intelligit inguen.*

**SPURIUS**, idem quod græce *Nothus*, non legitimus, hebraice *Mamzer*. antiqui aliquem incerto patre de scorto natum significabant hisce literi, *S. P.* quod est *Sine Patre*, cujus pater ignoratur, ex quibus literis *S. P.* orta vox est *spurius*, qualiter inter Romanos nonnulli prænominati fuere. *Gnesii* autem legitimi Græcis dicuntur.

**SPATHARIUS** *Armiger*, gallice *Escuyer*. *Spatha* est gladius major, *σπάθη* Italice *Spada*, hispanice *Espada*, gallice *Espee*, a *σπάζεν* scindere, vel *σπᾶν* stringere. minor gladius *semispatha* dicitur. a *spatha* diminutivum est *Spathula* instrumentum quo utuntur *Pharmacopæi*. *Framæa* est ensis qui projicitur. *Romphæa* ensis oblongus.

**STADIUM** continet octavam mille passuum partem, quod est 125. passus; quæ mensura octies sumpta efficit mille passus. sic mons *Olivarum* distat *Hierosolyma* sex stadiis; hoc est tribus horæ quadrantibus: dicitur autem stadium quasi statio; quia post singulos miliarii quadrantes itinerantes solebant consistere & pausare.

STO.



STOLA. sicut Canonici quidam Augustiniani pro integro Rocheto, tantum fasciam aliquam lineam portant instar parvi scapularis; ita modo stola, quæ quondam integra erat vestis, tantum est aliqua fascia e collo sacerdotis hinc inde dependens, data Presbyteris & Diaconis, quorum munus est prædicare verbum Dei: quare etiam stola *Orarium* dicitur ab orando, sive orationem ad populum habendo. Ad distinctionem Sacerdotum qui utroque humero portant, a Diaconis fertur stola uno tantum humero sinistro sub axillam dexteram connexa, ut illam manum habeant liberam ad ministrandum in altari; portatur vero a sacerdotibus dum celebrant e collo ante pectus in modum crucis cingulo conjuncta: Episcopi stolam in modum crucis non complicant, quod crucem e collo dependentem ante pectus semper gestent. quod si stola adhibeatur a sacerdotibus una cum superpelliceo, soluta pendeat hinc inde; quia in modum crucis ligari sine cingulo non potest. apud Græcos quodlibet indumentum dicitur *σκολα*, stola.

STROMA, latine stragulum. Peri-

ristromata sunt aulæa, sive tape-  
tia circum aulam pendentia. Cle-  
mens Alexandrinus dicitur Stro-  
maticus, sive stromatum scriptor:  
quia edidit opus miscellaneum va-  
riis ornamentis quasi stromatibus,  
sive aulæis distinctum.

SYCOMORUS, σῦκον ficus, μῶρος  
fatuus, unde moria stultitia: sy-  
comorus latine ficus fatua, fru-  
ctum non ferens.

SYMBOLUM. συμβόλιον confero,  
simul fero. *Symbolum Apostolorum*  
dicitur, quod singuli Apostoli, an-  
tequam dividerentur, dictante Spi-  
ritu sancto, in unum de Fide Chri-  
stiana contulere. *Symbolum Nicæ-  
num*, jussu Marci Papæ successoris  
Silvestri, sub quo recens habitum  
fuerat, cantatur in Missa post E-  
uangelium; ut quod per auditio-  
nem corde creditur ad justitiam,  
ore confessio fiat ad salutem: sym-  
bolum illud recitari institutum fuit  
contra Arianos, qui Christum con-  
substantiallem Patri negabant. cur  
autem in nonnullis sanctorum fe-  
stis prætermittatur, ratio est quod  
de illis in symbolo nulla fiat men-  
tio; uti de sancto Joanne Bapti-  
sta, qui ante Christum obiit: in  
festo S. Laurentii etiam non dici-  
tur, quia de Martyribus nihil me-

moratur , uti neque de Confessoribus : sed in festis Doctorum dicitur , quia illi nobis illud explicarunt : quod dicatur in festo sancti Stephani , est propter Octavam Nativitatis Christi ; uti in die octava ejusdem propter octavam sancti Joannis Evangelistæ adhuc durantem : in festis autem Apostolorum dicitur ; quia ipsi nobis veram fidem , quæ hoc symbolo continetur , prædicaverunt : & Angelorum , quia de ipsis fit mentio in voce *invisibilia* . Deus enim creavit Angelos invisibiles . *Symbolum Athanasii* eodem fere tempore , contra Arianos Sanctissimam Trinitatem impugnantes a S. Athanasio compositum , & ab eodem Romæ profugo propter Arianos Julio Papæ Marci successori oblatum & approbatum fuit : per quod ipse se Athanasium , id est immortalem omnibus orthodoxæ fidei cultoribus reddidit . Nota quod ubi celebratur per Octavam festum Sanctissimæ Trinitatis , Symbolum Athanasii dicatur prima Dominica & ultima , ad Primam : aliis diebus infra octavam non dicitur ; quia hoc symbolum est affixum diei Dominicæ .

SYNAGOGA , latine congregatio ,

tio, συναγωα congreco; Ecclesiā sonat convocatio: greges pecorum proprie congregari dicuntur; convocari autem magis est utentium ratione, quales sunt homines. hinc Apostoli nunquam Synagogam dixerunt, sed Ecclesiam, discernendi causa; quod Christus abnegata synagoga Ecclesiam instituisse.

SYNODUS, latine conventus, συναδος congressus, concilium.

SYNAXIS idem quod Synagoga; imo Græci Synaxes vocant orationes, quas nos collectas dicimus. *Sacra Synaxis* dicitur Communio Sanctissime Eucharistię, quia omnes simul de uno pane vivo, qui est Christus, communicant.

STATIO quid sit cape ex constitutione Xysti V. edita 13. Feb. anno 1586. *Vetus admodum ab Apostolicis usque temporibus ducta sacramentorum Stationum consuetudo; in quibus fidelium multitudo ad Apostolorum sepulchra & fortissimorum Martyrum memorias conveniens, hymnis & canticis spiritualibus Deum in sanctis suis mirabilem laudabat, & salutaribus Immaculate Hostię sacrificiis placabat, & adversus multiplices antiqui hostis oppugnationes, tamquam in castris Dei statione tutissima consistebat.*

& Qnu-

& Onuphrius Panvinius de Cœmeteriis cap. 11. *Legimus Romanos Pontifices inter Martyrum tumulos, Stationes, id est omnes actus publicos Pontificales celebrare consuevisse. Statio etiam protemporali mansione & quiete, sive consistentia ponitur: hinc nos in diebus Rogationum, cum supplicatione ad alias Ecclesias procedentes, in iis Missam celebrando, & alias preces fundendo, Stationes celebramus, & a procedendo pausamus & consistimus.*

STUDITA. Martyrologium Romanum 11. Novembris meminit sancti Theodori Studitæ. fuit hic Abbas dictus ἡγούμενος τῆς Στάτης, id est præfectus Studii, ἡγέομαι præsum. Primus Monasterii hujus Fundator Studius dicebatur: hic Theodorus pro sanctarum imaginum cultu multa passus Martyr occubuit 11. Novembris anno 826. Monasterium *Studium*, Monachi *studitæ* dicebantur, uti Minoritæ, Jesuitæ &c.

SUPERPELLICEUM, subaudi vestimentum. antiqui Canonici vestiebantur pellibus, in memoriam primorum Parentum a Deo post peccatum tunicis pelliceis indutorum; quod pelliceum indumentum ob incommoditatem, maxime

me in æstate, in lineum fuit mutatum, sed nomen non mutavit: in cujus signum Canonici induti Superpelliceo simul gestant in brachio sinistro ( ad Officium minus impedito ) pelliceum quoddam tegumentum; ab aliquibus in capite ( nam caputium habet ) & a Regularibus in humeris gestatum, quod Almutium, voce teutonica quasi *Adde muse* dicitur; sed proprie amicum ab amiciendo vocari deberet. vide plura in voce *Almutia*. etiam Superpelliceum inde nomen habere potest, quod super antiquas pelliceas vestes portaretur: quia primo post peccatum Adami humanæ vestes erant Pellicæ; & si hodie non sint ex pellibus, constant ex lana pellibus detracta.

SUBTILE, indumentum lineum sine manicis, sic vocatum, quod subter alias vestes chorales, quales sunt cappa, & caputium, tempore hiemali portetur a Canonici Collegiatis sine manicis, a Cathedralibus autem cum manicis; & tunc Rochetum vocatur. Subtile hoc ( potius *supparus* ) dicebatur antiquitus *Lebison*, & Colobium lineum, quæ est vestis sine manicis, de quo vide in vo-



cibus Colobium & Rocherum.

SOTTANA vox Italica est, sotto subter, ita dicta, quod subter togam induatur: de Toga & Sottana memini me legisse in statutis Canonicis: *Vestimenta nostra terram tangant, non verrant:*

T.

**T**ABERNACULUM diminutivum a taberna, aliter *Ædicula*, ita vocatur passim repositorium Ven. Sacramenti. Tabernaculum etiam dicitur locus ubi multæ sunt tabernæ, sicut Habita-culum ubi multæ sunt habitatio-nes, & Pinnaculum ubi multæ sunt pinnae.

TALIO. S. Damasus poenam talionis constituit iis, qui alterum falsi criminis accusassent; quod disticho hoc expressum habetur:

*Qualia fecisti, patiaris Talia, jus est:*

*Hinc sibi conveniens Talio nomen habet.*

TARINCHÆ. Martyrologium I I. Decembris: *In quorum naribus & auribus iussit Præses immitti tarinchas, & clavis ardentibus tempora transfigi. ad quem locum Baronius: Tarinchæ erant tenuia ferri-*  
te-

tela, ad incendendum Martyrem comparata. Erasmus in versione Josephi succensoria vocat, & sudes ferreas, uti Virgilius:

*Stipitibus duris agitur, sudibusque præustis.*

*ταερχάω* liquefactio, & ferrum dum accenditur, liquefit.

TECHNICI VERSUS, id est, artificiosi, τέχνη techna, artificium; sumitur sæpius pro dolo, & astutia, uti fland. dicimus *Dieperje*: τεχνάζω dolos excogito, solerter invenio, τεχνολογία dolo sa dissertatio. sic Ausonius (vide ipsius Idyllium 12.) scripsit *Technopægnion*, sive artificiosum Lusus metricum, τὸ πάγνιον lusus. *Versus Leonini* sunt Rhythmici, a quodam Monacho Benedictino Joanne Leonio, qui in Rhythmicis metris excelluit, ita dicti. *Versus Ropalici*, id est fustibus digni: τὸ ῥόπαλον clava, fustis, baculus. ῥοπαλίζω fustibus cædo.

TEMPLUM a templando sive tuendo dicitur, quod est undequaque circumspicere. Tempia paganorum erant rotunda; quæ facile contemplari poterant. Considerator est proprie syderum contemplator; sydus autem dicitur a

συμπεθεῖν simul videre; quia plures stellæ simul videntur: contemplor a *Templo*, id est a loco qui ab omni parte simul aspici potest, quem locum Augures *Templum* vocant. Cicero pro Deiotaro: *Id animo contemplare, quod oculis non potes*. Idem primo *Academicarum Quæstionum*: *Est animorum quasi quoddam pabulum consideratio contemplatioque naturæ*. quando aliquod templum intramus, illud primo intuitu undique contemplamur, & intuemur: sic *Templum* dicitur quasi *Tuemplum*. etiam contemplo dicitur; Plautus in *Afinaria*. *Hem meum caput contempla me*. Et hæc quidem de templis prophanis. Christianorum autem templum dicitur *Κυριακόν*, id est *Dominicum*: unde Germanicum *Kirch*, & Fland. *Kerck*. vide in voce *Dominicum*. Fanum autem dicitur templum exterius a φαῖνω appareo, quia super alias domus apparet.

THERESTUS, Martyrologium 24. Junii, idem quod messor, Σε-  
είζω meto.

TENOR in cantu est, qui inter Bassum (Basem five fundamentum totius cantus) & Superiorem qui *Fausset*, quasi parva faux dicitur, me-

medius canit. Erasmus tenorem rei progressum vocat; unde quæ sui similia, sibi que velut perpetua quadam succedunt serie, horum eundem esse tenorem dicimus. Cicero de Oratore: *Is uno tenore, ut ajunt, in dicendo fluit, nihil afferens præter æqualitatem & æquabilitatem.* loquitur de æqualitate dictionis: sic per similitudinem, qui nec nimis basse, nec alte nimis canit, eodem tenore cantare dicitur, idque a tenendo, quod inter utrumque teneat.

**TITULUS.** Martyrologium 26. *Julii: Romæ Sancti Pastoris Presbyteri, cujus nomine Titulus extat in Viminali apud sanctam Pudencianam.* Fuit hic Pastor frater sancti Pii Papæ, alio nomine Hermes dictus, quem primum præfecit isti Titulo; qui Pastoris propterea Titulus dictus est: uti Titulus Equitii, Pammachii, Julii, a Fundatoribus; item a Fundatricibus Eudoxiæ, Fasciolæ, Vestinæ. hinc antiquitus Ecclesiæ vocati fuere Tituli, & qui eis Presbyteri ascribebantur, inde Nomen Titulumque recipiebant; in qua significatione & hodie dicitur quemquam ad Titulum sive Beneficii sive Patrimonii ordinari, hoc est ad redditus qui ex benefi-

cio, vel patrimonio percipiuntur in sustentationem ordinandi. Titulus item Ecclesie hinc dicitur, quod in loco, ubi Templum esset erigendum, Crux poneretur in Titulum ad exemplum Jacobi, Genesis 28. qui crexit lapidem in Titulum.

TITULARIS vide in voce *Patronus*.

THEOTOCOS. a Cœlestino Papa damnatus est Nestorius, & D. Virgo Θεοτόκος id est Deipara dicta; qui illam dicebat tantum Christotocon. Nota quod Θεοτόκος accentu in penultima sit *Deum pariens*, Θεότοκος accentu in antepenultima ex *Deo natus*.

THYINA ligna sunt boni odoris. Θύα Thya arbor odorifera, vulgo Cedrus dicta.

THRENUS, latine lamentatio, θρηνέω lamentor. Threni compositi sunt ab Hieremia Propheta. *Threnodia* lamentabilis cantus, ᾠδή cantus.

THRICHINAS secunda brevi, genit. Trichinatis, sicut Malinas Malinatis, Martyrologium 20. Aprilis: sanctus Theodorus cognomento Trichinas, ab aspera cilicii veste qua tegebatur, τριχίνος σάκος, pilosus saccus, sive cilicium (quod

( quod a Cilicibus dicitur, qui illud primo texuerunt ) *ῥαίξ*, genit. *ραίξος* pilus.

TRACTUS a trahendo, eo quod in gemitibus vitam trahamus ob lapsum primi parentis Adami; de quo in Officio Septuagesimæ legi incipit, & Tractus in Missa ante Evangelium cani incipiunt: atque in luctu funebri Tractus adhibetur, uti Flandrice dicimus *den sleyp*, *ofte treyn vanden Rouvv*.

TRISAGION, latine ter sanctum; ita vocatur canticum, *Sanctus, Sanctus, Sanctus, Dominus Deus Sabaoth* in Missa cani institutum a Xysto Primo.

TRISTEGA, stega est proprie tabulatum navis in quo nautæ ambulant. Plautus in Bacchid. *Forse ut affedi in stega*. in Arca Noe erant tria talia tabulata, quæ tristega vocantur.

TROCHLEA a trocho denominata, quæ fune in altum subducto, & subito demisso vertitur celerissime instar trochi; uti modo fit supplicium quod dicitur *Stropelacorde*.

TOBALEA est mappa altaris, sindonem figurans, quo Christi corpus in monumento fuit involutum. Vox Tobalea videtur Teuto-



nica, dicta *dyvæle*, quæ venit a *dyvælen*, quod est errare: quia lin-  
teum amplum est, quod quasi per  
totum Altare errat.

TORNEAMENTA fland. *Tornoy-  
spelen*. Alexander III. vetuit detesta-  
biles Nundinas, quas vulgo Tor-  
neamenta vocant, in quibus mili-  
tes ex conditio convenire solent,  
& temere congregari; unde cædes  
hominum & animarum sæpe pro-  
veniunt. Incæpta autem fuerant  
hæc Torneamenta in Germania  
circa annum 938.

TOGA dicitur quasi tega, quod  
totum hominem tegat: est vestis  
virilis; uti *Tunica* muliebris, quæ  
a tuendo dicitur, quod fœminam  
tueatur, quæ vestis ad imos de-  
fluit usque pedes.

TUNICELLA vocatur vestis Sub-  
diaconi, uti *Dalmatica* Diaconi;  
quarum non est usus in Adventu,  
nisi Dominica *Gaudete*, & in Qua-  
dragesima; Dominica *Latere*: quæ  
Dominicæ denominatæ sunt a pri-  
mo verbo Introitus Missæ; in qui-  
bus tantum organa pulsan-  
tur, reliquo tempore Adventus, & Quadra-  
gesimæ non item: sed diebus feriali-  
bus canitur in albis Epistola &  
Evangelium, reliquis diebus Do-  
minicis cum casulis minoribus  
ab

ab anteriori parte, ad distinctionem sacerdotis celebrantis, semiplicatis.

TORCULAR quamvis ab omnibus fere secunda producta pronuntietur, tamen corripiendam esse indicat versus: *Non bene Torcular, sed dicere Torcular aude.* nam a torqueo fit torculum, & torcular, sicut speculum, & specular, non specular, a speculor.

TYPUS, latine figura, uti cum dicimus quod Jonas in ventre Ceti fuerit typus Christi in sepulchro.

TYPHUS, latine fumus, a τυφους superbio, quasi fumus elevor. Gregorius ait in Lect. 2. Noctur. Dominica tertia post Pentecosten: *Aliud est quod agitur typho superbiæ, aliud zelo discipline.* uti vetus editio habet; in nova positum est Typho, sed perperam. Galli dicunt: *Il a la fumée dedans sa teste.* a Typho nomen habet Typhæus, sive Typhon Gigas: qui, ut fabulantur Poetæ, typho superbiæ inflatus, Jovem Cœli possessione dejicere conatus, ab eo fulmine ictus interiit.

## V

**V**ESPERÆ dicuntur a Sidere quod Vesper nominatur, quodque decedente sole oritur. Lucernarium (officium nempe) ab Hieronymo, & Lucernaris Hora a Cassiano vocatur; quod cum tenebræ ingruerent, & lucernæ accenderentur, preces istæ vespertinæ persolvi solerent: etiam vocabatur duodecima hora, quæ erat ultima diei. Judæi incipiebant diem vespere, secundum illud Genesis 1. *Et factum est vespere, & mane dies tertius.* non dicitur mane, & vespere; quod Ecclesia Catholica adhuc imitatur, incipiendo dies festos a primis vesperis. dicitur vesper, ablativo vespere, vel vesperi; item vespere, vespera & vesperum, vespertinum, & vespereum. Vespere quoque uti mane substantivaliter sumitur: Hymn. *Largire clarum vespere, & mane illud ultimum, quod præstolamur æterni.* Vesperæ in Quadragesima dicuntur ante refectiorem, eo quod antiqui tantum semel in diebus jejunii comedebant, idque post Vesperas, quæ seriis ingruentibus tenebris dicebantur: quia nunc, propter fragilitatem humanam, tam

tam diu non jejunatur, Vesperæ in hujus rei memoriam præmittuntur refectiõni. *Vesperæ Siculae* unde dictæ sint, vide Notitiã in Martino IV.

VERSUS a vertendo dicitur: unde Versum cantantes se versus Altare vertunt; ut, si forte mens nostrã evagata fuerit, dum Versum audimus, ad Deum excitemur: hinc finitis Psalmis Nocturnorum, ante Lectiones dicuntur; ut si ex sessione inter canendum pigri facti simus, excitemur, & ad Deum per Versum corpore & animo convertamur. Versus a Græcis *τρόποι* & a Durando Tropi vocantur, *τρέπειν* vertere, canuntur versiculi ab Infantibus Chori, ut per illorum tenuem & distinctam in communi cantu vocem, melius ad conversionem excitemur.

VIGILIÆ. vide notas Baronii ad Martyrologium in Vigilia Epiphaniæ, & S. Laurentii; ubi inter alia ex Ambrosio hæc affert: *Jejunavimus sabbato, vigiliis celebravimus, orationibus pernoctantes instituimus &c.* cur autem retento solo nomine, sublatae sint ipsæ vigiliæ, servatis jejuniis, accipe ex sancto Augustino: *Isium tam sanctum locum, ubi jacet sancti Martyris corpus, in-*

*vaserat pestilentia & petulantia, per totam noctem cantabantur nefaria, & a cantantibus saltabatur &c. vide in voce Nocturnus. Vigiliæ Clericorum fiebant singulis noctibus; quando faciebant Officium Nocturnum; Laicorum vero noctibus ante Festa sollemnia; quando ipsi ad Ecclesiam etiam de nocte conveniebant, & pridie jejunaverant, sicut fit nunc in nocte Nativitatis Domini. Vigiliæ item vocatur Officium Defunctorum, quod pro defunctis in Christo dormientibus a vivis vigilantibus lugubri voce decantatur: & circa cadaver, quamdiu non est humatum, in cubili lumen & vigilias adhibere solemus: quod flandrice dicimus *Den dooden vvaecken*.*

**VVITTEN-DONDERDAGH** ita vocatur apud nos Flandros Feria Quinta Cœnæ Domini: eo quod illo die, cum hætenus a Septuagesima in Officio de tempore adhibitus fuerit color tristis violaceus, & jam ob institutionem SS. Sacramenti omnia niteant; color latus candidus adhibeatur. Locus in quo hodie usque in crastinum reponitur Christi Corpus, abusive a vulgo sacrum sepulchrum appellatur, & non bene pannis nigris adornatur.

natur: quia Christus nondum mortuus repræsentatur; sed quasi thronus ipsi erigitur, in quo tota sequenti nocte a Christianis adoratur & honoratur, quando a Judæis maximis opprobriis est affectus: sequenti autem feria sexta cum mortuus repræsentatur, color niger rite adhibetur.

X

**X**ENODOCHIUM (δοχῆον receptaculum, ξένος hospes) latine hospitum receptaculum: sic *Ergodoehium*, flandrice *Verck-huys*, ἔργον opus: *Nosocomium* ubi ægri curantur, νόσος morbus. *Gerontocomium* ubi senes impotentes sustentantur, γέρον senex, καμίζω curo.

**XENIA** sunt munera quæ dantur hospitibus, qui qualitate nobis sunt similes: *Exenia* quæ dantur potioribus; Flandri vocant *Vereeringhen*, qualia magnorum Principum Legatis offeruntur.

Z

**Z**ETARIUS. Zeta, cujus diminutivum est Zetula, locus est ubi commode vivitur, si ve habitatur, a græco ζῆν, ita 26. Mar-



Martii Martyrologium de sancto Castulo: *Qui cum esset Zetarius Palatii, & Hospes Sanctorum*, id est, uti ordinarie dicitur, *Fourier*, latine designator Hospitiorum. *Diæta* est idem fere quod *Zeta*, nisi quod *Diæta* ad refectionem, *Zeta* ad habitationem referatur. *Diæta* venit a *διατροφή*, quod est victus ratione utor: hinc tenere bonam *Diætā*; & *Medicina Diætica*, quæ victus ratione curat morbos. *Diæta* barbare ponitur pro itinere unius diei: nisi forte sine diphthongo scribatur; ut *Dieta* a die dicatur; sed apud bonos Auctores non reperitur.

**F I N I S.**

**IN.**

# I N D E X

## R E R U M.

### A

**A** Bagaro Regi Imago Christi  
missa. 149

Adventus tempus a quo institutum. 1.

Aeram Christianam adhibendi ini-  
tium. 92.

Aere alieno gravati non ordinandi.  
64.

Affinitas spiritualis Patrinoꝝ. 98

Agnus Dei, *ejusq;* virtutes. 235

Alberonius Julius Cardinalis. 298

Angelica Salutatio ter in die. 228.  
254.

Angolorum tria tantum nomina usur-  
panda, Michaelis, Gabrielis, &  
Raphaelis. 115

Anglorum ad fidem conversio. 19.  
Defectio. 264.

Annatarum Initium. 240.

Annus Jubilei. 381. 514

Annus correctus. 275

Antipapa. 385

Apparitio S. Michaelis Archangeli.  
74.

Aqua Benedicta. 12.

Ariminensis Conventus. 54

Arme-

*Armeni Romana Ecclesiæ subjecti.*

189

*Ars Typographica.* 258

*Auditores Rotæ.* 229. 233. 580

*Augustinus Stefani Episcopus Cyzicenus, vulgo Spigacensis, Vicarius Apostolicus.* 297

*Aureum Pomum cruce decoratum Romani Imperii Insigne.* 163

*Austriacus Primus Imperator.* 211

*Autographum Euangelium S. Matthæi inventum.* 73. emptum. 251

B

**B**aptismus solemnis in Paschate, & Pentecoste collatus. 22.

59. Vales etiamse verba male prolata sint. 115

*Barbadicus Gregorius Cardinalis Episcopus Patavinus titulo Venerabilis insignitus.* 298

*Benedictinæ Congregationes Præcipuæ.* 181

*Benedictio solemnis Fontis baptismalis.* 22

*Benedictio Aquæ. 12. Frugum.* 7. 40. Contra Locustas. 137

*Benedictus IX. decennis electus Papa.* 165

*Beneficiorum Ecclesiasticorum origo.* 76. Beneficia Ecclesiastica quibus, & quomodo conferenda. 193

*Berengarius resipiscens.* 174

Bi-

# I N D E X

Biblia Vulgata.	276
Bigami Irregulares.	59.91
Breviarium Romanum emendatum.	
91. 274. In ordinem digestum.	
176.283	

## C

<b>C</b> alendarium Reformatum.	275
Calices primum lignei, mox vitrei, tandem metallici.	24. 26
Camera quid.	70.451
Campanarum Usus in Ecclesia.	93.
Benedictio, & Nominatio.	152
Candelabra in Altari.	46.
Candelabrum magnum ante Chorum.	
121	
Canonizatio Sanctorum solemnisi- mi.	122. 165. soli Papa re- servata. 192. 380
Cantus Psalmorum in Ecclesia.	28.
Cantus Gregorianus.	91. cum orga- nis. 103. 106
Cardinales Canonici Compostellani.	
180. 183	
Cardinalis qui se ipse Papam crea- vit.	245
Cardinalium S. R. E. Tituli.	10.
solis Cardinalibus Papa Electio re- servata.	173. Cardinales in Con- clavi claudendi initium. 201. 212.
Cardinalium ruber Galerius.	204.
278. Rubra vestis.	222. 256.
Car-	

# R E R U M .

Cardinales vocabulo Eminentissimi decorati .	283
Cathedra Episcopalis qualis .	27
Cautiones in scrinio facere quid .	112
Cereus Paschalis .	63
Cibus nullus superstitiose rejiciendus .	20. 83
Chorepiscopus .	58. 490
Claudi irregulares .	114
Clerus in Gradus distinctus .	15
Clericus sine sui Episcopi consensu non ordinandus . 62. Comam alere non debet . 9. 17. Clericorum Coronæ in capite rasa . 17. Clerico publice causam agere vetitum . 52. item jurare . 34. atq. tabernas subire . 62. Clericus illiteratus non initiandus . 70. Clericorum domicilia prope Ecclesias . 170. Clericorum fornicantium pœna . 176. Clericum percutiens excommunicatus . 185. Clericis bona possidere licet . 188. Clericorum degradatio .	222
Cælestinus V. pontificatu se abdicat .	219
Cemeteriorum divisio .	38
Communio ab omnibus in Cœna Domini sumenda 19. 24. olim sub utraque specie . 38. ab Hæreticis non accipienda . 178. Galliarum Regi sub utraque specie concessa .	227
Concilium OEcumenicum .	336
Con-	

Confessor olim idem ac Martyr. 21.

46

Confirmatio per manus Episcopi conferenda. 27. 44.

Consecratio primæ Ecclesiæ. 16. Consecratio sollemnis Ecclesiæ & Altarium. 47. Octava Consecrationis Ecclesiæ celebranda. 79.

Consecratio Papæ a quo. 49. 107.

Consecratio, & Velatio Monialium. 16.

Constantinopolis a Turcis capta. 252.

Continentia sacris Ordinibus annexa. 25. 34. 51.

Controversia de Gratia, & Libero Arbitrio sopita. 243.

Coronatio prima Imperatoris per Pontificem. 78. ultima. 267.

Corporalia ex lino conficienda. 13. 44. 48.

Corpore mancus non ordinandus. 60. est irregularis. 73.

Corpus Christi sine sanguine non consecrandum. 74.

Correctio Hymnorum & Psalmorum. 283.

Chrisma quotannis in Cæna Domini renovandum. 31. conficiendum a solo Episcopo. 47. in singulas Paræcias dividendum. 102.

Cruciata. 178. 188. 217.

Crucis & Sanctorum Imagines in Templis, in domibus, in viis. 120. luminibus.



# I N D E X

nibus & cultu honoranda .	120
Crucis signum in Sacramentis adhibendum .	124
Crucis Christi inventio . 44. Exaltatio . 99. Adoratio .	110
Crux ante Papam gestanda .	128
Cubicularii .	70
Cupula S. Petri Romæ absoluta .	277

## D

<b>D</b> Almatica cur lata .	31
Decora , & Nomina Principibus a Papis tributa .	378
Defunctorum memoria in Missa . 13. 85. Defunctorum sodalitium institutum . 154. Defunctorum omnium Fidelium commemoratio .	157.239
Diaconi Pauperum Curatores .	30
Diacesum divisio .	38
Dies Cinerum initium Quadragesimæ .	90
Differentia in Nomine , & Numero Pontificum .	394
Dignitates Ecclesiastica a Laicis non conferendæ .	176
Dimissoriales Litteræ .	60
Dominus Vobiscum cur a Sacerdotibus dicatur .	6

## E

<b>E</b> cclesia Romana Primatus .	44
Ecclesia cur ita vocata . 5. Ecclesia	8

# R E R U M.

- ſua fundi & redditus.* 27. *Eccleſia*  
*Hæres ſcripta.* 43. *Eccleſia Prima*  
*conſecratio.* 16. *Eccleſia ab Epifco-*  
*po tantum conſecranda.* 72. *Eccle-*  
*ſia & Altarium conſecratio ſole-*  
*mnis.* 47. *Eccleſia immunitas.* 98.  
*Eccleſia ſæcula infelicia.* 139. 159.  
169. *Eccleſia Perſecutiones.* 334  
*Eccleſiaſtica Beneficia quibus & quo-*  
*modo conferenda.* 193  
*Eccleſiaſtica dignitates a Laicis non con-*  
*ferendæ.* 176  
*Electores S. R. Imperii.* 158. 205  
*Epilepticis, eſſi convaleſcant, celebrare*  
*non licet.* 174  
*Episcopalis menſa.* 45. & *Cathedra.*  
27  
*Episcopatus Novi in Belgio erecti.* 272  
*Episcopium, & Patriarchium non ex-*  
*poliandum.* 141  
*Episcopi Græci omnes Palliati.* 147  
*Episcopi Papienſis Privilegia.* 145  
*Episcopus tribus aliis Episcopis conſe-*  
*crandus.* 8. *Concionetur coram ſe-*  
*ptem Diaconis.* 10. *Sacrificet coram*  
*Sacerdotibus.* 25. *cur dicat Pax vo-*  
*bis.* 6. *a ſolo Papa condemnandus.*  
25. *non transferendus ad aliam Ec-*  
*cleſiam niſi ob utilitatem publicam.*  
29. *habeat carceres pro clericorum*  
*delictis.* 103. *non eligendus niſi tri-*  
*ginta annos natus.* 193  
*Episcopus Auguſtinus Stefani Vicarius*  
*Apo.*

- Apostolicus.* 297  
*Eremitæ S. Augustini ex Eremito in ur-*  
*bes vocati.* 206  
*ad Euangelium standum ab omnibus.*  
 60  
*Euangelii D. Matthæi autographi in-*  
*ventio.* 73. *emptio.* 251  
*Eucharistia in Ecclesiis servanda.* 199.  
*deferenda ad Aegrotos cum lumine*  
*& campanula.* 199. *non sumenda*  
*ab Hereticis.* 178  
*Eugenii Papæ IV. Epitaphium.* 249  
*Excommunicatio in Cæna Domini.* 222

## F

- F** *Abula Joannæ Papissæ.* 128. *unde*  
*ortum habet.* 133  
*Feria quid.* 48  
*Feria quarta Cinerum privilegiata.*  
 232  
*Famini Monasteria ingredi vetitum.* 91  
*Festivitas Feriæ quintæ sublata.* 82.  
 112  
*Festum S. Petri ad Vincula.* 67. *O-*  
*nium Sanctorum.* 69. 126. *SS. Cor-*  
*poris Christi.* 208. *Transfiguratio-*  
*nis Dominicæ.* 254. *SS. Trinitatis.*  
 229. *Purificationis.* 109. 237. *Nativi-*  
*tatis.* 204. *Visitationis.* 239. 241.  
*Conceptionis.* 258. 285. 296. *Præ-*  
*sensationis.* 258. 277. *Assumptio-*  
*nis B. Mariæ Virginis.* 58. 128. *Ad*  
*Ni-*

# R E R U M.

<i>Nives.</i>	53
<i>Flavius Blondus Historicus.</i>	255
<i>Fons Baptismalis.</i>	23
<i>Formosi Papæ cadaver exhumatum in-</i> <i>humaniter, &amp; degradatum.</i>	139. ab-
<i>solutum.</i>	140. 143
<i>Formula, Salutem &amp; Apostolicam</i> <i>Benedictionem.</i>	5

## G

<b>G</b> <i>enerale Concilium.</i>	336
<i>Gloria Patri &amp;c. in fine Psal-</i> <i>morum.</i>	58
<i>Gradus Ordinum.</i>	42
<i>Græcorum cum Latinis unio subdola.</i>	249
<i>Gregorius Barbadicus Card. Episcopus</i> <i>Patavinus Venerabilis titulo insi-</i> <i>gnitus.</i>	298
<i>Guelphi, &amp; Gibellini.</i>	203. 501

## H

<b>H</b> <i>ebdomada duplicis Ferie quin-</i> <i>te.</i>	231
<i>Hebdomadæ dies quare Ferie vocati.</i>	48
<i>Hæreticus sæculari potestate coercendus.</i>	85
<i>Hierosolyma Infidelibus erepta.</i>	179.
<i>amissa.</i>	196
<i>Hispanica Inquisitio.</i>	261
<i>Homicida Irregularis.</i>	132
<i>Flora-</i>	

<i>Florarum Canonicarum Capitula.</i>	84.
<i>Ordinatio.</i>	176
<i>Hore Canonice quotidie persolvendæ ab Ecclesiasticis.</i>	85. sub pena peccati.
<i>88. inchoandæ a V. Deus in adiutorium &amp;c.</i>	39
<i>Hospitalarii Equites.</i>	181
<i>Hostia pridie consecrata servanda in diem Parasceves.</i>	61
<i>Hugonotti e Gallia ejecti.</i>	290
<i>Hymnus Angelicus in Missa.</i>	14.
<i>quando omittendus.</i>	170
<i>Hymnorum, &amp; Psalmorum correctio.</i>	283

I

<b>J</b> <i>acobus II. Angliæ Rex regno profugus.</i>	291
<i>Jejunium vetitum die Dominica, &amp; olim feria quinta.</i>	46. servandum
<i>olim die sabbati.</i>	61
<i>Imagines Sanctorum pictæ.</i>	111. in
<i>templis, in domibus, &amp; in viis ponendæ, &amp; honorandæ.</i>	120. Non
<i>nisi sanctorum in Ecclesiis collocandæ.</i>	283
<i>Imago Christi Abagaro Regi missa.</i>	149
<i>Immunitas Ecclesiastica.</i>	98
<i>Imperator equi Pontificii frænum agens.</i>	130. Imperatoris non est syn-
<i>odum convocare, Pontificemque mu-</i>	
<i>sare.</i>	151. Imperator Papæ Strator,
<i>&amp; Dia-</i>	

Or Diaconus .	236.	est Advocatus ,
Or Defensor Ecclesie .	163.	Impera-
sorum Primus per Papam coronatus .		
78.	ultimus .	267.
Ex Austriacia		
Imperatoribus Primus qui .	212	
Imperatores a Papis decore aliquo in-		
signiti .	378.	
Imperii Romani a Græcis ad Latinos		
translatio .	117.	Imperii Romani E-
lectores .	158.	205.
Imperii Romani		
insigne Pomum Aureum Cruce de-		
coratum .	163.	
Incensatio oblatorum .	68	
Index Librorum Prohibitorum .	270	
Indulgentia Germanis post grates Deo		
in mensa actas bibentibus concessa .		
200.	Item Belgis .	201.
Indulgentia		
SS. JESU Nomen colentibus imper-		
sita .	229.	Nec non salutationem
Angelicam in horarum pulsatione		
recitantibus .	264	
Inquisitio Hispanica .	261	
Inquisitionis Sacra Tribunal .	270	
Interstitia Ordinum .	48. 59	
Inventio S. Crucis .	44	
Joanne Papissæ Fabula .	128.	unde
orta .	133	
Irregularis Bigamus .	50. 01.	Claudus .
114.	Corpore mancus .	73.
Homici-		
da .	132	
Jubileum .	381. 514	
Julius Alberonius Cardinalis .	298	



L

- L** Aici Presbyterio, seu choro exclu-  
si. 128  
Lampader, & lumina in Ecclesia. 93  
Lancea, & Tituli S. Crucis Inventio. 260  
Leo Papa III. plures eodem die missas celebrat. 123  
Librorum prohibitorum Index. 270  
Litania seu Rogationes. 7. 91. 522  
Litania Sanctorum tantum, & B. Maria Virginis Lauretana in Ecclesia canende. 280  
Literæ Dimissoriales. 60  
Literæ Pontificiæ olim cera, nunc plumbo signatæ. 121  
Litibus & Conjugiis diebus Quadragesimæ, & jejunii abstinendum. 54  
Lumina in Ecclesia. 93  
Lutheri Libri Romæ combusti. 263

M

- M** Malachie Prophetia de futuris Pontificibus. 188  
Manipulus in Loricis. 48  
MARIA Virgo Deipara dicenda. 65  
Vide Festum.  
Martyrum Reliquiæ sub Altaribus posita. 39. Martyrum sepeliendi mos. 41. 43.

Mar-

*Martyr idem olim ac Confessor.* 21.

46

*Matrimonium quomodo celebrandum.*

10. 19. *Inter consanguineos vetitum.*

26. 31.

*Mensa Episcopalis quæ.* 41

*Missæ a D. Petro prima celebrata.* 1.

*Triplex in Nativitate Domini.* 14.

*in aliis diebus unica tantum dicen-*  
*da.* 175. 199. *A jejuno celebra-*

*da, nec imperfecta relinquenda.* 18.

*olim semper cum cantu.* 63. *solum*

*in locis sacris peragenda.* 78. *pri-*

*mis temporibus Ecclesiæ unica tan-*

*tum singulis diebus celebrabatur.*

11. 98. *detecto capite celebranda.*

114

*Missæ Partes. Oratio Dominica.* 2.

*Canon.* 7. *Dominus vobiscum.* 5. 9.

*Orate Fratres.* 9. 68. *Epistola,*

*Evangelium, Qui pridie, Unde &*

*memores.* 11. *Sanctus.* 13. *Memoria*

*Defunctorum.* 13. *Gloria in Ex-*

*celsis.* 14. *Confiteor.* 28. *Offerto-*

*rium.* 40. 65. *Symbolum.* 51. *Com-*

*municantes.* 58. *Pax Domini, &*

*osculum Pacis.* 61. 106. *Judica,*

*Introitus, Graduale, Offertorium,*

*Tractus, Communio.* 65. *Incensatio*

*Oblatorum, Hanc igitur, Sanctum*

*Sacrificium, Benedicamus Domino,*

*Ite missa est.* 68. *Prefationes.* 74.

*Kyrie eleison.* 89. *Libera nos.* 90.

D d 2

A

<i>Agnus Dei .</i>	109.
<i>Pulsanda campanula ad elevationem Hostiæ .</i>	202.
<i>Euangelium S. Joannis in fine .</i>	274.
<i>Præparatio ad Missam .</i>	66.
<i>Vestes Sacre .</i>	7.37.
<i>Lumina .</i>	93
<i>Missæ XXX. S. Gregorii Magni pro Defunctis .</i>	90
<i>Missalis Romani emendatio .</i>	274
<i>Mitra Pontificia .</i>	48.221.234.256.578
<i>Modus olim eligendi summum Pontificem .</i>	32. nunc. 173.193.201.202
<i>Monachi ad sacros ordines admissi .</i>	59
<i>Monialium Consecratio , &amp; Velatio .</i>	16
<i>Montes Pietatis .</i>	272
<i>Mulieribus nisi velatis ingressus Ecclesiæ interdictus .</i>	3

N

<b>N</b> <i>Epotismi Constitutio .</i>	293
<i>Nomina , &amp; decora Principibus a Papis tributa .</i>	378
<i>Nominis in Pontificibus mutatio a quo primum ceperit .</i>	127. 136. 162.399
<i>Notarii Primi .</i>	6
<i>Novi orbis detectio .</i>	259.260

O

<b>O</b> <i>Blationes Fidelium trifariam dividenda .</i>	71
<i>Oecumenici Nomen soli Papæ convenis .</i>	

- nit. 87. 94  
*Oecumenicum Concilium. Vid. Conci-*  
*lium.*  
*Offertorium Missæ.* 40  
*Officium B. MARIÆ Virginis prius*  
*injunctum Monachis.* 173. *postea*  
*Clericis.* 179  
*Oratio Dominica missæ inserta.* 2. *Oratio*  
*publica melior quam privata.*  
 62. *Oratio A cunctis.* 199  
*Ordinatio cur olim tantum sabbato,*  
*& mense Decembri.* 72. 73. *Vali-*  
*da etiam ab Episcopo suspenso.* 75.  
*irrita per saltum.* 119  
*Ordines sacri quomodo conferendi.* 8.  
*quibus.* 25. 60. *non omnes simul.*  
 59. *Ordinibus sacris continentia in-*  
*juncta.* 25. 34. *Ordinum Gradus.*  
 42. *Interstitia, & exercitia.* 48  
*Ordo Equitum Christi.* 228  
*Organa in Ecclesia.* 103  
*Origo Beneficiorum Ecclesiasticorum.*  
 76  
*Oscitantes cur signo se Crucis muniant.*  
 92  
*Osculatio Pedum Papæ.* 111  
*Osculum Pacis.* 61. *dandum Populo in*  
*missa.* 106  
*Ostiensis Episcopus olim Papæ Conse-*  
*crator.* 50. 107

- P** *Alla Linostima.* 48. 521  
*Pallii Pontificalis inventor . 4.*  
*dignitas . 49. cur ex Lana . 50. ubi,*  
*& a quibus conficiatur . 50*  
*Panis , cum cecidit , cur osculandus .*  
*18. Panis benedicti erogatio in Ec-*  
*clesia . 46*  
*Pantheon primum Idolorum Templum*  
*Deo consecratum . 96. 126*  
*Papalis Mitra simplici corona . 48. du-*  
*plici . 221. triplici . 234. gemmis*  
*pretiosissimis ornata . 256*  
*Papiensis Episcopi privilegia . 145*  
*Parasceves die adhibenda Hostia pridie*  
*consecrata . 61*  
*Paraciarum divisio . 34*  
*Parvuli baptizandi . 61*  
*Pascha quo die celebrandum . I. 16. 23*  
*Patrini . 15. 98*  
*Pax Vobis cur dicatur ab Episcopis .*  
*6. Pax Domini , & Pacis osculum*  
*in missa . 61. 106. Pacis Tabella .*  
*62. Pax inter Sacerdotium , & Im-*  
*perium . 182*  
*Penitentiae , & Eucharistiae Sacramen-*  
*ta ab Haereticis non sumenda . 178*  
*Persecutiones Ecclesiae . 334*  
*Petrarcha . 134*  
*Philippus V. se Hispaniae regno abdi-*  
*cavit . 298*

- Polonorum Tonsura.* 164.  
*Polluta ab Hæreticis expianda.* 82.  
*Pontifex universalis Ecclesiæ Episcopus.*  
     13. quomodo olim eligeretur. 32.  
     *Pontificis Adoratio.* 78. *Pedum osculatio.* 111. *Gestatio.* 116. *Pontifex primus Alpes transiens.* 116.  
     *Ante Pontificem crucis delatio.* 128.  
     *Pontifex a Sacerdotibus sepeliendus.* 130. *In quæstione facti, non autem juris, errare potest.* 143. *A solis Cardinalibus eligendus.* 173. *ita ut duæ saltem tertiæ Cardinalium congregatorum partes conveniant.* 193.  
     *Pontifex Romanus solus Oecumenicus.* 87. 94. & *Papa vocandus.* 177.  
*Pontifices quatuor eodem tempore Romæ sedentes.* 167. *Pontifices ab Ecclesia pro sanctis habiti.* 333. *in Persecutionibus sublati.* 334. *sub quibus Concilia Generalia habita.* 336.  
*Ex Religiosis Ordinibus assumpti.* 340. *Qui & quot ex variis Nationibus.* 345. *Optimæ præ reliquis notæ.* 347. *Inviti, atque renitentes electi.* 349. *Qui consanguineos non respexerunt.* 352. *Nobiliori ortu prosapia.* 354. *Tenui nati parentela.* 356. *Notæ non ita bonæ.* 359. *Minus literati.* 362. *Juvenes ad pontificatum assumpti.* 363. *Qui aliquot vixerunt dies.* 364. *Qui aliquot menses.* 365. *Qui plures præ*



# I N D E X

cæteris annos. 369. Qui et pontificatus anno sunt mortui, quem nomine præferebant. 367. Qui Imperatores coronarunt. 371. decusque aliquod Principibus tribuerunt. 378. Qui primum Sanctos canonizarunt. 380. Qui annum Jubilæum celebrarunt. 381. Avenione in Gallia residentes. 384. Pseudopontifices. 385. Diurnæ sedis Pontificiæ Vacationes. 388. Qui non ex Cardinalibus electi. 392. Differentia in nomine, & numero Pontificum. 394. Qui primum nomen mutarint. 399. Ante Papatum legitime uxorati. 401. Pontificum Nepotes ad Papatum assumpti. 402. Musici, Medici, Spuri, & Fratres sibi in Pontificatu succedentes. 404. Omnes hætenus Pontifices versibus technicis descripti. 406	
Pontificatus annos in Bullis numerandi initium.	18
Pontificiæ literæ prius cerâ, nunc plumbo signatæ.	121
Pontificii equi frænum Imperator agens.	130
Populus in Ecclesiâ lustrali aqua benedicendus.	106
Præcedentia Legati Galli præ Hispano.	273
Præparatio ad Missam.	66
Presbyteri cur sic dicti.	3
Pres-	

R R R U M.

<i>Presbyterio amoti Laici.</i>	118
<i>Primatus Romanæ Ecclesiæ.</i>	44. 80
<i>Principes a Papis decore aliquo insigniti.</i>	373
<i>Probatio per ferrum candens explosa.</i>	137
<i>Processiones.</i>	91. 104
<i>Prophetia de futuris Pontificibus.</i>	188
<i>Protonotarii Apostolici Participantes.</i>	6. 572
<i>Psalmodum in Ecclesiâ cantus.</i>	28
<i>Psalmi Pœnitentiales in Quadregesima.</i>	199
<i>Pseudopontifices.</i>	385
<i>Puer quinquennis electus Archiepiscopus Rhemensis.</i>	146. decennis Papa. 165

Q

<b>Q</b> <i>uadragesima</i>	1. 575.
<i>Quadragesima &amp; Jejunii diebus a litibus, &amp; conjugiiis abstinendum.</i>	54.
<i>Quadragesimæ initium dies Cinerum.</i>	90.
<i>privilegiatum.</i>	232.
<i>Quadragesimale jejunium non interrompendum.</i>	90. 112.
<i>In quadragesima Psalmi Pœnitentiales recitandi.</i>	199
<i>Quatuor anni Tempora.</i>	26
<i>Quesnellianæ Propositiones proscriptæ.</i>	296
<i>Quietismus proscriptus.</i>	291. 292

Red

# I N D E X

## R

- R** Edditus Ecclesiæ quomodo dispensandi. 27
- Reges a Papis decore aliquo insigniti. 378
- Regina Cœli Antiph. 92
- Reliquiæ SS. Martyrum Altaribus incluse. 39. non movendæ temere. 88.
- a quibus tangendæ. 98. Earum contactus saluber. 152
- Res sacras vendere simoniacum. 62. 85
- Rogationes sive Litaniæ. 71. 91
- Romanæ Ecclesiæ Primatus. 44. 80
- Romanum Imperium a Grecis ad Latinos translatum. 117
- Rosa Aurea. 235

## S

- S** Abbati Jejunium olim. 61. Sabbatum culini B. MARIÆ Virginis sacrum. 61. 179
- Sacerdotes cur Presbyteri appellati. 5. Honorandi. 28. 31. quam ætatem habere olim debebant. 31. Tutiores esse non possunt. 36. possunt exercere inferiorum ordinum officia. 77
- Sacramenta signo crucis administranda. 124
- Sal-

Salve Regina <i>Antiph.</i>	92
Salutatio <i>Angelica ante concionem.</i>	
179. <i>ter in die recitanda.</i>	228. 254
Salutem, & Apostolicam Benedi- ctionem, <i>Formula.</i>	5
Sancta Maria Mater Dei &c. <i>adjecta</i> <i>Salutationi Angelica.</i>	65
Sanctiones Pontificum tamquam ipſus <i>S. Petri.</i>	205
Sanctorum Imagines <i>picte. III. San-</i> <i>ctorum Canonizatio solemnis prima.</i>	
122. 165. <i>Sanctorum tantum Ima-</i> <i>gines in locis sacris ponenda.</i>	283
Schismata.	385
S. Sebastianus <i>tutelar</i> is contra Pestem.	105
Sedes Episcopi <i>qualis.</i>	27
Sedes Prima a nemine <i>judicatur.</i>	43
Sedes Stercoraria.	134
Sedis Apostolicæ <i>dinturnissima Vaca-</i> <i>tio. 210. Vacationes ejusdem dintur-</i> <i>niores.</i>	388
Sedis Romanæ <i>Avenionem translatio.</i>	
225. <i>Romam reductio.</i>	137
Servi non ordinandi.	62
Servus Servorum Dei, <i>Titulus Pon-</i> <i>tificis.</i>	92
Simonia crimen in <i>Sp. Sanctum.</i>	171
Simoniacum <i>sacra vendere.</i>	62. 85
Sponsiones de Pontificis morte, & ele- ctione <i>anathematizata.</i>	279
Spurii non ordinandi.	62
Standum ad <i>Evangelium.</i>	60

<i>Stationes.</i>	91
<i>Stephanus III. primus Alpes transit.</i>	216
<i>Sternutantibus cur fausta precemur.</i>	92
<i>Subdiaconatus continentia inuncta.</i>	91
<i>Successores in Pontificatu non eligendi.</i>	3
<i>Symbolum Nicænum in Missa.</i>	51. 164
<i>S. Athanasii.</i>	52
<i>Synodus non ab Imperatore, sed a Papa indicenda.</i>	151

T

<b>T</b> <i>Abella Pacis.</i>	62
<i>Tabernæ Clericis vetita.</i>	62
<i>Talionis pœna.</i>	57
<i>Templarii Equites, 181. extincti.</i>	226
<i>Tempora Anni.</i>	26
<i>Tempus Clausum quid.</i>	55
<i>Teutonici Equites.</i>	197
<i>Theodorus Papa I. de Christi sanguine Pyrrhum Hereticum proscribit.</i>	101
<i>Tiara, seu Regnum. 578. V. Mura.</i>	
<i>Tituli Ecclesiarum, &amp; Cardinalium.</i>	10. 16
<i>Tonsura Polinorum.</i>	164
<i>Torneamenta vetita.</i>	192
<i>Tintinnabulorum, &amp; Campanarum in Ecclesia usus.</i>	93
<i>Trisagium in Missa. 13. contra Terremo.</i>	

# R E R U M.

*Vermotum.* 68  
*Typographica Arts.* 258

## V

**V**acationes sedis Apostolicae diuturniores. 389  
*Vasa sacra a feminis non tangenda.*  
*13. neq; a monialibus. 18. Metallica esse debent.* 24. 26  
*Vendere sacra Simoniacum.* 62. 85  
*Verba consecrationis in Missa secreto pronuntianda.* 84  
*Vespera Sicula.* 215  
*Vestes Sacrae in Missa.* 7. 37  
*Vicariatus Sedis Romanae Vacantis.* 100  
*Vigilia sublata retento jejunio.* 64  
*Vincula S. Petri.* 67. 152  
*Unctio S. Crismusis in vertice Baptizati.* 47.

## Z

**Z**eno Imperator Constantinopolitanus viri sepulchrum. 73

F I N I S.



# NOI REFORMATORI

Dello Studio di Padoa.

**H**Avendo veduto per la Fede di revisione, & approbatione del P. F. *Ambrosio Lisotti Inquisitore di Padoa* nel Libro Intitolato: *Romomanorum Pontificum brevis notitia et. Auctore Guilielmo Burio Bruxellensi*, con l'aggiunta degli altri Pontefici sino a Benedetto XIII. non v'esser cos' alcuna contro la Santa Fede Cattolica; e parimente per Attestato del Secretario Nostro, niente contro Prencipi, e buoni costumi: concedemo Licenza a Gio. Manfrè Stampatore, che possi esser Stampato, osservando gli ordini in materia di Stampe, e presentando le solite Copie alle pubbliche Librerie di Venetia, e di Padoa.

Dat. 23. Marzo 1724.

(Alvise Pisani K. Proc. Rif.  
(Zan. P<sup>o</sup>. Pasqualigo Rif.

Registrata.

Agostino Gadaldini Segr.

MAG 2011709

